

Est 36
267

831
4148



Est - 86²

1-267



R. 14527
DE NATVRA
NOVI ORBIS
LIBRI DVO,

ET
DE PROMVLGATIONE
EVANGELII, APVD
BARBAROS,

SIVE
DE PROCVRANDA
INDORVM SALVTE
LIBRI SEX.

AVTORE IOSEPHO ACOSTA
presbytero societatis Iesv.



SALMANTICÆ.

Apud Guillelmum Foquel.

M. D. LXXXIX.



DE HARVARD
NOV 10 1891
LIBRARY

ET
DE PROMULGATIONE
EVANGELII ARAB
IN ARABIA

SIVE
DE PROCVAND A
INDORVM SALUTE
LIBERARE

AVTORE IOSEPHO ACOSTA
PROPRIETARIO



SALMANTICA
Apud Guillemum
M. D. LXXXII



O N Philippe por la gracia d
Dios Rey de Castilla , de Leõ
de Aragon, delas dos Sicilias,
de Hierusalem , de Portugal,
de Natiarra, de Granada, de Toledo, de Va
lencia, de Galicia, de Mallorcas, de Seuilla,
de Cerdeña, de Cordoua, de Corcega , de
Murcia, de Iacn, de los Algarues, de Algezi
ra, de Gibraltar, de las Islas de Canaria , de
las Indias Orientales, y Qccidentales, lslas
y tierra firme del mar Oceano , Archidu
que de Austria, Duque de Borgoña, Bra
bante, y Milan, Conde de Anspurg, de Flã
des, Tirol y de Barcelona , Señor de Viz
caya, y de Molina, &c. Por quanto por par
te de vos Ioseph de Acosta, Prouincial de
la compaña de Iesus en las Prouincias del
Peru, nos fue fecha relacion diziendo, que
vos auíades compuesto vn libro intitula
do de Naturã noui orbis , & de procurãda
Indorũ salute ; de q̃ haziades presentaciõ,
y por auer mirado las cosas de aquel reynõ
cõ cūydado entẽdiades ser de mucho, pro
uecho ansi para aquellas partes como pa
ra las demas que se quisiessen aprouechar
del, y nos f=distes y supplicastes vos man
dasse

daſſemos dar licencia para le poder impri
mir o como la nueſtra merced fueſſe : Lo
qual viſto por los del nueſtro conſejo, co
mo por ſu mandado ſe hizo en el dicho li
bro la diligẽcia que la pragmatica por nos
vltimamente fecha, ſobre la impreſſion de
los dichos libros diſpone, fue acordado
q̃ deuiamos de mãdar dar eſta nueſtra car
ta para vos en la dicha razon, e nos tuui
mos lo por bien, por la qual vos damos li
cencia y facultad para que pódays impri
mir, y vender en eſtos nueſtros reynos el
dicho libro, que de ſuſo ſe haze mencion
por el original que en el nueſtro conſejo ſe
vio que van rubricadas las hojas y firmado
al cabo del de Chriſtoual de Leõ, nueſtro
eſcriuano de camara de los que reſiden en
el nueſtro conſejo y con que antes que ſe
véda le traygays ante los del nueſtro con
ſejo juntamente con el original que ante
ellos preſentastes para q̃ ſe vea ſi la dicha
impreſſion eſta conforme al original, o
traygays ſe en publica forma en como por
corrector nõbrado, por nueſtro mãdado
ſe vio y corrigio la dicha impreſſiõ por el
dicho original, y quedã anſi miſmo impres
ſas

fas las erratas por el apuntadas para cada vn libro de los que así fueren impressos y se os tasse el precio que por cada volumen aueys de auer, y llevar, so las penas contenidas en la dicha pragmatica y leyes de nuestros reynos, de lo qual mandamos dar y dimos esta nuestra carta sellada con nuestro sello y librada de los del nuestro Consejo en la villa de Madrid a veynte y dos del mes de Iunio, de mil y quinientos y ochenta y seys años.

*El Conde de
Barçat.*

*El Licenciado don
Lope de Guzman.*

*El Licenciado don
Pedro Portocarrero.*

*El Licenciado
Mardones.*

*El Licenciado
Iuan Gomez.*

Yo Christoual de Leon escriuano de camara de su Magestad la fize escreuir por su mandado con acuerdo de los de su Consejo.

POr quanto por parte de vos Ioseph de Acosta Pròvincial de la cõpañia de Iesus en las prouincias de el Piru nos fue fecha relacion que vos auia des compuesto vn libro intitulado de natura noui orbis, & de procuranda indorũ salute de que hizistes presentacion y porq̃ entẽdiade, seria de mucho prouecho nos pedistes y suplicastes os mandassẽmos dar licencia para poderle imprimir y priuilegio por el tiempo q̃ fuessẽmos seruido para q̃ otra persona alguna no lo pudiesse imprimir sin poder vuestro, o como la nuestra merced fuessẽ. Lo qual visto por los de el nuestro consejo y como por su mandado se hizieron en el dicho libro las diligencias que la pragmatica por nos vitimamente fecha sobre la impressiõ de los dichos libros dispone, fue acordado que deuiamos mãdar dar esta nuestra cedula para vos en la dicha razõ, e nos tuuimoslo por biẽ, por la qual vos damos licencia y facultad para que por tiempo de diez años cumplidos que corran y se cuenten desde el dia de la fecha de ella podays imprimir y vender en estos nuestros reynos el dicho libro q̃ de
suso

fufo se haze menciõ por el original que en
el nuestro cõsejo se vio que vã rubricadas
las hojas y firmada al fin de ellas de Christo
ual de Leõ nuestro escriuano de camara de
los q̃ residẽ en el nuestro cõsejo y con que
antes q̃ se venda le traygays ante ellos jura
mẽte cõ el original q̃ ante ellos presenta
stes paraq̃ se vea si la dicha impressiõ esta
cõforme a el, o traygays fe en publica for
ma, en como por corrector nõbrado por
nuestro mãdado se vio y corrigio la dicha
impressiõ por el dicho original y quedã an
si mismo impressas las erratas por el apũta
das para cada vn libro dẽ los q̃ ansí fuerẽ im
pressos y se os tasse el precio q̃ por cada vo
lumẽ auẽys de auer y lleuar y mãdamos q̃
durante el dicho tiẽpo, persona alguna no
le pueda imprimir sin licẽcia vuestra sope
na que el que lo imprimiere, o vendiere
ay perdido y pierda todos y qualesquier
moldes y aparejos q̃ de el tuuere y los li
bros q̃ vendiere en estos nuestros reynos, e
incurra mas en pena de cinquẽta mil mrs
por cada vez q̃ lo cõtrario hiziere. La qual
dicha pena sea la tercia parte para nuestra
camara y la otra tercia parte para el denun

ciador, y la otra tercera parte para el juez q̃ lo sentēciare: y mandamos a los de el nuestro cōsejo presidētes y oydores de las nuestras audiencias alcaldēs alguaziles de nuestra casa y cōrte y chācillerias, y a todos los corregidores asistēte gouernadores alcaldes mayores y ordinarios, y otros luezes y justicias qualesquier de todas las ciudades villas y lugares de los nuestros reynos y señorios ansí a los q̃ agora son como a los q̃ serā de aquí adelāte que guardē y cūplan esta nuestra cedula y merced que ansí vos hazemos, y contra el tenor y forma de ella y de lo en ella cōtenido no vayan ni passēn ni cōsientā yr ni passar en manera alguna, so pena dela nuestra merced y dediez mil maravedis para la nuestra camara. Dada en Madrid a dōs dias de el mes de deziēbre de mil y quinientos y óchenta y ocho años.

Yo Y. O. EL REY.


Por mandado del Rey nuestro señor.

Iuan Vazquez.



PHILIPPO
SECUNDO HI-
SPANIARVM ATQVE
Indiarum Regi Ca-
tholico.

IOSEPHVS ACOSTA
salutem & foelicitatem D.

VI diuturna pere-
grinatione longe po-
sitas regiones obie-
runt, solent y, cum
ad patriam redeunt, rara aliqua
atque inusitata deferre suis, quos
vel ipsa nouitate delectent. Quod
si selecta etiam ac pretiosa videan-
tur, non alias putant melius collo-

5 cari

carì posse, quam oblata Princì-
pibus. Horum potentissime Rex,
institutum mihi quoque imitan-
dum existimaui: qui à maioribus
ad Noui orbis nouum excolendum
Christi agrum iampridem missus,
vniuersam propemodum Indiam
Occidentalem obierim, imperij cer-
tè tui amplissimi neque mediocrem
neque parum locupletem portionē.
Itaque inde in Europam reuoca-
tus post annos in Peruano regno
exaëtos quindecim, in Mexicano
et Insularibus duos, nihil habui
quod pro insigni in Societatem no-
stram à te collata gratia, tantæ
Maiestati supplex offerrem, nisi
fruges quasdam, ut opinor, nouas,
ex illa sanè tam remota terra
deue-

deuēctas, atque industria laboris-
que nostri tenuitate collectas:
hoc est, libros de Natura Noui or-
bis duos, & de procuranda Indo-
rum salute, sex. Quos ego cum
in illis adhuc regionibus agerem,
elaboraram, complecti cupiens tum
quod ad studium cognoscendi atti-
net, quæ vetus philosophia minus
est assecuta, tum quod ad causam
Christi promouendam confert, quæ
vocationem innumerabilium gen-
tium ad Euangelium illustrant.
Quæ si fideliter ac prudenter, ut
Dei dispensatores decet, à nobis
tractentur, magnos sine ulla du-
bitatione in Christi cognitione &
cultu progressus factura sunt. Scio
equidem munus maximo princi-
pe

pe minimè dignum : sed inopiam
excusat atque eleuat ipsum mune-
ris genus, quod ad studium sapiëntiæ
spectat. Sapiëntiæ porro vel exigua
pars, quemadmodum beatus Iob
censet, non conferetur tinctis In-
diæ coloribus, nec lapidi Sardony-
co pretiosissimo, vel Saphyro, non
adequabitur ei aurum. Neq, enim
ad diuinam illam atq, altissimam
sapiëntiam cognoscendam parum
conferre putanda est rerum admi-
rabiliũ contemplatio, quarum
autor est ipsa : neque verò studium
pietatis non vehementer accendet
atque inflammabit salutis gen-
tium bene explorata ratio, cum con-
ditor omnium idemque redem-
ptor perspicue declaret, velle se
omnes

omnes saluos esse, atque ad agnitionem sui sancti nominis peruenire. A qua tanta diuina bonitatis largitate, minimè aliena putanda est gens Indorum hominum profecto genus docile, mansuetum, obsequens. Te verò Rex maxime, tot auitis regnis cumulaturn, etiam vtriusque India Deus imperio auxit, totiusque orbis tanquam annuli gemmam effecit, ut Catholica tue Maiestatis & fides sincera, et pietas in Deum ardens ad omnes mortales manet ac deriuetur. Vtinam tuum istum tam praclarum zelum in tuenda Dei Ecclesia, in propaganda Christi gloria, in expugnandis, ac debellandis Fidei hostibus,

*stibus, Rex ille Regum secundet,
atque aeterna fœlicitate prosequa-
tur. Vale Rex maxime, & so-
cietatem nostram, nosque ipsos, ac
nostra omnia tuere tuo patrocini-
o. Madriti decimotertio Ka-
lendas Februarias. Anno
salutis nostræ.*

1588.



EGO Aegidius Gonçalez Dauila Pro-
uincialis Societatis I E S V in prouin-
cia Toletana, pro data mihi ad hoc facul-
tate à reuerendo admodum nostro patre
Generali Claudio Aquauina, potestatem
facio, vt typis excussi in lucem edantur li-
bri duo patris Iosephi Acosta presbyteri
nostræ Societatis, De natura noui orbis,
& sex de procurāda Indorum sālute, quos
diligenter legerunt, & approbarunt patres
Benedictus Pereyrus, & Cyprianus Sua-
rez Theologi eiusdem Societatis. Precor-
que Deum Opt. Max. bonorum omnium
autorem, vt id redundet in eius gloriam,
& Indorum salutem, ac totius sanctæ Ec-
clesiæ vtilitatem. Compluti, in nostro
Collegio. Decimotertio Kalendas Fe-
bruarij. Anno 1584.

Aegidius Gonçalez Prouincialis.

Collegio: Decimotercio Kalendas Fe-
 bruarii, Anno 1554.

Abdullah Gül, Türkiye Cumhuriyeti Cumhurbaşkanı

T A S S A.



O Christoual de Leon
escruiuano de Camara del
Rey nuestro señor, de los
que residen en el su conse
jo, doy fé, q̃ auiendose vis-
to por los señores del, vn
libro intitulado de natura noui orbis & de
procuranda Indorum salute, que con su li-
cencia hizo imprimir el padre Iusepe de
Acosta dela Compañia de Iesus: tassarõ ca-
da pliego de los del dicho libro en papel a
tres m̃s y medio. Y mandaron, que antes q̃
se vendan, se imprima en la primera hoja
de cada vno dellos este testimonio de tassa.
Y para q̃ dello conste, de mandamiento de
los dichos señores, y de pedimiento de la
parte del dicho Iusepe de Acosta di esta fe:
Que es fecha en la villa de Madrid a cator-
ze dias del mes de Mayo, de mil y quinien-
tos y ochenta y ocho años.

Christoual de Leon.

ERRATA S.

Pagina.	Linea.	Errata.	Corrección.
4	15	quo	quod
19	12	imaginatione	imaginationē
27	23	rubans	rubens
33	11	termino	tum
43	25	genere	generi
45	11	reperiat	reperiam
46	13	nouerat	nouerant
50	6	del cuerno	del cuerno
52	15	tanta	tanta
53	3	vt eas	vt censeat eas
59	5	Tumben	Tumber
62	pen.	Moyser	Moyfis
70	2	Brincuzquēsin	Vricuzquēsinum
77	9	similes	similis
78	pen.	magis	magnis
80	21	fuit	fluit
81	12	Intiticaca	Inticaca
85	5	magnas	magna
88	17	cinsimus	vicissimus
91	26	tractatores	tratactores
ibid.	26	quando	quanto
93	3	illu	illi
120	3	Itigarum	Ingarum
138	6	sunt	sint
140	10	frusta	frustra
158	14	annum	anum
166	14	adam	addam
172	pen.	Quichamí	Quichnam
178	1	mercedem	mercede
ibid.	6	mens templi	mens templi

Pagina.	Linea.	Errata.	Corrección.
185	15	superstitionis	superstitiones
191	16	apparent	appareat
195	1	Tremis	Fremis
209	21	fecerim	fecerint
210	8	istarum	istorum
ibid.	11	excessus	excelsus
229	20	sic	sit
236	26	pedes	pes
252	6	illo	illo
255	25	arbitrabitur	arbitrabimur
260	15	intelligatis	intelligat is
ibid.	pen.	percipiendum	præcipiendum
264	14	factum	factum
284	23	perturbatiue	perturbariue
295	9	exigit	erigit
305	5	Magistratos	magistros
306	15	conferat	conferant
324	19	periuria	penuria
334	15	vulgaribus [deest] iudicibus	
340	17	tui	tua
343	6	adde	adde
353	25	commodiq;	commodisq;
357	11	mobiliu	nobiliu
366	26	potuis	potius
407	vlti.	oneri	oneris
411	5	pœnitentia	pœnitentiæ
419	14	possit	possint
436	1	societatis	societas
447	6	parturi	parturis
464	17	rare	rare

Pagina.	Linea.	Errata.	Correction.
537	24	<i>desiderati</i>	<i>desiderari</i>
556	5	<i>Apostolos</i>	<i>Apostolis</i>
578	19	<i>indultum</i>	<i>indultum</i>
582	15	<i>sancto</i>	<i>sexto</i>
612	3	<i>exponat</i>	<i>exponit</i>

Iuan Vazquez
del Marmol.

DE NATURA

NOVI ORBIS,

LIBER I.

*COELVM NOVI
orbis quosdam de rerum natura
abstulisse. Cap. I.*

NOVI huius orbis gentes vsq; aded
ab opinione veterum abfuisse vidē
tur, vt pleriq; ne terram quidē hac
parte eſſe putarent, nonnulli (quod
amplius eſt) ipſum hoc cœlum, ſub quo nūc agi
mus, etiam de rebus auferrent. Et ſi enim pluri
mi atq; optimi philoſophorum cœlum (vteſt)
totum ſphæricum & terram vndiq; ambiens
tradiderunt, tamen ex noſtris auctoribus neq;ue
pauci, neq; obſcuri contra ſenſerunt mundum
hunc vniuerſum domui potius ſimilem fabrican
tes, cui tectum ex vna tantum parte nō quaquā
verſus immineat. Neq; enim terrę molem gra
uem in medio aere ſuſpendi rationem pati. Atq;
aliū eſſe cœmenti, aliū culminis locum. Ac
Ioannes quidem Chryſoſtomus in commenta
rijs Epistolæ ad Hebræos non ſemel eos prouo
cat ac laceſſit, qui cœlum ſphæricum ponunt
cum ſcriptura potius tabernaculum à Deo fixū

Chryſoſt.
hom. 14. &
27. in epiſt.
ad Heb.

*Heb. 8.**Idem hom.**6. & 13. in**Genes. &**ho 12. ad**pop. Antio.**Theodorit**& Theophi**lact. incōm.**ad Heb. 8.**Lactant. 3.**li. dñi. inst.**c. 24.**Hieron. lib.**2. in epist.**ad Ephe. in**c. 4.**Sixtus Se-**nen. lib. 5.**Biblio. an-**not. 3.**Augus. lib.**2. de Gen.**ad lit. c. 9.*

commemoret, quo loco motum quoq; omnem
 cœlo adimit, solem vero & astra cœtera ferri, vt
 volucres, cum per aerem sese movent, non sicut
 radij voluuntur in rota. B. Chrysostom. etiam
 Theodoritus Cyrensis in hac parte assentitur, vt
 Theophylactus vbiq;. His omnibus antiquior
 Lactantius in libris diuinarum institutionum phi-
 losophos Peripateticos, & Academicos de cœli
 figura & ambitu irridet ratione iam dicta, ma-
 gisq; Epicuri probat sententiam, qui terram ad
 chaos quoddam immane definit; quod attinge-
 re quoque videtur Hieronymus vbi scribit, Phy-
 sicus perscrutator oculos trans cœlum leuat &
 ultra profundum terrarum & abyssi quoddam
 inanē demergit. Porro Aristotelis sententiam
 de cœli & figura & motione circulari sacrae scri-
 pturae contrariam Procopius in commentarijs
 Geneseos pro certo affirmare narratur. Nam ego
 eius scripta non legi. Sed quicquid autores hi
 senserint, equidē non magnopere admiror, quos
 video grauioribus studijs intentos demonstratio-
 nes philosophicas non admodum perspexisse.
 Diuum Augustinum fortasse quis miretur, qui
 cum secularis literaturæ peritissimus fuerit, &
 Physicam atq; Astronomicam non mediocriter
 nouet, tamen vtrum terra cœlo vndiq; conti-
 neatur, vbiq; dubius hæret. Quid ad me perti-
 net inquit vtrum cœlum sicut sphaera vndique
 concludat terram in media mundi mole librata
 an eam ex vna parte desuper velut discus ope-
 riatur? Quo in loco coniecturis potius, quam vlla
 solida

folida demonstratione teneri cœli figuram sphericam vult, quemadmodum de cœlesti quoque circuitione & ibi & alias tanquam de re dubia videtur scribere:

*In psalmi.
135: Aug:*

Cœleste corpus omni ex parte esse rotundum & in seipsum volui. C A P. I I.

S E D facile condonandum est patribus si cum cognoscendo colendoq; creatori toti vacarent, de creatura minus apte aliqua ex parte opinati sunt. Sæculi vero sapientes qui tantum valuerunt, vt possent sæculum æstimare, vt scripturaloquitur, idest vniuersi huius ordinem certa ratione deprehendere, eo profecto infeliciores habendi sunt, quod operibus attendentes, aut nō cognouerunt, quis esset artifex horum, aut certe cognitum non perinde atq; oportuit, glorificauerunt, sed etianuerunt in cogitationibus suis. Certe Aristoteles, & cæteri Peripatetici Stoicis hac parte consentientes ea de cœli figura & conuersione tradiderunt, quæ nos hic terrarum positi apertius oculis intuemur; quã philosophica vlla argumentatione didicimus. Sphæricum esse cœlum & terram vnde quaque concludere, dubitare non sinimur, qui portionem illius veteribus nunquam visam ex obuersa hac orbis parte spectamus, qui vtrumq; cardinem, idest, polum Arcticum & Australem, de quo dubitat Augustinus, nauigatione vltra æquinoctialem circulum procedente subinde notamus, qui gradus desiq;

Sap. 13:

Rom. 1:

*Plutar. de
Placitis
Philos. libi
2. c. 2.*

*Aug. 2. lib.
de Gen. ad
lit. c. 10.*

sexaginta vltra citraq; mediam lineam commea-
uimus, vt omittam interim quæ alij certius ex-
plorare potuerunt vsque ad septuagesimum ad
Antarcticum gradum immensa navigatione pro-
gressi. Vna nauis victoria prorsus inclyta de toto
terrarum orbe, simul de veterum immenso inani
triumphauit, Oceani magnitudinem cursu suo
emensa, minoremq; terræ quantamcunq; mole
vel ipsis vestigijs hominis exemplo nouo decla-
rans. Est igitur cœli figura perfecta atq; rotun-
da. Est terræ vniuersæ atq; aquæ sese mutuo com-
plectentis globus omni ex parte definitus. Quod
sane & Philosophica & Astronomica ratio non
suadere tantum, verum abunde etiam demonstra-
re potest. Nam vt omittam illa subtiliora, quo
perfectissimum corpus deceat figura perfectissi-
ma, quod motus in orbem non possit esse æqua-
lis & cōstans, si in angulos incidat, id quod pror-
sus necesse est fiat, si sol & reliqua astra non vol-
uerētur omni ex parte sed inflecterentur alicubi,
profecto vel vna luna videtur mihi esse testis in
cœlo fidelis, quæ tunc tantūmodo deficit, ecely-
psimq; patitur, cum globus terræ ex diametro so-
lis radios intercipit, quod fieri non posset, nisi
terræ moles esset in medio cœlestibus orbibus
vndiq; conclusa. Quanquam & illud ipsum in
dubium reuocant quidam, vtrum luna à sole lu-
ceat, verum id nimium est. Noctem vero quid
efficit aliud, quam solis abscessus ex terræ vmbra?
Quod si sol terram non subit, sed idem est occi-
dere & ad angulum conuerti quod omnino se-
quitur

Aug. epist.

109. l. 4.

quitur si cœlum in modum disci terram tantum operiat ac non sicut pila complectatur, profecto longiores breuiioresque noctes, alicubi semper æquales efficere nullo modo posset. Nam quod *Aug. lib. 2. de Gen. ad lit. c. 10.* idem Beatus Augustinus, omnes & conuersiones & oppositiones & depressiones & aspectus & quæcunq; sunt aliæ syderum affectiones scribit posse seruari, etiam si cœlo ipso immoto astra tantummodo moueantur, plane mihi ad intelligendum non est difficile, si modo fingendi licentia sit. Etenim si ab angelo quopiam putetur vniuscuiusque astri corpus ferri, quis non videt omnes eiusmodi varietates pro diuerso mouentis arbitrio posse contingere? Sed ratio non patitur, si regio illa cœlestis elementaris sit & corruptioni obnoxia per quam astra feruntur, neq; enim per inane feruntur, quin & ipsa astra sint natura corruptioni obnoxia & tempore ipso transmutentur atque afficiantur, quod illorum æternitati, quæ vt psalmus habet, statuit Dominus in æternum, & vniuersi huius ordini & conseruationi contrarium est. Sed rationi oculos quoq; testes adhibere licet, cum cernamus non solum manifesta astra volui, sed partes etiam integras cœli non solum lucidas illas, qualis est lactea via, verum etiam quasdam alias obscuras atq; atras. Sunt enim insignes prorsus maculæ in cœlo quas, in Europa cum essem, nusquam ita notasse me memini, ex lunæ laborantis atrocem prorsus teferunt, quas perpetuo tenore cum ipsismet astris, quibus sunt intermixtæ volui

Psalm. 148.

6 DE NATURA NOVI ORBIS
manifestissima experientia deprehendimus. Vnde
de autem illa veluti maculatio cœli contingat,
ego aliud cogitare non possum, quam ut densio-
ra cœli luce accepta galaxiam efficiunt, ita con-
trariora magisq; diaphana, quia nihil lucis red-
dunt, attriora apparere. Quacumq; autem ea ex
causa sint, certe esse & cum stellis ipsis immobili-
ter ferri attentissima sæpè obseruatione perspe-
ximus. Cœlestes ergo orbes, & terram perfecte
omni ex parte concludere, & perpetuo in seipsos
reuolui non oportet amplius controuertere.

*Quod sacra quoque litera terram in medio mundi
esse attestentur. CAP. III.*

D I V I N A E autem scripturæ nullo modo
contrarium est, sed omnino consentaneum
quod de situ terræ & cœli ambitu oculata fides te-
stat, Nam ut præteream quod orbis terrarum
sæpe appellatur, quod quicquid est corporum
cœli ambitu contineri significant sacræ literæ,
illud certe Ecclesiastæ satis perspicuum est, Ori-
tur, inquit sol & occidit & ad locum suum reuer-
titur, ibiq; renascens gyrat per meridiem & fle-
ctitur ad aquilonem, lustrans vniuersa in circui-
tu pergit spiritus & in circulos suos reuertitur.
Vbi Gregorij siue Nazianzeni siue Neocæsariensis
paraphrasis habet; Sol tota terra decursa ad
eundem rursus terminum, punctumq; circunuo-
luitur, quod fieri sane non posset, si terra cœlo
aliqua parte esset exclusa. Itaq; D. Hieronymus
in

in Epistolam ad Ephesios scribens. Quoniam à
 plerisque, inquit, iuxta Ecclesiasten cœlum affir-
 matur rotundum, & in sphaeræ modum volui,
 nulla autem rotunditas latitudinem & longitu-
 dinem habet, altitudinem quoq; & profundum
 sed ex omnibus partibus cœqualis est, &c. Vult
 igitur Hieronymus plerosq; sacros interpretes
 mundum, ut est, rotundum potius iuxta scriptu-
 ram existimasse; quam id scripturæ esse contra-
 rium. Nam Basilii & huius fere interpretes Am-
 brosius in Hexameron libris quanquam hærent
 aliquantum, in munditamen rotunditatem ipsi
 quoque propendunt, nisi quod Aristotelis quin-
 tam illam substantiam cœlo attributam Ambro-
 sius in seclatur. De terræ autem situ, & firmitudi-
 ne mirabile est quâ eleganter, quâ iucunde scrip-
 turæ loquatur, ut ineffabile conditoris potētia
 atq; sapientiâ nostræ & admirationi & voluptati
 excellenter exponant. Iam enim columnas ter-
 ræ confirmasse Dominus narrat, ut tantæ mo-
 lis pondus diuinæ potentiaë manibus susten-
 tari intelligatur, quemadmodum commodè ex-
 ponit Ambrosius. Nam & cœlo & terræ scriptu-
 ra columnas quasdam supponit, non illas Athlan-
 ticas poetarum, sed has verbi Dei omnia suâ vir-
 tute portantis. Iam vero ut terrâ elemento aquæ
 hære, & plurima ex parte ab illo contineri, sa-
 pientissimè insinuet. Firmanit, inquit, terram su-
 per aquas & rursus orbem terrarum super ma-
 ria fundauit. Ac licet B. Augustinus ne ex sacris
 literis certum dōgma reputetur terram aquis im-

*Hier. lib. 2.
in epist. ad
Ephes. c. 3.*

*Basil. ho. 1.
Hexa. pro-
pe finem.*

*Amb. lib. 1.
Hexa. c. 6.*

Psal. 74.

*lib. 1. Hex.
c. 6.*

*Iob 9. &
26.*

Heb. 1.

Psal. 135.

Psal. 23.

August. in

Psal. 135.

mixtam in medio mundo pendere, illud super aquas aliter conetur exponere, tamē planissimus sensus est, quem sonat Psalmus ut nulla alia terræ fundamenta cogitentur quam aqua ipsa, fluens alioqui & facile cedens, quæ per sapientiam summi opificis tam vastam terræ machinam immobiliter continet. Super aquas autem & maria terra fundata describitur, cum re vera potius sit subter aquis, quod more cogitationis nostræ, id quod ex altera parte terræ à nobis habitatæ respondet, non nisi subtus terram esse videatur, atque ita aquas & mare immensum terræ opposita veluti infra iacere omnino imaginamur, cum tamen ipsum infra ubiq; nihil sit aliud quam orbis medium. Ita ergo loquitur scriptura, ut nos vulgo cogitare solemus. Quod si ultra quæras, cui nam fundamento iungitur tam vasta & terræ, & aquarum moles, ut cum maiori admiratione copiosius satisfaciat, alio loco scriptura respondet, Extendit aquilonem super vacuum & appendit terram super nihilum. Eleganter prorsus, suspensa enim videtur in nihilo, cum terra aquæ commixta in medio aete state perhibetur, ut re vera stat. Quod mentis humanæ miraculum ipse Dominus apud eundem Iob auget interrogās.

Iob. 38. Quis posuit mensuras terræ si nosti? aut super quo bases illius solidatæ sunt? Denique ut huius totius opificij ratio patefieret, eximius diuinorum operum contemplator & cantor David in eo Psalmo, quem de his ipsis pulcherrime cecinit, sic habet, Qui fundasti terram super stabilitatem

Iob. 28.

Iob. 38.

Psal. 103.

tatem suam, non inclinabitur in sæculum sæculi. Hæc, inquit, causa est, cum terra tam grauis in medio aere locata sit, neq; tamen vel corruat vel nutet, quod fundamenta certe habeat firma naturalis stabilitatis suæ, quam illi sapientissimus conditor attribuit, ut in se ipsa consisteret, neq; alio indigeret firmamento. In quo humana cogitatio multum fallitur ex humanis operibus diuina metiens. Nihil ergo verèdum est, ne quamuis in medio suspensa videatur, huc illucve ruat. Non enim inclinabitur, inquit, in sæculum sæculi. Merito prorsus post insignem tantorum operum commemorationem, diuinam magnificentiam celebrat carmine David. Lætabitur, inquit Dominus in operibus suis & quam magnificata sunt opera tua Domine, omnia in sapientia fecisti. Et quidem quoties peregrinatione varia, vel immensa illa Oceani spatia, vel hanc adeo vastā atque dissimilem terrarum machinam intueri contigit, non potui, non magnam ex eo spectaculo iucundissimo voluptatem capere, ut præ diuinæ sapientiæ & amplitudinis argumentis humana omnia quamuis regia, quamuis exquisita vilescerent. Sæpè dicere venit in mentem; Delectasti me Domine in factura tua, & in operibus manuum tuarum exultabo. Ac re vera nescio, quid habent intus latentis & arcanæ elegantiae, artis diuinæ opera, ut sæpius spectata nouam semper voluptatē pariant. Contra humana omnia quouis artificio composita, facile spectandi assiduitate vilescunt, & fastidio sunt. Hortos amœnissi-

Psalm. 103.

Ibidem.

Psalm. 91.

10 DE NATVRA NOVI ORBIS
mos, templa augustissima, arces superbe constru-
ctas, statuas ingenio sissime effictas, vbi bis aut
ter contemplatus sum, vix possum oculos præ-
terea tenere, veluti fastidium respuentes: idem
mare quoties intueor, aut præcellam aliquam ac
prominentem rupem, aut campos naturali co-
pia floribusque virentes, aut fluuij rapidum & in-
exorabilem vorticem cum saxis perpetuo con-
certantem, atque frementem, cæteraq; naturæ
spectacula, noua semper repèrio, nouamq; sine
fastidio voluptatem capio: vt occultæ profecto
cuiusdam sapientiæ atque inexhaustæ splendi-
dum quoddam conuiuium esse videatur.

*Responsio ad ea quæ contra cæli rotunditatem ex sa-
cris literis afferuntur. CAP. IIIL.*

Heb. 8.

SED redeo ad mundi faciem, quem non esse
omni ex parte rotundum, neq; in se ipsum cõ-
uerti nescio ex quibus sanctarum scripturarum
verbis suspicari nonnulli potuerint. Nam quod
Paulus tabernaculum vocat cælum, quod fixit
Deus, & non homo, quid eo pertineat, non vi-
deo. Neque enim quia tabernaculum fixum à
Deo audimus, more tentorij vna tantum ex par-
te atq; in ea immotum, terram operire putare
debemus. Sed cum veteris tabernaculi similitu-
dinem Apostolus pertractaret, noui testamenti
tabernaculum cælum esse docuit, in quod sum-
mus sacerdos Iesus Christus in suo sanguine se-
mel introierit, quod tantum veteri præstat, quan-
tum

tam inter huius autorem Deum, & illius hominem interest. Quanquam ne illud quidem tabernaculum sine Dei sapientia, quæ Beseleelum illum implevit, peractum est. Neque vero similia aut parabolas, aut allegorias necesse est omni ex latere quadrare, ut Beatus Chrysostomus vere & erudite admonet. Quod præterea B. Augustinus ex quorundam sententia profert contra cœli rotunditatem testimonium. Qui extendit cœlum sicut pellem, unde non sphaericum sed planum superne volunt significari, facile ab eodem sancto Doctore refellitur, quod ijs verbis, non tã cœli figura, quam facilitas fabricandi indicata sit, ut tam facile Deo fuerit immensum illud cœlum efficere, quam facile nobis pellem complicatam extendere, vel certe insinuata est diuinæ habitationis maiestas quædam, ut quod nobis tabernaculum è pellibus esse solet, hoc Deo sit cœlum, usque adeo pulchrum atque durabile, quod quidam poeta eleganter simul & breuiter dixit. Nitidi tentoria cœli. Illud etiam. Cœlum mihi sedes est, terra autem scabellum pedum meorum, si Anthropomorphita essemus, non leuem quæstionem afferret, quomodo cū omnia Deus impleat, terram habeat pro scabello pedum, si in medio mundi sita est, oporteret enim contrarios sibi esse Dei pedes, & caput non vnum, sed plurima cogitare, quæ quoniam ad nugas potius & risum pertinet, quam ad seriam disputationem, satis sit in scripturis non occidentem literam quærendam esse, sed spiritum.

Exod. 36.

Chrysosm. c.

20. Matth.

Psal. 103.

Aug. 2. de

Gen. 6. 9.

Esaï. 66.

2. Cor. 3.

Plinius.

lib. 6. c. 22.

QUALI S autem facies sit cæli huius Australis, multi quærent in Europa, quod apud veteres Astrologos nihil legere possint, qui & si esse certò deprehenderût, cuiusmodi tamen esset, assequi minime potuerunt. Quamquam & sydus Canopum ingens & clarum illi celebrant apud nos, & si qui peritiores huc nauigarunt, magna quædam de hoc cælo scribere solent, quod astris splendeat crebris & grandibus. Solent enim remota facile amplificari. Ego verò & maiora & nitidiora circum Polum alterû spectari opinor, neq; septentrionibus atq; Vergilijs nostra hæc præferenda existimo. Illa tamen est præclarissima species in hoc cælo, quam Cruciferum appellamus, hoc est sydus quatuor clarioribus stellis ex æquo fere distantibus Crucis formam pulcherrime effingens. Hunc Polum esse Antarcticum imperiti reputare solent, quod videant Naucleoros ad illum rationem nauigationis expendere, sicut ultra æquinoctialem ad Polum Arcticum faciunt. Sed hoc propterea fit, quod nulla stella fixa Poles hic Antarcticus demonstraretur, atque ita coguntur naturæ proximam quærere, quam Cruciferi pedem vocant, quæ tamen à verò Polo, ut à viris peritis accepimus, gradu trigesimo distat. Itaq; difficilior est mensuræ in hoc Hemisphærio ratio, quod stella illa dirigere cursum ne queat, nisi cum supernè recta iacet, quod semel in nocte contingit, & vario anni tempore variû situm habet, & quod est molestius, multam anni partem

partem nocte totā nō pertingit ad verticē. Quā
obré peritiores nauū gubernatores ex meridia-
no solē iuxta Astrolabicū instrumentū, vt nauti-
cē dicamus, punctum notant: cuius artis peritia
Lusitani sine vlla dubitatione ceteros mortales
longe superāt, quod & ingenio peracuti sint, &
navigationib⁹ supra omnes lōgissimis ac difficil-
limis assuefacti sunt: alia etiā quædam sidera præ-
clara & pulchra, quæ Elicę & Cynosuræ poeta-
rū quodāmodo respondere videantur. Lactææ
quoq; viæ excursus lōge splendidissimus, atq; ijs
quas supradixi maculis quadā ex parte distin-
ct⁹. Cætera alij accuratius aut obseruabunt, aut tra-
dent. Nobis sufficient hæc pauca de multis.

*Quod mundus ad vtrumq; Polum terras aquē ac ma-
ria obtineat.* CAP. VI.

BENE habet, quodd ostensum est cælum nō
Europæ solum, & Asiæ, atq; Africę diuinitus
esse concessum, sed nos quoq; vt omnia tegere.
Quod plane aduersus eos qui Hispaniā hic suspi-
rant, & patriā semper habent in ore nosq; illius
charitate parū tangi, vel mirantur, vel indignan-
tur, opportune vsurpare solemus. Propterea nos
de reditu in Europam nihil cogitare, quod æquē
propinquū Americæ cælū atq; Europæ esse vi-
deamus. At quāuis cælum vndiq; orbem clau-
dat, non continuo terram etiam vndique extare
consequitur. Nam cum ex duobus elementis
terra & aqua vnus efficiatur globus, quod & ve-
terum doctissimi censuerunt, & apertis demon-

stratio -

*Plut. lib. 3.
de placitis
philos. c. 9.
10. & 11.
Angu. lib.
16. de Ci-
uit. c. 9.*

strationibus constat, intelligi sanè potest ad Po-
lum Antarchicum mare quaquà versum esse dif-
fusum, neq; vsq; terræ locum reliquisse, quæ-
admodum B. Augustinus contra Antipodum as-
sertores argumentatur. Non attendunt, inquit,
etiam si figura conglobata & rotunda mundus
esse credatur, siue aliqua ratione monstrètur, nō
tamen esse consequens, vt etiam ex illa parte ab
aquatū congerie nuda sit terra. Recte prorsus
non etiam illud necessario ex mundi rotundita-
te consequitur. Sed tamen neq; contrarium de-
monstratur ratione, & hoc iam tandem experien-
tia ipsa patefecit. Et si enim multò maximam
eius globi partem aquæ obtinent, tamen ita ter-
ræ vicissim cedunt, vt non tota huius congeries
hinc, tota illarum inde se teneat, sed mutuis ex-
cursionibus sese per omnia complectantur. Quā
in re mirabilis conditoris ars obseruantibus ap-
parere solet. Sacris quidem literis tradentibus
didicimus aquas initio congregatas esse in locū
vnum, & terram protinus apparuisse: eadem ta-
men æquē nos docent congregationes aquarū
vocata esse maria, quæ sine dubio plura sunt.
Neq; mediterranea solum maria multa sūt, vt
Euxinum, Caspium, Erythræum, Persicum, Hes-
perium, & reliqua tot pene nominibus distincta
quot spatijs. Verum etiam Oceanus ipse in diui-
na scriptura Abyssi vocabulo appellari solitus,
quanuis re vera vnus sit, multiplex tamen est, vt
in hac America. Alter est Oceanus Borealis, alter
Australis, alius etiā in Oriente est Indicus alius

Synen;

Synensis. Illud autem ego in ijs, quæ hæcenus partim navigatione, partim aliorum narratione habeo explorata, notare potui, quod vix vsquam terra distat à mari amplius quam viginti quatuor millia stadiorum, idest, leucas Hispanicæ mille, sed vbi vis maxima Oceani spatia eam mensuram haud quaquam superant. Non equidem nego latius longe Oceanum navigari, cum probe sciam Lusitanicam classem quadruplo plus itineris maritimi solere conficere, quin potius Oceanum ipsum in orbem cingi posse, nostra ætas ipsi rebus agnouit. Sed illud affirmo hæcenus recta linea continentem à continente aut insulis, terram denique à terra qua parte sese proxime respiciunt aut nusquam, aut vix amplius quam ijs spatijs distare esse compertum. Nam ab extrema Europa, & Africa Insulæ fortunatæ cæteræque innumera illo situ, protensa tercentum leucis propemodum absunt: ab ijs ad Occidentalem Indiam venientibus, post nongentas plus minus occurrunt Insulæ illæ, quas Dominicam, & Virgines, & Beatam cæterasque vocamus; hæ longò ordine excurrunt vsque ad eas, quas Barlouenti nautæ appellant. Ab his continens bis centum, aut paulò amplius abest. Vbi Floridæ regna vsque ad Patagonum regiones infinitis spatijs visuntur. Hoc autem altero Oceano Australi à freto Magallanico vsque ad Promontorium Mendocinum eodem modo terra longissimè tenditur, sed nusquam latior quam hoc ipso Peruano loco in quo nunc agimus, cui ex altera parte respondet regio

regio *Brasilie* quater & vices mille stadijs à nobis disita. At in hoc Oceano Australi Sur vulgo appellato quamuis Occidentem versus nullus certus finis habeatur: tamen nō ita pridem Insulæ quædam & multæ & magnæ quas *Salomonis* vocant, nona navigatione explorata sunt, octingentas leucas ab *America* remotæ. Et quoniam totius orbis observatione compertum est. Insulas tum frequentes, tum magnas nusquam solere occurrere, quin continens in propinquo sit, & multis alijs & mihi ipsi persuasum prorsus est, ab illis Insulis *Salomonij* non procul abesse terram continentem latissimam, quæ huic *Americæ* ex Occidentali parte respondeat, & ad *Magallanicum* fortassis fretum conuertatur. Nā & novam *Guinæam* terram esse continentem tradunt, quam petitiore quidam Insulis illis asfingunt. Itaq; magnam orbis partem resta re adhuc nobis incognitam ratio ipsa persuadet. Iam vero hoc ipso mari Australi ad *Synarum* celeberrimam latissimamq; regionem navigant nostri, neque maiora eius navigationis spatia referunt, quam quæ ab *Europa* ad *Indiam* Occidentalem emensi sumus. Vtriusq; autem Oceani continuatio, *Borealis* inquam illius & huius *Australis*, inter quos intercepta est *America* nostra, ad *Polum* quidem *Antarcticum* certo explorata est quinquagesimo gradu elata, vbi fretum insignem *Magallanicum* redditur. Sed utrum ad *Polum* quoque *Arcticum* similiter uterque Oceanus committatur atq; concurrat, multi quærent, & quod

quod equidem sciam, inuenit hactenus nemo. Tantum indicia quædam & coniecturas probabiles afferunt supra Floridam esse alterum quoque fretum Magallanico simile. Nobis quæ hactenus certa fide comperta sunt, satis esse debet, ut orbis terrarum portionem, vniuersa Europa atque Asia, & Africa, non minorem ex altera hac parte iacere intelligamus, atque vtrumque mundi Polum æquè sibi & terras & maria vindicare, quod antiquis aut negare, aut dubitare impune licuit. Quanquam huius quoque rei accuratior tractationem rudes nos & vix mediocriter imbuti peritioribus certe relinquimus.

Lactantij opinio negantis esse Antipodas confutatur.

CAP. VII.

SED vtrum ab hominibus incoletetur ea quoque orbis pars quæ spectat Antarcticum, magna olim quæstio fuit. Lactantius quidem Firmianus, & Aurelius Augustinus Antipodum assertores irrident. Sed quamuis fabulam æquè vterque arbitretur, tamen ut ingenijs plurimè absint inter se, ita rationibus prorsus dissimilibus inducuntur. Lactantium truialis quædam opinio fefellit, qui irridens philosophos cælum quaqua versum deuexum, terramque in medio sicut pilam conclusam asserentes, ita scribit. Qui esse contrarios vestigijs nostris Antipodas putant, num aliquid loquuntur? aut est quisquam tam ineptus, qui credat esse homines, quorum

B vestigia

Lact. lib. 7.

diui. inst. c.

23.

August. lib.

16. de Ci-

uit. c. 9.

vestigia sunt superiora, quam capita, aut ibi, quæ apud nos iacent, inuersa pendere: fruges & arbores deorsum versus crescere: pluuias, & niues, & grandinem sursum versus cadere in terram. Et post nonnulla, sic pendulos istos Antipodas cœli rotunditas adinuenit. Quid dicam de ijs nescio, qui cum semel aberrauerint constanter in stultitia perseuerant, & vanis vana defendunt. Nos vero qui contrariam Asiæ incolimus orbis partem, quia Antichthoni sumus, neque pendere nos cernimus, neque vestigia nobis esse superiora, quam capita. Neque fruges nostras & arbores aliorum crescere, neque niues, aut imbres aliter cadere quam in Europa videmus. Omnino est admirabile dictu, rationem humanam, & verum sine imaginatione percipere non posse, & tamen si imaginationi obsequatur, non errare non posse. Cœlum rotundum, vt est, & terram in medio positam nisi imaginemur, non possumus intelligere. At eandem imaginationem si mens sequatur ac non potius castiget, & corrigat, omnino fallimur, & aberramus à vero. Ita in nobis esse cœleste quoddam lumen, quo ipsas etiam rerum formas ad intelligendum oblatas, diiudicemus, & probemus, atque improbemus, apertissimo vsu deprehendimus. Quare & animum omni corporea natura superiorem, & æternum veritatis vigorem in summa hominis sede præsidentem, qui immortale lumen suum ex illo primo, & summo lumine accensum contestetur, qui ignorat, aut dubitat, is profecto se se etiam esse homi-

hominem ignorat, aut dubitat. Itaq; forma omnis sensu percepta, visq; ipsa imaginandi si de cœli rotunditate interrogetur, nihil aliud dictura est, quam quod docuit Lactantius. Si cœlû rotundum sit, solem, & alstra cadere ad occasum, surgere ad meridiem, terram esse suspensam in aere, homines, qui ex altera parte incolunt, vestigia superiora ferre quam capita; niuem & imbres illic non cadere deorsum, sed infernè ascendere, & cetera portenta etiam dictu ridicula. At si suprema rationis vis consulatur, nugas has omnes facile irridebit, atque imaginatione tanquam anum delirantem respuet. Tum illa sua seueritate in corrupta respondebit, eos decipi, qui per inde mundum fabricantur, vt domum quandam, cuius fundamento nil nisi terra, tecto non nisi cœlum superius sit. Quin potius vt in animantibus quamuis alijs aliter situm sit caput, alijs quidem supernè, vt hominibus, alijs obuersum vt quadrupedibus, alijs medium, vt polypo, & araneo, in omnibus tamen caput esse supremum, ita etiam cœlum vbicumq; sit, supernum esse, terram semper infernam. Nam quia imaginatio nostra addicta est loco, & tempori, tempus autem & locum non percipit vniuersè, sed definitè, iccirco cum ad ea assurgit, quæ tempus excedunt, aut locum sibi notum, protinus corrui, & nisi ratione erigatur, ne momento quidem stare potest. Itaque ante mundum conditum tempus querit, & illi quoque fabricando locum parat, neque aliter

*Arist. 1. de
celo.*

fieri posse satis vider, cum ratio tamen neque ante motum fuisse tempus, neque vniuerso ipso locum vllum priorem fuisse perspicuè ostendat. Hanc igitur ex vana imaginatione conceptam contra terræ situm argumentationem philosophus, & dilucidè refellit, & breuiter eundem esse in mundo locum & medium, & infimum vere omnino pronuntians.

*Quæ ratio impulerit B. Augustinum, vt negaret esse
Antipodas. CAP. VIII.*

*Augus. lib.
Categor. 6.
10. in. 1. 10.*

DI V V M vero Augustinum acerrimo ingenio virum longe alia ratio, vt de medio auferret Antipodas, cōpulit. Nam illam de incessu contratio ipse dissoluit in libro Categoriarum. Veteres inquit, vnde quaque versum asserentes terram esse subter, cælum super. Nam & Antipodes nostri qui nobis dicuntur figere aduersa vestigia, cælum super se habent. Hoc igitur cum philosophice prorsus intellexerit Augustinus, quid quæso potuit hominem vsque adeò doctū in eam opinionem perducere? Nempe ex media Theologia sumpto argumento, quod omnes homines ex vno Adæ semine propagatos diuinæ literæ tradunt, vt autem infinito Oceano traiecto homines ad obuersas terræ partes commearent, nulla ratio pati posse videbatur. Ac nisi vsus ipse rerum oculata fide secus esse ostendisset, profecto hodie quoque inuicta ratio illa perstaret. Quam cum nullo modo esse veram, liquido constet

Ast. 17.

stet, quomodo tamen soluenda sit, id est, quemadmodum genus Indorum potuerit ad hanc Americam penetrare, operis & difficultatis plurimum habet. In cuius explicatione diutius nobis erit in consequenti disputatione laborandum. Nunc ipsum Beatum Patrem audiamus in libris de Ciuitate Dei differentem. Quod vero & Antipodas esse fabulantur, id est, à contraria parte terre, ubi sol oritur quando occidit nobis, aduersa pedibus nostris calcare vestigia, nulla ratione credendum est. Neque hoc vlla historiarum cognitione didicisse se affirmant, sed quasi ratiocinando coniectant, eo quod intra conuexa cœli terra suspensa sit, eundemque locum mundus habeat & infimum, & medium, & post pauca. Nullo modo scriptura sacra mentitur, quæ narratis præteritis fidem facit, eo quod eius prædicta complentur. Nimisque absurdum est ut dicatur, aliquos homines ex hac in illam partem Oceani immensitate traiecta nauigare & peruenire potuisse, ut etiam illic ex vno illo primo homine genus institueretur humanum. Totæ ergo Augustini difficultas Oceani immensitas fuit. In qua etiam sententia fuit grauissimus autor Gregorius Nazianzenus pro certo confirmans ultra Gades mare esse hominibus impermeabile. Nam in quadam epistola. Porro, inquit ultra Gades mare hominibus non esse permeabile Pindaro docenti assentior. Et in funebri oratione Basilij. Neque ultra Gades transmeare cuiquam concessum est. Quod quanquam prouerbij loco ex Pindaro

Lib. 16. c. 9.

Greg. Nazian. epist. 71. ad vñ humanā.

sumptū est. (Quod ultra Gades est, ait ille, æquē sapientibus & stultis inaccessum est,) tamen ipsa proberbij origo satis ea de re veterum constantem sententiam indicat. Itaque Poetarum, Historicorum, & Topographicorum literis Gades Hispanicæ, orbis terrarum fines celebratur, illic Herculeas columnas erigunt, illos & Romani Imperij, & vniuersi orbis limites statuunt. Neq; profanæ solum, sed sacræ etiam literæ ad eum modum sæpè loquuntur. Accommodant enim se illę vulgari sententiæ, vbi scribunt. Exisse edictum à Cæsare Augusto, vt describeretur vniuersus orbis, & de Alexandro Macedone tradunt peruenisse ad terræ fines, & terram vniuersam celsisse illius imperio, sicut alias Euangelium in vniuerso mundo fructificasse, & creuisse, vilitato enim more vniuersus orbis accipitur, portio illius maxima ad illa vsque tempora cognita. Nam neque Oceanum illum Indicum, neque hunc alterum Atlanticum humanis viribus aut industria trajci posse vna omnium sententia fuit. Itaque Plinius tanquam de re certa ait, Sic maria circumfusa vndique diuiduo globo partem orbis auferunt nobis, neq; inde huc, neque hinc illo peruiō tractu, id quod Cicerō, Macrobius, Mela, cæteri; plerique scripserunt.

Aristotelis sententia de habitatione alterius orbis, & qua in re aberrauerit. CAP. IX.

FVIT quoque altera causa, cur veterum opinione ad hunc alterum orbem mortalibus non

Luc. 2.

1. Mach. 1.

Colos. 1.

Plin. lib. 2.

c. 67.

non pateret accessus, quod præter Oceani vastitatem, cælum ipsum obstaret solaris Zonæ implacabili æstu, quo ab eo itinere, vel mari, vel terra conficiendo audacissimum quemq; compesceret. Namque ij, etiam, qui terram, ut est, fecere rotundam, & ad vtrumque Polum habitabilem esse censuere, negarunt tamen incoli posse ab hominibus mediam hanc eandemque maximam & longissimam Zonam duobus solstitialibus circulis comprehensam, propter æstiuos perpetuosque ardores ex Solis propinquitate eam omnem regionem adurentes, & pabuli aquarumque impotentem efficientes. Huius sententiæ autor est Aristoteles, magnus ille quidem naturæ explorator, sed in hac re longè aberrans à vero. Quid autem philosophatus recte sit de situ orbis, quid secus, breuiter expediam. Is de Austro disputans an ab ipso meridie exoriatur, an potius ab vltimo vertice Poli Antartici, ad hunc modum scribit. Ratio docet terræ, quæ habitatur latitudinem quidem determinatam esse, eam tamen continenti orbe coniungi non posse propter temperationem. Non enim ardore nimio, & frigore premitur in longitudinem suam, sed in latitudinem, ita ut sicubi maris vastitas minime prohiberet, tota quam longa est pedibus peragrariposset. Huc usque prorsus bene. Non enim potest negari quin terra in longitudinem hoc est ab ortu ad occasum magis habitationi hominum accommodata sit quam in latitudinem id est, à Septentrione in meridiem, non solum ob rationem

Aristot. 2.

Meteo. c. 5.

ab Aristotele allatam de temperatione, quæ per longitudinem eadem perpetuo est, cum æque ablit à solis æstu, & septentrionis rigore, verum etiam propter noctium dierumque spatia alterna, cum versus latitudinem in perpetuas umbras & semestrem noctem incidere necesse sit. Pergit autem aduersus Geographos sui temporis id monstrare Aristoteles. Hoc ipsum, inquit, in nauigationibus itineribusque pedibus conficiendis animaduerti licet. Longitudinis enim & latitudinis magna est distinctio. Nā quod à columnis Herculis vsq; ad Indiā pertinet eo q; ab Æthiopia vsque ad Mæotin, & ad extrema Scythiæ loca maius est, quam quinque ad tria sint, si quis nauigationum atq; itinerum rationem habeat, quantum earum rerum certa explorataque cognitio hauriri potest. Atqui vsque ad incultas terræ partes eam, quæ habitatur in latitudinem cognitam habemus. Hic Aristoteli veniā danda est, qui ex suæ ætatis historia nihil vltra citeriorem Æthiopiam, Africæ atque Arabiæ subiectā exploratum habuerit, vltimā Æthiopiam ignorarit, cū necdum immensa illa pretiosi Ioānis regio cognita haberetur, multoque minus quicquid Æquatotem, quicquid Tropicum Capricornij excedit vsque ad bonæ spei promontoriū Lusitanica nauigatione notissimum. Quo ex loco si vsque ad vltimam Scythiam atque Tartariam latitudo capiatur, non dubium est quin æquatura sit totam à columnis Herculis vsque ad Indiam longitudinem. Sed & Nili fontes, &

infini-

infinita propemodum interioris Æthiopix spatia ignoravit antiquitas. Ob hanc rem Lucanus Cæsarem ab ea inquisitione coercet. Quæ tibi, *Lucan. 10.* inquit, noscendi Nilum Rōmane cupido? & Nilum ipsum alias alloquens idem poeta. Et te terrarum nescit cui debeat orbis: scripturæ autem nostræ, idest, sacra autoritas eam quoque terram habitari facile obtinet. Neque enim in Sophonia legeremus. Vltra flumina Æthiopix filij *Sopho. 3.* dispersorum meorum deferret munus mihi, cum de illarum gentium vocatione vaticinaretur, sed ut dixi, veniam oportet dare philosopho suis historicis & topographis fidē habenti. Illud quod sequitur, expendamus. Altera, inquit, pars hoc est Septentrionalis, ultra inculta est, quod frigore rigeat, altera, idest, ultra solstitium, quod vritur calore. Quæ autem ultra Indiam, columnasque Herculis sitæ sunt, eæ propter mare coniungi minime ita videntur, ut tota sit continens terra, quæ habitatur. Hoc verum est prorsus & indubitatum. Adiūgit vero. Quoniam necesse est aliquem locum eandem habere rationem ad alterum verticem, quam is, quem nos incolimus ad eum, qui supra nos est, habet, non est id quidē dubium quin eadem ratione cætera alia, tum vè torum situs respondeat. Et interpositis quibusdam de Austro & Aquilone. Necesse est profecto Austrum esse ventum eum, qui fiat à loco qui calore vritur. Is autem locus quod solem proximum habet, aquis & pabulis caret. Hæc Aristoteles, nec potuit fortassis certius aliquid

assequi humana suspicio. Quæ etiam ex te (vt hoc
 religiose dicam) soleo sæpe perpendere, quam in
 rebus diuinis infirma sit philosophia sapientium
 huius sæculi, quando in ipsa terrena, & infima ma-
 teria, vbi sibi videtur maximè sapere, vsque adeo
 desipit. Habitationem terræ ad hunc alterum Po-
 lum Austrinum, vt vocat Plinius, collocatæ se-
 cundum longitudinem ab Occidente in Orien-
 tem esse maximam, secundum latitudinem vero
 à vertice Australi vsque ad æquinoctialem, aut
 nullam, aut perexiguam Aristoteles vult. Sed
 aded falsum est, vt torius noui orbis tota prope-
 modum habitatio sit secundum latitudinem, id-
 est, à Polo in Polum: ab Oriente autem in Occi-
 dum breuis admodum mensura sit, tantumque
 latitudo noui orbis longitudinem superat, quan-
 tum denarius ternarium, & eo amplius. Iam ve-
 ro quod mediam regionem, quam torridam Zo-
 nam vulgo appellamus, asserit procius inhabita-
 bilem, quod calore exuratur propter solis vicini-
 tatem, quodque pabulis, & aqua careat, omnino
 est secus. Nam & noui huius orbis longe maxi-
 ma pars ac frequentissime habitata, intra vtrum-
 que Tropicum continetur, eadem, & pabulis, &
 aqua supra omnes orbis terrarum regiones abun-
 dat, atque plurima ex parte temperatissima est,
 vt hic etiam Deus stultam huius mundi sapien-
 tiam fecisse videatur. Est ergo habitabilis habita-
 tutq; copiose quicquid reclamet antiquitas, Zo-
 na torrida. Porro regio illa inter hanc torridam,
 & illam Polarem posita, quamuis situ ipso cõmo-
 dissima

diffima fit habitationi humanæ, tamē raro admodū habitatur, quod hactenus sola regio Chylēfis occurrat, quæ non fit Oceano intercepta. Multi tamē quorū me etiā in numero eſſe proſiteor, terrā huic Chylēſi oppoſitā vltra Tropicū Capricornij poſtrigi opinātur, ſed eadē nobis nondū eſſe exploratā. Neq; dubiū eſt, quin ea regio, vt optimū, & tēperatiſſimū ſitū tenēs, mediū inter torridā, & Polarē, ita etiā omnibus rebꝝ præſtet, vt pote Europæ optimæ parti æqua ratione reſpōdēs. Et hoc ſatis cōſentaneū Ariſtoteles ſuſpicatus eſt. Sed tamē, vt dixi, & illa quātū hactenus cōpertū eſt, breuiſſima eſt, & ipſa torrida longe maxima. *Quod eadem Plinij & complurium veterum ſententia fuerit.* C A P. X.

Ariſtoteliſ ſententiā ſecutus eſt Plinius. Lux inquit, media terrarum, qua ſolis orbita eſt, *Plin. lib. 2. c. 61.* exuſta flāmis, & cremata cominus vapore torretur. Circa quā duæ tantū inter exuſtā & rigētes tēperantur, hæq; ipſæ inter ſe nō peruiæ propter incendiū ſideris. Hæc eadē fuit vulgaris ſentētia veterum, quā etiam Poeta ſuo carmine celebrat.

*Quinq; tenent cælum Zona, quarum vna coruſco
Semper ſole rumbent, & torrida ſemper ab igne.*

*Verg. in
Georgic.
Et. 7. Anei.*

Idemq; alias, Et ſi quē extenta plagarum. Quatuor in medio dirimit plaga ſolis iniqui. Et aliud poeta apertius.

Totideniq; plaga tellure premuntur.

*Ouidius. 1.
Meta.*

Quarum quæ media eſt, non eſt habitabilis æſtu.

Ea vero veterū ſententia, perſpicua atq; inuiſta, vt ipſis videbatur, ratione nitebatur. Nam vt quæq;

quæque regio ad meridiem propius accedit, ita solis ardoribus magis expositâ animaduertent, idq; adeo verum est, vt in eadem Italiae prouincia Apuliam Liguria, & in nostra Hispania Bæticam Cantabria vsque adeo feruentiorem notare liceat, vt per gradus vixdum octo grande frigoris & æstus discrimen sit. Hinc iam consequi videbatur, vt eadē ratione seruata ea regio, quæ solis radijs subiecta esset, intolerabili prorsus perpetuoq; ardore vrgeretur. Præterea inter ipsum anni decursum hyemis, veris, æstatis, autumnī, vicissitudines nō alia ex re fieri videbant, quam ex solaris globi accessionibus. Et cum æstiuos calotes longe adhuc à solstitiali circulo positi vix se ferre posse cernerent, iam suo iure colligebant, si tam propinquum haberent solem, vt directo illius radijs ferirentur, idque per totam propemodum annum, futurum esse omnino, vt summis perpetuisque ardoribus absumeretur genus omne mortalium. Hæc antiquorum, quod regio media inculta esset, ratio fuit. Quam, nisi nos secus vsus ipse docuisset, non physicam, sed mathematicam demonstrationem, hodie quoque reputaremus, adeo ad ipsas etiam naturæ leges peruidendas humana ingenia imbecilla sunt, verum illa duo naturæ miracula immensi, inquam Oceani certa traiectione, & torridæ Zonæ suauissima habitatio, nostræ ætatis felicitate patuerunt. Et quoniam de Torridæ habitatione & natura fuscè dicendum est libro sequenti, Oceanum per nauigandi ratio, quæ ad institutum magnopere

gnopere confert, hoc ipso explicanda est, si prius, quæ de genere Indorum veteres, recentesque scriptores tradidisse videtur, persecuti fuerimus.

Notitiam alterius orbis apud veteres inueniri.

CAP. XI.

IGITUR hominum genus ultra Cancræ circulum habitare veteres aut omnino negarunt, ut Lactantius & Augustinus, aut certe si qui essent, intra mediæ regionis terminos non posse consistere affirmarunt, ut Aristoteles & Plinius, & utroque antiquior Parmenides, utrumque autem secus esse satis constat. Sed utrum ante nostram ætatem eius rei notitia extiterit, accurate permulti quærunt. Apparet enim monstri simile, & alterum orbem esse tantum, quantum hunc cernimus, & antiquos tot sæcula latuisse. Itaque nonnulli tanquam eam gloriam nostro & sæculo & generi inuideant, conantur huius quoque orbis notitiam antiquitati tribuere. Atque esse certe nonnulla eius vestigia negare non possumus. Scribit Hieronymus in epistolam ad Ephesios. Quærimus quoque quid sit. In quibus aliquando ambulastis secundum sæculum mundi huius. Vtrum nam & aliud sæculum sit, quod non pertineat ad mundum istum, sed ad mundos alios, de quibus & Clemens in epistola sua scribit. Oceanus & mundi qui trans ipsum sunt. Quænam hæc fuerit Clementis epistola ignoro: sed illud scripsisse Clementem Hieronymo fidem non

*Plut. lib. 3.
de placitis
philo. c. 11.*

*Hiero. in. c.
2. epist. ad
Ephes.*

*Clemens Ro-
manus epist.
ad Corinth.*

*Plinius lib.
2.6-67.*

Idē, ibidē.

nō habere nō possum. Perspicuè vero Oceano tra-
iecto alterū esse mundū imo etiā mūdōs Clemēs
docet, atq; ita re vera est, lōgissime enim vterq;
nōuus orbis, id est, America, ab India Oriētali di-
stat. Caius quoq; Plinius accuratissimus rerū mi-
rabiliū indagator memoriæ prodidit, Hannonē
ducē Carthaginēsem à Gadibus ad finē vsq; Ara-
biæ circumiectū, eāq; nauigationē literis cōmen-
dasse. Quod si verū est, quicquid hodie Lusitani
immēsa sua nauigatione bis æquinoctiali supera-
ta Oceanū conficiunt, Hanno ille emensus sit ne-
cesse est. Eandem nauigationem contrario ordi-
ne cōfectam ab Eudaxo quodam quem, cum La-
tyrum Regem fugeret, Arabico līnū egressum
Gades vsq; peruectum idque sua ætate, Corne-
lius Nepos autor est. Tradunt etiam autores nō
ignobiles nauem Carthagenensium vi ventorū
per Oceanum abreptam in nouam quandam re-
gionem incurrisse, moxq; ad suos reuersam cog-
noscendæ eius regionis studiū Carthagenensibus
excitasse, verū maiorū decreto eā inuestigatio-
nem esse cohibitam, ne nouarū rerum occasione
Carthaginis gloria, & celebritas fuscaretur. Qui-
bus ex rebus intelligere possumus nonnullā noui
orbis apud veteres notitiam extitisse, tametsi de
Occidentali hac India, deq; hac America vix ali-
quid monumentis antiquorū consignatū inueni-
re liceat. Nam de Orientali India etiam citeriori
quæ antiquis erat vltior, eo quod ex altera par-
te orbem peragrarent, non rara neq; obscura mē-
tio est. Nam de Aurea Chersoneso de Cori pro-
monto-

montorio, de celebrata illa Taprobane, quæ alijs
 hodie vocabulis frequentantur, quis ignotat ve-
 terû scriptorû literas? Quid de vtrâq; Æthiopia,
 de Brachmanibus, de gēte Synarû? Nōne & multa
 & p̄spicua horû cōmemoratio extat in libris anti-
 quorû? Porro Occidētalīs nauigationis, quātum
 etiā fama assequi Plini⁹ potuit, tātū ad fortunatas
 Insulas cursum protēdit, earūq; p̄cipuā à multi-
 tudine cantū Canariā vocatā refert. Inde pelag⁹ il-
 lud amplissimū, quod merito Magnū nauæ ap-
 pellāt, vix vllis certis vestigijs antiquitatis notatū
 reperim⁹. Sed nōnullos maxime illud Senecæ car-
 mē mouere solet, cū in suis Anapesticis noui orbis
 res p̄dicere videatur. Ita em̄ illius Medæa habet;

Venient annis sacula feris.

Quibus Oceanus vincula rerum,

Laxet & ingens pateat tellus.

Typhisq; nouos detegat orbes,

Nec sit terris, vltima Thule.

Plin. lib. 6.

c. 32.

Seneca in

Medea a-

ctu. 2. in fi.

ne.

Ita esse factū negare nō possum⁹. Nā seros annos
 mille & quadrigētos à Tragico plusquā bis mille
 à Medæa merito accipim⁹. Oceanū quoq; rerū la-
 xasse vincula, cū alio terrarū terminos ostēdit &
 patuisse ingētē tellurē, tota certe Asia atq; Euro-
 pa maiorē, deniq; nouos esse detectos orbes, oēs
 cernimus, vt Chor⁹ ille p̄dixit. Sed vtrū diuina
 rit Seneca, an fortuito ac temere cecinerit, quæri
 potest. Mihi vero diuinasse videtur, sed eo genere
 diuinationis, quod prudētes viri familiare habēt.
 Videbat namque iam illo sæculo nauigationibus
 mare inusitatis sollicitari, terram esse alteram

Antich-

Antichthonam ex philosophia didicerat. Potuit iure & merito hominum industriam, & audaciam eo aliquando progressuram existimare, ut magno Oceano enauigato novos terrarum orbem aperiret, cum præsertim ea ætate naufragia illa, quæ Plinius narrat, longissimi Oceani nota essent. Nam post veterum quietem collaudatâ, adiungit de audacia suorum temporum. Nunc iam celsit Pótus, & omnes patitur leges, & mox. Quælibet altum cymba pererrat. Terminus omnis notus, & vrbes muros, terra posuere novos. Nil qua fuerat sedere reliquit peruius orbis. Indus gelidum potat araxem, Albim, Persæ, Rhenumque bibunt. Huius itaque audaciæ hominum quasi incrementa extrema connectit, venient annis sæcula seris, & cætera, quæ recitata sunt.

Platonis sententia de India Occidentali.

C A P. XII.

*Plato in
Timæo.*

PLATO vero in Timæo expressius hunc nouum orbem Occidentalem, & propius attingisse videri potest. Tunc, inquit, pelagus illud nauigabile erat (loquitur autem de Oceano Athlætico) insulam enim ante ostium habebat, quod vos columnas Hérculis appellatis. At insula illa & Lybia, & Asia simul maior erat, ex qua ascensus ad alias insulas tunc proficiscentibus contingebat, ex Insulis autem in omnem ex aduerso continentem circum vetum illum Pontum sitâ. Hæc apud Platonem Critias. Qui vero Platonem, & hi-

& historiam tradere, & vera narrare sibi persuadent, ij hæc ita exponunt, vt insula quidem illa, Atlantis dicta, tota Asia & Africa maior plurimam Oceani Atlantici partem, quem modo Hispani traiciunt, occuparit: insulas autem ad quas ex Atlantide ascensus contingebat, esse eas, quas nostri nautæ appellant Barlouenti, Cubam, Hispanicam, S. Ioannis Boriquen, Iamaicam & reliquaseo ordine positas. Ex his vero ad continentem adiri, hoc est, ad terram firmam à nostris dictam termino hoc Peruenſe regnum & totam Americam. Verum autem Pótum circum quem posita sit Continens, interpretantur hoc mare Australe vulgò Sur appellatum, ideo vero a Platone verum Pontum nominatum, quod præ vastitate illius Mediterraneum omne atque Atlanticum ipsum tanquam ficta & ludicra maria vocari possint. Acute quidem atque concinne excogitatâ hæc à viris ingeniosis & antiquitatis studiosis. Vtrum autem æquè verè ac certè, alio loco inquiremus.

*Zarate in
sua histo-
ria.*

Quod quidam Ophir in sacris literis esse nostrum Peru opinati sint. CAP. XIII.

IN sacris quoque literis, huius Occidentalis Indiæ mentionem fieri sub Ophir nomine quidam volunt. Rupertus quidem Stephanus, vel potius Franciscus Vatablus vir Hebraicè doctissimus, vt ego à præceptore discipulo illius accepi in scholijs ad caput nonū libri tertij Regum.

*In Biblijs
Roberti Ste-
phani.*

*In appara-
tu Bibliæ
Regia in
Phaleg. c.
9. & in Bi-
blijs Rober-
ti Stephani
2. Paral. c.
9.*

gum, Ophir, vnde Salomon asportasse dicitur
quadringenta viginti, siue quinquaginta auri
talenta scribit esse Insulam Hispaniolam à Chri-
stophoro Columbo inuentam, vnde aurum op-
timum, & probatissimum ex monte Cibaico no-
stri erunt. Neq; defuere vici perdocti qui Ophir
in sacris literis tantopere celebratam existima-
rint esse hoc ipsum nostrum Peru, quod vocabu-
lum ipsum etiam Hebraicè extet, sicque appella-
tū hoc regnum credant, cum Paralipomenō scri-
beretur historia. Per Metathesim vero Ophire si-
ue opire sit dictum Piru. Adduci etiam in eā sen-
tentiam videntur, quod scripturā commemoret
aurum optimum & ligna thyina pulcherrima &
pretiosissima, & gemmas ex Ophir afferti. Qui-
bus omnibus regio Peru abundare autoribus his
videtur. Quæ sententia mihi probari nullo mo-
do potest. Nam auri copiam in hac America
esse scio, sed non adeo celebrem, vt Orientali In-
diæ præferatur. Gēmas vero pretiosissimas, quas
scriptura refert, & ligna illa Thyina qualia nun-
quam visa sunt in Hierusalem, adhuc requiro: ac
smaragdos quidem præcipui viroris, ligna quo-
que & odorata & fortia satis inuenio, sed singu-
lare præterea nihil. Nec mihi vero simile est, vt
relicta Orientali India ditissima, ad hanc extre-
mā Occidentalem Salomōn Classē mitteret, ne
que si ita frequenter misisset, nulla futura fuisset
tantæ rei vestigia. Etymologiæ autem illa cō-
gnatio ex Ophir in Peru deducta non admo-
dum mihi persuadet. Etenim nomen ipsum Pe-
ru in

fu in his regionibus neque antiquum est, neque
 generale, sed quemadmodum in his ferè noui Or
 bis expeditionibus contigit, vt regio de nomine
 ignota, primo quoque vocabulo appellaretur,
 atq; id esset sæpe fortuitum, ita quoq; in hoc Pe
 ruano Regno factum est. Ex fluuio quodam, in
 quem nostrates inciderunt, eo nomine dicto,
 quemadmodum antiquiores nobis tradidere, to
 ta hæc regio Peru deinceps vocata est, vsq; adeo
 que id verum est, vt indigenæ vocabulum ipsum
 Peru hodie quoq; ignorent. Neq; ab alijs quã ab
 Hispanis, si qui illorum ita nominant, nominare
 didicerunt. Cognatio quoq; & similitudo nomi
 num leuem sanè coniecturam plerumque affert:
 nisi velimus Romanos in his regionibus quoq;
 versatos asserere, quod Titum & Paulum inter
 præclara Ingarum principū nomina frequenter
 audiamus. Me vero si quis interroget, quam re
 gionē aut prouinciam arbitrer esse Ophir, quo
 classis Salomonis Tyrijs & Sidonijs nautis in
 structa vehabatur auri exportandi gratia, & quo
 cum eadem ex causa Classis Iosaphat Regis per
 geret, in Asiongaber naufragium perpessa est, terrā au
 equidem Flauio Iosepho potius assentior Indiæ
 Orientalis sedem asserenti, ab Ophir filio lectā
 cuius in Genesi mentio est collocatam, eandem
 que primi auri ditissimam. Ex quo in sacris lite
 ris Aurum Ophir, siue Opham, siue etiam obri
 zū quasi Ophirizū celebratur, quod cō apud He
 bræos teste Hieronymo auri septē vel genera vel
 vocabula sint, Ophir principē locū teneat, sicut

3. Reg. 9.

3. Reg. 22.

Ioseph. lib.

8. ant. iu-

daic. vbi &

terrā au-

reā vocari

Ophir.

Gene. 10.

Montanus

in alpha.

Hie. on. ad

Principia.

n. 3. tomo.

36 DE NATURA NOVI ORBIS
apud nos Valdiuix aut Carabaix aurum celebratur. Cur autem in Oriētali potius India quā in hac Occidentali Ophir fuisse existimem, illud caput est, quod ad nostrū Perunon nisi infinito circuitu tota India Orientali & Sinarum regione enauigata Salomonias classis peruenire poterat. Neque sit mihi verisimile per tot spatiorum millia Sidonios nauigasse auri quærendi causa, ad eam præsertim terram, cuius nullam habere notitiam per continentem potuerint. Nam nostræ nauigationis artem, & methodum veteribus fuisse ignotam argumentis haud quaquam leuibus postea ostendemus.

*Quid nam Tharsis & Ophir in sacris literis
significent. CAP. XIII.*

Q V O D si suspicionibus & coniecturis tantum cōcedi debet, ego sanè Ophir & Tharsis in diuinis literis sæpius non certum aliquem definitumque locum sonare suspicor, sed generale potius esse vocabulum, idemque efficere apud Hebræos quod apud nos vulgo Indiarum vocem. Nihil enim aliud vulgari tritoque vsu Indiarum nomine accipiunt nostrates, quam remotam procul regionem, eamque opulentam, & à consuetudine nostrarum rerum mitissime differentem. Ita Indiam æquè vocant nostri Hispani & Americam, & Mexicum, & Sinas, & Malacam, & Brasiliam regiones certè & situ & forma latissime dissidentes. Quanquam negare nō possumus

possumus inde ductum nomen Indorum & de-
 tiuatum ad hunc nouum orbem, quod India ipsa
 verè Indica, opinione antiquorum, omnium ter-
 rarum haberetur extrema. Itaque idem Indos
 intelligunt homines, quod fines orbis terrarum.
 Ad hunc plane modum Tharsis apud Hebræos
 videtur mihi non certum aliquem locum desi-
 gnare frequentius, sed communiter regiones
 omnes remotas, easdemque opinione hominum
 mirabiles & opulentas, Nam quod Iosephus &
 alij nonnulli pro eodem Tharsis & Tarsum Ci-
 licia urbem sumunt, non est satis probabile, vt
 etiam Hieronymus docet. Non solum quod scri-
 ptio in aspiratione per Θ & T prorsus discrepat,
 sed quod pleraque etiam in sacris literis dicta
 de Tharsis in Tarsum nullo modo congruere
 queāt. Quanquam sancta scriptura nonnunquā
 Tharsis in Cilicia collocari insinuat, ita enim de
 Holopherne scribitur in libro Iudith. Cumque
 pertrāsisset fines Assyriorum, venit ad magnos
 montes, Ange, id est, Taurum, qui sunt à sinistro
 Ciliciæ, ascenditque omnia castella eorum &
 obtinuit omnem munitionē, effregit autem ciui-
 tatem nominatissimam Melithi, prædauitq; om-
 nes filios Tharsis & filios Ismael, qui erant con-
 tra faciem deserti & ad Austrum terræ Cellon,
 & transiit Euphratem & cætera. Verum vt dixi
 rarum est, vt Tarsō conueniant, quæ de Tharsis
 legimus aliās. Iam vero Theodoretus & quidam
 alij, versionem septuaginta interpretum alicubi be-
 secuti, Tharsis in Africa esse, eamque a nostris

*Hieron. ad
 Marcellā
 in 3. tomo.*

Iudit. 2.

*Theodoret.
 in 1. longæ
 Arias mon
 tanus ibid.
 & in alphæ*

Carthaginem dictam volunt. Aiunt enim eo cursum intendisse Ionam, cum scribitur fugere voluisse à facie dñi in Tharsis. Quod præterea certa Indiæ regio Tharsis vocetur in sacris literis, quod D. Hieronymus vult, non equidem repugno. At vnameandemq; definitò regionem semper significare, id certè nego. Etenim reges Tharsis, quos munera Christo oblaturus Psalmus canit, Magos fuisse ab Oriente venientes, eosdemq; Sabæos, & Ephæos & Madianitas satis sacra scriptura docet, quos & Aethiopes, & Arabas, & Perlas viri docti fuisse tradunt, sed Tharsis vocabulum homonymum esse ac plura variaque significare in sacris literis Hieronymo assentior, itaq; interdum Chrysolitus aut Hyacinthus est, interdum Indiæ regio quædam, quin etiam mare ipsum quia cæraleum est, & illorum lapidum colore stadijs percussum imitatur. Sed bene idem Beatus Pater in Esaiam scribens negat Tharsis, quo Ionas peteret, esse aliquam Indiæ regionē. Neque enim, inquit ille, Ionas de Ioppe nauigās ad Indiam poterat peruenire, ad quam illo mari non potest nauigari. Nam maris mediterranei, non rubri, vnde in Indiam nauigari potest, olim Ioppe nunc Iapha portus est. Longe ergo alia fuit Classis Salomonis nauigatio siue in Ophir siue in Tharsis per mare rubrum. Namq; à Sion gaber, vbi Regis Iosaphat naues constructæ sunt, portum esse constat vrbis Idumææ ad sinum Elamiticū positæ prope fretum ipsum, vbi Erithræū mare magno Oceano committitur. Salomoni autem &

*Hieron. ad
Marcellā.
Psal. 44.
Esai. 60.*

*Hiero. lib.
1. in Esai.
6. 2.*

3. Reg. 22.

tem & aurum, & argentum, & ebur & simias & pavos de Indica illa regione triennali navigatione, quæ non poterat, non esse longissima, afferri solita legimus cum & metallis pretiosis, & Elephantis, & cæteris delitijs India abundet, quæ admodum Plinius locuples autor est, & nostri temporis certa fama. Atqui ex nostra America ebur nullum exportari potuit, cum Elefantos profusus ignoret, aurum alioqui & argentum & simios elegantissimos abunde præbere posset. Sed ut dixi hæc mea sententia est, Tharsis nomine aut immensum mare aut regiones semotissimas & valde peregrinas accipi solere. Quamobrem quæ de Tharsis dicta sunt, ea prophetico spiritu ad novum orbem interdum accommodari posse non dubito.

Quid de hoc novo orbe Abdias vaticinatus sit iuxta quosdam. CAP. XV.

Quidam etiam novum hunc orbem Christo expugnandum idque Hispanica vi longe ante in sacris & arcanis literis prophetatum vident. Nam extremum Abdiæ Vaticinium ita interpretantur. Et transmigrationis exercitus huius filiorum Israel omnia Chanaanæorum usque ad Sareptam, & transmigrationis Hierusalem quæ in Bosphoro est possidebit civitates Austri, & ascendent Salvatores in montem Sion indicare montem Esau, & erit Domino regnū. Sic nos legimus iuxta vulgatam. Illi vero ex Hebræo, ut

*Guido Bo-
derianus in
epi. ad Phi-
lippum Ca-
tholicū Re-
gem in. 5.
to. sac. Bib.
Et Zuma-
raga in
Hispanica
historia.*

dicunt, hoc modo : Et transmigratio exercitus huius filiorum Israel qui Chananæi sunt vsque Sarphat, (idest, Galliam) & transmigratio Hierusalem, quæ est in Sepharad (hoc est, Hispania) hæreditate possidebit ciuitates Austri, & ascendent salutem procurantes in montem Sion ad iudicandum montem Esau, & erit Domino regnum. Sed cur Sepharad, quod Hieronymus vertit Bosphorum, septuaginta verò Euphrata designet Hispaniam, nullum ex antiquis proferunt testimonium, nullam certam rationem, sicut etiam Sarphat, vbi vtraq; editio habet Sareptâ, Galliam Guido patriæ fauens interpretatur. Nos vero qui de linguarum peritia cettare non possumus, illud iure requirimus, quid nam cogat ciuitates Austri siue Nageb, vt habent septuaginta noui orbis gentes accipere? Quid etiam transmigrationem Hierusalem in Sepharad gentem Hispanicam intelligere? Nisi Hierusalem spirituales cogitemus, hoc est, Ecclesiâ, vt per transmigrationem Hierusalem, quæ est in Sepharad Spiritus sanctus significet Ecclesiæ sanctæ filios, qui versantur in finibus terræ aut portibus, id enim Sepharad Syriace notat, atq; in Hispanias satis congruit, vbi & fines orbis terrarum à veteribus positi sunt, & mari cinctam regionem fere omnem Hispanicam constat. Austrum vero siue Nageb hunc orbem accipi posse inde fortassis ostendent, quod totus pene hic mundus inuentus sub meridie iaceat, & plurima ex parte Australem polum spectet. Nam quod sequitur. Et
ascendent

ascendent salutem procurantes in montem Sion
 ad iudicandum montem Esau, non difficile est ex-
 ponere, quod ad Ecclesiæ sanctæ doctrinam ar-
 cemque confugiant, qui errores profanos gen-
 tium (hoc enim Esau notat) euertere cupiant. Ac
 tunc erit non tam Hispanis, aut Europæis quam
 Christo domino Regnum. Ad hunc sane mo-
 dum, qui Abdix vaticinium accipere velit, non
 valde improbandus est. Nam spiritû omnia nos-
 se certum est, & tantæ huius rei hoc est noui or-
 bis inuenti & Christo subacti satis probabile est
 in diuinis eloquijs nonnulla extare vestigia, Esaias
 ait, Væ alis nauium trans Æthiopiam. Trans
 Æthiopiam profecto nullas alias alas, idest, ce- *Esai. 18.*
 lerrimas naues intellexisse videri potest, nisi Claf *iuxta sep-*
 sem Oceani Atlantici, qui Æthiopia vltior *tuag. inter*
 est, regionem Iudæam incolentibus. Et quam- *preter.*
 uis nauibus tam superbis propheta ominetur in-
 fausta, tamen fructum etiam domino inde acces-
 surum alius propheta prænuntiat, Ultra flumina
 Æthiopiæ, inquit, inde supplices mei filij disper- *Soph. 3.*
 sorum in eorum deferent munus mihi. Quod rur-
 sus ad Insulas longe & Tharsis ituros esse, qui sal-
 uati fuerint de Israel & congregaturos Domino
 varias gentes Esaias loquitur, vbi & Græciam, & *Esai. 66.*
 Italiam, & Hispaniam, & Africam, & alias pluri- *iuxta. 70.*
 mas nationes numerat, quid vetat, quo minus ad
 harum etiam gentium vocationem deriuemus?
 Nam & Tharsis, & Insulæ longe positæ, & fines
 terrarum hæc extrema orbis insinuant. Iam vero
 quod Saluator tanto pondere verborum prædi-

xit, Prædicabitur Euangelium in vniuerso orbẽ,
& tunc veniet consummatio, re vera quandiu fi-
nis mundi moratur, gentes restare adhuc, quibus
Matt. 24. Christus non sit annuntiatus, perspicuè demon-
strat. Itaq; & veteribus plurima orbis pars resta-
bat incognita, & nobis non minima hodie quo-
que restat.

*Quomodo primi homines ad Indos venire potuerint: &
quod non venerint certa navigatione.*

CAP. XVI.

IA M vero illis satisfaciendum est, qui negant
esse Antipodas, aut hanc quam nos modo in-
colimus regionem posse habitari. D. Augustinũ
vehementer deterruit Oceani immensitas, vt ge-
nus hominum ad hunc alterum orbem transire
potuisse existimaretur. Nos vero qui & homines
olim hic habitasse scimus, & diuinis literis contra
dicere nullo modo possumus ex vno factum esse
omne hominum genus, huc ex Asia, aut Europa
venisse homines affirmare certo possumus, sed
Act. 17. quomodo, aut qua via quoue duce gens Indorũ
innũmerabilis huc penetrarit, meritò sane hodie
quoq; & admitamur & querimus. Nam neq; al-
teram Noe arcam huc appulisse cogitare possumus,
neq; Angelum quempiã, vt olim Abacuch
Dan. 14. Prophetam ex Palestina in Babylonem, suspen-
sos per aera transuexisse Indicæ gentis progeni-
tores. Non enim quid Deus potuerit, queritur,
sed quid humanarum rerum ratio atq; ordo pa-
tatur. Merito igitur vtrumque inter admirabilia
Dei opera atq; occulta consilia referri debet, &
quod

quod tā vasta pelagi ac terrarū spatia genus mortaliū penetrarit, & quod longè lateq; diffusum tā diu nostros latuerit. Quæso enim te, quo consilio, qua ratione, qua vitantum pelagus gens Indorum pernaugauit? quo autore ad infinitè dislitas regiones peruasit? Equidem diu de hac causa & cogitavi ipse mecum, & ex alijs quæsiui, neq; certum argumentum rei tantæ inuenire potui. Dicā tamen, quod occurrit, & quoniam testes non habeo idoneos, sequar certe rationis ductū quāuis tenuiter deprehensum, vsq; dum illius vestigia ex oculis euanescant. Vno igitur ex tribus modo genus Indorū ad hanc Americā venisse manifestū est, aut enim terrestri itinere, aut maritimo ventū est, ac maritimum quidē vel fortuito peragi potuit, vel certo cōsilio & ratione, hoc est, aut vi tempestatis & Oceani præter spem ad hunc alterum orbē applicuerunt primi habitatores, aut studio noua quærendi navigationem huc direxerunt. Aliū præter hostres modos inuenire non possum, si quid res humanæ habeant, cogitemus, neq; prodigiosa quædam atq; Poetica comminiscamur. Neque enim vel Ganimedis aquilā, vel Persei equum alatum, neq; Syrenas & Nicolaos genere Indorum accersere oportet. Excutiamus ergo si placet atq; libremus eorū quos dixi singulos modos, quod & vtiliter & iucunde fieri potest. Ergo illa videtur planissima & expeditissima via, vt quemadmodum nunc nostræ Hispanienses naues, cursus astrorum cœlique conuersionem notantibus magistris, vim ventorum aqua-

44 DE NATVRA NOVI ORBIS
 aquarumque scientibus ad Indos certum iter intendunt, ita olim antiquitas horum omnium perita has sedes inuestigauerit, inuentaſque tenuerit. Quid enim ſola noſtra ætas, ſoli noſtri homines Oceanicæ nauigationis induſtriam ſunt conſecuti? An non ſicut non ita pridem Claiſis noſtra Aluaro Mendanio duce ex hoc Limano portu ſoluens, & per immenſum Oceanum, Occidentem verſus delata, ſtudio nouam mundi plagam huic Americæ occiduat oppoſitam perueſtigandi, poſt tmeſtre tandem tempus Inſulas illas, & multas & maximas inuenit, quas Salomonias vocare libuit, eaſque aut magnæ nouæ Guinæ, aut alicui ingenti continenti hæere conſtans fama eſt, idque vt liquido exploretur hoc tempore ſecundam Regij ſenatus autoritate expeditionem parari, eodem duce, & præfecto cernimus: ſic etiam potuit quondam antiquitas, vt terram Antichthonam quæterer, quam certa ratione eſſe conſtabat, naualem quampiam profectionem inſtruere, inſtructam hucuſq; dirigere? Profectiono nihil vetat, quo minus ita olim eſſe factum putemus, vt fieri modo cernimus. Adde quod hiſtoria facta atteſtatur à Tyrijs & Sydonijs Salomone accepiffe viros nauticos & gnaros maris, eundem triennalem nauigationem exercuiſſe. Quorſum vero vel nautarum peritia celebretur, vel tam diuturna nauigatio referatur, niſi magnum

2. Para. 8. Oceanum Claiſis Salomonias traieſtura fuerit?

3. Reg. 9. Multi ergo ita opinantur, putantq; B. Auguſti-

3. Reg. 10. num immerito Oceanj immenſitate deterriſum,

cum

cū potuerit ex trienniali illa nauigatione Oceanum tandem, quātus est, permeari, facile deprehendere. Ego vero secus sentio, neque adducor, ut Indorum primos autores certo cursu, fixo que consilio existimem in hunc alterum orbem comisse, neque vero peritiam nauticam nostræ ætatis, qua vna incredibili, & celeritate, & certitudine Oceanum vnde vis quouis enaigant nostri, veteribus concedere possum, cum rei maxime, & præclarissimæ ne tenuia quidem vestigia in antiquitate reperiat. Etenim vsum magnetis siue maritimæ acus, ut vocant nautæ, neque apud priscos inuenio, neque illis perspectum fuisse arbitror, quo vno nauigationis præsidio sublato certa Oceani magni tralectio prorsus est impossibilis. Norunt vel imperiti quid dicam. Tam enim fieri nequit, ut nauta dempto Magnetis usu in medio Oceano deprehensus, quo dirigat proram nouerit, quam ut oculis captus quid in morte procul posito emineat, quid iaceat digito ostēdat. Admirabile profecto est eam magnetis vim & veteres tam diu ignorasse, & nostris demum innotuisse. Veteres sane ignorasse manifesto argumento est, quod Plinius curiosus naturalium rerum enarrator, cum satis multa de Magnete commemoret, hoc vnum maximum & præclarissimum ingenium attritu suo ferrum ad Septentrionem conuertendi nullo modo attingit, quæ admodum neque Aristoteles, neque Theophrastus, neque naturalis quispiam historicus aut philosophus. Sed ne Augustinus quidem, cum in li-

Plini. libr. 36. c. 16. & lib. 34. c. 14. & lib. 37. c. 4. Augus. lib. 21. c. 4 ubi multa de magnete. Lucretius. lib. 6.

bris

bris de Ciuitate Dei multa & magna ille quidē referat. Sed quę infimè iacent prę hoc vno naturę miraculo. Accedit ad hæc, quod naualium rerum inuentores ille ipse historicus naturalis celebrans, cum cætera nautica exponat, magnetem penitus tacet, tantum siderum obseruationem in nauigando Phœnicibus acceptam refert. Ac re vera quicquid antiqui peritię maritimę consequēbantur, ex siderum obseruatione, ex terrarum promontorijs, litorumq; differentijs constabat. In medio mari deprehensi, vbi cælum vndiq;, & vndique pontus, non aliam dirigendi proram rationem nouerat, quam ex sideribus, Sole, Luna, si hæc omnia nubilo tempore obducerentur, ex vti qualitate, ex itineris peracti coniecturis, denique ex ingenij dexteritate & destinatione, sicut etiam apud nos Indi nauigant plurima maris spatia ea industria conficientes. Quid quod Taprobanes Insulæ, quam Samatram hoc tempore appellari putant, nautas non iam in nauigando industriam sequi Plinius scribit. Septentrio, inquit, nō cernitur, sed volucres secum vehunt emittentes sæpius, meatumq; earum terras petentium comitantur. Quod si Magnetis vsus illis innotuisset, nihil autum volatu ad terrę situm cognoscendum opus esset. Deniq; vel illud solum abunde indicat nautis veteribus eam magnetis vim penitus fuisse ignotā, quod nautici instrumenti quod patrio vocabulo dicimus, [*Aguja de marear*,] neque apud Latinos, neq; apud Græcos, neq; vero apud Hebræos nomen extet, quod si esset nota,

minime

Plin. lib. 7.
c. 56.

Plin. lib. 6.
c. 22.

minime nomine res tam præclara caruisset. Itaq;
 nauigationis Magistri, sicut modò solù supra pup-
 pim sedent, assidue spectantes nauticū instrumen-
 tum, vt tenenti clauū viam edicant, ita olim etiā
 sedebant ad proram, vt obiectas terræ marisq; no-
 tas circumspecerent, quamobrem apud Græcos
 Proretæ appellantur.

*De magnetis admirabili efficacia & vsu ad nauigan-
 dum veteribus ignoto. CAP. XVII.*

ERgo Magneti acceptareferenda est Indica
 nauigatio tam certa, tam brevis, vt complu-
 res hodie homines viderimus, qui Vlyssipone
 Goam, Hispali, Mexicum aut Panamā, & in hoc
 ipso Australi Oceano ad Sinas vsq; & fretū Ma-
 gallanicum nauigent, idq; facile & crebro. Nam
 qui quindecies & octies supra decies Oceanum
 emensi nauigatione sint, ipsi vidimus, nonnulli
 supra vices ijisse ac redijisse memorantur, cū tamē
 in magno Oceano nulla impressa vestigia vię ex-
 tarent, nulli viatores occurrerēt, qui de via doce-
 rēt. Navis enim, vt sapiens ait, pertransit fluctuā-
 tē aquā, neq; eius cū præterierit, vestigiū inueni-
 re est, nec semitā carinę eius in fluctibus. Attamē
 magnetis viribus fit, vt Oceanus orbisque vniuer-
 sus mortalibus peruius sit, cui à sempiterno & sa-
 pientissimo Conditore vis ea attributa est, vt
 ex solo attritu illius ferrum qua parte attactum
 est perpetua quodam aspectu motuque constan-
 ti Septentrionē indicet vbiq; locorū. Causas hu-
 ius tãti prodigij alij rimētur & quatāt, & Sympa-
 thiam nescio quā conentur inducere: ego sum-
 mi

mi Opificis potentiam, prouidentiamque quoties ad hæc intueor, & vehementer admiror & lucundissimè celebro. Hic enim verissime Deum cum Salomone alloqui opportunum est. Tua Pater prouidentia lignum gubernat, quoniam dedisti in mari viam, & inter feros fluctus semitam firmissimam, ostendens quoniam potens es ex omnibus sadare, etiam si sine rate aliquis adeat mare. Sed, ut non essent vacua sapientiæ tuæ opera, propter hoc & exiguo ligno credunt homines animas suas, & transeuntes mare per ratem liberati sunt. Et illud quoque ex Psalmista. Qui descendunt mare in nauibus facientes operationem in aquis multis, ipsi viderunt opera Domini, mirabilia eius in profundo. Neque minimum est inter Dei opera mirabilia, quod exigui lapilli vis in immensa abyssus dominetur, cogatque pelagi infinita spatia ductui suo promptissimè cedere. Hoc quia sæpè fit & facillime fit, neque homines iam mirantur, neque vero curant, ipsaque liberalitas apud imprudentes quo effusior est, minoris ducitur. At nos decet & sapientiam Dei venerari, & pro ingenti beneficio gratias agere. Cùm enim gentes Indorum tot sæculis antea ignotas adiri, atque frequentari à nostris, ut ipsæ quoque salutem, quæ est in Christo Iesu adipiscerentur, diuino consilio decretum esset, prospectum etiam diuinitus est, ut tam longi & inusitati itineris dux certus hominibus præberetur. Itaque Magnetem ducem & magistrum accepimus. Quo autem tempore primum eius nauticus vsus innotuerit, per cre-

crebueritque scire vix possumus. Equidem non *Li. 1. de Ira*
 fuisse antiquum coniecturis idoneisteneo, non *lia illustr.*
 solum ex ijs quę superiore capite retuli, sed quod *reg. 13.*
 in Horoscopis quoque veterum nullam magnę *Plin. lib. 2.*
 tis mentionem lego, cuius tamen est præcipua in *cap. 72. &*
 mobilibus horologijs ratio. Scribunt illustres hi *76. & li. 7.*
 storici Lusitani à Gama primo Orientalis Indię *c. ultimo.*
 investigatore inuentos esse barbaros nautas ci- *Osorius de*
 tra Promontoriũ bonę spel, qui Magnetis vsum *reb^s gestis*
 edocti maria illa circumquaque percurrerent. *Estimatus*
 Sed vnde ijs nõtitia ea parta, non tradunt. *lis.* *Quin*
 etiam nonnulli eorum scriptores veteribus igno-
 tam rē eam ex nostra opinione confirmant. Ad-
 dam aliud eiusdem Magnetis maius mea senten-
 tia miraculum, quod incredibile haberetur nisi
 & à peritissimis accepissemus, & explorata expe-
 rientia confirmassemus. Spectat sane Acus ma-
 ritima, hoc est, ferri illa acies magnete attacta,
 semperque atque vbiq; gētiam Arcticum po-
 lum, verum non vbiq; æquę directo. Sunt cli-
 mata quædam, vbi recta respicit Septētrionem,
 vltra vero & citra in latus aut sinistrum tantisper
 vergit, eoque amplius, quō magis ab illo suo cli-
 mate recedit. Hoc nautæ nostri suis vocabulis
 dicere solent, Nordestear, & Noruēstear, quæ
 sunt contraria, illud enim est ad Orientem tan-
 tisperm inclinare, hoc ad Occidentem. Quam pla-
 ne declinationem tenere probe tanti refert, vt si
 gubernator eius rei impēritus sit, exitum nau-
 gationis longe diuersum, quam intendit, habi-
 turus sit. Esse autem in vniuerso orbe quatuor

tantummodo ea climata, vbi acus rectà fertur in Polum, narrabat mihi vir quidam Lusitanus eiuscè attis peritissimus, ac regiones, & nomina proferebat, quæ non satis teneo memoriter. Vnum horum notissimum esse clima, vbi insula, quam appellant del cuerno, sita est. Inde enim ad Septentrionem ascendentibus occasum versus incipit declinare, descendentibus ad æquinoctialem contra, ortum versus. Sed quantum & quousq; peritiores norunt. Hic ego diuinorum operum censors appellare cuperè, qui tantum ingenio suo tribuunt, vt nihil se nescire patiantur, quas causas reddituri sint, cur perexiguus ferrum ex cuiusdā lapidis cōfricatione tantam facultatem concipiat, vt Septentrionē vbiq; quærat & notet, vt mundi regiones & climata tam accuratè calleat, vt vbi sistendum, vbi destrorsum nōnihil inclinandum, vbi leuorsum, quouis Philosopho & Cosmographo certius cōstantiusq; norit. Quod si horum quæ quotidie cernimus, rationem excogitare non possumus, & essent prorsus incredibilia nisi vsus ipse faceret fidem, quid est, cur cœlestia & super mundana ad disputationis nostræ calculos reuocare velimus. Quin potius, vt præclate Gregorius Theologus disserit, Fidei cōcedat ratio, quæ suis etiam terminis angusta imbecillisque est. Verum hætenus paulisper ad philosophandum diuertissè sit satis: ad institutum reuertamur, Magnetisque vsum nauticum antiquis ignotum probabiliter demonstratum teneamus, ex quo sit consequens,

vt navigatio Oceani non fuerit olim ad hunc novum orbem certo consilio & ratione suscepta.

*Responsio ad eos, qui volunt olim navigatum Oceanum,
vt hoc tempore navigatur.*

CAP. XVIII.

NA M quod de Salomonis classe obijciebamus, parum me mouet, neq; enim sacræ literæ docent integrum triénium in ea navigatione expleri solitum, sed semel per tres annos hoc est quouis triennio classem mitti solitam. Quod si etiam triennalem eam navigationem fuisse ponamus, potuit certe, quod est magis consentaneum existimare, ad Indiam Orientalem secundum varios portus & regiones terrarum navigare, sicut modo totus hic Oceanus Austrinus à Chyle usq; ad Nouam Hispaniam ferè navigatur, quod genus navigationis, vt certius est, quoniam terram ferè in prospectu habet, ita lōge prolixius, quod cogatur multo circuitu ferri, & moras sæpe trahere in portibus. Equidē navigationem altissimo Oceano cōmissam, neq; apud veteres lego, neq; ab illis aliter Oceanum navigatum puto, quam à nostris hodie Mediterraneum. Quo circa docti viri sentiunt veteres sine remis nusquam navigare solitos, quod oras ferè terrarum legerent: id quod diuina scriptura insinuat in longa illa

à Iona navigatione suscepta. Vbi ad terram nautas tempestate compulso
remigasse narrat.

CVM ex professo instituta navigatione hæc Indiam Occidentalem à primis indigenarum parentibus occupatam esse, haud quaquam verisimile ostensum sit, sequitur, ut si mari ventum est huc, fortuito ac præter opinionem hominum peruentum sit, id non esse incredibile, quantacumque Oceani immensitas sese obiecerit, non parum multa persuadent. Nam ut nihil aliud, certè qua tempestatis vi & contentione ventorum prima huius notii orbis litora nauta ille prospexit, quicumque is fuit, (nam nomen tanta rei autoris fama non prodit, ut Deo soli ascribatur, ut decet) à quo primum moriente veluti testamento hospes Christophorus Colonus tanta notitia remuneratus est: eadem plane vel non valde dissimili hominum aliquot greges per infinitum Oceanum ex Europa aut Africa abripi potuerunt, & ad regiones tunc ignotas etiam inuiti cõpelli. Quis enim nesciat plurimas noui orbis regiones magis ventorum iniuria, quam hominum diligentia patefactas. Sed ne tanta Oceani permeatio nostrarum natiuitatis & hominum magnitudini solummodo tribuatur, ex Plinio veteribus non inferiora contigisse facile intelligi potest. Is ita scribit, In sinu Arabico res gerente. C. Cæsare Augusti filio signa navium ex Hispaniënsibus naufragijs feruntur agnita, & post

*Plin. lib. 2.
c. 67.*

post nonnulla, Nepos de Septentrionali circuitu tradit. Q. Metello Celeri. C. Afranij in Consulatu Collegæ, sed tum Galliarum proconsuli, Indos à rege Sueuorum dono datos, qui ex India commercij gratia nauigantes in Germaniam essent tempestatibus abrepti. Profecto si vera Plinius narrat non amplius modo à Lusitanis per nauigatur, quam illo utroque naufragio & Indorum usque ad Germaniam, & Hispaniensium usque ad sinum Arabicum percursum est. Idem in alio libro scribit, Annij Plocanij, qui maris rubri vestigal à fisco redemerat libertus circa Arabiam nauigans Aquilonibus raptus præter Carmaniam decimo quinto die Hippuros portum Taprobanes inuectus est & cætera, Referunt quoque nauem Africanam ex Mauritanico Oceano aquilone raptam olim usque ad noui orbis conspectum peruenisse. Quantum enim sequant in Oceano venti, quamque pertinaces sint, ut plurimis diebus ne minimum quidem de vi remittant, omnes nouimus. Ego certe intra decimum quintum diem noui orbis Insulas primas aspexi, aspecturus sine dubitatione longe citius, si plena vela Euro aquilonibus panderentur. Adeo perpetuo & animoso flatu usi sumus. Valde igitur mihi probabile apparet olim homines Oceanum nauigantes præter sententiam vi ventorum ex illo ad hunc orbem esse compulsos. Atque celebris fama est in hac Perueniensi regione. Vbi nunc Manta & Portus verus oppidum per exiguum ab Hispanis ædificatum est, reperiri

Plin. lib. 6.

ca. 22.

ossa hominum gigantæa tantæ magnitudinis, vt duplo aut certe semiduplo corpora proceriora testentur, quâ sint communiâ hæc Indorum. Illos aut gigantes olim mari ad hæc litora esse delatos, ibi cum indigenis bella gessisse, & quædam extruxisse immania opera, cuius generis profundus puteus lapidibus immensis ædificatus hodie visitur, vt ferût. Tâdê homines illos sæuos & portentosos, quod nefaria & impurissima libidine abuteretur cœlitus esse consumptos. Ad insulas quoq; pcul admodû positas, pluteis corijsq; inflatis pro nauigijs vestros veteres indigenas ijsse ac redijsse, qui Ica, & qui Aricam incolût pro certo narrare fectuntur. Itaq; ante Hispanos huc appullos Oceanû hõc Australê nauigatû quẽdã indicia produnt, Quamobrẽ existimare facile possumus, naufragio aliquo aut Oceani iniuria & Aquilonum contentione olim hunc orbem esse inhabitatum sicut nunc tandem proditus est. Nã & illud mirabile est, in maximis clarissimisq; naturæ muneribus, quod casu atque fortuito reperta sint, non industriâ hominû conquisita. Plerasq; herbarum vires hominû vitæ salutares & lapidû, & stirpiû vsum & fossiliû, quæ vocât, mineralia gẽmas quoq; & auri venas, proprietates quoque magnetis, succini, adamantis, & cæterorû talis, casus potius ostendit mortalibus, quâ vlla ars aut industria, vt in ijs non hominum ingenium, sed Dei prouidentia commendetur. Quæ enim fortuito apud nos fieri videntur, ea consilio diuino prorsus eueniunt,

Longe probabilius esse primos huius noui orbis habitatores terrestri itinere huc petuenisse. CAP. XX.

Igitur vi tempestatis electos primos hominēs has regiones incolere cepisse probabile est. Verū illud me non bene habet, ita opinātē, quod vt demus viros & fēminas, vnde propagaretur gen^o hominū, mari delatos, belluas profecto atq; animantia multa & magna & noua, quæ nutrit hic orbis, nō video quēadmodū nauī imponere atq; huc deferre possimus. Quod si propter scripturarū sanctarū seruādā fidē oēs huius orbis accolæ ex altero huc venisse cōfiteri cogimur, ne homines vltios ex alio quā ex primo Adamo propagatos faciamus, profecto eadē diuina auctoritate tradente belluas oēs atq; animantia terrena in magno mūdi cataclysmo per vnā sancti Noe arcā cōseruata, cætera omnia sine vlla exceptione interiisse, oportebit nos iam etiā quærere horū animalium ex illis montis Ararat reliquijs, vbi arcā cōquieuit, propagationē. Itaq; sicut hominibus, ita bestijs debemus ex veteri orbe in nouū hunc viā quærere. D. quidē August. in hāc quæstionē incidēs, quomodo quārdā Insulæ lupos habeāt & pātheras ceterasq; feras quæ nō pertinet ad procurationē studiūq; hominū (nā de elephātis, equis, bubus, canib⁹ reliquisq; vitæ humanæ vtilib⁹ facile est intelligere industria hominū nauib⁹ esse delatas, vti hodie quoq; fieri cernim⁹ lōgissima nauigatione ab Oriēte in Europā, atq; ab Europa in hāc Americā) illas igif bestiās quæ nulli vni sūt, ac poti⁹ pernitiē afferūt, quales lupi sunt, quomodo

Gen. 7.

*August. lib.
16. de Ciu.
6. 7.*

Genes. 1.

Insulę habeāt, si vniuersum orbē inundauit, atq; deleuit diluuium, quærens vir ille doctissimus ex ijs angustijs ita conatur euadere, vt eas feras vel natando peruenisse ad insulas, vel studio venationis ab hominibus esse delatas, vel diuina procuratione ex ipsa terra esse generatas, vt olim initio cum dixit Deus, Producat terra animam viventem in genere suo iumenta, & reptilia, & bestias terrę secundum species suas. At certe ita soluendo magis nodus noster implicari videtur, Nam vt hoc vltimum primū refellamus, non habet hoc natura rerum, non ordo diuinę administrationis, vt perfecta animalia, vt leones, tygrides, lupi sine coitu producantur ex terra, vt solēt mures, ranę, vespę, ceteraq; imperfecta. Deinde quorsum scriptura tam enucleate diceret. Ex omnibus animantibus tolles, sed & de

Genes. 7.

volatibus cęli septena & septena, masculum & fœminam, vt saluetur semen super terram, si finito diluuiō animantia mundus ex terrę noua origine esset habiturus? Redibit quoque illa dubitatio, cur non omnes terrę & insulę omnia animantia habeant? si quidem non naturalis propagatio, sed Dei effusa liberalitas in procreando spectanda sit. Studio autem venationis aliqua eiusmodi genera esse delata, non est incredibile. Nam & leones & vrsos & nonnulla id genus magnificentię ostentandę causā in regijs caueis nutriri cernimus sæpe ex longinquis maxime regionibus transuecta. Sed de lupis, de vulpibus, & similibus, quę nihil habent egregium

nisi

nisi nocere pecoribus, durissimum est venationis studio transuectas esse credere. In nouum vero hunc orbem quistandem sibi persuadeat infinita nauigatione ab hominibus curatum esse, ut America haberet vulpes (præsertim quas Añas vocant genus omnium quæ noui animantium foetidissimum) ut haberent tygrides, ut leones? Re uera nimis est, ut homines in tam prolixo naufragio seruari potuerint, ne dum de euehendis ac nutriendis lupis, & vulpibus cogitarēt. Restat ergo ut hæc bestię natando peruenerint. Ac planè de nonnullis insulis, quæ vel ab alijs Insulis vel à continente non longissime absunt, ut credibile sit, facit oculata experientia, quæ scimus integros dies & noctes eiusmodi feras aliqua necessitate perurgente natare, atq; enatare postremò. Verum Oceanus hic noster tales natatores rideret, cum volucres quoque deficiant alæ in immensa abyssò. Nam ad mille & quingenta stadia volare certum est, cum in profundissimo Oceano ad hanc Indiam nauigantes turtures ex Africæ litoribus in puppi sedentes sæpe notauerimus. Sed volando aut natando superari Oceanus totus certe nequit. Quid ergo faciendum? quam viam aperimus ad hanc nostram Americam volucribus & feris? Non leuis mihi hinc conjectura fit, ut hunc nouum orbem non esse penitus, ab illo altero diuisum arbitret, quin potius aliqua in parte vel hætere, vel certe non longe disiungi iamdiu opinor. Neq; vero hætenus certo documento patuit contrarium. Nam ad Polum Ar-

eticum non est omnis longitudo satis explorata, multiq; putant supra Floridam latissimam esse terram Septentrionalem, quæ ad Germanicum aut Scythicum mare pertingat. Quidam etiam nauem ea regione delatam testem proferunt, aiuntque Bacallaos vsque ad Europæ extrema potrigi. Vltra promontorium quoque Mendocinum non est satis cognita terræ amplitudo, sed esse oppido ingentem omnes referunt. Iam vero ex nostro Australi vertice quousque procurrat continens vltra Patagones posita, nemo hactenus explorauit. Terminum nullum oculis occurrisse Caruajalis Episcopi Placentini nauis retulit, quæ supra Magallanicum fretum aliquot millia per- nauigauit. Nihil ergo neque rationis, neque experientia, huic meæ suspicioni de totius terræ continuatione, vel saltem vicinitate hactenus cōtradicit. Quod si ita est, vt esse sane apparet, facile promptumque est existimare genus hominum ex veteri orbe ad hunc nouum paulatim terrestri itinere defluxisse, ac sedes subinde & nouas quærendo, & inuentas mutando pro varia regionum commoditate tot populos & nationes effecisse.

Quomodo bestia & pecudes ad hunc nouum orbem ex altero pernenerint. CAP. XXI.

IVuant vero non mediocriter eam sententiam. Argumenta quæ occurrūt rationē habitationis Indorū peruestigātibus. Nā sicubi Insula occurrit à cōtinēte atq; alijs circū Insulis valde remota, qualis est Bermuda, eā omnino hominū carere cōmercio reperim⁹. Quod navigationes nō institue-

rentur

rentur nisi ad propinqualitora, & ad terræ ferè conspèctû exigèrentur. Neq; verò maiora nauig-
gia in vlla noui orbis parte inuenta sunt. Sed aut
Canoas, aut piraguas, aut ballas, idest, lintres, sca-
phas, & cymbas Indinauigationi assumebant.
Quare neq; facile neq; tuto se poterât immenso
pelago dare. Deinde vt nauis firma suppeteret, ta-
mè Magnetis vsu & Astrolabij & quadrâtis peri-
tia destituebâtur. Si terræ aspectu per duo de vi-
ginti dies carerêt, nō poterant nō toto cœlo erra-
re. Itaq; Insulas refertas hominibus inuenimus,
ac mare frequētissime nauigatû: sed vt dixi nauig-
gatio fuit Indorû qualis & pusillis nauigijs & si-
ne Magnetis adiumēto peragi potuit. Etenim cū
primū Pernéses Indi Tûbè accolæ, nostras naues
Hispaniēs velis expāsis intuiti sunt, rei nouitate
territi, quod tã magnā molē nauē esse nullo mo-
do cogitarent, ferūtur statuisse inter se, scopulos
esse aut rupes mari euectas, quodq; mouerentur
neq; mergerentur, attonitos diu stupuisse, donec
viros quosdā barbatos per nauim discurrētes no-
tarunt, eosq; esse aliquos cœlestes Deos arbitrati
sunt. Adeo maiorū nauium vsus Indis inauditus
erat. Maximè vero facit fidē, qđ belluæ illæ, quas
minimè est p̄babile homines nauib⁹ impositas ad
uexisse, reperit̃ur qđ p̄ totā cōtinētē, in Insulis
verò à cōtinēte quatridui itinere disitis nequa
quā reperit̃ur. Id ego, qđ magnū huic opinioni đ
cōtinuatione vtriusq; orbis argumētū putarē, dili-
gēter inquisiui. Sūt in hac n̄a America eiusmodi
ferē nō paucē: sūt leones, tametsi, & magnitudine
& au-

& audacia & colore ipso haud ita fuluo Africanis illis longe inferiores: sunt tygres sæuissimæ ac plurimæ, sed in genus Indorū, quod mirū est, prorsus truces: Hispanis nō ita infensæ: sunt vlti riores, sunt Apri, vulpes quoq; innumerabiles. Hęc genera & his similia si apud Cubam Insulā, aut Hispanicam, aut Iamaicam, aut Margaritam, aut Dominicam quæras, ne vnum quidem inuenias. Adde quod vtilium quoq; animantium gregibus olim vacuæ erant, nunc post Hispanos habitatores, bouum, equorum, canum, suum innumerabiles greges alunt, vsq; adeo vt vaccarum armenta nullos certos dominos habeant, sed more venationis ab indigenis capiantur sine discrimine, tantum vt corijs detractis & siccatis mercatorem faciant. Canum vero breuissimo tempore ea infinitudo percrebuit, vt acerbius ab ijs, quam à lupis pecora omnia vastentur, eaq; insulæ calamitas maxima sit. Neq; solum quadrupedibus vacuæ: ipsas volucres raras habent, & psitacos quidem multos, quos esse volatus perniciosissimi & gregatim volitare constat, tum alios quosdam passeris rarios vt dixi: perdices vero quales in hoc Peru, nullas vidisse me memini, multoque minus proprios huius regionis Guanacos, aut Vicuñas, genus syluestrium captatum velocissimū, in quarum ventre lapides illi Beezartici, qui in magno pretio plerisque sunt, inclusi inueniuntur tantæ magnitudinis, vt interdum ouum gallinaceum dimidio superent. Sed neque pecudes illas mirabiles habent, quas Indi llama, nostri Indicas

Oves vocant: quæ præter lanam & carnes, quas vestiendo, & alendo generi Indorum præbent, sunt etiam iumenta vehendis oneribus commodissima. Nam dimidium oneris muli cuiusvis portat, sunt autem minimi sumptus, quippe quibus neque ferro ad calces, neque elitella ad dorsum, neque veto ordeo ad pabulum opus sit: sed hæc omnia illis natura sine sumptu tribuerit, ut omnibus modis usus essent generi Indorum pauperi. His igitur omnibus cæterisque, quæ longum esset enumerare, continens abundat, Insulæ certe carent, nisi à nostris aliquid horum innectum sit. Tygrides in nonnullis sanè insulis se vidisse quidam noster frater maximis naufragijs actus referebat: sed interrogatus quantum ex Insulæ à continente abessent, respondit non amplius quàm sex aut octo ad summū Hispanicæ leucas, quod planè spatium conficere posse tygrides natando perspicuum est. Ex his igitur alijsq; argumentis intelligi potest gens Indorum terrestri maxime itinere, aut navigatione vicissim nō difficili aut longa, ad hunc alterum orbem permeasse, quod reliquo orbi continens sit terra hæc, hoc est aut aliquibus locis hærens, aut certe non valde disiuncta.

Quod non venerit genus Indorum per Atlantidem, ut quidam opinantur. CAP. XXII.

NON desunt autem qui iuxta Platonis sententiam iam supra memoratam putent has *Plato in Critia & in Timæo.* gentes

gētes venisse ex Europa, aut Africa per Atlantidē illā tantopere decantatā, deinde in alias atq; alias insulas vsq; ad magnā continentem, in qua nunc sumus. Nam horū omnium Critias in Timæo mentionem facit. Si enim Atlantis illa tota Asia, & Libya simul maior erat, vt ille vult non esse dubium, quintotum pene Atlanticum Oceanum vsq; ad Insulas noui orbis occuparit. Ingenti autem diluuio Atlantidem subuersam olim pelagus illud ceno & scopulis innauigabile reliquisset, tale enim fuisse sua ætate Plato refert. Mox vero tempore procedente illius magnæ Insulæ ruinas penitus consedisſe, ac nauigabilem pontum præbuisse. Hæc homines ingeniosi serio disſerūt, quæ vel mediocriter animaduersa nugæ meræ deprehenduntur, vt magis Ouidianas transformationes quam Philosophicam aliquam narrationem habere videantur, Ac plerique sane Platonis interpretes omnia illa à Critia narrata tam inusitata tam mirabili de Atlantidis illius origine, magnitudine, fœlicitate, de quæ bello ab Atlanticis cum Europæis gesto, cæteraq; omnia veram esse historiam volunt, quod Critias præfatus sit in Timæo, sermonem futurum esse mirabilem, sed omnino verū. Contra alij Platoniorum rem fabulæ potius quam historiæ similem considerantes, allegoricè ea omnia à summo Philosopho dici volunt, in quibus est Proclus, & Porphyrius, & Origenes, ita enim horū nonnulli Platoni suo dediti sunt, vt Moyses aut Esdræ literas tractare videantur, atq; vbi verba à vero discrepāt, pro-

tinus

tinus aliquem diuinum atque mysticū sensum necessario intelligendū esse cōtendunt. Mihi vero Plato, vtcūque ille diuinus appelletur, non tanti est, neq; valde difficile est credere totā de Atlantide narrationē pro vera historia posse tradi, & esse tamē posse merā nihilominus fabulam, cum præsertim à Critia puero inter cantilenas eā narrationem auditā fateatur. Sed vtcumq; ille scripserit siue historicè, siue allegoricè, re vera quæ de Insula illa Atlantide tū in Timæo inchoat, tū in Critia late persequitur, non nisi pueris & anibus narrari serio possunt. Quomodo enim nō fabulosum est Neptunū Clitus amore captū quinques gemellos ex ipsa suscepisse, collem vero in quinq; orbes diuisisse tres maris, duos terræ quasi torno descriptos? Quid templum illud stadij longitudine trium iugerum amplitudine, cuius omnes partes externæ argento, summæ autem auro essent oppletæ, intrinsecus autē fornix eburnea, tota auro & argento, & aurichalco variegata? Postremo quid exitus ille in Timæo, vna die, inquit ac nocte, graui incumbente diluuiō, & apud nos totum militare genus acernatim terra absorbuit, & Atlantis Insula similiter in mari subuersa euauit. Sic planè Insulam totam scenicam, & fabulosam, quæ vniuersam Asiam, simul & Africam amplitudine superabat, vna nocte oportuit euanescere. Ruinas autem illius sub vndis ab ijs tantummodo cerni, qui eo accedere nullo modo possunt. Adiungit enim scite. Quæ propter etiā nunc insauigabile & in-

& intentatum manet, illud pelagus luto paulatim impediēte, quod insula summersa inuexit. At ego libenter quærerem, quod nam pelagus tantam terræ molem Asia, & Africa maiorem, & quæ vsque ad nouum hunc orbem pertingeret, absorbere potuerit, ita vt nulla extent vestigia, vt ne bolidis quidem iactu nauæ in infinitum hodie fundum inueniant aliquem? Sed imprudenter ea pergo refellere, quæ aut ridiculè scripta sunt, aut certe ne nihil Platonis grauitatem vereamur, per picturam & parabolam ad ciuitatis, & felicitatem & exitium ostendendum philosophicè introducta sunt. Nam quod validum argumentum quidam putant fuisse Atlantidem Insulam, quod mare illud hodie quoque Atlanticum nominetur, puerile est. Etenim & montem Atlātem in extrema Mauritania esse scimus, ex quo Atlanticum Oceanum dictum Plinius vult, & idem auctor est è regione montis sitam esse Atlantidem insulam, sed paruam & ignobilem.

*Plin. lib. 6.
c. 5. & lib.
6. c. 31.*

Quod falso multi Indos ex Iudeorum genere descendere affirmant. CAP. XXIII.

ALIA ergo via Indis nostris, quam illa Atlantidis ad nouum orbem quærenda est. Hanc nonnulli apud Esdram esse suspicantur. In cuius libro quarto ita scriptum legimus. Et quoniam vidisti eum colligentem ad se aliam multitudinem pacificam, hæ sunt decem tribus, quæ captivæ factæ sunt de terra sua in diebus Osæ Regis quem

Esdr. c. 13

quem captiuium duxit Salmanassar rex Assyriorum, & transtulit eos trans flumen, & translati sunt in terram aliam. Ipsi autem sibi dederunt consilium hoc, vt delinquerent multitudinem gentium, & proficiscerentur in vltiorem regionem, vbi nunquam habitauit genus humanum, vel ibi obseruare legitima sua, quæ non fuerant seruantes in regione sua. Per introitus autem angustos fluminis Euphratem introierunt: Fecit enim eis tunc altissimus signa, & statuit venas fluminis, vsquequo transirent. Per eam enim regionem erat via multi itineris anni vnus & dimidij, nam regio illa vocatur Arsareth. Tunc inhabitauerunt ibi vsque in nouissimo tempore, & nunc iterum cum cœpetint venire, iterum altissimus statuet venas fluminis, vt possint transire, propter hæc vidisti multitudinē cum pace. Hanc ergo Esdræ scripturam conantur Indis accomodate, eos diuinitus esse deductos, vbi nunquā habitauit genus humanum, regionemque, quam incolunt, adeo esse remotam, vt habeat iter anni vnus & dimidij, naturaliter quoque gētem esse pacificam. Quod vero ex Iudæorum progenie sit genus Indorum, vulgo illud certum indicium putant, quod meticulosi, quod fracti, quod mire superstitiosi, quod acuti mendacesque sint. Deinde vestes ipsas habitumque Indorum manifestè Iudaica vestimenta refert, tunica enim simplici & palliolo quadrato vtuntur, pedes autem nudos gestant, aut soleis tantummodo supernè comprehensis calciant. Porto hunc fuisse habi-

E

tum



Iudic. 14.

tum Hebræorum tum historijs prodi, tum vetustissimis picturis, vbi ad hanc maxime speciem vestiti exprimuntur. Atq; hæc duo vestis genera quibus solis Indi vtuntur. Sampsonem olim de poposcisse, tunicam & syndonem, id est, vt vulgus nostrum appellat [*camifeta* & *manta*.] Verum hæc vniuersa suspitionis sunt leuissimæ, habentq; contra se quam pro se & plura & maiora. Hebræos literis vsos nouimus: in natione Indorum nullæ literæ: illi opibus studebant, apud hos mirus omnium contemptus: Hebræi si circuncisos se non viderent, Hebræos esse aut haberi posse negabant, apud nostros Indos præputia prorsus integra, neq; vt Æthiopes, aut Orientales eiusmodi superstitione vnquam nouerunt. Quale vero est, vt cum Hebræi tantopere & genus & antiquitatem iactarent suam, & in cæteris orbis terrarum partibus hodie quoq; studiose conseruēt, in solo nouo orbe, illis & genus, & ceremoniæ, & Melsias, & Iudaismus denique omnis exciderit? Quod vero meticulosi sunt, & superstitiosi & acuti & fallaces, primū neq; omnes barbari sunt eiusmodi, sed plurimæ gētes ipsorū ab ijs maxime abhorrent, sunt enim nationes Indorum audacissimæ, sunt inertissimæ, superstitioni vero omnis gentilitas semper dedita fuit. Vestium autem apparatus ideo talis quia simplicissimus est, nulla ferè arte aut industria constans, neq; magis Hebræis quōdam, quam cæteris mortalium vlitatus. Deinde historia ex Esdra sumpta, si quid curæ Apocrypha merentur, potius oppugnat, quàm adiuvat

adiuuat causam susceptā. Ideo enim multitudinē gentiū fugisse decem illarū tribus dicuntur, vt ceremonias suas excolerent: hi vero idololatriæ omni dediti sunt. Euphratis autē aperta ostia viderint quomodo ad hunc nouum orbē perducere queant, & an iterum eodem regredi Indos oporteat, vt ibidē extat. Pacificā autem multitudinē cur vocet, quæ immortalibus inter se bellis dissidijsq; semper efferbuit. Itaq; non magis Apocryphi Esdræ Euphrates, quam fabulosa Platonis Atlantis ad nouum hunc orbem genus mortaliū potest perducere.

Cur prima origo Indorum certo sciri non possit.

CAP. XXIIII.

AT facilius est aliena improbare de origine Indorum, quam certi aliquid de suo afferre. Nam cum apud Indos nullæ literæ in vsu sint, nulla certa monumenta maiorum: apud nostros vero scriptores vix huius orbis vestigia extant, adeo vt quidam non solū homines, sed etiam terram hanc & cælum ipsum hoc de natura rerū abstulerint, certa & explorata de origine prima Indorū, & prima habitatione huius orbis qui se profiteatur allaturū, magnæ is demū temeritatis notetur necesse est. Cōmuniter autem & probabiliter ex ijs quæ supra disputata sunt, colligere possumus, ad hunc nouum orbem paulatim tempore procedente cōmeasse genus hominum, terrarū magis continuatione adiuuante, & nauigatione succedente gradatim, quam vno aliquo aut

apparatu classico, aut magno naufragio. Quamquam & vtrumvis horum partim contigisse non est absurdum. Cum enim sint infinitæ regiones, innumerabiles gentes, alias aliter inuentas & occupatas esse, recte existimare possumus. Sed vt dixi vicinitas aut continuatio regionum orbis terrarum, certissima ratio est originis atque habitationis Indorum. Quæ etiam ex re magis adducor, vt putem hunc nouum orbem occidentalem non multis ab hinc annorum millibus habitatum, magisque ab hominibus syluestribus & palatibus, quam ab aliqua republica obitum, cū errore potius aut patriæ angustijs nouas sedes paulatim habitare cœpissent, atque his assueti nihil nisi naturalis lucis ductum, eumque obscuratum, ac patriæ fortassis gentilitiæ aliquas consuetudines retinerent. Neque incredibile est etiam si ex culta & bene morata republica profecti essent aliquando, tamen ipsa diuturnitate & desuetudine humana, penè omnia obliuione delesse, cum tales esse in ipsa Hispania & Italia hominū greges præter os & figuram hominis habentes præterea nihil, notius sit, quam vt testibus egeat. Ita effectum est, vt immensus quidam barbarismus euaderet.

Quid de origine sua Indi tradant.

CAP. XXV.

QUID autem de primis exordijs gentis suæ, ipsi Indi referant, non est alicuius pretij nosse

nosse, cum somnia potius sua, quam historiam aliquam narrare videantur. Ac magni quidem diluuij plurima in his regionibus mentio est & fama celebris. Sed vtrum commune illud totius orbis, quod diuinæ literæ prædicant, an propriū aliquod harum regionum & gētium haberi debeat, non satis constat. Certè ingentis cuiusdam exundationis non obscura monumenta à peritis notantur. Ego magis in eorum sententiam eo, qui antiquissimi illius Noetici apud hos barbaros nulla vestigia esse confirmant, peculiare aliquod diluuium, quale Plato narrat, & Poetæ Deucalionæum fabulantur, fuisse non dubitant. Igitur illo magno diluuiio haustos esse omnes mortales isti consentiunt. Quidam ex magno lacu Inticaca emerfisse Viracocham quēdam, eundem Tjaguanacum, vbi antiquorum & admirabilium ædificiorum ruinæ visuntur, sedem habuisse, inde ad Cuzquensem regionem venisse & propagasse genus humanum. Namque in eodem lacu insulam ostendunt, vbi solem conditū esse nugantur, eamque ob causam plurimo cōlim sanguine non ouium modo, sed etiam hominum litatum esse perspicuum est. Alij ex specu quadam per fenestram sex aut nescio quot homines prodixisse à sole videlicet factos, eosque generi mortalium propagando operam dedisse, quæ etiam ex re locum nomen acceptum retinere, hodieque Pacaritambo vocari. Itaque Tāmbos antiquissimos esse hominum vulgaris sententia est. Ex ijs Mangocapayille, quem primum suæ gē-

tis auctorē gens Ingarū agnoscit, ab hoc duæ familiæ celebres Hanan Cuzquenſium, & Brincuzquenſium, Feruntur Reges Ingæ, cum cæteras huius orbis gentes debellarent, eâ belli cauſam potiſſimâ prætexere ſoliti, quòd oporteret omnes mortales ipsis ſubdi, à quorum genere & patria omnes propagati eſſent, & quibus etiam vera religio diuinitus innotuiſſet. Quid opus eſt cætera hic repetere, quæ veritatis inania, vanitatis pleniffima ſunt. Illud viri eruditi ſcriptis mandarunt, omnem iſtorū memoriâ ad quadringentos maxime annos porrigi, vltra id ætatis nihil aliud quam denſas tenebras ignorationis occurrere. Neq; mirandum eſt ſanè, cū literarū imperitia veniam hiſtoriæ promereatur, pro quibus exacta illa Quipocamaiorē ſupputatio admirationi magis eſſe debet, quod ad id uſq; ætat ſtenax ſit. Mihi diu inquirenti, an apud hoſce barbaros notitia aliqua extaret, vnde huc cōmigrarent primī auctores ipſorum, adeo nihil occurrit è re, vt potius ſe ſe in hoc orbe natos & conditos ferè opinentur, niſi Fide Catholica reuocentur, ex vno genus mortalium omne fluxiſſe. Tenent vero cōiecturis non mediocribus nobiles auctores, quam diutiſſime hiſce barbaris nullos fuiſſe Reges, nullam certam conſtitutam Rempublicam, ſed promiſcuè turmatim habitaſſe, vt modo Floridi, vt Braſilienſes vt Chiriguani, vt pleræq; gentes Indorū, qui nullos habent certos Reges ſed pro vt belli paciſue fortuna tulerit, ſubito ac temere duces creant, atq; eos mores probant, quos libido fu-

At. 17.

do furorq; persuaserit. Tempore vero procedente homines viribus & industria præstantes per tyrannidē cœpisse dominari, vt olim Nemrot, paulatimq; crescentes eam constituisse Remp. quam apud Peruenſes, & Mexicanos nostri inuenerūt, barbaram quoq; ipsam, sed à cætera barbarie Indorum plurimum abhorrētē. Quare genus hoc hominum syluestre ex barbaris, profugisq; hominibus maximē propagatum ratio ipsa persuadet.

DE NATURA NOVI ORBIS,

LIBER SECVNDVS.

De æquinoctialis natura differendum esse.

CAP. I.

QVONIAM maxima noui orbis pars sub media cœli regione posita est, quā veteres, torridam atq; inhabitabilem opinati sunt, non mediocriter refert ad naturam moresque Indicæ gentis cognoscendos, de naturali quoque eius regionis constitutione disſerere. Neque enim est eorum contemnenda ſententia, qui rerum Indicarū peritiā ex æquinoctialis maximē aſſerūt cognitio ne pēdere. Nā quicquid in hoc nouo orbe ab altero diuerſum est, æquinoctialis maxime ratione fit. Omnis vero regio duob' ſolſtitialib' circulis

72 DE NATURA NOVI ORBIS
comprehensa ad mediam lineam, in qua sol vbi-
que gentium pares noctibus dies facit, tanquam
ad normam suam redigenda explorandaque est,
cuius sanè est tam mirabilis & inopinata varietas,
ut merito ingenia excitet ad causas ex vera
potius & comperta ratione, quam ex doctrina
veteris Philosophiæ perquirendas.

*Cur veteres philosophi regionem torridam esse inhabi-
tabilem pro certo duxerint. CAP. II.*

¶ **GITVR** ut à primordiis disputatio duca-
tur, terram incalescere solis accessu, recessu fri-
gescere cum inter omnes constat, tum vero hye-
mis atque æstatis, noctis ac diei variatione abû-
demonstratur. Quo magis etiam sol appropin-
quat, quò directius quoque radijs terram ferit,
eo vehementius urere, in ipso die meridies, in an-
no æstas perspicuum faciunt. Hinc fieri conse-
quens necessario videtur, ut quanto regio quæ-
vis à solis conuersionibus remotior est, tanto
quoque frigidior sit. Itaque quæ ad Septentrio-
nes iacent, terras esse rigidissimas experimur.
Tum ordine eodem, quæ Zodiaco viciniore
sunt, calidiores. Ita Æthiopia Arabiam atq; Afri-
cam, Africa Baticam, Batica Castellam & Ara-
goniam, atque hæ Cantabriam & Galliam calo-
ris copia certa prorsus ratione superant. Qua
etiam ratione seruata, cæteræ regiones, quæ solis
conuersionibus expositæ semper sunt, atq; illius
radijs rectius petuntur, reliquas superare æstus
feruore

feruore necessaria consecutione videntur. Addunt nonnulli ad solis radios etiam motionem cœli intra Tropicos velocissimam, quæ prope Polostardissima sit. Quamobrem & radijs solaribus propinquissimis ac directissimis, & cœli conuersione concitatissima regionem omnem Zadiaco suppositam perpetuo ac vehementer exuri. Hoc de calore & frigore & sensus, & ratio videntur consentienter docere. De siccitate vero & humore quid? Eadem prorsus. Nam siccitatem solis accessus videtur inducere, humorem recessus. Itaq; tempora ipsa cognata & amica esse videntur, humida frigidis, calida siccis. Nox ut frigidior die, ita etiam humidior; dies & calidior, & siccior, hyems cum plurimum sol abest, & frigidissima & pluuiosissima, æstas, cum ille propius adest, ut calida ita sicca vehementer. Etenim ignis, quo magis quippiam coquit, eo fortius & calefacit simul & siccatur. Huc ergo respiciens Aristoteles, cæteri; Philosophi, caloris & siccitatis excessum regioni mediæ attribuerunt, eamq; ardentem atq; aridam supra modum litetis tradiderunt, & quod inde necessario fit, aquis & pabulis destitutam, atq; adeo humanæ habitationi prorsus incommodam.

Quod regio Torrida humidissima sit contra veterum opinionem. C A P. III.

CVM autem omnia, quæ sumpta sunt, vera ac certa ac perspicua esse videantur, illud
E 5 tamen

tamen quod inde conficitur, falsum est. Etenim mediam regionem habitamus, & habitamus sanè per commodè. Sed quia ex veris falsum effici nequit, retrocedendum est nobis, & vestigijs repetitis, vbi nam à vero desleat oratio, diligenter intuendum. Quo circa primum quid veritas experientia ipsa illustrata habeat, ostendemus : deinde tametsi arduū illud sit & perobscurum, causas quoque ex vera Philosophia conabimur reddere. Siccitatem ergo (hoc etat enim vltimum ex sumptis) eo maiorem effici cœlitus, quo terris sol propinquior est, videbatur certum, & est profecto per falsum. Nunquam enim copiosiores imbres in Zona torrida, quam eo anni tēpore, quo sol vicinior est. Atq; est hoc sane mirabile, sed sine exceptione verissimum, in vniuersa regione Tropici clausa eam anni partem esse serenissimam, cum sol maxime inde abest, contra nullam anni partem plus & nimborum & imbrium, & niuium (vbi illę sunt) effundere, quam vbi sol propinquissimus est. Hoc ijs, qui nouum orbem nō adierunt, incredibile fortassis appareat: ijs quoq; qui adsunt, sed non attendunt, nouum accidet, sed vtriq; experimento notissimo facile cedent. Ab hac Peruensī prouincia, quæ Antarcticum Polum spectat, tunc remotissimus sol est, cū Europæ propinquissimus, hoc est, Maio, Iunio, Iulio, Augusto, in quibus, Tropico Cancrī vicinus est, at per eosdem menses, mira cœli serenitas apud nos, nulli imbres, nullæ niues, fluuij omnes pertenuēs, multi etiam exarescunt. Mox vero
proce-

procedente anno, & sole huc ad Capricornij circulum commeante, incipiunt nives & pluuia, & fluiuiorum magnæ accelsiones, id est, ab ineunte Octobri vsque ad Decembrem. Tum vero copiosissimi imbres, & niuium copia, & fluiuiorum furor, cum superne ac directo sol capita nostra ferit rediens ex Capricornio, cum sunt etiam æstus grauiissimi nempe à Ianuario vsque ad medium Martium. Hoc nemo est qui perpetuum huic regioni ignoret. In ijs vero partibus, quæ ultra Aequinoctialem Polum Arcticum spectant contrarium omnino euenit, sed ratione prorsus eadem. Nam siue Panamam & eum omnem tractum consideres, siue nouam Hispaniam, siue Insulas illas Cubam, Hispanicam, Iamaicam, Sancti Ioannis, liquido inuenies, ab ineunte Nouembri vsque ad Aprilem sereniore, & clementiore cælo uti, quod sol ad hunc Tropicum veniens ab ijs locis maxime se disiungat: contra terribiles nimbos, & imbres vberitimos ibi fieri ab ineunte Iunio vsque ad totum Septembrem, quod sol irradij per id temporis minus oblique & magis propinque feriant ea climata. Hoc idem obseruare licet in India Orientali, quantum ex literis inde allatis ego intelligere potui. Itaque quamuis peculiari aliqua ex causa alicubi secus fortasse contingat, tamen pro generali lege tenendum est id quod dixi. In media regione hoc est, torrida Zona siccitatem esse maiorem sole recedente, eodem appropinquante humoris copiam

copiam gigni, idque adeo ut pro ratione accessus ac recessus illius, vnaquæq; regio aut arescat, aut imbris abundet.

Quod extra Tropicos humoris copia solis recessu maxime fiat, contra quam in regione Torrida.

C A P. IIII.

EXtra Tropicos vero secus accidit, nam imbres, & frigora, æstus & siccitas coniuncta sunt. De Europa manifestum est, & de toto illo mundo. In hoc vero nouo non secus habet res. Chilensis tota prouincia testis est, quæ quoniam ultra Solstitium Capricornij posita fere gradibus cum Hispania paribus alta est, easdem etiam leges hyemis & æstatis patitur, hoc vno dempto, quod æstiuum & hyemale tempus contrarium habet, quippe cum Polam contrarium spectet. Itaque copiosissimæ pluuiæ in illa prouinciæ sole quam plurimum recedente, simul cum frigore hyemem efficiunt, ex Aprili ineunte usque ad Septembrem, æstus autem & siccitas pariter sole illuc commeante redit. Prorsus ut in Europa. Quæ ex re fit, ut frugibus ingenijque hominum Europæ regio illa Chilensis cæteris similior sit. Idem accidere tradunt in terræ portione, quæ ultra intimam Æthiopiam usque ad celeberrimum Bonæ Spei promontorium in formam cuspidis tenditur. Atque hanc esse verissimam Nili redundantis interpestiui causam, de quo tam multa inquisita, tam pauca à priscis inuenta sunt. Etenim

ea regio à mense Aprili, sole Arietem deferente, incipit, vt par est, hyemalibus imbribus fluere, qui partem ex niualibus partim ex pluuiialibus aquis paludes illas implentes, ex quibus verissima Geographia Nili fontes derivat, aluè ipsam paulatim turgesciunt, & longissimo tractu post menses aliquot Ægyptum æstiuo maxime tempore vtpote ad alterum Tropicum positam inopinatis fluminis incrementis fecundant. Similes Nilo excursio annua est ingentis fluuij in America Paragua dicti, cuius ex montanis imbribus tanta copia confluit, vt amplissimos cãpos inundet, cogatq; homines terrestri habitatione deserti in lintribus per id temporis degere.

Quod intra Tropicos imbres æstiu sint, & de ratione hyemis & æstatis. CAP. V.

ITaque in duabus regionibus temperatis, ver calore & siccitate, hyems frigore & humore consentiunt. At intra Zonam torridam vtrique illa dissident. Nam æstû potius imbres, frigus (sic enim caloris moderationem voco) serenitas comitatur. Qua ex re fit, vt cum in Europa hyemale tempus pluuijs simul & frigore definiatur, æstiuum contra calore & siccitate nostri homines in hac regione disiuncta illa videntes, hyemem magis ex pluuijs, ver ex serenitate nuncupent, in quo re vera falluntur. Nam ver dicunt esse in Montanis Peruensibus ab Aprili vsque ad Septembrem, quò deo tempore aquæ non redundant,

dent, sed sit aeris, mira serenitas, hyemem vero de finiunt à Septembri vsq; ad Aprilem, quod ex eo iam imbres cadant. Quare apud nos & apud Hispanos eodem tempore hyemem atque æstatem agi confirmant, atque adeo cum sol propinquissimus directo capita ferit, tunc maximam hyemem esse putant, quòd imbres vberrimi sint. Hoc verò ridiculum est, atque vulgare. Vt enim dies, & nox accessu, & recessu solis secundum conuersionem primi mobilis definitur, ita etiam hyems, & æstas definiri necessario debet accessu, & recessu secundum conuersionem annuam solis ipsius propriam. Tunc igitur re vera hyems est, cum maxime distat sol, æstas vero, cum maxime appropinquat. Calor autem, & frigus necessario solis accessum, & recessum consequuntur, humor verò, & siccitas non necessario. Ex quibus liquido sit contra vulgarem sententiam, hyemem apud nos Americanos esse serenam, æstatem contra pluuiosam, & non quod vulgus putat, hyemem quidem calidiorem, ver àut esse frigidius. Pari quoque errore hyemem Montanam à Maritima in hac prouincia Peruenfi disiungunt. Aiunt in hac inferiori ac maritimà ora hyemem esse cum est in montana ver, nempe per Aprilem, Maium, Iunium, Iulium, & Augustum, propterea quod montana omnis illa regio per eos menses serenis solibus illustratur, quo tēpore hæc maritima plagamagis perpetuisq; nebulis offuscat. At qui hyems, & ver ex solis propinquitate & distantia

definien-

definienda sunt, quæ cum eodem tempore in tota hac prouincia fiant, non est cur alibi hyemem alibi ver esse arbitrentur. Sed de vocabulis certandum non est. Appellent, vt libet: æstiuæ & hyemalia tempora serenitate potius quàm calore definiant, dum modo de rei veritate, quod diximus, constet.

Quod torrida aquis pabulisque abundet quicquid Aristoteles contradicat. CAP. VI.

ABundat ergo torrida regio humore, idque adeo vt largitate perennitateque aquarum ceteras omnes facile vincat, excepto si qua in parte sabulo arenisque oneratur, aut solo nimium deserto vritur, quod in alijs quoque mundi plagis frequens est. Cælestium quidem aquarum copiam satis ostendimus, imbres, nives, pruinas, quibus maxime hæc Peruana prouincia frequentatur. De terrenis quales sunt putei, fontes, fluuij, torrentes, lacus, paludes, nihil hæctenus dixi. Verum cum infernæ aquæ supernis æqua ferè ratione respondeant, facile est id quoque intelligere. Est autem ea aquarum scaturituum multitudo, vt nusquam terrarum neque plures, neque latiores fluuij, nusquam tanta palustrium locorum molestia. Plurima huius Americæ eademque latissima loca præ nimia aquarum copia habitari nequeunt. Nam & flumina æstiuæ imbribus in immensum excurrunt, atque omnia euertunt, & limosæ paludes infinitis spatijs firma vestigia eludunt. Quamobrem immensum illius, cuius supra

supra meminimus, Paraguay accolæ, cum iam fluij annua incrementa præsentunt, longe lateque vagantem scaphis antevertunt, ibi latem sibi constituunt, & se suaq; per trimestre ferè tempus linitibus natando conseruant. Fluitio ad cõsuetum alueum reuocato, & ipsi loca pristina semisicca repetunt. Huius fluminis ea maiestas est, vt Nilus, & Ganges, & Euphrates simul coniuncti longè inferiores sint. Quid flumen illud Magdalenæ, iure Magnum vocatum, inter S. Marthæ & Carthaginis portum in mare prorumpens: cuius nos cum nauigaremus plus stadijs centum viginti alto euecti, fluuiialium aquarum ab Oceano nondum victarum discrimen per stadia amplius quam sexaginta cum summa admiratione notauimus. At cum de fluuijs mentio est, iure suo cæteros omnes silere, & cedere cogit ingens ille Amazonum, ab alijs Maranonius dictus, ab alijs Orellana ab Orellana & Marañon Hispanis hominibus inuentus, & nauigatus quem nescio melius ne fluuium an mare nominem. Fuit quidem ille & ex Peruenis montium imbribus, fluminibusque ad se vndique confluentibus per effusissimos Paytiti, & Terræ aureæ atque Amazonum campos in Oceanum tandem è regione fere Margaritæ & Trinitatis illabitur: sed tam late, præsertim festinans ad exitum spatiatur, vt in medio plurimas maximasque insulas relinquat, & quod incredibile apparet, in medio alueo oculi quocumque coniecti nihil aliud nisi flumen & cælum vident. Etiam montes excelsi ripæ impositi

siti latere dicuntur, cuius ob admirabilem longitudinem, atq; amplitudinē, vt prorsus fluuiorum omnium Dominus haberi possit, hoc accepimus ex quodam nostræ Societatis fratre, qui olim grauib; illis naufragijs & tumultibus Petri Orsuz, & peruersi Didaci Agirrij interfuit puer, & diuina clementia ereptus est, nobisque seruatus. Tales igitur fluuios habet torrida atque arida Zona, quā inopem aquarum & pabulorum Aristoteles atque omnis putauit antiquitas. Et quoniam ad indicium aquarum Maranonij mentionem feci, iuuat de lacu Intiticaca, falso vulgo Titicaca dicto, aliquid etiam promere, qui in suprema prouincia Peruana Collao medius iacet: In hunc flumina plus decem eaque satis ampla confluunt, exitum habet vnum, eumque non valde latum, sed vt opinio est, profundissimum, quē neque ponte iungere profunditas & latitudo sinunt, neque tuto scaphis traijci rapidi infernē vortices patiuntur. Traijcitur tamen, miro ingenio & Indorum proprio: ponte prorsus iunceo ipsi aquæ commisso; nullis fulcris nixo; sed in modum suberis ponte supernatante; ac præ leuitate materiæ nunquammerso, est vero traiectio facillima & tutissima. Occupat lacus ipse circuitum bis mille quadringenta stadia: longus est fere nongenta, latus vbi maxime ducenta & viginti. Insulas habet olim habitatas & fertiles, nūc desertas, producit vberime iunci genus, quod Indigenæ Totoram vocant, cuius plurimus ipsius usus est. Nam & cibus est suis, iumentis, ipsi-

F que

que hominibus periuicundus, & domus, & focus
 & vestis, & nautigium, & omnia penè vitæ huma-
 næ subsidia vna Totora Vris præstat, hoc enim ac-
 colarū est nomen. Ij adeo se ab hominum cætero-
 rum consortio & opinione alienarunt, vt interro-
 gati aliquando, qui sint, serio responderint, se nō
 homines esse, sed Vros, quod genus ab humano
 diuersum esse sentirent. Vrorum reperti sunt po-
 puli integri in medio lacu habitantium scaphis
 quibusdam iunceis, quibus inequant, simul con-
 nexis, & ex vna aliqua rupe aut stipite religatis.
 Vnde interdum soluentes totus populus subito
 patriam mutat. Itaq; aliquando conquistus po-
 pulus Vrorum hesternis sedibus commutatis ac
 ne vestigio quidem relicto, facile vestigantium
 studium curamque irritat. Ex hoc lacu post leu-
 cas quinquaginta alius longe minor efficitur. Pa-
 ria dictus, sed ipse quoq; tantus vt insulas plures
 reddat, huius ultra meatum nemo nouit. In ma-
 re Australe influere per occultos terræ cana-
 les multi iactant, atque argumento proferunt,
 fluuium quendam magnum in mare pene su-
 bito irrumpentem, cuius fons nullus appareat,
 ego magis lacus aquas solis radijs exhalari pu-
 to. Verum huc esse digressum sit satis, cum
 abunde his documentis constare possit, falso re-
 gionem hanc mediam de aquarum penu-
 ria damnatam, cum & è cælo & è
 terræ præ cæteris hume-
 ctetur.

Redditur causa, cur intra Tropicos solis presentia humorem efficiat, extra Tropicos siccitatem.

CAP. VII.

CAUSA autem, cur æquinoctialis contra veterum sententiam humidissima sit, diu mihi atq; acriter cogitanti, nulla alia certior occurrit, nili quod vis ipsa solis maxima, & amplissimè circumfuso Oceano plurimam vaporum copiam exugat, eandemq; citissime liquefactam vertat in pluuias. Nani quod præpotentis ardoris causa imbres proueniant in regione torrida, multa, & perspicua documenta sunt. In primis est illud, quod satis supra commemorauimus, quod eo anni tempore, quo sol superne maxime ac directissime incumbit, imbres fiant: cum vero longius recesserit fieri desinant. Solis igitur vis valida pluuias ciet. Deinde obseruatum est in hac America, ab ipso meridie, cum radij solis potentissimi sunt, imbres solere cadere, mane vero toto nihil ferè nobis ab imbribus timemus. Quamobrem iter cum facimus, diuersorio egredi maturè festinamus, & ad medium diætuti iter carpinus. Hoc norunt Peruenientes omnes. Quid quod viri sapientes deprehendisse se perhibent in his regionibus post summa lunæ incrementa plueri maximè sole? quod nos quoq; etià experti sumus. Itaq; & annus, & mensis, & dies hoc idem attestari videntur, intra Tropicos summa caloris vi imbres generari. Pro strepto in artificijs quoque, ubi ex herbis aquæ in medicinæ usum stillantur, idem accidero

cernimus, ignis namque vehemens & exæstuans plurimam humoris eiusmodi copiam sursum effert, eandemque calore ipso circunculſam exudantem in aquam vertit. Idem vbi argenti viui admirabili potentia aurum aut argentum puriſſimum redditur. Nam ſi debilis ignis ſit, nihil fere exudat, ſi validus, plurimum eliquatur, & in fumum quidem materia illa primum reſolvitur, deinde in priorem argenti viui liquorem vertitur, ac ſuperne deſcendit. Igitur vis ipſa ignei caloris, cum materiam eſt naſta idoneam, ſimul rapit ſurſum, ſimul vbi quippiam obſtat, ne extractum vaporem abſumat, ſtatim liquat in pluuiam. Iam vero quod in regione torrida ſol caloris copia generet pluuias, quas extra regionem torridam ſolis potius abſentia & caloris inopia facit, & ſi videtur prima fronte contrarium ſed re vera non eſt. Plurimi naturales effectus à cauſis contrarijs proſciſcuntur modo diuerſo. Humentem veſtem æquè exiccat, & ventus frigidus & calidus ignis, lateres & frigore concreſcunt & ſole. Somnum mediocris exercitatio prouocat. Si vel nulla, ſit vel proſus immoderata diſſoluit. Ignis ſi nulla materia adiſciatur extinguitur, ſi nimia, etiam extinguitur: ſi moderata alitur & augetur. Quæ oculis admouemus, vel nimis propinqua, vel nimis remota non cernimus, mediocria interualla viſum reddunt. Solis radius debilis nebulas non ciet ex fluuijs, ſi maximus ſit etiã factas diſſoluit. Itaq; mediocris & attollit, & ſeruat, quare nec nocte neq; meridie nebulę ſurgūt, ſed

sed plerunq; sole aliquanto largius incumbente. Ad hunc sanè modum plurima exempla natura offert, vt intelligamus aliquid fieri, vel non fieri causis sæpe contrarijs. Quominus mirari debemus, si pluias solis magnas absentia faciat, & nimis quoque propinqua præsentia: easdem moderata potius dissipet. Sed auditas discendi pulsât adhuc, quid sit, quod extra torridam solis maxima absentia afferat pluias, intra Torridam eiusdem cōtrapropinquitas maxima. Quantum equidem assequor, illud est in causa, quod per hyemem in regionibus extra Tropicos politis non habet eas vires solis calor, vt leuatos è terra vapores absumere possit, ita necessatio in aërea regione coëunt magna copia, & frigore ipso cōcrescunt, densatq; paulatim vertuntur in pluias. Nam & sol longe abest, & dies breuiores sunt, noctes productiores. Sole vero appropinquante tanta est caloris copia, vt simul attollat, & dissipet, & resoluat humores, cum præsertim ad solis propinquitatem accedat dierum longitudo. At vero intra Tropicos, hoc est, in Torrida Zona solis quidem absentia tanta est, vt præsentiam aliarum regionum æquet. Vnde etiam tunc eadem ratione siccitas accidit. Maxime veto ac directissime incumbente sole, ideo non magna siccitas, vt videbatur consequens, sed magni & fere repentini imbrēs fiunt, quia immoderata illa sua vi subito copiam plurimam humoris è terra & Oceano trahit, quæ cum nō dispergitur dissipaturq; vento, facillime coalescit, ac veluti

immaturas pluias facit. Nam vis magna caloris humoris copiam subito attrahere potest, eādem cum multa est, subito resolvere non potest. Itaque sit vt attracta præ multitudine ipsa concresecat in pluuiam. Quod sane subdito exemplo intelligi potest. Etenim cum suillæ, aut vitulinæ, aut alioqui pingues carnes subiecto igne torrentur: si ignis quidem exiguus sit, stillant, eo quod calor humorem attrahere potest, sed absumere nō potest præ inopia. Quod si ignis contra maximus & propinquissimus sit stillant nihilominus, sed ratione contraria, quia vis ipsa immodica caloris tantā subito humoris copiam excitat, vt simul liquata prorumpat. At vero si ignis moderatus subijciatur, & interuallo idoneo distet, videmus sanē elixari carnes, & vix quicquam defluere humoris. Quare coquorum ars præcipit ignem, neque nimium, neque perexiguum sed mediocre supponi, eumq; maximè vno tenore perseverantem. ita enim & humor paulatim extrahitur, & absimitur. In cereis quoq; lucernis idem est cernere. Si enim flamma maxima sit, ceram prorsus liquefacit, quia excitate liquorem potest, absumere non potest. Flamma vero pro ratione materiæ attemperata, nihil ceræ defluit, quia quantum liquatur ardore, tantundem absumi potest.

Patet igitur, cur in æquinoctiali caloris nimia vis humorem faciat, quem aliàs caloris potius inopia facere solet.

Quatenus, quæ de Torrida dicta sunt, accipienda sint.

CAP. VIII.

Quemadmodum autem in plerisque; physicis causis non exigitur perpetuus, & mathematicus ille tenor, sed quod frequens est, legem doctrinæ ponit, ita cum inter Tropicos regionem esse humidiores dicimus, & tunc præcipue fieri imbres, cum sol maximè propinquat, intelligendum est plurima ex parte, & quod obseruari certius potest. Neque; protinus negare debemus, quod natura voluit exceptum, partes quasdam esse vehementer aridas in regione media. Nam & in Æthiopia esse accepimus, & in hac Peruana provincia iam pridem intuemur, ubi vniuersa maritima ora Australis pluuiarum beneficio prorsus destituta est, atque exceptis nonnullis vallibus, quæ fluuiorum ex montanis aquis manantium irriguo gaudent, cætera immensos arenarum cumulos, & sterile solum occupant, ubi fontes petriæ exiguique sunt, putei aut nulli, aut altissimi. Cur autem nunquam hic pluuiæ fiant, quod multi iure micantur, dicam postea, quoad liceat. Illud modo teneamus naturalium legum exceptiones nonnunquam necessario induci. Quo etiam ex exemplo alicubi accidere fortassis poterit, ut intra Tropicos sole potius distâte pluuiæ fieri soleant, aut etiâ propinquante nullæ fiant. Quod sane si perpetuum est, terræ ipsius atque subiectæ materiæ qualitatè peculiari ascribendum est: sin autem interdum sic, interdum secus eueniat, facile

88 DE NATURA NOVI ORBIS
est intelligere naturales causas alijs contra obie-
ctis sæpe impediri. Quamvis enim sol pluuias
ciat, ventus tamen potest obfistere, quod cre-
bro videmus, & copiosiores etiam præter morẽ
potest ventus inducere. Sunt variæ & origines
ventorum & vires, quæ sæpe annum & statum
ordinem interturbant. Quod cum vbique ter-
rarum certum sit, incertos inde fieri anni cursus
propter variantem sæpe signiferi stellarumq; er-
rantium situm atque conspectum, nemo iure cul-
pare nos poterit, si in nostris de æquinoctiali ha-
bitudine observationibus, similem quoque ra-
tionem excusemus. Illud certe quod dixi, multo
frequentissimum est atque certissimum, intra
Tropicos, & regionem esse humidiorẽ & hu-
moris tunc maximam copiam esse, cum sol vi-
ginicissimus est.

*Quod Torrida regio non sit vehementer calida sed me-
diocriter calida.* CAP. IX.

DE siccitate & humore regionis mediæ dixi-
mus hæcenus. De calore & frigore dicen-
dum deinceps est. Siccam & calidam definitam
esse ab antiquis initio huius disputationis com-
memorauimus, atque vtrumque extremo quodã
gradu. Est vero æquinoctialis humida quidem
& calida, calorem autem maxima ex parte ha-
bet attemperatum, quod incredibile haberetur
nisi essemus experti. Equidem ex philosophica
illa ratione, cum ad Indos trajicerem, mihi per-
suadebam

suadebam futurum, ut cum ad lineam æquinoctialem peruenissem, vehemētissimum estum ferre non possem, adeo id secus euenit, ut eo ipso tempore, ita frigerem, ut solis radios apricandi causā quærerem, atq; hoc cum sol mediam ipsam lineam teneret, idest, in Ariete versaretur mense Martio. Hic ego fateor totam Aristotelis Philosophiam, Meteorologicam vehementer irrisi, cū & loco & tempore sententia illius ardentissimo, mirificè me sociosque omnes algere sentire. Res ita habet prorsus. Nulla est mundi regio temperatior, nulla suauior atque clementior æquinoctiali. Habet tamen ipsa etiam differentias suas, neque ubique est tenoris eiusdem. Alicubi regio hæc media mirè téperata est, ut apud nos: alicubi mire frigida, ut apud Potosienses, alicubi etiam vehementer feruida, ut apud Æthiopes, & Brasilienses, & Maluchianos. Quæ sane observatio cogit nos aliam præter solares radios caloris & frigoris causam quærere, cum perspicuum sit eodem anni tempore, iisdem longitudinis gradibus loca alia exuri, alia mediocriter incallescere, alia vix dum frigus exuere. Plato quidem Atlantidem illam suam tantopere à Critia decantatam ultra Tropicum porrectam refert, quippe quam certo anni tempore sub sole esse scribat. Illam tamen, & felicem, & temperatam, & omnium rerū feracem prædicat. Plinius quoque Taprobanem sub æquinoctiali positam, ut est vere, commemorat, quam tamen non diuitem solum, & opulentam, verum etiam hominibus animantibusque

90 DE NATVRA NOVI ORBIS
refertam scribit. Ex quibus apparet, tametsi vul-
gari illa opinione, de intolerando torridæ Zonæ
æstu veteres tenerentur, tamen aut à se ipsis ali-
quando dissensisse, aut habitationi hominum eā
regionem non esse incommodam potuisse facile
deprehendere. Eares clarissimo Cosmographo
Ptolomæo, atq; insigni Philosopho, & Medico
egregio Auicennæ aliquo certè modo venit in mē-
tem, qui sub Aequatore habitationem esse placi-
dissimam tradiderunt.

*Regionis Torridæ æstum temperariturum multitudine im-
brium, tum æstiuorum dierum breuitate.*

C A P. X.

R E Mita habere nemo iam dubitat post no-
uum orbem inuentum : sed natura com-
paratum est , vt quanto quippiam incredibi-
lius ac præter hominum opinionem experien-
tia patefacit , tanto causas perquirendi arden-
tior cupiditas excitetur. Itaque scire auenimus,
cur , quæ solem propius incumbentem regio
patitur , ea non solum sæpe temperata , vetum
interdum etiam frigida sit. Communiter Zonæ
torridæ habitudo causas habet duas, ob quas æstus
illius vehementissimus mitigatur. Prior est illa,
quam diximus quod eadem pluuiosa admodum
sit, imber autem omnis refrigerat , quippe cum
aquæ natura frigida sit, quæ quamuis accedente
extrinsecus vi ignea incalescat, tamen eadem re-
mittit sine dubio immensum illum ardorem,
qui

qui ex puris radijs solaribus efficeretur. Documento est regio omnis arida, vt Arabia interior, quæ eadem ardentissimo sole torretur, quòd nullis imbribus vis illa ignea remittatur. Et nubes ergo vrentis solis furorem intercipiunt, & ex illis instillati imbres aërem ipsum terramque simul madefaciunt atque refrigerant. Quotvis enim calidi fluant, bibuntur tamen, & sitim ardoremque restinguunt, quod nostri homines experti per sæpe sunt in gravi aquæ penuria. Itaque & ratio, & experientia sibi satis congruunt, vt sedandi caloris efficax pluvia sit. Et quoniam torridam ostendimus omnium esse pluuiosissimam, sit pfecto, vt inde non lenem temperandi caloris causam opinemur. Iam alteram rationem subijcio, atque eam eiusmodi, vt cum ad hanc, quam modo tractamus quæstionem tum ad alias complures nobis non mediocriter vsui futura sit. Breuissime ergo, vt dicam, æquinoctialis soles patitur ardentiores quidem, sed tamen omnino breuiiores. Ex quo fit, vt cum diurni caloris spatia minora sint, non ita vehementer inflamment. Verum explicanda, & latius producenda sententia est. Tradunt sphæræ tractatores prorsus verè, quando est obliquior Zodiaci ascensus, tanto dies noctesque magis inæquales exire: contra, sphæræ rectæ tempora esse æqualia. Itaque tota Tropiceis clausa regio minoris diei ac noctis dissimilitudines patitur, tantoque id certius, quanto æquatōri vicinior

vicinior est. Hoc nos hic abunde experimur. Nā Quitenſes lineæ proximi nullum dierum noctiū-
 que toto anno diſcrimen agnoſcunt. Limenſes
 duodecimo pene gradu poſiti notant quidem
 dies longiores per Decembrem, atq; Ianuarium,
 ſed vnjꝱus horæ vix ſpatio exceſſus omnis abſol-
 nitur. Porro Cuzquenſes multo que magis Poto-
 ſienſes perſpicuè hyemalium, & æſtiuorum die-
 rum longitudinem breuitatemque diſcernunt?
 Qui vero extra Tropicos poſiti ſunt, & maius &
 maniſeſtius internallum dierum notant, & quo
 plus à meridionali ad cœli cardines abſunt, eo
 productioribus per æſtatem diebus fruuntur.
 Quamobrem Germania & Anglia lōgiores dies
 quam Italia, & Hiſpania æſtios habent. Hæc
 cum & rudimenta ſphæræ tradant & res ipſa ob-
 ſervantem facilimè deprehenſa cōfirmet, iam il-
 lud æquè perſpicuum addendum eſt, plurimum
 ad effecta omnia naturalia pollere cauſæ efficiēt-
 tis perſeuerantiam. Cum ergo regio æquinoctia-
 lis æſtios dies habeat breuiorẽs quacumq; alia,
 cumq; nox ipſa ſuapte natura, & humida, & fri-
 gida ſit, eademque diei æqualis, ſi quæratũr ex
 me, cur ſub torrida Zona non tanti æſtus fiant,
 quantos Bætica, exempli gratia, per Sextilem, &
 Quintilem tolerat, equidem breuiter & probabi-
 liter reſponſurus ſum, quod Bætica ſoles habeat
 eo tempore longiores, noctes breuiorẽs: noſtra
 autem Peruenſis regio contra ipſa æſtate media,
 & dies Bæticis breuiorẽs, & noctes noctibus lon-
 giores, vſque adeo vt maxima dies vix tredecim
 horas

horas plenas habeat apud nos, apud illos etiam integras quindecim. Et si ergo ad æstum, nos solis vicinitate præstamus, tamen nos illis solis diuturnitate longe superant. Ac certe medioctis aliquis ignis amplius vrit, si longo tempore perseveret, quam alius maior breuius admotus, præsertim si frigida, & contraria vi diutius interpolatur. Has igitur duas observationes verissimas si quis æqua lance compenset, hoc est regionis torridæ pluuiositatem, & æstiuorum dierum breuitatem, fortassis existimabit, rectitudinē, & propinquitati solarium radiorum in ratione caloris ciendi, sedandiq; non magnopere cedere.

Alias quoq; esse peculiare causas temperanda torrida, atque in ijs Oceani propinquitatem.

CAP. XI.

QUoniam verò ea, quæ dixi ad regionem mediam temperatam communia sunt, neq; tamen omnis ea plaga solititalibus circulis comprehensa æquè temperata est, sed quibusdam in locis vehementissimè exæstuat, quibusdam etiā friget, & quod mirari possis, idem prorsus clima alibi calidū, alibi frigidū, alibi temperatū est, idque vno, eodemque tempore, omnino compellimur præter allatas communiter alias quasdam peculiare causas quærere, cur Zona torrida tot vicissitudines capiat. Occurrunt autem accuratius cogitanti tres notæ, & quarta quædam alia ignota, Notas numero Oceanum, terræ situm, vè
torum

torum vim, præter has latere suspicor occultam aliquam terræ subiectæ qualitatem & cœli superne dominantis efficaciam. Nam qui contemplatus fuerit sub torrida Zona non solum Manomotapam, & pretiosi Ioannis regna sole exuri, & atrii coloris esse indigenas omnes, verum etiam in Insulis vndique mari circumlitis idem prorsus accidere, qualis est insula Sancti Thomæ in media linea, & Insulæ Cabo verde : contra sub eadem linea & insulas, & continentes huius regni Peruenfis à Granatensi, & Popaiana provincia vsque ad hanc Limensem adeo esse temperatas, ut interdum frigidiores sint, homines autem prorsus albi nascantur : tum vero Brasiliensem omnem provinciam Oceano Boreali expositam esse calidissimam, hanc nostram Peruensem eodem penitus climate Oceano australi incumbentem esse temperatissimam, atq; huius generis mirabiles differentias mille perspexerit, non poterit is profecto generalibus illis documentis esse contentus, sed ultra inuestiget, necesse est, ut sibi in tanta diuersitate satisfaciat. Maris igitur natura quamvis salsa sit, eadem tamen frigida est, neque altius causam perere oportet, quam ex ipsius aquæ nativa qualitate, quæ sine dubio frigida est. Radij quoque solares ex aqua quod & fluit & facilius est, minus vehementer quam ex terræ materia reperiuntur, quod ad æstus vel contentionem, vel remissionem plurimum refert. Accedit ad hoc quod Oceani immensa altitudo prohibet aquam feruore solis affici

affici, vt fluuiales aquæ ferè solent. Atq; omnino sicut nitro quod salsum est, aqua frigescit, ita marinam aquam refrigerandi vim continere experimur. Quamobrem solent etiam delicati, vini aut aquæ potabilis scyphos marinæ aquæ frigefaciendos committere. Quibus ex omnibus perspicuum sit Oceani ad sedandum æstum refrigerandumq; vim esse per magnam. Itaq; magis in terra quam in mari æstuamus, si cætera paria sint, & regiones omnes maritimæ Mediterraneis temperatiores suauioresq; habentur. Quoniam autem maxima noui orbis portio quamuis sub torrida Zona iaceat, tamen vel Oceano propinqua est, vel etiam alluitur, aquarum beneficio temperari non absurde existimari potest.

Terras quo altiores, eo frigidiores esse, & qua sit huius causa. C A P. XII.

AT in ipsa etiam terra, vel æquè mari propinqua, vel æquè etiam remota, non est eadem mensura caloris, sed prorsus dispar. Cur ergo ita accidere arbitremur, nisi quod diuersum situm tenet, & aut depressior est & calori excipiendo aptior, aut elatior & frigoribus potius patet. Quis enim ignorat montium culmina vallibus concauis esse frigidiora non ob id solù, quòd radij solares cõcauis locis amplius repetcussum incediũ ciant. Verũ etiã quod ipsa aëris regio sine dubio eo frigidior sit quo altius à terra tollitur. Hoc ita esse ostẽdunt campestriæ provinciæ

Colla

Colla, & Popaianensia, quæ sunt sane per frigida, & tamen & montibus vndiq; cinguntur, & latissimum solem excipiant. Cur ergo campestria maritima in hac Peruensî regione calidiora sint, contra campestria illa montana adeo frigida, si quisquam causam exquirat, prorsus nescio quam aliam inuenturus sit, nisi quod montana illa valde edita sunt, hæc infimè depressa. Aerem autem in media sua regione esse gelidissimum tum quæ eo pertingunt celûssima montium culmina ostendunt, quæ perpetuis niuib, & gelu rigent, tum vero ratio ipsa naturalis quod per antiparistalim ex regionis igneæ motione & calore ad medium frigus omne diffugiat. Ita fere à Philosophis infima, & suprema portio aeris calidior, media frigidior diffiniri solet. Quæ si vera sunt, vt esse sane videntur, habemus ad iumentum non exiguum ad temperandam regionem torridam, montana illa atque edita terræ fastigia, quæ in his locis frequentissima sunt, quæ sanè, & natura sua frigida sunt, & reliqua circunvicina magnopere frigefaciunt. Hic niues perpetuæ, aquæ gelu maximo concretæ, pruinæ crebræ, algoris denique tanta vis, vt ex niuali illo horrore campos latè cernamus exustos, herbamque omnem decoctam, ipsi homines atque equi præ frigore sæpe corruant. Atque hoc, vt dixi, in media torrida regione accidit, & accidit maxime sole propinquissime incedente. Cur autem frigidiora sint montana campestribus dixi atque iterum repeto, quod aëris regio media ad quam potissi-

potissimum pertinent, frigidissima sit. Cur illa sic habeat, dixi supremum aeris orbem igneæ exhalationi vicinum, ut Aristoteles vult, quicquid est frigoris à se depellere, atque ad medium per Antiparistalim ferri. Hic si pergat aliquis quæ-
 rere, cum aer calidus atque humidus sit suapte natura, unde nam frigus illud ipsius media regio concipit? nusquam enim apparet, nisi & aer calidus & igni proximus, itaque infimam aeris regionem aquæ & terræ contiguam, magis frigidâ esse oportebat. Equidem non mediocriter hæ-
 re me fateor, parumque abest, ut in eorum sententiam eam, qui Aristotelis istas symbolas ac dissymbolas qualitates contemnunt, magisque arte depictas quam vlla experientia allatas aiunt. Itaque aërem frigidum natura sua contendunt, idque multis, & magnis experimentis probant. Nam ut alia prætermittam, certè in æstatis maxima vi solemus aërem flabello ciere, atque ita re frigeramur. Nulli ergo elemento qualitatem calidam nativam esse volunt præter ignem, cuius commixtione plena sunt omnia, ut ait magnus Dionysius. Sed siue hoc ita sit siue non sit, (neque enim facile nisi in re certa Aristotelicæ autoritati resisto) illud omnes consentiunt, & est experimento ipso abunde compertum, aeris regionem hac ima celsiorem esse perfrigidâ, unde & niues & grandines, & pruinas, & cætera omnia magni frigoris argumenta deptomimus. Igitur cum longè maxima Torridæ portio inde Oceano ingenti, hinc præcellis montibus cincta sit, satis

*Aristo. lib.
Meteorol.
ca. 4.*

*Dionys. ca.
15. de cæ-
les. Hierar.*

et duæ causæ ad solis ardorem temperandum fortasse videri queant.

Ventorum maxime beneficio regionem Torridam temperari. CAP. XIII.

Verum Torridæ regionis temperatio præcipuo ac propemodum singulari auræ lenissimæ beneficio accepta referenda est, ita summus Conditor huic tam magnæ orbis portioni cōsuluit, ut ubi esset solis omnia subiecta vastantis potentissimus ardor, ibi plerunq̃ue spirarent venti frigidiores, quorum suauitate grauior æstus iniuria depelleretur. Videri certe poterāt aliquid ij dixisse, qui paradisum Edæ sub æquinoctiali collocarūt, nisi eos causa defecisset, qui propterea hanc regionem temperatissimam esse voluerūt, quod diernū, & noctium æqualitas minime pateretur calorem esse immoderatum. At probabilius alij contradixerunt, poëtaq; in primis,

*Verg. in
Geor.*

Quod Zona corusco

Semper sole rubet, & torrida semper ab igne.

Neq; enim noctis tanta frigiditas est, ut immēsos diei æstus vsque adeo moderaretur. Igitur auræ perpetuo spirantis proprio ac peculiari beneficio fit, ut Zona veteribus torrida nobis ver quodammodo perpetuum sit. Hoc ita habere, certissima documenta demonstrant. Namque in eodem climate videmus vrbes ac regiones alias alijs calidiores, quod minore venti refrigerantis copia potiantur, quædam etiam, ubi ventus flat

fiat nullus, aut terrenus certe est, & æstuosus, vulturno Hispanico similis, vsque adeo exuriscimus, vt accensas fornaces putes. Tales in magna Aethiopia, in Brasilia, in Paytiti, & Paraguaij campis esse notissimum est. Neque terræ solum, sed maria ipsa idem discrimen subeunt. Sunt maria æstu graua, quale Mozambiquense perhibent, quale Ormuzianum, apud Orientales, Panamaense, & Brasiliense, apud Occidentales, quibus sane respondent eodem situ maria alia mire temperata, vt hoc nostram Peruenſe, in quo nos algere, cum primum nauigaremus, meminimus, idque eo tempore, quo sol rectissime incumbibat, idest, prope æquinoctialem mense Martio. Nihil hic aliud cogitare possumus, vbi & cælum & pontus eodem modo respondent, nisi venti spirantis naturam, quæ vel refrigerat, vel inflamat. Atque vna hac de venti ratione demonstratione comprehensa multa soluuntur, quæ in hisce regionibus solent non immerito mirabilia censerî. Cur cum sol ardentissimus sit apud nos ac longe immitius feriat, quam canicularis Hispaniæ, idem tamen leuissimo umbraculo pellitur, adeo vt sub storia aut stramento tutiores simus quàm in nostra Hispania sub testudine lateritia? Cur apud nos noctes æstiuæ nequaquam calidæ sunt? Cur in ipsis montium ingis inter medios nixû aggeres sæpe intolerabiles æstus patiamur? Cur in prouincia Collao sub ymbra etiam debili frigus sit, in sole statim proximo intolerabilis

ardor? Cur hæc Peruenſis regio maritima, cum ſit tota arenola & ſabulo plena, eadem mire temperata ſit? Cur Potoſienſis & Platenſis vrbes cū interuallo perbreui diſtent, atq; vtraq; mōtana ſit & in eodē climate poſita, vſq; adeo frigore & calore pugnent, vt Platēſis ſuauiſſima ac tēperatiſſima frugiq; admodū, Potoſienſis cōtra proruſ ſqualida, præ frigida, frugum omnium ſterilis ſit. Ergo has omnes varietates ventri maximè natura facit. Nam vbi autæ lenioris copia ſubtrahitur. Solis ardor eſt tātus, vt inter medias niues vrat, vbi redditur, facile omnis æſtus excedit, vbi autem familiaris eſt & veluti inquilinus ventus hic frigidus, non ſinit vſlo modo terrenos haliſtus velut ex materia combuſta cogi, quæ vna cauſa in Europa facit noctes æſtiuas iſſis diebus pene grauiores, quod ſolis vi terra exuſta flatus reddat craſſos & fumidos ac tanquam ex fornace prodeuntes. Hic vero illa aura refrigerans, cū primum ſolis radios quauis vmbra vitamus, reddit diem ſuauem. At in Europa ſanè ſuauiſſimū tempus per æſtatem eſt matutinum, grauiſſimū pomeridianum: in regione hac contra fere euenit. Nam quia marinus ventus non niſi ſole iam incādeſcente ſpirare ſolet, præcipuus æſtus ſummo mane ſentitur vſque ad horam nonam aut decimam: exinde mari aſpirante dies reliquus ſuauiſſime tranſigitur. Quod in Inſulis Barlouenti cum verſaremur, ſatis obſeruabamus, cum interdum matutino tempore ſudaremur, meridiano refrigeraremur, quo tempore familiaris illis regi-

gioni-

gionibus Euro aquilo à nostris Briffa dictus, copiosius spirare incipit.

Sub regione media suauissime vitam degi.

CAP. XIII.

HOC igitur argumento qui sub Æquinoctiali Paradisum collocant, si adducerentur, credibile aliquid afferrent, non quod in hac media regione hortus ille voluptatis iaceat, neque enim id pro certo nisi temere affirmare possumus, sed regio hæc, ubi temperies est maxima, tanquam voluptatis hortus atque altera tempe merito haberi possit. Nihil est enim humanæ vitæ molestius aëris cœlique inclementia, nihil illius benignitate incundius. Ex omnibus elementis nullum neque sæpius neque interius accipimus aëre, hic & continens est humani corporis, & viscera ipsa atque intimum cor quoquæ momento inuadit, & pro sui qualitate afficit. Si corruptus sit, facillime peritit: si salubris, vires confirmat: denique hic vnus vita mortalium est. Itaque quantacumque copia sit rerum omnium, ubi cœlum est insalubre atque insuaue, humana vita misera & afflicta sit, necesse est. Contra cœli clementia aërisq; suauitas omnium rerum inopè abunde locupletat & beat. Mihi in hanc tanquā veris perpetui benignitatem intuēti, cum neque hyems premat frigore, neque æstas caloribus coquat, adeo vt paruo cespite iniuriæ omnes satis propulsentur, vestiumque vicissitudine vix opus

vin. li. 13.

de Ciuit.

cap. 21.

sit profectò sæpe venit in mentem, si homines cupiditatis prauarumq; opinionum vinculis expeditentur, facile hic iucundam ac beatam vitam fuisse victuros. Nam quod poetæ de Elysijs, quod de Tempe, quod Plato de sua illa Atlantide, vel fingit, vel narrat, id certe in his regionibus reperiri fuissent, si ingenua libertate dominari potius, quàm seruire pecuniæ decreuissent.

De varietate ventorum & causis. CAP. XV.

Vnde in vento ea tanta vis sit ad refrigerandum, vt solis vehementissimis flammis non cedat, sæpe adeo sit superior, vt in media regione Torrida Scythicum frigus efficiat, alij naturæ valentiores indagatores facilius fortassis inuenient. Ego in hac admirabili ventorum & origine & efficacia illud cogitare sæpè soleo. Qui profert vêtos de thesauris suis. Et illud, Vocẽ eius audis, & nescis vnde venit, aut quo vadit, ita prorsus est, vt veritas dixit, effecta sentimus, primordia, finesq; nescimus. Et quanquam apud Aeolum sub specu ventos cohiberi non opinamur: tamen in præpotenti illa efficientia, qua naturam à se conditam latè moderatur & regit, non dubitamus veluti quosdam thesauros delitescere, originesque ventorum, vnde varietate mirabili prodeunt, alij frigidi, alij calidi, alij nimboſi, sereni alij, salubres, & morbidì, steriles & fœcundi. Quidam etiã quibusdam regionibus dominantur, neq; riuale patiuntur, quidam & contrarios ferunt, & cedunt, aut vincunt vicissim, interdū quod hic sæpe vidimus

*Psal. 134.
Ioan. 3.*

dimus, regiones ita partiuntur, vt alius infernâ, supernam alius simul perflect, neq; inter se se cōcurrant. Ac multa quidem cum alijs, tum maxime Aristoteles cōmentatur de natura viribusq; ventorum, sed nescio, an quę occulta sint; dicēdo obscuriora fecerint. Ego vero libenter quarā ex illis, Cur in tota hac maritima ora per longissima spatia vnus tantum ventus aspiret? Cur idem Auster qui apud nos suauissimus est, trāsita æqui noctiali prorsus grauis & caliginosus sit? Cur Aquilo nubes congreget, & in pluias exprimat in his locis, idemq; verno sus habeatur, qui alias semper & frigidus & nubium dissipator est. Cur Insulæ, quas Barlouenti appellāt, perpetuis Aquilonibus refrigerentur, & tamen pluias habent copiosas, & vix vllus illic Austro aut Africo aditus patet? Cur Brasiliensis regio ante promontorium. S. Augustini perpetuos terrenos ventos obtineat, hæc nostra Peruenfis sub eodem climate perpetuos contrā marinos? Hæc atq; huius generis multa difficile est etiam viris valde rerum physicarum peritis ad perfectum pro dignitate differere. Ne nihil tamen studijs hominum demus, illud est promptum cernere ex locis editis atq; sublimibus, vt pote niualibus ac pruinosis & à sole minus affectis, vêtos gigni frigidos & subtiles: cōtrā è vallibus & terrētibus, locisq; palustribus crassos, & inflāmatos, si abūdet calor. Ad hoc accedit non minus certum, è mari flatum spirare solere sua miocē & salubriorem; è terra asperiorē minnī-que salubrē, quod marini vapores sine dubio sub

104 DE NATVRA NOVI ORBIS
tiliores minusque concreti sunt, ipsaque salsedo
non permittat tantum sterilitatis dominari, ut
sterilescat, itaque & suaniorum & fecundiorum
& omnino salubriorem esse auram è mari spiran-
tem perspicuum est Cum ergo Torrida hæc re-
gio montibus altissimis plena sit, cum Oceano
quoque maxima ex parte ambiatur, consequens
est ventos gigni, & frigidos, & subtiles, & ani-
mantium generationi prorsus idoneos. Vnde
fecundissima in his esse regionibus animalia
constat, quod calida & humida sit, & aura qua-
dam fecunda foueatur. Neque enim sine causa
poëtæ Venerem Aphroditin ex marina spuma
ortam fabulantur.

*In Torrida Zona quædam esse ventos perpetuos
Oceano. CAP. XVI.*

ILLA quoque nauticæ observationis narra-
tio mirabilis est, quod in tota regione solis iti-
neribus subiecta quæ duobus Tropicis hinc in-
de concluditur, compertum est longo vsu ven-
toseos dominari, qui à Septentrione & ortu ma-
ximè perflant, ab Occidente & Meridie rari sunt,
aut propemodum nulli. Quæ sane observatio
ventorum diuersæ navigationis ab Europa ad
Indos & ab Indis in Europam causa est. Neque
enim sicut Thebis Athenas, & Athenis Thebas
eadem est via, sic ab Hispanja ad Indos, & ab In-
dis ad Hispaniam. Sed aduentatio quidem pro-
cliuiis atque ut poetice ludam, Facilis descensus
ad

ad Indos. Sed reuocare gradum, veteremq; euadere ad orbem. Non facilis labor est. Veniunt quidem Hispanienses classes longe facilius & citius, & tutius quàm redeunt, quod vento secundo, perpetuis ferè Euro Aquilonibus delabantur, quo eodem vento obsistente reditum inueniunt difficilem. Quamobrè remeandi in Europà illa est certa ratio, vt ad gradus altioris cœli enauigent, vbi cū iam extra Tropicos euaserint, Austrū offendāt copiosum, & reuersioni opportunū, quo plenis velis feruntur ad suos. Itaq; ab Hispali aut Gadibus soluentibus occurrit primū pelagus illud procellosum, varijsq; ventis agitatum, quod equarū vocant, vsq; ad Insulas fortunatas. Inde vastissimo Oceano se se cōmittunt perpetuis fere Septentrionibus vsq; ad noui huius orbis conspectum delati. At in Hispaniā reuertentes ex nostra Cartagine ad Insulæ Cubę notissimū portū Habiānam contendunt, vnde vtraq; classis & Mexicana, & Peruenfis cōiuncta, paulatim regione Torrida enauigata extra Tropicos ad Floridę ferè cōspectum Austrū puppi captant, eumq; nacti perualidum, immensum pelagus & Bermudæ infortunia præteruecti ad Terceras Insulas adlabuntur, atq; inde ad sacrum D. Vincentij Promontorium patriæ optatū conspectum tenent. Ad hunc etiā modū in hoc altero immenso Oceano cū ad Salomonias Insulas ex nostra America iter sit haud difficile, reditus tamen non est facilis, sed aut ultra æquinoctialem & Cancrum quærendus est Zephyrus, & in nouæ Hispaniæ litora pro-

cūbendū, aut cōtra superatō Capricornio ad Chilenſis regni regionē cōmeandū. Eadem proſus eſt obſeruatio nauigationis ad Sinas atq; ad Inſulas Philippinas Sinis propinquas, ad aquas ex Mexicanis portubus neq; diuturna, neq; periculofa nauigatio narratur. At ex ijs Inſulis reditus prolixior propter circuitum atq; periculofior propter ventorū viciffitudines. Itaq; magna Oceani ſpatia contēplanti certum & velut lege fixū occurrīt, intra Tropicōs Septentrionē & ortū dominari, exclusis ferē Austro & occaſu. Quod tamē quemadmodū cætera phyſica penē omnia, nō ita accipiendū eſt, tanquā ij venti nuſquā Torridam occupent. Neq; enim vſq; adeo exulare ſunt iuſſi. Quin potius regiones videas nonnullas, quibus familiaris perpetuusq; auſter ſit. Sicut in hac vniuerſa Australis Oceani regione maritima cōtingit, vbi neſcio qua lege mirabili, nullus ferē toto anno niſi ab Auſtrino Polo ventus fiat, cū ſimus tamē in ipſa Torrida atq; Æquinoctiali hinc, inde Capricornij circulo circundemur. Sed has generalis illius regulæ veluti exceptiones facit diuerſa natura litorum, promonteriorum, terrarū, cæterarumq; varietatum, vnde ventorum & origo & vis leges maxime accipit. Nos quod commune eſt regioni Torridæ, & in alto Oceano plurimum obſeruatum, id de ventorum natura tradidimus. Atq; hætenus de mediæ huius regionis primis qualitatibus, de frigore, de calore, de humore & ſiccitate Torridæ, necnon de temperatione dictum ſit.

C A P I T A

PRIMI LIBRI.



*C*œlum noui orbis quosdam de rerum natura abstulisse. Cap. I.

*C*œlestē corpus omni ex parte esse rotundum, & in seipsum volui. Cap. II.

*Q*uod sacre quoq; literę terram in medio mundi esse attestentur. Cap. III.

*R*esponsio ad ea, quę contra cœli rotunditatem ex sacris literis afferantur. Cap. IIII.

*D*e facie cœli Antartici. Cap. V.

*Q*uod mundus ad vtrumq; Polum terras aque ac maria obtineat. Cap. VI.

*L*ātantij opinio negantis esse Antipodes confutatur. Cap. VII.

*Q*uę ratio impulerit B. Augustinum, ut negaret Antipodas. Cap. VIII.

*A*ristotelis sententia de habitatione alterius orbis, & quę in re aberrauerit. Cap. IX.

*Q*uod eadem Plinij & Complurium veterum sententia fuerit. Cap. X.

*N*otitiam alterius orbis apud veteres inueniri. Cap. XI.

*P*latignis sententia de India Occidentali. Cap. XII.

*Q*uod quidam Ophir in sacris literis esse nostrum Peru opinati sint. Cap. XIII.

Quid

Quid nam Tharsis & Ophir in sacris literis significet.

Cap. XIIII.

Quid de hoc nouo orbe Abdiar vaticinatus sit iuxta quosdam. Cap. XV.

Quomodo primi homines ad Indos venire potuerint: & quod non venerint certa nauigatione.

Cap. XV I.

De Magnetis admirabili efficacia & vsu ad nauigandum veteribus ignoto. Cap. XV II.

Responsio ad eos, qui volunt olim nauigatum Oceanum, vt hoc tempore nauigatur. Cap. XV III.

Probabile esse primos huius orbis habitatores tempestate prater votum ad has regiones eiektos.

Cap. X I X.

Longe probabilius esse primos huius noui orbis habitatores terrestri itinere huc peruenisse.

Cap. X X.

Quomodo bestia & pecudes ad hunc nouum orbem ex altero peruenerint. Cap. X X I.

Quod non venerit genus Indorum per Atlantidem, vt quidam opinantur. Cap. X X II.

Quod falso multi Indos ex Indeorum genere descendere affirmant. Cap. X X III.

Cui prima origo Indorum sciri non possit.

Cap. X X IIII.

Quid de origine sua Indi tradant. Cap. X X V.

CA-

C A P I T U L U M S E C U N D U M L I B R I .

DE æquinoctialis natura differendum esse. Cap. I.
Cur veteres Philosophi regionem Torridam esse
inhabitabilem pro certo duxerint. Cap. II

Quod regio torrida humidissima sit contra veterum
opinionem. Cap. III.

Quod extra Tropicos humoris copia solis recessu maxi-
me fiat, contra quàm in regione Torrida. Cap. IIII.

Quod intra Tropicos imbres æstivi sint & de ratione
hyemis & æstatis. Cap. V.

Quod Torrida aquis, pabulisq; abundet, quicquid Ari-
stoteles contradicat. Cap. V I.

Redditur causa, cur intra Tropicos solis presentia hu-
morem efficiat, extra Tropicos siccitatem.

Cap. V I I.

Quatenus, quæ de Torrida dicta sunt, accipienda sint.

Cap. V I I I.

Quod Torrida regio non sit vehementer calida sed me-
diocriter calida. Cap. I X.

Regionis Torrida æstus temperari tum multitudine
imbrium, tum æstiuorum dierum breuitate.

Cap. X.

Alias quoque esse peculiare causas temperanda Torri-
da, atque in ijs Oceani propinquitatem.

Cap. X I.

Terras quæ altiores, et frigidiore esse, & quæ sit
huius causa. Cap. X I I.

Vento:

Ventorum maxime beneficio regionem Torridam temperari. Cap. XIII.

Sub regione media suauissime vitam degi.

Cap. XIII.

De varietate ventorum & causis. Cap. XV.

In Torrida Zona quosdam esse ventos perpetuos Oceano. Cap. XVI.

DE
PROCVRANDA
SALVTE
INDORVM,

L I B R I S E X.



SALMANTICÆ.

Apud Guillelmum Foquel.

M. D. LXXXVIII.

P R O O E M I V M.



DE procuranda salute Indorum, recte atque aptè dicere, perdifficile est. Primum quòd barbarorum gentes innumerabiles sint, vt cœlo, locis, habitu, ita ingenio, moribus institutis latissime dissidentes : quibus omnibus Euangelio conciliandis, instituendis, regēdisque aliquid commune præcipere, atque intanto hominum rerumque discrimine, accommodatè ac certò quid expediat definire, magnæ cuiusdam facultatis est, quam profecto nos minimè consecuti sumus. Deinde res Indicæ vix firmę stabilesque consistunt, & novum quotidie sui que dissimilem habitum præseferunt, vt improbandum modo sit quod nō ita pridem valde probabatur, & rebus mutatis vtilia ante cōsilia etiam pernicioſa fiant. Quamobrem vt firma ac perpetua præcepta ea de re tradantur, vix fieri profectò potest. Vt enim alia pueritię alia iuventuti vestis concinnāda est, neque potest eadem omnis ætatis esse mensura, ita Rēp. Indicam institutis, religione, hominum genere varias veluti ætates subinde com-

cōmutante, nō est mirandū, si doctrinæ ar-
 tifices alias atq; alias docendirationes ad-
 hibeāt. Ita quāuis priores scriptores pieta-
 te & sapiētia præstiterint, tamen corū vel
 disputationes, vel commētarios, quos de
 rebus Indicis ediderunt, nostra iam ætas
 non magni facit, quod non magnopere
 rebus præsentibus accommodentur. Ex
 quo fit, vt eos quoque, qui pro hoc statu
 rerum apte congruenterque disseruerint,
 eodem loco futuros non longa ab hinc
 ætate, profecto diuinare possimus. Ac nos
 certè rerum Indicarum imperitis, falsa for-
 tassis & inter se se pignantia scribere sæpe
 videbimur, quod de Indorum natura, mo-
 ribus, fidei Christianæ progressu, variè va-
 rijs in locis loquamur: cōtra periti rerum
 minus amplè & pro dignitate eadem illa
 dicta censebūt, atque plura ipsi & aptiora
 se afferre posse confident. Mihi verò quid
 vel docti desiderent, vel indocti reprehen-
 dant, non admodum curæ est. Illud pru-
 dētissimus quisque facile intelligit, eadem
 de re non eodem modo omni ex parte di-
 cendum esse, si veritati ac non libidini ob-
 sequendum est. Neque fallit is, qui in ar-
 gumento multiplici pro rebus diuersis

diuerſa pronūtiat. Idem prorsus homo ſui ſæpe diſſimilis eſt, eadem vrbs, & domus eadem varijs locis & laudari & vituperari non falſo poteſt. Licuit certè Apoſtolo

1. Cor. A. Paulo in eadem epiſtola Corinthios ſummis ornare laudibus, ſpirituales, ſapientes, quibus nihil deeſſet in omni gratia & dono dicere: eoſdem ita deprimere, vt carna-

1. Cor. 3. 5. les eſſe inflatos, ſpiritualib⁹ rebus ineptos exprobraret. Neq; ſibi contrarius eſt, aut ſui immemor: ſed quæ per partes inerant,

Chryſ. ho.

2. in. 1. Co

ſint.

Iſai. 1.

potuit ſalua veritate, vt Chryſoſtomus cõmentatur, vniuerſis aſcribere, Iſraelem, & Iudam iſdem Prophetæ ſæpe vituperant, ſemen nequam, filios ſcleratos, populum Gomorrhæ, & id genus infinita conuitia iactantes: quem tamen vel eadem interdū pagina ſummis laudibus euehant, populū

Iſai. 6. 51. iuſtum, filios Dei, hæreditatē dilectā, gentem ſanctā atque alia multa honoris cauſa appellantes. Imo verò eadem periodo

Rom. 11.

Paulus, ſecundum Euangelium quidem, inquit, inimici propter vos, ſecūdum electiōnē autē chariſſimi propter patres. Quo magis nobis ſalua veritate licere putandū eſt gētes Indorū, quarū eſt tāta diuerſitas, modo Euāgelio aptiſſimas p̄dicare, vt verè ſunt

maxima

maxima ex partē, modò valde alienas accu-
sare, quòd hominū scelere, & perversa edu-
catione cōtingit. Vulgaris error est res In-
dicas tanquā rus aliquod aut oppidū angu-
stè definiētū, & sicut vno verbo dicūtur,
ita vnius esse naturæ rationisque putan-
tiū. Sed qui hæc nostra legerit, inueniet p-
fecto nos nullo partium studio ductos &
proba, & praua depromere, & iucūda & tri-
stia æquè afferre. Nihil enim teste Dño Ie-
su aliud optamus, arque agimus, quā vt pro-
cōperta nobis rerum fide, quicquid est, vt
est, alijs tradamus, quippe qui sciamus Deū
nequaquā nostro egere mēdacio. Neque *Rom. 3.*
vero gētes has vana aut falsa concepta opi-
nionē rectè adiri & quæri ad salutem. Sed
tum demum vnicuique constare animū,
cum quale & quam magnum opus Domi-
ni aggrediatur, non inani rumore ductus,
sed firmo diuinæ vocationis consilio ni-
tens, secum prudenter expenderit.

Quāuis autē Indorum nationes innume-
rabiles sint, quarum singulis sui certi ritus
& mores sunt, quas alio atque alio modo
instituire oporteat, tamen cum id ego præ-
stare non possem, cui plurimæ gentes ig-
notæ sunt, & vt maximè essent cognitæ, im-

menſum opus exiſteret ſigillatim de omnibus diſputare, operæ pretiũ duxi, vt barbaris omnibus accommodatius ſcriberẽ, Peruenſium maximè habere rationẽ. Idq; feci duabus ex cauſis, vna quòd hæ prouinciæ mihi notiores eſſent, vt aliquid certius afferrem: altera quòd hoc Indorum genus veluti medium mihi inter cætera ſemper eſt viſum, ex quo facilius veluti extrema iudicari queant. Etſi enim Indi vocantur barbari omnes, quos noſtra ætate Hiſpani & Luſitani ſuis claſſibus longiſſimo Oceano traiecto inuenerunt, non ſolum ab Euangelica luce alieni, ſed ab humanis quoque inſtitutis abhorrentes, tamen nõ omnes eiufdem ordinis ſunt, ſed Indus Indo, vt Còmicè dicam, multum intereſt, barbarus barbaro longe præſtat. Barbaros autem probati autores eos eſſe definiunt, qui à recta ratione & hominum cõmuni conſuetudine abhorrent. Vnde barbarica ſtoliditas, barbarica feritas, barbaricæ quoque opes & opera apud nobiliores ſcriptores celebrari ſolent, quæ & ab vſu hominum cæterorum valde recedũt, & ſapientiæ certæque rationis vix quicquam habent. Hos autem omnes noui or-
bis

D. Tho. in
ep. ad Rom.
c. 1. lect. 5.
& 1. Cor.
14. lect. 2.

bis barbaros, inde Indos appellatos existimo, quod apud veteres remotissima regio, quæ fines orbis terrarum claudere putaretur India esset, quod Alexandrum Macedonem & Traianum Cæsarem pene-
 1. *Mac.* 1.
 trasse, & sacri & profani scriptores tanquã terminos terræ adierint, cum magna laude commemorant. Ex quorum imitatione nostri nomen ad nouas à se inuentas gentes deriuasse mihi videntur. Quamquam initio non Indi; sed Insulani aut Antiliani, Occidentales barbari dicebantur. Cùm igitur horum prouinciæ, nationes, genera plurima sint, tamen mihi diu rem diligenter peruestiganti tres veluti classes esse barbarorum videntur, quæ magnopere inter se discrepent, ad quas ferè nationes hæ Indicæ redigi possint.

Prima classis eorum est, qui à recta ratione, & consuetudine generis humani non ita multum recedunt. Hi sunt potissimum, quibus & respublica constans, & leges publicæ, & ciuitates munitæ, & magistratus insignis, & certa, atque opulenta commercia sunt, & quod omnium caput est, literarum celebris vsus. Nusquã enim literarum, & librorum monumenta extant,

quia cæ gentes humaniores, & maximè politicæ sint. In hoc genere primi videntur esse Sinenses, quorum ego characteres vidi Syriacis persimiles, qui librorum copia, academiarum splendore, legum, & Magistratuum autoritate, publicorum operum magnificentia plurimum florere dicuntur. Secundum hos sunt Iaponenses, tum pleræque Indiæ Orientalis provinciæ, ad quas Asiatica, atque Europæa instituta olim peruenisse ego non dubito. Hæ gentes, quamvis barbaræ re vera sint, & à recta & naturali lege plerisque in rebus discrepent; tamen ad salutem Euangelij non aliter ferè vocandæ sunt, quam olim ab Apostolis Græci, & Romani, cæterique Asiæ, atq; Europæ populi. Nam & potentia præstant & nonnulla humana sapientia, atq; à sua ipsi ratione potissimum, Deo intus agente, vincendi sunt, & Euangelio subigendi, quos si per vim & potentiam Christo subicere pergas, nihil aliud agas, quam vt à lege Christiana alienissimos reddas. In secunda ego classe eos barbaros numero, qui quamvis neque literarum vsum norint; neque leges scriptas, neque philosophica, aut ciuilia

uilia studia habent; tamen Magistratus suos certos, habent Rempubicam, habent frequentes, & certas sedes, ubi politiam suam seruant, habent militiæ & duces & ordinem, & religionis suæ celebritatem quandam. Denique ratione quadam humana reguntur. In hoc genere erant Mexicani, & Peruenſes nostri, quorum imperia & Respubl. & leges, & instituta merito admirari quiuisset. Et quod incredibile pene videatur, literarum inopiam, tanta ingenij dexteritate supplere, ut & historias & vitas, & leges, & quod est amplius, temporum cursus, & rationes numerorum ita teneant quibusdam à se excogitatis signis, & monimentis, quos ipsi Quipos vocant, ut nostri cum literis suis plerumque eorum peritiæ cedant. Nescio equidem an certiores Arithmeticos, cum quiduis est numerandum, aut partiendum, literæ nostræ faciant, quam hos signa illa sua. Memoriam vero omnino est admirabile quam fidelem etiam rerum minutissimarum per Quipos si. os diutissimè cōseruent. Multum tamen etiam hi & à recta ratione

& à consuetudine generis humani absunt. Hæc autem classis latè patet, & primum imperia continet, quale Itigarum fuit, deinde regna minora & principatus, quales Cacicui plerique habēt, tum Magistratus publicos ab ipsa Republic. creatos, quales Araucani; Tucapelenses, cæterique Chilenenses ferè sunt. His omnibus illud commune est, vt oppidatim viuant, ac non palantes more ferarum, vt certum iudicem præfectumque habeant, & intra sua cuique seruentur. Sed quia morum & rituum & legum monstra tot tantaque apud hosce sunt, & tanta in subditos sæuendi licentia, vt nisi potentia superiore & auctoritate regantur, vix aut Euangelij lucem aut homine ingenuo vitam dignam accepturi videantur, aut si semel acceperint, non facile in ea perseveraturi intelligantur, meritò his præfici, qui inter tales ad vitam Christianam transierint, Christianos Principes & Magistratus, cū res ipsa deposcit, tū Ecclesiæ auctoritas præcipit: sed ita tamen vt facultatibus fortunisque suis & legibus non naturæ aut Euangelio contrarijs vti libere permittendi sint. Iam verò tertia atque extrema classis barbarorum, quot homi-

num

num nationes, quot huius noui orbis regiones teneat, dici non potest. In hac sunt homines syluestres, feris similes, vix quicquam humani sensus habentes, sine lege, sine rege, sine fœdere, sine certo Magistratu, & Republica, sedes identidem commutantes, aut ita fixas habentes, vt magis ferarum specus, aut pecudû caulas imitentur. Huc in primis pertinent, quicunque à nostris Carybes dicuntur, nihil aliud quàm sanguinolentiam exercentes, in hospites omnes sæui, qui humana carne vescuntur, nulla veste, vix ipsa virilia tegentes. Hoc barbarorum genus Aristoteles attigit, cû ferarum more capi & per vim domari posse scripsit, quorum in nouo orbe sunt infiniti greges. Tales Chunchos, Chiriguanas, Moxos, Iscaycingas nobis vicinos nouimus, tales plerosq; Brasilienses, tales Floridæ propemodum vniuersæ populos narrant. Pertinent etiã ad hanc classem ij barbari, qui etsi atroces non sunt, neque tygrides aut pantheræ, tamen à pecudibus parû distât, nudi & ipsi, timidi, fœdissimæ Veneri aut etiam Adonidi, vulgò dediti. Quales esse ferunt, quos nostri Moscas vocant, in nouo regno, quale Carthaginis omnisque

*Arist. 1. &
5. Polit.*

cuius oræ promiscuū vulgus, & qui per mag-
nos Paraguay fluuij maximi campos inco-
lunt, tum etiam plurimæ gentes, quæ infi-
nitum vtriusq; Oceani medium tenēt, nō-
dum nobis satis exploratæ sed fama certæ.
In Orientali quoque India insulares per-
multi eius generis esse videntur, vt Malu-
quiani. Huc etiam spectat aliud barbarorū
genus mansuetum, sed sensu valde exiguo,
qui non nihil superiores excellere vidētur,
quādā Reip. imaginem præ se ferentes, sed
nugarum per similes & leges, & cultus ge-
rentes: cuiusmodi esse feruntur, qui apud
Insulas Salomonias dictas innumerabiles
habitant, & maximæ continenti hære di-
cuntur. Hos omnes homines, aut vix ho-
mines, humana docere oportet, vt homi-
nes esse discant, tum puerorum more insti-
tuere, & si quidem blanditijs sponte ad me-
liora ducantur, bene: sin minus deserendi
non sunt, sed si aduersus salutem suam pro-
teruiant, & in Magistros medicosq; suos
insaniāt, per potētiam & honestā vim quādā
ne Euāgeliū impediāt, coercēdi sunt, & in
officio cōtinēdi, quos de syluis trāsterri ad
vrbes, & humanā vitā, & quodāmodo inui-
tos ad Regnū introire cōpellere expediet.

Luc. 14.

Neque

Neq; enim de omnibus Indorū gentibus
 eodem modo pronūtiare oportet, nisi gra
 uiter errare malimus. Neq; vero aut cupi
 ditatē & tyrannidem magistrā adhibere
 Euangelij, aut quod equè noxium est, otio
 sam, imperitorum quorundam philoso
 phiam certæ & exploratæ retum ipsarum
 fidei & experientiæ antecferre. Mihi cum in
 has vastissimi orbis terrarum gentes tot
 sæculis ante ignotas oculos conuerto, ni
 hil aliud magis dicere libet, quàm illud. Se
 cundum altitudinem tuam multiplicasti
 filios hominum. Verè enim altissimi &
 nobis penitus inscrutabilis consilij fuit,
 vt tot gentes multiplicarentur, quibus ef
 fet tandiu salutis ignota via. Quas tamen
 nostro sæculo, quod alijs generationibus
 nō est agnitū ad Euāgelium vocare digna
 tur Dñs, & concorporales facere, & cōpar
 ticipes mysterij Christi: idq; eo ordine &
 modo, ita aliud agentibus nostris homini
 bus, vt altitudinem diuini cōsilij humana
 mēs penitus reformidet. Horū igitur om
 niū salutē procurādā & sentim⁹ & dicimus
 Christo ducē: ac pro nostra inopia aliquid
 afferre tētam⁹: quo ministri Euāgelij iuua
 ri queant. Et res quidē ipsa difficilis, noua
 varia

psal. 11.

Ephes. 3.

varia existit: vires autem nostræ perquam
Matt. 23. exiguæ. Qui autē docere dilucide potest,
 & quę docuerit, animo persuadere, ille cer
Sap. 7. tē est, qui vnus est Magister omniū, idem
 sapientiæ dux, & sapientium emendator,
 in cuius manu sumus & nos & sermones
 nostri, ipsi honor & gloria & nunc
 & in diem æternitatis.

Amen.

D E

DE PROCVRANDA INDORVM SALVTE,

LIBER PRIMVS.

Quod non sit desperanda salus Indorum.
CAP. I.

SALVTEM barbarorum, Fideiq; propagationē, qui longè positi sunt, ac rem voto suo metiuntur, facilem ac speciosam prouinciā arbitrantur, & cum innumerabiles populos hoc altero orbe diffusos brevī tempore ad Christi nomen transiisse audiunt, vberem copiosāq; messē non multo negotio ex hoc agro sibi persuadēt. Ita sæpe accidit, vt qui ad opus accedunt, tunc de manipulis & horreis cogitent, cum de aratro & semente deberent. Cōtrā qui periculo factō propius rem viderunt, atq; tractarunt, tot talesque difficultates offendunt, vt pleriq; labore victi penè desperatione frangātur: & sudores quidem magnos & diurnos, frugem verò vel nullam, vel per exiguam esse contendunt. Mihi verò si quid melius & vtilius sapere donatum sit, vtrāq; sententia corrigenda, ac moderanda videtur. Nā Quemadmodum præclara omnia nequaquam cuius peruia esse solent, ita profecto quæ necessaria

ria homini Deuseſſe ſtatuit, in ijs qui diffidit, ſum-
mæ providentiæ facit iniuriã. Neq; enim genus
aliquod hominũ excluſum eſt in Euãgelij, fidei q;
cõmunicatione, vbi à Chriſto Dño Apoſtoli au-

Marc. 16. diũt, E untes in mundũ vniuerſum prædicate Euã-

Luc. 24. geliũ omni creaturæ. Et rursus, Prædicari in no-
mine eius pœnitentiã in omnes gentes incipienti-
bus ab Hieroſolyma. Et apertius, Eritis mihi te-

Act. 1. ſtes in Hieruſalem & in omni Iudæa, & Samaria

Matt. 28. & vſq; ad vltimum terræ. Et alibi, Docete omnes

gentes. Quis igitur tam illuſtris præcepti toties
commendati autoritatem contemnat? Aut quam
hominum nationem adeò feram & ab omni hu-
mano ſenſu remotam beneficio Prædicationis,
Fidei, Pœnitentiæ ac diuinæ doctrinæ deſtitutam

2. Theſſ. 3. putet, cum audiat Dominum de vniuerſo muni-
do obeundo, de omnibus docendis diſcipulos cõ-

teſtante? Quod ſi non omnium eſſe Fidem Pau-
lus docet, tamen id non conditioni hominum aut
natalibuſtribuit, ſed peruerſitati & importunæ
cuidam obſcurationi. Certè enim vt non ſolum
prædicationem Euangelij in toto orbe cogitare-

Apoc. 7. mus, verũ etiã inſignem vbiq; fructificationem,
Ioãnes in Apocalypſi in turba illa magna & bea-

ta Agnũ ſequentem, omnẽ populũ, omnem tribũ,
oẽm linguã, quæ ſub cœlo eſt, cõmemorat. Quin
potius ſi attẽtiũs diuinas ſcripturas legamus, ap-
parebit fortaliſſimò ſine magna ratione, ac diuino
quodã myſterio extremũ & abiectiſſimũ genus

Pſal. 67. hominũ, vel præcipuè ad ſortẽ Euangelij vocari.
Æthiopia, inquit, præueniet man⁹ eius Deo. Quæ

verò

verò gens despiciatior his, qui vel ipso tetrore & putore horrore pene habentur? De his Sophonias quoq; Propheta: Attenuabit omnes Deos terræ, *Soph. 2.* & adorabūt eū viri de loco suo, omnes insulæ gentiū. Sed & vos Æthiopes interfecti gladio meo eritis, illo nimirò gladio, quē Dñs venit mittere in terrā, quod est verbū Dei, pertingēs vsq; ad diuisionē animæ & spiritus. In eodē quoq; Propheta *Matt. 10. Heb. 4. Soph. 3.* legimus. Quia tunc reddā populis labiū electū, vt inuocēt omnes in nomine Dñi, & seruiāt ei humero vno, vltra flumina Æthiopie inde supplices mei filij disperforū meorū deferent munus mihi. *Psal. 126. Teq; vidēt primi, quæ* Quos nam dispersos suos Deus noster intelligat, rite tamen nisi quos alibi vocat filios excussorū? quod cælebi quōq; feri res, Æthio dispersi populos innumerabiles salutariter feriāt, pūq; feris & vinctos, ac supplices Deo suo spolijs gloriosi, alieno gur post se agāt. Vltra flumina verò Æthiopie si quis gite cāpor. gētes positas quærat, inueniet sanè priscis scripto Et te terra rib⁹ ignotos Nilī fontes Christianorū hominū perum nescit reginatione superatos. Neq; verò illud improba cui debeat bile est plerūq; Insularū nomine in diuinis literis orbis, Lu- terras has omnes magno Oceano circūfusas desicari. 10. gnari, tametsi continentes plurima ex parte sint, Pharf. de fortassis, quod ea antiquorū sentētia fuerit, vltra Nilo.

Asia, Europæq; atq; Africa sibi nota litora, vel Inoratione nullā habitari regionē, vel eā, si qua esset insula- funebri Ba rem esse tantummodo. Nam & à Pindaro poëta filij, & ad decantatum est vltra Gades mare esse homini- Post humia bus impermeabile, quod prouerbij loco nō se- nū epif. 71. mel sanctus Nazianzenus celebrat. Itaq; cū vel So
phonias

*Esaï. 66.**Esaï. 42.**D. Hier. in**Epistol. ad**Ephes. c. 2.**Clemēs in**Episto. sua**dicit, Post**Oceanum**mūdī sunt**aliī. Loqui**ibi, vt vide**tur, de gen**tibus noui**orbis.**Mal. 2.**Rom. 1.**Colos. 3.**Luc. 14.*

phonias omnes Insulas gentiū adoraturas dicit, vel Esaïas ad Insulas longe ituros, qui saluati fuerint, vltra Africam, & Lidiam, & Italiam, & Græciam, & annūciaturos Dei gloriam gentibus, de quæ ijs omnibus adducturos fratres suos donum Domino: siue etiam cum hortatur ad decantandam Domino laudem eos, qui in extremis terræ habitāt insularum incolas & maris: non absurdè profectò totius huius extremi orbis homines ad Christi nomen & gloriam agnoscendam conuocandos, conducēdosq; significare intelliguntur. Cur enim contemptos, ac sempiternę obliuioni datos homines arbitremur apud pium Conditorē, & benignissimum Redemptorem? Nūquid non vnus est pater omnium? An alio sanguine Græci & Romani, alio barbari & Indi redempti sunt? Ipsos certè Iesu Christi Apostolos scimus ad remotissimas, ac ferocissimas nationes penetrasse, neq; earum belluinis moribus deterritos, neq; sensus stuporem pertesos & prædicasse Euāgelium & baptizasse, & munus inde Dño iuxta propheti cū vaticiniū obtulisse. Agnoscebāt se debitores crediti talenti Græcis pariter ac Barbaris, sapientibus atq; insipientibus. Intelligebāt in Christo Iesu non esse Iudæum, & Græcum, barbarum & Scytham, sed nouam creaturam, quæ secundū agnitionem Dei renouatur in imaginem eius, qui creauit illā. Etenim quos pater familias licet debiles, licet claudos, licet pannosos & horridos ad præclaras cœlestis conuiuij epulas pro sua magnificentia inuitari iubet; cuius obsecro temeritatis

tatis, cuius impudentiæ erit, hos vt serui conuiuas dedignentur, auerſentur, fastidiant? Nisi putamus melius esse perspectam ministris vel conuiuarum rationem, vel conuiuij dignitatem, quam ipsi omnium cõditori & largitori? In illo certè linteo quod Petro esurienti cœlitus oblatum est, omne genus nō solum volucrum & animantium; verum etiam serpentium ac reptilium expositum, ac præparatum diuina nos docuit historia, vt etiam sordidos, & abiectos atque vt ita dicam humi repentes à Domino sanctificatos intelligamus. Quod autem Deus sanctificauit, nobis vt immundum fastidire, ac repellere minime licet. Quamobrem deſinamus vel tarditatem vel duritiam Indorum tantis diuinæ charitatis promissis opponere, & eum qui promisit fidelem existimantes, à communi omnium salute nullum genus mortalium putemus exceptum.

Cur videatur multis difficilis & parum utilis prædicationis apud Indos. CAP. II.

CVM has atque his similes diuinæ scripturæ voces atteri dimis, satis elucet, quemadmodum Pater misericordiarum neminem velit perire, sed omnes ad pœnitentiam reuerti, omnes 2. Pet. 3. omnino saluos fieri, omnes ad sui nominis agnitionem venire: atque ita generaliter cogitantibus erigitur spes non mediocriter, studiumque illud accenditur ad salutem animarum quærendam, cum ipse dixerit suis, Ego posui vos, vt ea Ioan. 15.

I tis

tis & fructum plurimum afferatis. Sed cùm veni-
tur ad rem, adeò contraria humanæ imbecillita-
ti apparent facta promissis, ita omnes aditus mi-
seris hominibus interclusi ad salutem, vt calore
illo refrigerescente, sæpe diuinam potius cogite-

Ecclesi. 15.

mus seueritatem, quæ non amat multitudinem
filiorum infidelium, & inutilium. Ac præteritæ
quidem infidelitatis iustum supplicium infideli-
tatem esse, vt qui Deum in natura docentem con-
templerunt, in Euangelio prædicantem, auribus
aggrauatis quodammodo non sinantur audire.
Vt enim arcani cuiusdam ac diuini iudicij fuit
tam innumerabiles populos tot annorum milli-
bus Dei notitia caruisse, ita quoq; eidem tribue-
dum esse; quòd notitia quædam tenuis offera-
tur, vel ita offeratur, vt faciliè repudietur, vel ita
demum recipiatur oblata, vt mox perniciosius
deseratur. Quis enim cognouit sensum Domini?

Esai. 40.

Verè iudicia illius abyssus multa. Itaq; videtur
experientia ipsa docere infinitam hanc Indorum
barbariem, suis ita exigentibus malis cùm à luce
Euangelica per mille quadringentos annos aber-
rasse; tùm verò diuina vltione acrius perurgente,
postquàm vt Psalmus habet, coruscauerunt orbi
terræ fulgurationes eius, atq; his locis illuxit ve-
ritatis radius, occæcatas esse mentes infidelium,

Psal. 76.

ne fulgeat illis lumen Euangelij pacis. Nā quòd
quidam Apostolicam tubam etiam his regioni-
bus olim insonuisse arbitrantur, huc vocantes

Psal. 18.

Propheta testimonium à Paulo pronuntiatam:

Rom. 10.

In omnem terram exiuit sonus eorum, & in fi-

nes orbis terræ verba eorum, non mihi videntur tantam rem satis conficere, cū etiam Augustinus sua ætate in Africæ quibusdam partibus ignotum adhuc fuisse Christinomen affirmet, quo ne Romani quidem imperij fama peruaserat. Me verò vt illud secus intelligendum putem, monet maior autoritas Christi Domini, qui perspicue docuit tunc venturam esse mundi consummationem, cum Euangelium fuerit toto orbe vulgatum. Quamobrem illud, vt pleraque alia, ita de Apostolis accipiendum est, vt Apostolici viri simul cogitentur: quorum sonus in omnem quidem terram exit, sed gradatim, suisque temporibus secundum æterni consilij decretum. Familiare est propheticiis oraculis, vt tempora etiam seiunctissima, vno velut aspectu subijciant oculis, deq; ijs vniuersis pronuntient, quæ per partes implenda sunt. Quam regulam plerumque necessariam esse sacris scripturis intelligēdis, non ambiget vel tenuiter in ijs exercitatus. Iam verò quod vestigia nonnulla reperta sunt, antiquam, vt apparet, fidem notantia apud quosdā, vt crucis erecta signa, & alia quædam, non satis apertum documentum est. Extat sanè in superioribus huius prouinciæ regionibus hodie quoq; fama percelebris Indorum vetusta traditione vulgata & conseruata, venisse olim virum quēdam insignem nostris similem, quem suo vocabulo Tichuiracocha ipsi appellant, qui multa vtiliter docuerit, sed nihil sermone proficiens, signis ac virtutibus clarus etiam martyrio

Epis. 80. ad Hefychiū.

Matt. 24.

Augu. epis. 80. & 78.

132 DE PROCURANDA INDORVM
coronatus sit. Huiuseffigiem multum ab Indorū habitu abhorrentem, sanctorum porro nostrorum non ab similem quidam se vidisse confirmant. Sed ut vera hæc sint (cui enim negemus esse potuisse?) quid faciemus infinitis alijs gentibus, quarum etiam facies adhuc ignota est, quas tamen esse certissima ratione deprehensum est? Illud magis persuasum habeo & magnam orbis partem adhuc testare intactā, quod tum Nauticæ tum Cosmographiæ peritissimi affirmant, & eam quam modo tenemus, usque ad nostra tempora Christianis hominibus incognitam perstitisse. Igitur, ut redeam ad institutum, apparet quibusdam hos populos, has gentes, hæc infinitam barbariem, ut olim destituti sunt Luce Evangelica, ita nunc quoque postquam copia illius facta est, ad percipiendam doctrinam salutarem, necessaria intelligentia & capacitate destitui. Vtrumque enim æquè inscrutabilis iudicii esse, quod ut penetrare non possumus, ita neque accusare debemus. Re vera, quod in libro Sapientiæ de antiquo Chananæorum populo legimus, id aptissime in Indos quosdam convenire facile annuerit, qui eorum ingeniam moresque perspexerit. Non ignorans, inquit, quoniam nequā est natio eorum, & naturalis malitia ipsorum, & quoniam non poterat mutari cogitatio eorum in perpetuum. Semen enim erat ab initio maledictum. Sunt ergo quidam ingenita ac velut hæreditaria malitia imbuti, quorum adeo pertinax & perverso hærens cogitatio est, ut penē

Sap. 12.

penè auelli nō possit. Si mutare potest Æthiops pellem suam, aut pardus varietates suas, & vos poteritis benefacere, cū didiceritis malè. *Hiere. 13.*

Tam profunde humana mens nequitiae gurgite absorberi solet interdum, vt pene miraculo tribui debeat, si quis eam inde possit eruere. Ne verò conditorem suum audeat vile figmentum accusare, diuinus sermo continuo præuertit dicens,

Quis enim tibi dicet, quid fecisti? aut quis stabit contra iudiciū tuum? aut quis in cōspectu tuo veniet vindex iniquorum hominum? aut quis tibi imputabit, si perierint nationes, quas tu fecisti? *Sap. 12.*

Hæc ergo prima, ac præcipua causa se offert, cur multo labore in his regionibus patum emolumenti sperandum sit, quod semen maledictum ac diuinis auxilijs propemodum destitutum in

perditionem destinatum sit. Sed vt altiora consilia inuestigare definamus, certe doctrina Christi sublimis est, vita Euangelij plusquam huma-

na. Homines integros atque ingenuos postulat fidei verbum, per legem, inquit, perfectæ liber-

tatis incipientes iudicari. At natio Indorum (etsi alij alijs præstant,) vniuersa tamen est ab omni

ingenuitate alienissīma, tota sordida, tota seruilis. Ingenio vt plurimū obtuso, iudicio per quā

imbecilli, inconstans prorsus & lubrica. Moribus infidi, ingrati, metu solum cedere & vi, ho-

noris vix sensum habere, pudoris propemodum nullum. Hos dicās pinxisse Chrysostomum, cum

genus seruorum quodam locō exponit: Vbiq̃ terrarum, istud pro comperto habetur, seruorum

Jacob. 2.
Homi. 4. in epist. ad Titum.

genus impudens ferme esse, formatuq; difficile, lascium, lubricum, parumq; idoneum ad virtutis doctrinam capeffendam & cætera. Neq; seruire tantum ingenium est; verum etiam quodam modo brutum; vt facilius putes feras cicurare, quam istorum vel frænare temeritatem, vel excitare torporem, aded ad percipiendum rudes, ad cedendum sunt duri & peritices. Deniq; vt irrationalia pecora naturaliter in captionē & prædam apta in corruptione perpetua degunt, neq; matrimonij leges, neque naturæ reueriti: libidine pro ratione vtitur. Quid ergo pergimus margaritas mittere ante porcos, & canibus sanctum dare, qui facile reuertuntur ad vomitum, & cœnivolutabra delicias ducunt? An infantium insensatorum more viuentes, parentes animarum in auxiliatarum, comestores viscerum humanorum ratione ac lege regendos credimus, ac non potius loris & ferro subigendos? Iam vero quoniā Fides ex auditu est, auditus autem per verbum Dei, lingua opus est ad Euangelizandū. Hic qui negotium barbaros imbuendi assumunt, difficultates patiuntur eas, vt malint pene cum saxis, & marmoribus agere, quàm de rebus in se quidem arduis & sublimibus, & elingues dicere, & à surdis audiri. Ferunt olim septuaginta duabus linguis confusum esse genus mortalium: at hi septingentis, & eo amplius inter se discrepāt, vt vix vallis habitetur paulo latior, quæ non sua materna lingua gaudeat. Et si enim in vniuerso lngarum imperio, quod ab æquinoctiali

Quito

Quito usque ad longissimam Chilæ provinciam per gradus fere quadraginta distenditur, lingua generalis à Rege Guainacapa introducta viget, tamen & Indorum gentes innumerabiles sunt his terminis exclusæ, & eæ ipsæ non ita illa familiariter utuntur, ut apud vulgus promiscuum in usu sit. Accedit quod mytherijs Fidei præcipuis vocabula sæpe defunt, ut indicæ linguæ periti tradunt. Per interpretem verò rem tantam agere, & cuiusque plebeij ac vulgaris hominis fidei, & sermoni committere documenta salutis, tametsi necessitate impellente faciliatur, tamen res ipsa docuit, quam non solum incommodum sit; sed etiam perniciosum interdum, dum alia pro alijs interpretatur, aut quia non assequitur, aut etiam quia sequi docentem piget. Quid igitur faciet, qui linguarum donum non habet, neque interpretationem sermonum, qui cum barbaris cogitur, & ipse barbarus esse, ut cum loqui nesciat, tacere non possit? Linguæ difficultates, locorum non minores fortassis excipiunt. Nam, ut omittam navigationem longissimam, molestijs periculisque plenissimam, ipsæ habitationes Indorum ferè inaccessæ spem salutis videntur excludere. Videas plethosque ferarum instar non vrbes, & oppida, sed rupes, atque antra incolere, neque gregatim vitam degere, sed sparsim, sæpè incertis vagari sedibus. Itinera cervis aut ibicibus tantum peruia. Domus nullæ, non tectum, non paries fundamento surgens. Caulas pecorum,

aut biuaria dicas potius, quam hominum cœtus,
 Hos quæso quis adeat? quis conueniat? quis cõ-
 uocet? quis doceat, & cohortetur? Cùm dormien-
 te loquitur, qui narrat stulto sapientiam, ait la-
 piens. Cùm sint igitur inter domesticos fidei,
 quibus doctrinæ panis erogari fructuose possit,
 cur filijs tollendus est, & canibus dandus, vel po-
 tius proijciendus? Quid consilij est, incertis
 certapostponere, & labores subire maximos vti-
 litate nulla vel perexigua? Atque ad hunc sanè
 modum qui negotium salutis Indicæ vel diffi-
 cile reputant, vel etiam exosum habent, senten-
 tiæ suæ causas, si serio interrogentur, videntur
 mihi non improbables reddituri.

Eccli. 22.

Mat. 15.

*Quod difficultas predicationis non debeat terrere
 Christi seruos: & qua ratione sunt animandi.*

CAP. III.

VALET sane commemoratio difficultatũ,
 quæ in disseminando verbo Dei occurrũt,
 si prudenter adhibeatur, non parum, vt quorun-
 dam iuuenilis quidam ardor temperetur, ac re-
 strænetur audacia, quam rectissime Aristoteles
 dixit pericula vt ignota citius aggredi, ita tenta-
 ta celerius fugere. Fortes enim milites postulant
 bella Domini exercituum, non audaces & teme-
 rarios; qui more Ephraim inter suos ociose in-
 tendentes, ac mittentes arcum, in diẽ prælij con-
 uersi sunt. Est verò prudentis & fortis viri, peri-
 cula, difficultates omnes, teramque incertos exi-
 tus

4. li. Aethi.

Psal. 77.

tus secum ante meditari, non vt magnitudine laboris territus, spem abijciat, victoriæ, sed quò & patatior, instructiorq; accedat ad rem, & dubiam sortem, si secus cedat, minus iniquè ferat. Ita certè videmus Mosè suas metientem vires detrectasse cum Pharaone congressum, Hieremiam prophetandi prouinciam deprecatum esse, Saul cum adhuc Dei spiritu regeretur, ob regnum delatum latitasse: quostamen omnes cæterosq; homines Dei & si rei magnitudo probè perspecta terrebat, tamen Dei omnipotentis amplius recreauit, & confirmauit autoritas. Illud enim verissimè à quodam nostro fratre diu multumq; in hoc negotio Indorum exercitato dictum etiam ipse experiri iam mihi videor, Inter omnes virtutes ad functionem eam necessarias caput esse humilitatem. Hæc neq; magna sapit, neq; sibi pollicetur illustria, neq; labore vnquam frangitur, neq; verò fructus etiam tenues dedignatur; sed quiduis per eam efficiat Dominus, id gratum pro magno habet. Verè humilibus dat gratiã Deus, atq; his administris, fortia sæculi & præclara confundit. Ac mihi quidem humilitatis maximè inopia in causa esse videtur, penuriam vt fructuū videamus, & cū multum fortassis seminauerimus, metamus perparum, quia iuxta Prophetæ sermonem, Vnusquisq; in domum nostram festinamus, & domum Domini non curamus, id est auidius nostram quàm Dei gloriam quærimus. Sed venio ad rem. Indorum veram conuersionem ad Fidem perdifficilem esse dicunt. Est

Exod. 3.

Hierem. 1.

1. Reg. 10.

Iacob. 4.

1. Pet. 5.

Agg. 1.

sanè. At illud non oscitanter cogitare oportet, semper Fidei prædicationem fuisse difficillimam, & fructificationem Euangelij laboriosiore longe existimatione nostra. Ut enim omittam dicere, quanta præcesserint, quanta consecuta sunt, quæ semen Dei ne susciperetur, vrgerent, ne susceptum maturesceret, impedirent, profectò generalis ratio doctrinæ Christianæ satis per se ipsam verticem formidabilem monstrat. Etenim ratione omni superiora docet, nec probat: mores ab omni cupiditate, & gloria alienos instituit, vitij omnibus funditus euersis, quibus est humana natura plenissima, & diuturna cōsuetudine affirmatissima. Præmia pollicetur, quæ non videntur, ea, quæ videntur, contemnere iubet: sensum hominis ad ea transfert, quæ sentiri nequeunt: vitam non humanam homines agere vult. Quis igitur facile ac suane putet, belluas in Angelos transformare, idque voluntate ipsorum adnitente, quibus vis ista affertur? Verè opus hoc non hominis, nō alterius cuiusquam, quam Dei vnus. Ipse sibi proprium vult. Hoc est opus Dei, inquit, vt credatis in eū. Et, Nemo venit ad me, nisi quem Pater traxerit. Et, Dei donum est, non ex vobis, ne quis gloriatur. Quod si in ipsum Fidei nostræ autorem, & consummatorem Iesum, oculos conuertamus, est omnino aliquid, quod nos magnopere consolari, & erudite possit, vt obstruatur omne os, & subditus fiat Deo omnis spiritus. Quis enim æternæ sapientiæ celsitudinem

*Lege Chry.
homil. 7. in
1. Epist. ad
Corin.*

*Ioan. 6.
Ephes. 2.*

dinem cogitans, miraculorum potentiam, benignitatis viscera, cum ad homines docendos, & alliciendos se inclinaret, non pro certò sibi persuaderet, vel vna illius concione mortales omnes fuisse flectendos, vt tantum Prædicatorem in numerabili multitudine certatim orbis vniuersus sequeretur? At vide, quàm res euenerit secus.

Diu Euangelizauit, summo conatu, magna diligentia, adhibitis signis ingentibus, quæ nemo aliàs fecit, vita innocentissima, conuersatione sua uisissima, autoritate diuina, quid egit? quid consecutus est? Si consilia æterna suspicias, plusquam intelligi possit. At si hominum gratitudinem & obsequium consideres, horror est dicere. In exiguo populo, eoque per plus mille annos instructo legis, & Prophetarum oraculis, vix paucos discipulos habuit, eosque neque præcipuos, neque constantes: plurimos aduersarios, innumerabiles obrectatores, qui de malis verterentur in pessimos. Et indigne tur homuncio non sibi latas segetes surgere ad primum seminis iactum? frustratum se conqueratur, si ad prædicationem suam non cernat hominum millia datis manibus sterni? Ioannes Baptista ipsa hominum qui Christum sequerentur, paucitate commotus, dixit ad suos. Qui de cælo venit super om-

IOAN. 3.

Audia-

Esa. 49.

Audiamus verò ipsum ducem & Apostolũ confessionis nostræ piè cum patre suo æterno expostulantem. Et ego dixi, In vacuum laboravi, sine causa & vanè fortitudinẽ meam consumpsi. Nõ ne labores tot & tantos prædicandi, pernoctandi, vicos & castella circumeundi, clamandi, nauigandi, curandi ægrotos, diuina & mirabilia patrãdi, vacuos & infructuosos penè dicas, si paucitatem Christi discipulorum spectes, cateruas inimicorum, & peruiaciam? Nonne frustra tantum robur, frustra illam fortitudinem consumptam putes, si morientem videas, confixum in domo eorum, qui diligebant eum: à suis partim desertum, partim proditum, ab alienis insatiabili crudelitate vexatum, cæsum, in crucem actum? Sed quam rationem inquit sapiens Magister? quomodo se confirmat, & consolatur? Ergo, inquit, iudicium meũ cum Domino, & opus meum cum Deo meo. Id est, non amplius homines curo, non respicio ad relatum ab hominibus gratiam: sed Deum meũ attendo, illius iudicij æquitatem scio; opus meũ illi impendo: spem meam apud illum colloco, illius gratia cuncta libens & facio, & subeo, dispẽdia pro compendijs ducens: Hic animus erat, hæc mens saluatoris nostri Dei. Huc deberemus aduertere animum, quicumq; opus Domini facimus, & operarij inconfusibiles haberi cupimus. Non nostrum, sed Dei negotium agimus, curam ipsi omnẽ lætẽ ac promptẽ laborantes, atq; rei exitum relinquamus. Qui hac humilitate verissima, hac syncerissima charitate opus Dei tractat,

etiã

et si videtur interdum sine fructu laborare, tamē audit statim diuinum responsum. Et nunc dicit Dominus formans me ex utero seruum sibi, *ut Ibidem.*
 reducam Iacob ad eum, & Israël non congregabitur, & glorificatus est in oculis Dñi, & Deus meus factus est fortitudo mea, Et dixit, Parum est, ut sis mihi seruus ad suscitandas tribus Iacob, & fœces Israël conuertendas: ecce dedi te in lucem gentium, ut sis salus mea usq; ad extremum terræ. Satis planè Christi Domini proposito exēplo tam perspicuo & illustri, quicquid est molestiq; leuari, quicquid querelę deponi queat, si cordis aliquid ac frontis super sit homini. Neq; *Ioan. 13.*
 enim discipulus supra Magistrum est, neq; seruus maior Domino suo.

De Eadem re. C A P. IIII.

Sufficiebat quidem Christi seruatoris exemplum: sed redarguenda est adhuc nostra desidia, & compungēda per cetera exempla Patrū. Apostolorum sane trophæa cernimus, & totius orbis victores signa crucis ultra Romanas aquilas extulisse miramur, magnæ felicitatis cursum ducimus, & si daretur, tantam gloriam inuaret imitari. Sed cohubeamus tantisper animum, & illorum sudores, pericula, certamina, temporis difficultates, hostiū magnitudinem cogitemus: intelligemus profecto longe carius illis stetisse *2. Cor. 10.*
 victoriam, quā quisquā facile credat. Arma, inquit, militiæ nostræ non carnalia sunt, sed poten
 tia

Rom. 15.

tia Deo ad destructionem munitionum, consilia destruentes, & omnem altitudinem extollentem se aduersus scientiam Dei. Quid igitur? Commemorat se alibi ab Hierosolymis vsque ad Illyricū propagasse Euangelium Christi, & longè latè per circumpositas regiones, quas, si quis consideret immenta terrarum spatia, mirabitur potuisse vnus hominis peregrinatione cognosci nedum doctrina Apostolica impleri: quo etiam in loco in Hispaniam profectionem suam prædicit, eamque prædictionem post priorem eius catenā Romæ te ipsa completam, non desunt, qui affirmēt, in quibus esse videntur Hieronymus & Chryso-

*Hier. in. c.**5. Amos.**Chryso. ho.**10. in. 2. ad**Timet. &**de Laudib⁹**Pauli ho. 7**1. Cor. 11.**& 12.*

stomus. Sed quibus periculis & ærumnis tanta peregerit, nemo melius possit narrare, quam ipse in posteriore ad Corinthios Epistola. Pelagus illud laborum, ac tempestatem si quis intuetur, & videt omnino nullo modo nisi per crucem crucis prædicatores vicisse, eorum quoque æmulatores non aliter esse victuros. Verum cum Crux non dissimilis sit, nescio tamen quomodo difficultates patimur nunc omnino contrarias, vt si quis attentius consideret, diuini consilij altitudinem admiretur. Nobis nihil est perinde graue, ac nimius stupor & insipientia barbarorum: contra Apostolos nihil ita exercuit, atque inflata illa præpotensque sapientia, tum Iudæorum, tum Græcorum, tum maximè Romanorum: vt se veluti ridiculos exhibere viderentur synagogis, Academijs, Curia. Nos prædicamus, inquit, Chri-

Christum crucifixum, Iudæis quidem scanda- *1. Cor. 1.*
lum, gentibus autem stultitiam ita ut in magna
laude sua Paulus ponat, Non enim erubef- *Rom. 1.*
co Evangelium, & ad Timotheum scribat, *2. Tim. 2.*
Noli erubescere testimonium Christi. Illos
vrgebat potestas sæculi, cum imminerent im-
perij fasces. Nos potestates quidem ac Ma-
gistratus Gentilium parum timemus, cum sit
summà penes Christianos: sed ab eadem po-
testate non parum sustinemus nonnunquam
molestiæ, & incommodi, cum cernamus
non raro euerti prauis exemplis auaritiæque
quorundam, quicquid ab alijs ædificatur
ad fidem. Illi ingenia hominum nacti sunt
elata, & peruicacia, ipsaque sæculi pruden-
tia simplicitatem Fidei inflexibiliter respuen-
tia: Nobis mobilitas contrà imbecillitasque
naturalis Indorum ingenij molestiæ pluri-
mum affert: ut illos quidem saxis manda-
re Euangelica semina diceret, nos arenæ.
Maiores nostros labor indefessus, inopia, ig-
nominia, cruciatus necisque quotidianum
quodammodo discrimen: nos tedium, ser-
monis inopia, ipsa hominum ignobilitas,
solitudo quædam, ac desperatio maximè
oppugnant. Itaque Fidei prædicatio sic-
uti res est magna, ac maior omni existima-
tione hominum, ita nunquam sine ingen-
ti labore & constantia peragi potuit. *Isai. 53.*
Quis credidit auditui nostro, & brachium Do-
mini, cui reuelatum est? Sed in Deo
ponenda

*Psal. 67.**Psal. 125.**Matth. 10.**Phil. 2.**Colos. 1.**Eccles. 7.**1. Cor. 3.*

ponenda spes, qui dat verbum Euangelizantibus virtute multa: vt quamuis euntes flectant mitentes semina sua, venientes certè gaudeant portantes manipulos suos, ipse dicit, Ecce ego mitto vos, ipse est, qui operatur Fidem, & dat incrementum, vt Euangelium crescat, & fructificet in vniuerso mundo. Verum nos tyrones terrent militię labores & frangūt. Et dicimus, Quid putas quia præterita tempora meliora fuerunt? stulta sine dubio cogitatio. Nam si in illa superiora incidissemus, tantam asperitatem, nequaquam ferre possemus. Sed quia præterita sunt, felicia, & suauia putantur. Si igitur antiquorum temporum allicit nos, atque tenet mirabilis in Christianitate prouentus, & nostræ nos egestatis tædet, cogitemus labores illorum nostris sine vlla comparatione fuisse maiores, & Dei sapientiæ ac bonitati gratias agamus, quæ pro magnitudine operis idoneos operarios parat. At sunt multi, qui tametsi illa magna atque Apostolica abesse æquo animo patiuntur; tamen pro modulo etiam diligentię molestięq; suæ non respondere fructus vehementer dolent. Qua in re vt id quam maximè verum sit, quod existimant, illa certè est firmissima consolatio Apostoli monentis. Vnusquisq; propriam mercèdem accipiet secundum suum laborem. Dei enim sumus adiutores. Dei ædificatio estis, Dei agricultura estis. Non igitur tam expendet fructus, Vineæ procurator in mercede reddenda, quàm operam: & grator erit fortassis Patrifamilias labor sterilis, sed fidelis, quàm facilis

lis & fecundus. Quamobrè etiam iplos magnos fidei præcones videmus fructus exiguitate sæpe probatos. Nam vt omittam Ezechielem, cui Dominus testimonium fert : Si ad populos multos profundi sermonis & ignotæ linguæ mittereris, quorum non possis audire sermones, ipsi audirent te: Domus autem Israël nolunt audire te: vt præteream Hieremiam cõtemptum & ludibrio habitum præ Hanania alijsque falsis prophetis, Amos quoque aduersus Amasiã, cæterosque prophetas : illi ipsi apostoli sæpe magno labore nisi iniurias consecuti sunt. Paulus per biénium Cæsareæ tenetur vinctus, & cum pene quotidie disputaret ad Felicem, nihil egit. Ioãnes propter testimonium Christi relegatum se videt : Iacobum illius fratrem vetus narrat historia in Hispanijs præter homines septem aut nouem ad fidem conciliasse neminem tam longa peregrinatione abusque Hierosolymis suscepta, tam diuturna prædicatione. Verè enim Dominus dixit: Non est discipulus supra Magistrum : si sermonem meum seruauerunt, & vestrum seruabunt. Quoties vero ille exclamauit, Cui comparabimus generationem hanc? cantauimus, inquit, vobis, & non saltastis, lamentauimus, & non planxistis. Quanquam nescio quid iustæ querelæ habeat, si vel paucissimas animas, vel vnã potius totus noster labor & industria lucretur, pro qua Dominus gloriæ, si sola fuisset, easdem passiones subire minime recusasset, vt sanctus Chrysostomus quodam loco præclare docet. Cuius au-

In. 2. ca. ad Gal. in illa reum os audire libet tantisper de hac ipsa re, quã agimus. Nihil est quod animæ possit æquiparari, *verba,* Dile ne vniuersus quidem mundus. Itaq; & si immen-
xit me & sas pecunias pauperibus eroges, plus tamen effe-
tradidit se cecis, si vnam conuerteris animam. Et post pauca.
metipsum Quod si hodie nemini persuaseris, persuadebis po-
propterea. stridie, & si nunquam persuaseris, mercedem ta-
Haim. 3. in men integram habes. Et si non omnibus, paucis
1. epis. ad tamen ex multis persuadere poteris. Nam neq;
Corint. Apostoli vniuerso orbi persuaserunt, licet cum omnibus disputarint, & mercedem in omnibus assecuti sint. Si quidem Deus non secundum bonorum operum euētum, sed iuxta factorum propositum coronas largiri solet, etiã si duos obolos conferas, & quod vidua fecit, idem in docentibus operabitur. Noli igitur, cum orbem terrarum saluum facere non possis, etiam parua contemneres: neque maiorum desiderio à paruis te abstrahas. Si centum nequis, decem curam suscipias: si decem non possis, noli quinq; despiciere: si quinque vires tuas excedunt, vnum ne contempnas. Quod si ne hoc quoque possis, noli desperare, noli labori cedere. Nam si parua non contempserimus, assequemur & magna. Quæ beati Patris exhortatio ad recreandos confirmandosque animos Christi operariorum, vel sola est satis, modo se rationi quiuis obsequentem præbeat. Deniq; vt communibus non vtamur, habet sanè Indorū causa propria ac peculiaria emolumenta, eademque magni apud Christum pretij. Primum humilitatis, quod labor omnis istis impensus tanto securior

cūrior, quanto ab omni humana gloria remotior. Deinde charitatis Christi fidelissimum testimonium, cum extremæ indigentix, & periculo tot milliu animarum pereuntium vita ipsa cōsecratur. Præterea constantix, & patientix quod nam possit inueniri certius vel argumentum, vel periculum hoc ipso, quod plerisque maximè grauat, tædio pro Christi gloria deuorato, vt cum multum labores, parum promouere videaris? Pene dixerim esse in hoc vno Apostolicæ gloriæ æmulam laudem. Postremo illud mihi verissimè persuasum habeo fructus esse pro labore, & merito longè maximos, vehementerque eos decipi, vel desidia, vel ambitione corruptos, qui suas operas in hac Christi vinea parum fructuosè locatas conqueruntur. Quod, vt habet, monstrare erit sui temporis & loci. Illud modo maneat, etiā si penuria quàm maxima existeret, in negotio animarum, tamen Christi Iesu fidelibus operarijs non minus, vel gnauiter, vel alacriter desudandum esse, vbi & illius charitati amplius obsequuntur, & de propria mercede nihil deperit.

Quod gentes Indorum quantumuis barbara, auxilio tamen gratia ad salutem destituta non sint.

C A P. V.

I A M verò respondendum est prioribus illis rationibus, quibus Indorum causa, & salus oppugnabatur, & respondendū est Deo adiuvante

*Ephes. 2.**Rom. 11.*

sobrie & vere. Quatuor igitur præcipue obiecta
 sunt: Diuinæ gratiæ subtractio: Naturæ morum-
 que absurditas: difficultas sermonis: locorum
 atque habitationis incommoda. Principio mul-
 tos esse homines suis tenebris relictos occulto
 Dei veroque iudicio, negare non possumus, ne-
 que homines modo, sed & familias & vrbes, &
 integras sæpe provincias & gentes. Qui & olim
 fuere, & nunc vsque sunt sine Christo, alienati à
 conuersatione Israel, & hospites testamētorum,
 promissionis spem non habentes, denique sine
 Deo in hoc mundo. Cur autem tam diu eos diui-
 na gratia atque electio præterierit, tot animarū
 millibus interim pereuntibus, humana ratione
 altius arcanum est, quod temerare velle impieta-
 tis sit. Hoc loco Paulus Apostolus cursum cohi-
 bet, & inquisitionem suam ad inscrutabilis sa-
 pientiæ excelsa suspendit. Cū enim narrasset
 gentes Israele obsecrato vocatas ad Euāgelium,
 in fine autem etiam ipsum saluum futurum, cū
 intrauerit plenitudo gentium, perpendens, quæ
 profunditas se se obijceret peruestiganti ultra,
 cur Deus incredulitatem Israel diuitias gentium
 esse voluerit, & cur eo vsque salutem earum di-
 stulerit, eaque oblata repulsam tulerit Israel,
 quasi vtrumque populum diuina gratia capere
 nequiret, hæc & similia ex sua narratione con-
 sequi cernens, sistit gradum, & exclamatione illa
 mirabili mauult hominem in ignorantie suæ tu-
 to hærrere, quam per obstructissimæ quæstionis
 abrupta præcipitem dari: nihil omittens, vt
 egregie

egregie dixit Ambrosius siue quisquis is autor *Libr. 1. de*
fuit de vocatione gentium (nam stylus magis re- *voc. gent.*
ferre videtur Prosperum Aquitanicum) de ijs *cap. 5.*

quæ non oportet ignorari, nihil contrectans de
ijs, quæ nō licet sciri. Multa enim sunt, inquit, in
dispensatione operum diuinorum, quorum cau-
sis latentibus soli monstrantur effectus, vt cum
pateat, quod geritur, non pateat, cur geratur, ne-
gotio in medium deducto, & in occultum ratio-
ne subducta; vt in eadem re & de inscrutabili-
bus præsumptio comprimatur, & de manifestis
falsitas refutetur. Idemque rursus libro sequen-

te. Et quis inter hæc querulis aut curiosis notum *Libr. 2. de*
faciet, cur adhuc sol iustitiæ quibusdam genti *voc. gent.*
bus non oriatur, & à tenebrosis cordibus etiam *cap. 2.*

nunc radios suos veritas reuelanda contineat? Sa-
tius ergo esset in re tanta, tamque abstrusa insigni-
mitatem nostræ scientiæ confiteri, tuto negotiū
integrum Dei æquo veroque iudicio commit-
tentes, quam dum nitimur, quæ sunt ab oculis
nostris abscondita videre contra præceptum, for-

tassis immensæ lucis fulgore cæcari. Sed quia cre-
berrima est quæstio inter infideles, & quæ acrius
animos pullare solet & pun gere, addendum est
aliquid, quod etsi elatam mentem non satis pre-
mat; tamen obedientem atque subiectam non
parum consoletur. Id vero nemo melius expli-
cet, quam beatus Augustinus, qui in hanc quæ-
stionem diu ac sæpe à se versatam incidens in
epistola ad Optatum Episcopum ita scribit, Cur *Eccli. 3.*
autem creentur etiam illi, quos creator præsciuit

Epist. 157.

Rom 9.

ad damnationem, nō ad gratiam pertinere, beatus Apostolus tanto succinctiore breuitate, quanto maiore autoritate commemorat. Deum enim dixit volentem ostendere iram, & demonstrare potentiam suam attulisse in multa patientia vasa iræ, quæ perfecta sunt in perditionem, & vt notas faceret diuitias gloriæ suæ in vasa misericordiæ. Et mox, Merito autem videretur iniustum quòd sunt vasa iræ ad perditionem, si non esset ipsa vniuersa in Adam massa damnata. Quòd ergo sunt nascendo vasa iræ, pertinet ad debitam pœnam: quòd autem sunt renascendo vasa misericordiæ, pertinet ad indebitam gratiam. Ostendit ergo Deus iram suam, id est iustam fixamq; vindictam, quæ de stirpe inobedientiæ ducitur propago peccati atque supplicij, ostendit & potentiam suam, qua bene vtitur etiam malis, multa illis naturalia, & temporalia bona largiens, eorumq; malitiam ad exercendos, & comparatione admonendos bonos accommodans, vt in eis discant agere gratias Deo, quòd ab eis non suis meritis, qui in eadem massa pares fuerant, sed illius miseratione discreti sunt. Et infra. Notas etiam fecit diuitias misericordiæ suæ in vasa misericordiæ, ita enim quid præsteretur sibi discit, gratis iustificatus, dum non suo merito, sed gloria largissimæ Dei misericordiæ discernitur à damnato, cum quo eadem iustitia fuerat & ipse damnandus. Tam multos autem nasci voluit, quos ad suam gratiam non pertinere præsciuit, vt multitudinem incomparabili plures sint illis, quos in
sui

fui regni gloriam filios promissionis prædestinare dignatus est; vt etiam ipsa reiectorum multitudine ostenderetur, quàm nullius momenti sit apud Deum iustum quantalibet numerositas iustissimè damnatorum. Atq; vt hinc etiam intelligant, qui ex ipsa damnatione redimuntur, hoc fuisse debitum massæ illi vniuersæ, quod tam magnæ eius parti redditum cernerent. Hæc Augustinus, quibus generaliter quantum sacræ literæ insinuant, rationes attingit, cur tam innumerabilis hominum ac populorum multitudo suo dimittatur arbitrio, id est perire sinatur. Verùm cur illum, vel illum populum ante vocauerit ad salutem, illum autem, & illum tandiu in sua cæcitate reliquerit, quis audeat inquirere? cū legamus Apostolos aliquando parantes professionem in Asiam, vt Euangelizarent, prohibitos esse à Spiritu sancto: & rursus in Bythiniam nauigantes non esse permissos à Spiritu Iesu. Qui ergo nemini gratiam debet, ille, quem oporteat, vocare, & quo tempore, & per quem sapientia sempiterna disponit. Et quanquam hæc, quæ de sententia Sancti Augustini, imo Apostoli Pauli disputata sunt, verissimæ sint: sed illud tamen nihilominus intelligendum est, nullum vnquam hominum genus, ita à suo esse autote desertum, quin pro suo modo Dei testimonium, auxiliumq; sufficiens haberet: ita vt sint inexcusabiles diuinæ legis in suis cordibus scriptę corruptores, ingrati beneficijs cœlestibus patientiæ, & bonitatis tantæ contemptores.

*Act. 16.**Ibidem.**Rom. 2.*

Act. 14.

Quamuis enim, vt Paulus & Barnabas Lystriſ
egregie prædicarunt, Deus in præteritis genera-
tionibus dimiſerit omnes gētes ingredi vias ſuas;
id quod huc uſque etiam in non exigua orbis
portione accideſe videmus: tamen non ſine te-
ſtimonio reliquit ſemetipſum, benefaciens de
cælo, dans pluuias & tempora fructifera, implēs
cibo, & lætitia corda hominum, vt ipſius naturæ

Sap. 13.

admoniti operibus ex hijs, quæ videntur bona
poſſent intelligere eum, qui eſt, & agnoſcerent
quīs eſſet artifex, ſpeciei enim generator hæc
omnia conſtituit, à magnitudine enim ſpeciei &
creaturæ cognoscibiliter poterit horum creator
videri. Huius ſapientis ſententiam ſecutus Am-

*2. de voc.
gent. c. 5.*

broſius lib. 2. de Vocatione gentium, Adhibita
ſemper eſt, inquit, vniuerſis hominibus quædam
ſupernæ meſura doctrinæ, quæ etſi parçioris oc-
cultiorifque gratiæ fuit, ſufficit tamen ſicut Do-
minus iudicauit, quibuſdam ad remedium, om-
nibus ad teſtimonium. Non quod ſine Chriſti
fide ſalutem cuiquam, quod abſit, permittat Am-
broſius: ſed quod gratia in naturæ doctrina lu-
ceat, & ſequentem, ad ſpiritum fidei & charitatis

Rom. 10.

inducat. At dicet aliquis hoc loco. Quomodo
credent, ſi non audiunt? quomodo verd̄ audient
ſine prædicante? Prædicabit ſane Philippus Eu-

*Act. 3.**Act. 10.*

nuchio, & Petrus ad Centuriorem mittetur, mo-
do illi præſtent, quod per ſe poſſunt. Neq; enim

*2. de voc.
gent. c. 6.*

qui per naturam inuitat, deerit per gratiam, ſi
liberum non relictetur arbitrium. Quamobrem
idem autor in eodem opere. Quod ſi forte etiam
nunc

nunc in extremis mundi partibus sunt aliquę nationes, quibus nondum gratia saluatoris illuxit: non ambigimus etiam circa illas occulto iudicio Dei tempus vocationis esse dispositum, quo Euangelium quod nondum viderant, audiant, atq; suscipiant. Quibus tamen illa mensura generalis auxilij, quę desuper omnibus semper hominibus est præbita, non negatur: quamuis tam acerbo vulnere humana natura lauciata sit, vt ad cognitionem Dei neminem contemplatio spontanea plenè valeat erudire, nisi obumbrationem cordis lux vera discusserit. Quibus profecto verbis vniuersam Indorum causam præclare actam esse ab Ambrosio nemo non videat. Interim verò flagitia & crimina omnia istorum, quamuis veniam, neque mereatur, neq; impetrent apud summum Iudicem Deum, leuius tamen omnino puniuntur. De his quippe scriptum est, sed partibus iudicans dabis locum penitentię, non ignorans quia nequam est natio illorum, & rursus, Veniã dabis peccatis eorum, virtus enim tua iustitię initium est, & ob hoc quod omnium Dominus es, omnibus te parcere facis. Deniq; vt quicumq; sine lege peccauerunt, sine lege iudicabuntur, ita *Sap. 12.* & qui sine Euangelio peccauerunt, sine Euangelio iudicabuntur. Hęc eo commemorata sunt, vt querela multorum aduersus Deum compescat, firmissimèq; teneamus iudicia Dei omnia in tot & tantorum perditione populorum iustificata esse in semet-
 ipsis.

Quod Indor Deus iam vocet ad Euangelium.

C A P. VI.

*Mar. 16.**Gen. 22.**Psal. 21.**Gen. 6.**Act. 10.**Ioan. 14.*

V Erum quod ad institutum nostrum attinet, quanquam sunt, vt dixi, non solum homines, sed populi & gentes longo tempore permixtæ infidelitati suæ; tamè nullum est hominum genus adeò ineptum, adeò brutum, & saxeum, quin ad Euāgelij doctrinam idoneum sit. Omni enim creaturæ, quæ sub cælo est, prædicari Euangelij præceptum est: & in semine Abraham omnes gentes benedicentur: & vniuersæ familiæ terræ venient coram Domino, vt adorent. Esse quidem alijs alias nationes hominum aptiores felicioresque Euangelicæ frugi, vt agros fertiliores, negare planè non possumus: sed qui omnes vocat, neminem fastidiendum docet. Sunt hebetes, sunt lubrici, sint sanè. Sed cui minus donatum est, minus requiratur ab eo. Non inuoluat seruus piger talentum vnum: & vno negociari potest. Erant in arca Noë tristega siue tabulata infima, & media, & suprema, omne genus animantium eo iubetur induci, vt cæteris pereuntibus, ipsa seruentur. Non excluditur corius præ aquila, non lepusculus præ leone. Petrus quoque occidere iubetur audacter, & manducare de omnibus non solum volucribus, sed etiam reptilibus, & nihil immundum, & alienum censere, quod à Domino sanctificatum sit. Habet cælestis ciuitas mansiones plurimas non minus genere, & gradu, quam ipsa numerositate mirabiles. Neque

que aurum solum, & gemmæ, sed pili quoq; caprarum tabernaculo Dei oblatis recipiuntur. Denique qui abiectos istos ac miseros Euangelio ineptos putant, & patriæ cœlestis beneficio excludunt, qui contemnunt, atque pessundant,

Exod. 25.

audiant tandem Dominum, & suum, & ipsorum pariter, seuere admonentem. Videte ne contemnatis vnum ex his pusillis: dico enim vobis

Matt. 18.

quia Angeli eorum in cœlis semper vident faciem Patris mei, qui in cœlis est. Opinor non indignos humano suffragio, & patrocinio, quibus famulatus exhibetur Angelicus. Omnes enim

Heb. 1.

administratorij spiritus sunt propter eos, qui hæreditatem capiunt salutis. Nullum ergo etiam abiectum, & belluinum genus hominum à salute Euangelica alienum censendum est, cum Deus neminẽ vocet, cui non ad id consequendum quod vocat, intelligentiam, & gratiam idoneam conferat. Etsi enim vocantur multi, eliguntur pauci, tamen nemo vocatus negligitur, nisi qui vocantem, cum liceret, audire contempsit. Notum à sæculo est Domino opus suum: nostrum

Act. 15.

est, quoniam ad omnes ire iussi sumus, neminem præterire, omnes vocare, omnes allicere, omnes conuenire. Quinam ex quibusue assumendi sint, ille nouit, cui est æqualiter cura de omnibus, & tamen non omnes prædestinauit ad vitam. Sed ex omni genere, & natione assumi, & ostensum iam est, & præclaro Esaïæ testimonio tandem confirmandum. In fine Prophetiæ illius Dominus loquitur:

Sap. 6.

Esa. 66.

Et

Et ponam in eis signum, & mittam ex eis, qui saluati fuerint ad gentes in mare, in Africam, & Lydiam tenentes sagittam, in Italiam, & Græciam; ad Insulas longè, ad eos, qui non audierunt, & non viderunt gloriam meam. Et annuntiabunt gloriam meam gentibus, & adducent omnes fratres vestros de cunctis gentibus donum Domino, in equis & in quadrigis, & in lecticis, & in mulis, & in carrucis ad montem meum in Hierusalem, dicit Dominus, quomodo si inferant filij Israël munus in vase mundo in domum Domini. Et assumam ex eis Sacerdotes & Leuitas, dicit Dominus Hoc tanto circuitu verborum satis Spiritus sanctus ostendit, quàm esset Dei consilium immobile, nullum esse genus hominum tam remotum, ad quod Euangelij gratia non perueniret, & de quo pretiosa Deo munera non referret. Signum enim salutare Crucis ponit in frontibus suorum, quod sub Thau olim viderat Ezechiel, & sic armatos mittit ad gentes in mare, siue vt Septuaginta legunt & in Hebræo est, in Tharsis, quo nomine Indiæ remotissima loca significari in scriptura Hieronymus hîc refert, & Theodoretus in Ionam, aut immensum mare, vt alij malunt, id est Oceanum. Postquã autẽ Asiam, Africam, Europamq; percurrerint, & ad Insulas vsq; vltimas se protulerint, vt nō sūt loquela & sermo gentium adeo barbararū, vbi non audiantur, & resonent verba eorum, tūc munus Domino egregium afferent, id est fratres suos, magnum & gloriosum prædę apparatus agentes in equis, in curribus,

Ezec. 9.

*Hierony. in
vlt. c. Theo
doretus in
1. c. Iona.*

Psal. 13.

tibus, in quadrigis, in mulis, & carrucis, quod quid est aliud quam pro diuersitate venientium ad Fidem diuersa esse aptata vehicula? Alij equis vehipossant, vt pote celeri & pernicipi ingenio, alij quadrigis gloriosi & curribus præpotentes. Sed qui tardiores fuerint & ignobiliiores, habebunt etiam ipsi sua vehicula. Si quis minus sunt apti, at mulis insidere poterunt: si quadrigæ non erunt, at non deerunt vel carrucæ, quibus impendantur. Vt non solū Græci & sapientes, verum etiam barbari & rudes in domum Domini, quæ est in Hierusalem, id est in Ecclesiam Christi cōgregentur. Atque vt intelligant omnes, etiam in istis beneplacitum esse Deo nostro, eliget de ijs ipsis Sacerdotes sibi & Leuitas. Distribuet, inquam, spiritum suum, & charismata non solum Apostolis, & Israël, verum etiam gentibus, vt cum Petrus, qui est cœli ianitor, viderit Dei donum diffusum in eas pariter, nō prohibeat aquā, quæ introitus est Ecclesiæ: fratres quoque si fortè elatius disceptent, ipso exemplo ac testimonio diuino edocti conticescant. Nihil enim magis cōfirmat animos fidelium Christi prædicatorum, quam testimonium Spiritus sancti per dona sua, & charismata, quæ partitur, vt vult. Et quidē dona spiritus, signa & miracula, quæ in Fidei prædicatione innotuerunt, his etiam temporibus, quādo charitas vsq; adeo refrigit, enumerare longū esset tum in Orientali illa India tū in hac Occidentali. Res Iaponensium notæ iam sunt. Synarum regio ingens diu tentata, iam vtrimq; aperta nauiga-

Act. 10.

Act. 11.

uigatione Lusitanorū, & nostrorū ex noua Hispa-
nia. De Mexicanis multa narrantur. De Insulari-
bus ipse quoq; aliqua ex parte nonnulla conspe-
xi. Historiæ inuenti noui orbis loquūtur multa,
& miranda, & vera, quorum hodie quoq; testes
satis Fide dignos habemus. Duo, quæ recētia sunt
exēpli gratia nō morabor apponere. Fœmina in
sua infidelitatis errore obstinata, & superstitioni
cuidā veneficę addictissima, quæ cæteris omnib⁹
in illa familia baptizatis sola repugnauerat: mor-
bo iā vltimo laborās misit ad sacerdotē, vt ad se fe-
stinaret, nō enim se posse exire de vita, nisi aqua
prius saluari perfunderetur. Semel atq; iterū ac-
cerditus tandē venit, inuenit annum in extremis
agentē, & baptismū magno affectu poscentē: ro-
gat, cur tādiu distulerit: respōdet illa, sibi nihil mi-
nus fuisse semper in animo, quā fieri Christianā,
oderat enim, vel ipsum nomē, sed tamē morti iam
propinquāti astitisse sibi iuuenē candidū, qui an-
teactā vitā acriter reprehēderit, & Christi religio-
nē quāto cyus suscipere persuaderet: contra verō
tetrū quendā Æthiopē altera ex parte patriā su-
perstitionē diu inculcasse: & cū anxia diu hære-
ret, tandē vicisse iuuenē Christi: statim tantū sibi
baptismi desiderii accensum, vt nihil aliud lamē-
taretur, q̃ se à prima ætate nō fuisse Christianam.
Quid multa? In terrogata de fide pro more, & pœ-
nitentiā ante actæ vitæ magno dolore significās,
baptizatur, & baptizata protinus animā efflat, ip-
so sacerdote cū cæteris, qui aderāt, admirāte vehe-
menter, cuius ego factū narratione cognoui, qui
etiam

etiam legitimo testimonio probatū ad Episcopū suū trāsmittēdū curauit. Fuit vir quoq; apud nos qui hodie etiā uiuit, coniugatus in valle Humai vocata, olim baptizatus, & testimoniū habēs bonum in simplicitate sua, & sobrietate. Hic grauiter ægrotans, cū mortuus omnino crederetur ab vxore, quæ sola cadauer viri seruabat opertum, expectans ad sepulturam alicuius adiutoriū (erāt enim soli in loco satis remoto) triduum integrum iacuit, vt putabatur, exanimis, panno coopertus: cum repēte mouere se cœpit, & vxorem admirātem ac pauentem vocans, vera esse dixit, quæ a Patribus dicerentur de vita futura. Nā & se perductum à quodam multa ac stupenda uidisse. Cum res sacerdoti innotuisset, qui hominis ruditatem optimè nosset, & miraretur tanta de rebus spiritualibus, & occultis ex ordine referentem, iam morbo lenatum ad Archiepiscopum examinandum transmissit: cuius consilio, & à nostris fratribus, & à multis alijs diligenter interrogatus, apertè, & responsionum ordine, & sensu, & ipsa vultus constantia, & lacrymis ac profundo quodam affectu declarauit illa omnia non aliter sibi potuisse innotescere quàm facta super eū manu Dñi per mirabilē extasim. Id quod vitæ demū innocentia satis postea cōfirmauit: atq; hodie quoq; Dominicus (hoc hominis nomen est) dicitur multa narrare de sæculo futuro ijs, quos audituros vtiliter iudicat. Ferè eiusdē exēpli est cō illo Curma

Aug. de cura pro mortuis agenda, & cum illo altero Steelsio,
tuis. c. 12.
de

*Beda. lib.
Angli. hi-
sto.*

de quo narrat in historia Anglica Beda. Non dubium est quin Deus charam habeat salutem Indorum, atque ex his numerosissimis populis multos in regnum Christi adoptarit, perducendos ad patriam eo ordine, & modo & tempore, quod ipse constituit. Firmum enim fundamentum Dei stat habens signaculum hoc, Cognouit Dominus, qui sunt eius.

2. Tim. 2.

Quomodo Indorum ingenia tractanda sunt, vt Christo lucrifiant. CAP. VII.

Rom. 12.

2. Cor. 5.

Col. 3.

SED ingenium barbarorum, moresque beluini nobis stomachum mouent. Primum quidem debemus non esse nobismetipsis sapientes, sed humilibus, vt monet Apostolus, consentientes. Deinde repetendum est sedulo Christum pro omnibus esse mortuum, vt qui viuunt non sibi viuāt, sed ei, qui pro ipsis mortuus est, sed quia non hoc, vt par est, æstimamus, ideo charitas Christi non vrget nos. Quod si pro barbaro, & Scythia mortuus est Christus, profecto à salute nō alienātur homines, si dici potest, etiam irracionales, quod oportet etiam, atque etiam aduertere, & animo altius insculpere. Non enim exiget amplius à quoquam Deus, quā illius natura Deo adiunante præstare queat. Barbaros præ Græcis atque Indos nonnullos præ nostris si quis dispiciat, nihil aliud ferè censeat, quam præ hominibus rationalibus irrationalia iumēta. At vtrisque Dei bonitas locum parat, vtraque ad domum suā

con-

congregat. Seminabo, ait in Hieremia, domum Iuda, & domum Israel semine hominum, & semine iumentorum. Vna est Ecclesia quæ nõ solum propagatur humano semine, sed etiam belluino. Cuius magnificentiæ amplitudinem admiratus propheta exclamat, Quemadmodum multiplicasti misericordiam tuam Deus? Quid ita? Dixerat nempe, Homines & iumenta saluabis Domine. Quæ verba edisserens sanctus Ambrosius, Quid est homines & iumenta? Rationabiles utique & irrationabiles. Rationabilibus iustitia: irrationabilibus misericordia. Alij reguntur, alij nutriuntur. Quam interpretãdi rationem vt per iumenta diuinæ literæ intelligant homines iumentis similes sensu, etiam Hieronymus sequitur, atque alij patres, vt Gregorius in illa verba, Animalia tua habitabunt in ea. Reuera in Ecclesia Christi etiam iumenta saluantur, quia Dei misericordia multiplicata est. Vides hominem exigui sensus, ingenio tardum, iudicii inopem, ne contemnas, ne regno cœlorum ineptum putes. At non percipit quæ Dei sunt, & stultitia est illi quicquid spiritualiter dicitur, nec potest intelligere. Adhuc noli repellere, & istum potest ac vult saluare, qui neminem vult perire. Mysteriorum fidei pronuntiat, neque intelligit, imo vix etiã pronuntiat: sæpe dicendo, sæpe inculcando nihil penè imbuitur, semper hebes, & truncus perinde atque iumentum canere doceas. Rursus aio, ne desperes irrationalis est, iumentum denique Æthiops aut Indus. Audi Ambrosium istos esse

*Hier. 21.**Psal. 35.**Ambros. in**Psal. 35.**Hieron. in**Hier. c. 31.**& Ion. c. 3.**Greg. li. 11**mor. c. 2.**Psal. 67.**1. Cor. 2.**1. Pet. 3.*

L regen-

regendos verbi capistro ad Fidem. Neq; enim si satis ratione non potest capere, quæ docetur, non etiam poterit quantum sufficit Fide apprehendere, vt saluus fiat. Alioqui si non potest credere, vt illum oportet, quomodo qui non crediderit, condemnabitur? Nisi prædicatione Euangelij contēdas damnari posse, saluum esse non posse. Quod impium nefas avertat Deus à Christiano. Certissimè igitur retinēdum est nullam barbariem, sensu carere ad Fidem necessario. Indi porro, omnibus consentientibus, non vsq; adeò ingenij ac sensus inopes sunt: quin potius, si velint animum appellere, acuti satis. At moribus, inquis, Indus est innerecundis, ventri, & veneri, sine relictatione obsequens superstitionis mirè observator, & tenax. Et isti etiam salus est, si regatur. Chamo, & fræno constringe maxillas, onera congruenter, adhibe si opus sit, stimulum. Quod si calcitrarit, non li iratus gladium adigere, sed punge moderatè, & cohibe paulatim, donec se alluescat præbere obedientem. Nempe si equus tuus impingat calces, siue equitem dorso, seu frænum depulit ore, non statim ferro enecas, aut domo abijcis, propterea quod rem tuam, ac pretium pecuniæ tuæ non vis tibi perire. Quod si homo doctrinam statim nō accipiat, neque se docenti bene accommodet, statim fastidiendus, aut exterminandus erit: neque Christi pretiū, & sanguis cogitabitur. Seruile planè naturā esse barbarorū experientia magna ex parte docuit. Ac ferè nisi metus, & vis aliqua afferatur, more puerorum, obedire contemnunt.

Quid

Marc. 16.

Psal. 31.

Quid igitur? liberali tantum, & vitili ingenio salus speranda est? An etiam pueropædagogus in Christo adhibendus est? Est planè, est disciplina quædam cautior, & vigilantior exercenda, & virga interdum vtendum sed in Christo, compellendi sunt intrare ad cœnam, sed in Domino. *Luc. 14.*
 Non enim quæ ipsorum sunt, sed ipsi querendi. *Prou. 29.*
 Scriptum est, virga, atque correptio tribuit sapientiam: puer autem qui dimittitur voluntati suæ, confundit matrem suam. Et rursus, seruis *Prou. 29.*
 verbis non potest erudiri, quia quod dicis intelligit, & respondere contemnit. Et alibi, Cibaria, *Ecccl. 33.*
 & virga, & onus asino: panis, & disciplina, & opus seruo, operatur in disciplina, & querit requiescere: laxa manus illi, & quæret libertatem, idest, cum adhuc premitur opere, cogitat deficiam, quid erit, si se solum, & vacantem viderit. Fugam sanè cogitabit, atq; ided adiungitur, iugum, & lorum curuant collum durum, & seruum inclinant operationes assiduæ. Et mox, *Ibidem.*
 Mitte illum in operationem, ne vacet: multam enim malitiam docuit otiositas. Ac licet præcepta hæc de moribus data à sapientibus de administrando & regêdo conuenienter vniuerso mancipiorum genere perspicuè loquantur, & verè: quod experientia quotidiana satis indicat in his regionibus, vbi nulla domestica obsequia, nulla externa opera nisi à seruis Æthiopibus sunt, quorum re vera mores disciplinam seueriorem, & assiduos labores exigunt: tamen de ijs etiam accipienda sunt, qui, & si conditione

serui non sunt, ingenuos tamen mores non præse ferunt. Etenim iisdem testimonijs seueritatem rigidiorē aduersus contumaces homines adhibendam, et si olim secus sensisset, tamen aperta experientia rei se commotum Augustinus profitetur scribens contra Donatistas & Circumcelliones genus hominum improbiſſimum ac ſauisſimum. Illud autem ab eodem glorioso patre sæpe vsurpatum, magnopere ad rem pertinere arbitror: quemadmodum olim sub veteri testamento fuisse multos, qui ad gratiam noui testamenti pertinerent, id est, qui non spiritu seruitutis in timore, sed spiritu dilectionis, vt Dei filij ducerentur: ita nunc quoque sub Euangelio in Ecclesia plurimos esse, quibus veteris testamenti status & institutio quodammodo congruat, homines magna ex parte animales, spiritū vix habentes. Qui tamen à salutis via non protinus excluduntur, sed pro suo modo cōuenienter instituendi sunt. Docuit verò nos cœlestis sapientia antiquum illum populum ceruicosum duabus maxime rebus frænatum, labore, & metu: quod vtrunque seruorum est proprium. Laborem quidem & inexhaustam quandam occupationem videre licet in multitudine sacrificiorū, lotionum, vnctionum, rituum, obseruantiarum, ceremoniarumque omnium, ita his vt detinerentur, vt vix idola sua & commenta cogitare sinerentur. Metum verò quæ legis pagina non incuteret? vt terrore suppliciorum, & ipso sæpius iam factō periculo ad præcepta salutis appellerent

rent animum, & contentione deposita, Ducibus suis discerent obedire. Tale sanè erat eorum ingenium, vt meliora ac celsiora nò caperet. Quà obrem per Ezechielem Dominus ipse testatur, *Exech. 20.* Eo quòd iudicia mea non fecissent, & præcepta mea reprobasent, & sabbatha mea violassent, & post idola patrum suorum fuissent oculi eorum. Ergo, inquit, & ego dedi eis præcepta non bona, & iudicia, in quibus non viuent. Itaque Hebræi atque carnalis populi more maximè regendas esse nationes barbaras has, præsertim Æthiopum & Indorum Occidentalium gentes, vt & per occupationum assiduarum salutare onus ab otio, & libidine reuocentur, & per timoris incussi frænum in officio contineantur, cum antiquæ ætatis exempla, tum verò peritissimi cuiusque recēs & quotidiana experientia copiosissime, ac manifestissime declarauit. Hoc enim est lorum & iugum, quod sapiens commendat: hæc virga & onus. Hoc modo ad salutem vel inuiti compelluntur intrare. Quæ non eo commemorata sunt omnia, quo vim & sæuitiam à Christi visceribus alienissimam in Indorum nationes vllò modo probem, aut tanquam in seruos dominandum putem, sed vt ostendā etiam illiberali & difficili ingenio non esse salutem desperandam, si & patienter feratur, & sapienter regatur. Charitas omnia suffert, omnia sustinet, omnia sperat; patiens est, benigna est. Seueritas ergo quæcunque exercenda est, à charitate aliena esse non debet. Charitatis porrò nihil est ita proprium, quam vt

*Ecclesi. 33.**1. Cor. 13.*

166 DE PROCVRANDA INDORVM
non quatrat, quæ sua sunt. Hanc si & animo inti-
mè seruet, & re ipsa declaret, qui infirmorum, &
insipientium morbis curandis austeriorem se se
interdum exhibet medicum, non est timendum;
ne hominum animos subditorum, ita offendat,
vt vel à se, vel ab Euangelica simplicitate aliè-
net. Facile enim recuperat charitas, quos discipli-
na commouerit. Imo verò per vtile timoris vim
ad libertatem filiorum paulatim homines diuinis
inducuntur.

*Barbarorum ineptitudinem non tam à natura, quàm
ab educatione, & consuetudine proficisci.*

C A P. VIII.

ADam vero id, quod plurimum interesse ar-
bitror, omnino ad istam ineptitudinem ani-
mi morumque Indicorum feritatem non ita fa-
cere nataliū, stirpisue, aut aëris natiui causas, quæ
admodum diuturnam educationem, & consuetu-
dinem bestiarum vitæ non valde dissimilè. Equi-
dem & olim ita mihi persuaseram, & rebus ipsis iā
modo confirmatus ab ea sententia auelli minime
possum. Ac generaliter sanè si quis contemple-
tur, in humano ingenio longè plus efficit educa-
tio, quàm natiuitas. Et si enim vim habet non par-
uam genus, & patria, cum Apostolus Paulus Epi-
menidi Poëtæ subscribat de Cretensibus, Creten-
ses semper mendaces, malæ bestiæ, ventres pigri,
tanquam ad morum peruersitatem patria multū
contulerit, notumque illud sit alterius Poëtæ,

Tit. 1.

Horatius.

Bæotum in crasso iurares aëres natum:

Tamē infinitis partibus superat vitę institutio, & exēpla ab ipsa infantia per sensus insculpta rudi adhuc, & tenero animo. Sūt hæ viux formæ mentis humanę, quib⁹ imbuta ad appetendū, ad agēdā, fugiendūve propria ac familiari propēione fertur, quemadmodum natura quæuis iuxta formā sibi insitam operatur. Quapropter illud Philosophi probant omnes, non afferre dolorē consueta, sed voluptatē: & consuetudinis vim, alterā esse naturā, & illud nostri sapientis, Adolescens iuxta viā suam, etiam cum senuerit, non recedet ab ea. Ac re vera nulla est tā barbaranatio, nulla tam stupida, quæ si ab ineunte ætate accuratē, & generosē educetur, non deponat barbariē, induat humanitatem, & morum elegantiam. Videmus, vel in ipsa nostra Hispania homines in pagis quibusdam natos, si apud suos perseuerent, ineptos haberi, ac ridiculose eosdem traductos in scholas, aut Curiam, aut celebres vrbes miræ solertię, ingenio præstare, nemini cedere. Ipsos Æthiopum liberos, quibus nihil apparet absurdus, in palatio enutritos, aded prōptos ingenio, & ad quiduis paratos videas, vt si colorem detrahas, nostros putes. Plurimū potest consuetudo in omni genere morū in vtrāq; partem, & boni, & mali. Quāobré D. Chrysost. vbi mores perditos seruorū exposuit, parūq; idoneos dixit ad virtutis doctrinā capeiendam, sapientissimē adiunxit: Non id quidem naturæ causā, absit: verū propter conuersationis vitæq; negligentiam, solent enim

*Aristot. 8.
Ethic.*

Prou. 22.

*Hom. 4. in
epist. ad Ti
tum.*

huiusmodi in ijs, quæ morestantur, negligi à Dominis. Nihil enim ferme aliud curant ij, in quorum potestate sunt, quàm ministerium suū. Quod si mores illorum componere aliquando studeant, & hoc sui gratia tantum faciūt, ne istis negotia exhibeant, molestique sint. Quæ B. Patris sententia nostrorum hominum vaticinatio mihi videtur. Accusant naturam moresque barbarorum, ipsi nihil adhibent curæ, nisi vt seruis vtantur ad suas priuatas commoditates. Qua igitur ratione homines pecudum instar enutritos ad fidei doctrinam ineptos esse caularis? Si ipse ita esses informatus, inter istos & te quid quæso discriminis interesset: Audi eundem patrem in causa adhuc seruorum immorantem, Cum igitur sic negligantur, inquit, neminemq; habeant, cui componendi illos, ac formandi studium sit, merito ad ipsa nequitiae prærupta ac præcipitia deuoluuntur. Si enim vbi Pater instat, & Mater, & Pædagogus, & Nutritius, & Magister, & æquales, ipsaque libertatis opinio, & alia plurima, per difficile quispiam malorum contubernia consortiaque deuitat, quid putas his omnibus destitutos; qui quotidie scelestis commiscuntur hominibus, & cum quibus volunt licenter cōgrediuntur, cum sit nemo, qui ipsorum conuersationem amicitiasque disquirit? quid arbitraris eiuscemodi homines fore? Nonne ad supremos sceleurum vertices euasuros? Idcirco difficile est profecto seruum fieri bonum. Hactenus ille. Non ergo naturam barbarorum deinceps accusemus,

sed

*In eadem
Homil.*

sed socordiam potius nostram, & negligentiam. *Legē Chry. epist. 1. ad*
 Perdifficile negotium est dediscere natales, & cō *Corin. ho. 7*
 suetudinem inueteratam, atq; inde ad mores, &
 inuētos, & sensui ac libidini penitus iniucun-
 dos transformari. In omni antiquitate fuit non
 mediocris labor Euāgelij Magistrorum in trans-
 ferenda ad Fidei regulas, & conuersationem vete-
 ri hominum consuetudine. Testis est historia vni-
 uersa. Multa Iudæis legi assuetis Apostolica Ec-
 clesia condonauit, vsque dum prorsus exuti Mo-
 sem, Christum induerent. Multa de Æthnicismo
 tolerauit antiquitas: in ipsis primæuis Christianis
 magna alioqui miracula edentibus vix victima-
 rum cruor elui poterat, vt oportuerit Apostolum
 sæpius ea de re monere Corinthios. Scribit Gre- *Greg. li. 9.*
 gorius Papa ad Augustinum Anglorum primum *Regi c. 17.*
 Episcopum mores gentilicos, & patrios paulatim
 debere emendari, & patienter toleranda esse, quæ
 non possunt, ita facile corrigi. Lectio omnium
 pene nationaliu cōciliorum indicat peculiarem
 sanctorum Patrum curam in relegendis paulatim
 ritibus quibusdam maiorum. In Africa multa vs-
 que ad sua tempora Augustinus perdurasse testa- *Aug. epist.*
 tur. Ne igitur desperemus, aut tumultuemur, si de *64.*
 pristina barbarie, & superstitione, & animali vita
 in baptizatis Indorum populis multum adhuc
 permanere videamus, cum præsertim, & ipsorum
 ingenia rudiora sint, & nostra diligētia nullo mo-
 do cum veterum labore comparanda. Mores sen-
 sim mutantur in melius. Fides Christi magnam
 totius humani sensus, & affectus habet abnegatio-

170 DE PROVVRANDA INDORVM
nem. Pro lucro non mediocri computandum
est, quicquid ex tam horrida, tamque inculta
barbarie humanitatis, aut etiam Christiani-
tatis eluceat. Exemplo ac solatio sit Domi-
nus omnium, qui populiceruicosisimi mo-
res adeò ingratos, & insaues sustinuit per
annosquadraginta imo plusquam quadringen-
tos: quem tamen, & delere facile poterat, &
magnis potius beneficijs inuitabat: vt homi-
nis improbitatem Dei patientia benignitasque
superaret.

*Quòd linguae difficultas non deterrere debeat ab
Euangelij propagatione.*

CAP. IX.

SErmonis autem, & locorum difficultates non
exiguæ illæ quidem sunt: sed vt charitatē exer-
ceant hominis Dei, non vt extinguant. Apostolis
quidem datum scimus donum esse linguarū, pro
pterea quod pauci Christi Præcones toto orbe sa-
lutis nuntiam breui insonare debebāt. Quamob-
rem Paulus gratias agit Deo, quòd omnium lin-
gua loqueretur. Quādiu verò generale illud mu-
nus spiritus in Ecclesiaperdurarit, neq; apud ve-
teres compertum lego, neq; ego facile dixerim.
Illud pro comperto habemus prædicationem
Euangelij posterioribus sæculis processisse, cū
linguarum dona cessassent, sed charitas omnium
donorū maximū studiose ageret, vt quod deerat
in dono, augeretur ad meritum. Profectò enim
postq̃

posteriores hac iure, & si secus alijs fortasse videbitur, non ita infeliciores fuere maioribus. Etenim ut Christus ad Thomam dixit, Fidem ex oculis, & tactu colligentem, Beati qui non vident, & crediderunt: ita etiam dicere quispiam queat, beatos eos, qui non acceperunt sermonem, & tamen prædicauerunt. Hic enim utrumque mercedis est loco, & pugnate, & ipsa sibi arma expensis proprijs parare: & prædicare inquam, & sermonem necessarium prædicationi discere. Ut ergo in prima rerum conditione, ita naturas instituit summus opifex, ut vnumquodque perfectum ederetur iuxta genus suum, nullo terræ labore, nullo cæli circuitu: at mox iussit semen proferre, unde terra laborata genus vnumquodque repararet: ita sanè oportuit in re generatione mundi per verbum idem omnipotens primas stirpes diuinitus perfectas surgere, deinceps harum seminibus accedente humani studij labore genus Evangelicum propagari, cum iam, & numero multi essent, & temporum non premerentur angustijs. Beati quidem oculi, qui viderunt Dominum: sed beati quoque qui non viderunt, & crediderunt. Felices quibus Spiritus sanctus dedit donum linguarum, interpretationem sermonum: at non infelices, qui per charitatem spiritus de suo ponunt in opere Domini, quod non acceperunt. Quanquam, & hoc ipsum posuisse, accepisse est. Iam illud multum mouere nos debet, quod videmus ad gentes profundi

172 DE PROCVRANDA INDORVM
di sermonis, & ignotæ linguæ homines penetra-
re lucrispē, nec deterreri barbarie immensā, sed
vniuersa mercium gratia lustrare, non Æthiopū.
innumerabiles linguas, non Synarum, non Tar-
tarorum, non Brasiliensium, non extremi Oceani
litora recusare, & quicquid inter Mendocinum
promontorium, & fretum Magallanicum situm
est infinitis terræ, ac maris spatijs, idque vtroque
ex latere, & Boreali, & Australi, magno studio
obire: denique, & si quem tellus extrema refuso
sum mouet Oceano, vel si quem extenta plagarum
Quatuor in medio dirimit plaga solis ini-
qui, hunc perscrutantur, huius linguę vel balbu-
tiētes se accommodant, vt aurum, argentum, ligna
pretiosa, mercesque exquisitas ad suos euehant,
quæstum vndiq; augeant: tam longam, & pericu-
losam peregrinationem auidissimè suscipiunt, vt
profecto admirabile sit omnes pene port' vtriuf-
que Oceani, omnes sinus orbis terrarū stationi-
bus nauium Hispaniensium teneri, omnes Indo-
rum satrapas cum nostris mercatoribus, & nautis
commercium habere. At qui pretiosissimas mer-
ces quærimus animas Dei imagine insignes, qui
lucra non incerta, aut breuia; sed æterna in cœlis
speramus, linguæ difficultatem, locorum asperi-
tatē causamur: vt appareat verè prudentiores es-
se filios huius sæculi in generatione sua filijs lu-
cis. Et sermonis quidem difficultas in hoc spatio-
so regno Piru magna ex parte leuata est, cum ge-
neralis illa Ingarum lingua, quam Quicham vo-
cant, vbiq; in vsu sit, & ea ipsa non ardua scitu,
præter-

*Verg. 7.
Aeneid.*

Luc. 16.

præsertim ad artem iam redacta diligentia, & studio viri de Indorū natione optimè meriti. Quod si in superioribus prouincijs ea potissimum viget, quæ appellatur Aimara, neque ipsa est valde difficilis, neque multum ab illa altera abhorrrens. In Mexicano Regno aiunt esse linguam quoq; generalem, vt faciliior sit communicatio inter se tam multorum populorum, & gentium. Quod si Christianus Princeps id effecisset in Christi gratiâ, quod barbarus Guainacapa imperio suo effecit, vt vna lingua omnes vtentur, aut vna certe vbiq; haberetur, profecto maximam prædicationi Euangelij commoditatem fuisset allaturus. Verum vbi id fieri minus potest, superest, vt charitas ardēs in Christū, industria, & labore perficiat, quod deest naturæ. Qua in re P. Francisci Xanieri admirabile extat exemplum, qui in perdiscenda Malauarica linguâ tantū operæ, & sudoris posuit, tantum demq; in Iapponensi, atq; alijs longè inter se diuersis, vt si Apostolico dono linguarū præditus esset, non posset maiore gloria Christi nomen in tanto terrarum orbe vulgare. Certè enim Charitas omnia potest, & cum linguæ cessant, vna charitas pro omnibus est.

1. Cor. 13.

De habitatione inter Indor. CAP. X.

INter obiectiones supra propositas postrema patebatur ex incommoda habitatione barbarorum. Huic modo respondendum est hoc excepto quòd quæstio illa grauis, Vtrum expediat sedem

174 DE PROCVRANDA INDORVM
 sedem figere inter Indos, quòd vulgò doctrinas
 tenere dicunt, an potius discurrendo inter eos
 verbum salutis disseminare, quod proprium est
 missionum, in suū locum reseruanda est, vbi Deo
 propitio accuratè tractabitur, & quid habeat cō
 modi, vel incommodi res vtraq;, explicabitur, tū
 verò quibus incommodis melius ac facilius oc
 curri queat. Illud tantum nunc agitur, vt neque
 asperitates locorum, neq;, impedimenta itinerū,
 neq; verò habitationis ipsius Indicæ ratio præpo
 stera Christi seruum ab instituto retardet. Et qui
 dem labores ærumnæq; iter mariterraque facien
 tium, & multæ, & graues sunt. Verum quis aliter
 sibi persuaferit, nili demens sit, cum patria, atque
 amicis, & charis omnibus relictis velut alter
 Abraham peregrinatur, & exit nesciens, quo eam
 Ego, inquit, ero merces tua magna nimis. Hoc
 Apostolicum opus, hæc gloria propria. Et ta
 men qui misit suos sine pera, & saculo, & ar
 gento, quærit ab ipsis, Numquid aliquid de
 fuit vobis? Nusquam diuina prouidentia, neq;
 certius, neque dulcius sui experimentum præ
 bet, quàm cum illius ope fretus incertas sedes,
 & humana præsidia incerta constituit experi
 ri. Paulus Apostolus clamat, sint mores sine auari
 tia, contenti præsentibus. Ipse enim dixit, Non
 te deseram, neque derelinquam, ita vt fidenter
 dicamus, Dñs mihi adiutor, non timebo quid
 faciat mihi homo. Iam vero quod de habitatio
 ne rara, & incommoda barbarorum multi cau
 santur, Primum sunt planè frequentissimæ pro
 uin-

Gen. 12.

Heb. 11.

Gen. 15.

Matt. 10.

Luc. 22.

Heb. 13.

Deut. 31.

Ios. 1.

Psal. 55.

Eccl. 117.

uincia Indorū, & populi numerosissimi, vbi cō-
modē & fructuose Christi doctrina tradi possit.
Id quoq; quod diu efflagitatum, & non ita dudū
institutum est de reductione Indorum ad certos
populos, vt non sparsim more ferarum, sed com-
muniter oppida inhabitent, dici non potest quā-
tā sit vtilitatis futurum ad omnem vitæ bar-
barorum informationem. Deinde sicut salua- *Matt. 10.*
tor suos admonuit, si non receperint vos in
hac ciuitate, fugite in aliam; Amen dico vobis
non consummabitis omnes ciuitates Israël, do-
nec veniat regnum Dei: ita nobis quoque di-
ctum arbitremur, vt dispersos fratres nostros
quæramus: quòd si alicunde, aut locorum iniu-
ria, aut sermonis incommoditate depellimur, aut
ipsa rerum necessitate vrgemur, transeamus ad
alios. Neque enim timendum est, ne aut electos,
Dei sermo prætereat, aut vbi laboret vtiliter,
Christi operarius non inueniat. Dabit Domi-
nus, dabit verbum Euangelizantibus virtu- *Psal. 67.*
te multa, qui diuina autoritate promisit, Ego *Iean. 15.*
posui vos, vt eatis, & fructum plurimum af-
feratis.

*Quod Euangelij ministri curare debeant, ne impe-
dimentum Euangelio ponant.*

CAP. XI.

Q Vi verò Euangelizandi munus susciplunt,
curare magnopere debent, ne Euange-
lio ipsi impedimento sint: Accidit enim
sæpe-

sæpenumero, vt Indorum desidiã ac vecordiã ij maximè accusent, qui ministerium suum minimè implent: qui si diligentius se ipsos excuteret, synceriusq; iudicaret, profecto inuenirent ipsis potius, quam Indistribuentum esse, quòd interdum minus fœliciter res Christiana processerit.

Phil. 1. Quidam, inquit Paulus, non sincere Christum annuntiant, quidam autem ex bonã voluntate. Quin etiam addit, omnes quæ sua sunt quærere, non quæ Iesu Christi. Quominus mirandum est si de nobis etiam tale aliquid dici queat. Vtinãq;

Matt. 23. illud ad nos minimè pertineat, Væ vobis qui circuitis mare, & aridam, vt faciatis vnum profelytum, & cum factus fuerit, facitis illum filium ge-

Lib. de Fide & per. cap. 26. gennæ duplo, quam estis vos. Quod vehementer Augustinus execratur in libro de Fide, & operibus, Nec sic, inquit, faciamus Christianos, quomodo Iudæi profelytos, quibus Dominus ait, Væ vobis & cætera. Sæpè enim quos pastores cura,

beneficiã, fide sentire oportuit, hos potius sæuos lupos miseri greges experiuntur. Comminantur certè diuinæ literæ nobis, Qui violenter, ait

Micb. 3. Michæas, tollitis pelles eorum desuper eis, & carnem desuper ossibus eorum. Atq; alius quoque

Amos. 5. Propheta, Odio habuerunt corripientem in porta, & loquentem recta siue perfectè abominati sunt. Iccirco pro eo quod diripiebatis pauperes, & prædam electam tollebatis ab eo, domos quadrolapidè ædificabitis, & non habitabitis in eis, vineas plantabitis amantissimas, & non bibetis vinum earum. Quòd profecto vaticinium vereor

ne Indicæ opes nimium experiantur, cum instar
 somnij nimium properatæ fortunæ, & oriantur,
 & occidunt, & quæ de meretricibus congregatæ
 sunt, ita Deo comminante, vsque ad meretricis
 mercedem reuertantur. Festinata quippe substā-
 tia minuetur, deficientesque sicut fumus defi-
 cient, quoniam non prosperabitur possessio sce-
 lerata. Igitur temporales Domini Indorum, ne
 cupiditate & violentia salutem eorum impediāt;
 timendum est. De nobis autem, id est, de mini-
 stris Ecclesiasticis fortassis non sit minor quere-
 la, atque vtinam minime ad nos pertineant illa
 prophetica, Principes eius in medio eius, quasi lu-
 pi rapientes prædam ad effundendum sangui-
 nem, & ad perdendas animas, & auare sectanda
 lucra. Prophetæ autem eius liniebant eos absque
 temperamento, videntes vana, diuinantes eis
 mendacium, populi terræ calumniabantur ca-
 lumniam, & rapiebant violenter egenum, & pau-
 perem affligebant, & aduenam opprimebant ca-
 lumnia absque iudicio. Sine temperamento hi
 liniūt, qui peruersis ausis colorem vndecumque
 quærunt, etiamsi nulla vera ratione subsistat. Sed
 illud & formidandum & dolendum, quod adiun-
 git sermo diuinus. Et quæsiui de eis virum, qui
 interponeret sæpem, & staret oppositus contra
 me pro terra, ne dissiparem eam, & non inueni:
 & effudi super eos indignationem meā. In igne
 enim iræ meæ consumpsi eos, viam eorum in ca-
 put eorum reddidi, ait Dominus Deus. Nec dis-
 similis Michæas est, Principes eius in muneribus

*Mich. 1.**Prou. 13.**Psal. 36.**Eccli. 5.**Excc. 22.**Mich. 3.*

M iudi-

178 DE PROCVRANDA INDORVM
iudicabāt, & sacerdotes eius in mercedem doce-
bant, & super Dominum requiescebant dicētes,
Numquid non Dominus in medio nostrum? Nō
venient super nos mala. Propter hoc causa vestri
Sion quasi ager arabitur, & Hierusalem quasi acer-
uus lapidum erit, & mens templi in excelsu sylua-
rum. Sophonias quoq; inclamat, ac post multa
concludit, Desolatae sunt ciuitates eorum non re-
manente viro, neq; vllō habitatore. Quæ proli-
xè recitata sunt prophetica oracula, quod similia
quadam ex parte hisce quoq; temporibus acci-
disse cernamus. Noui equidem permultos esse &
Ecclesiastici, & sæcularis ordinis viros, qui piè ac
religiose neophytorum causam agant, atq; ita cō-
modorum suorum rationem habeant, vt salutem
fortunasque Indorum non negligant. Verum
apud alios res ita habet, vt exprelsit sermo pro-
pheticus. Neque id mirari homines debent, cum
his certe in locis avaritia maximè vigeat, vbi il-
lius plurima materia est, auri, atq; argenti copia
plurima. Quæ enim alia est remotissimas regio-
nes penetrandi causa? Cur immensos Oceani cir-
cuitus, & labores homines subeunt? Nempe vt
modestissime dicam, proprijs fortunis consulere
se arbitrantur, cum aut suam, aut suorum inopiā
argento ex India collecto se depulsuros confi-
dunt. Neq; id ego reprehendo modo, sed illud
ago, vt non omnem in Indos culpam reijciamus
si prouentus Euangelici in hoc agro non ita lati
atque vberes extiterint. Existent profecto qua-
les volumus, si nos ij operarij simus, quos ager
domi-

Sophon. 3.

dominicus postulat, si Christum non nostra quæramus. Nā quæ fidei propagatio, quæ morū institutio sperāda sit, si iuxta prophetā sacerdotes nō solū mercede doceamus, sed mercedē etiā potissimū requiramus? Re vera verendū est, ne vānale putēt barbari esse Euāgelio, vēnalia sacramenta, neq; animas nobis curæ esse sed nummū. At dignus est operarius mercede sua. Dignus planē. Sed māducandū est, vt Euangelizes, non Euangelizādū, vt māduces. An verò Euāgelizādū, vt dixeris? vt cōgeras? vt opibus plenus reuertatis in patriā? Iam verò quam sanctè, quam integrè, quam innocenter viuamus omnes qui Christi sanctissimam legem barbaris promulgamus, nos nos ipsos interrogemus. Certè barbari fidem nostram de moribus iudicāt. Procliuius quippe est, quod videas, credere quàm quod audias. Rarò persuadet factis sermo contrarius. Illud autem magnopere prouidendum est ijs qui inter fidei tyrones versantur, ne priuato suo malo publicam Christianæ familiæ existimationem lædāt, atque corrumpant, neve dum ex quibusdam cēteros cōiectant, omnes criminentur. Vitrum enim, vt scitè dixit Gregorius Theologus similem causam agens, ad omnes facilè manat, atq; ob multorum vel etiam quorūdam culpam, vniuersus ordo in inuidiā crimēq; vertitur. Quòdq; omnium miserum est hæc criminatio non in nobis consistit ac defigitur; verū vltcrius se porrigit, ac magnum & venerandū religionis nostræ mysteriū in inuidiā trahit Hoc illud est, quod Deus vehementer

Mich. 3.

*In oratione de Pace.
3.*

Esai. 52.

Ezech. 36.

Rom. 2.

queritur, Propter vos iugiter nomen meū blasphematur inter gentes. Desinamus igitur tantopere barbarorum infidelitatem, & morum peruersitatem accusare, & nostram aliquando agnoscamus ignauiam, qui non dignè Euangelio Christi conuersemur, plusquē operæ in colligendo argento ponamus, quam in acquirendo populo Dei.

De Castitate & Abdicatione necessaria ad Euangelizandum. CAP. XII.

TRIA vero sunt, quæ fidei prædicationi & cultui, vehementissime officiunt, avaritia, impudicitia, violentia: quemadmodum numero totidem Euangelium maxime promouent, Vitæ continentia, Abdicatio omnium, Mansuetudo. Quæ, si quis velit parumper aduertere, Apostolis & à Domino commendata, cum prædicando Euangelio instituerentur, & ab ipsis diligenter seruata comperiet. Atque impuditiæ quidem labes manifeste contemptum parit. Nihil enim perinde homini philosopho ita ignominie ac dedecori est, ac more pecudis libidini prosterni. Et quidem in omni doctorum aut magistratuum gradu ita res habet: at in Euangelico viro, qui vitam totam supra humanam ac penitus cœlestem instituit, id dedecoris dici non potest, quantum offendat oculos, quam reddat abiectum, & aspernabilem. Quam ob causam vt ego sanè opinor, etsi sunt alia grauiora crimina, nulla tamen

ab an-

ab antiquis patribus grauius animaduersa in homine Ecclesiastico, vt qui priscos canones legent, merito miretur ob semel admissum stuprum, irrecuperabiliter de omni sacerdotali gradu & ministerio Ecclesiastico depelli conuictum. Idcirco Apostolus Paulus & toties & rät opere Discipulos Timotheum & Titum, in quibus Ecclesiæ magistros informat, castitatis cuiusdam perfectæ admonet. In omni castitate, inquit, & rursus, Te ipsum castum custodi. Et alibi, Te ipsum præbe exemplum bonorum operum, in doctrina in integritate, in grauitate. Vt enim nihil cōtēptum ita ingenerat præceptoris vt turpitudine ista, & sordes, ita nihil est quod magis admirabilem reddat, atque perfectā quædam & omni etiā suspicione libera pudicitia. Admirantur, inquit, non concurrentibus vobis in eandem luxuriæ confusionem. Virtutis cuiusdam cœlestis id esse homines opinātur, quod nostri barbari, vbi forte intuentur, adeo suspiciunt, vt vix credant. Cū quadam in vrbe in foro clericum cōcionantem, inter ceteros audisset Curaca quispiam Indorū, & sermonis ardorem ac vim admiratus esset, cōuersus ad Hispanos, quæsiuit, Quænam ratio hominis, & quod institutum esset? Cum respondisset quispiam, Hominem esse sanctum, qui salutem ipsorum tantummodo quæretet. Perrexit vltra quærere, vtrum delicijs, opibusue vacaret, cum esset respōsum minime isthac ab illo quæri, subdidit barbarus, Cur ergo non alio vititur habitu ac veste, vt, genus vitæ declarat. Vide ob-

1. Tim. 5.

Ibidem.

Tit. 2.

1. Pet. 4.

182 DE PROCVRANDA INDORVM
 secro quam apud illū laboratit ordo Ecclesiasti-
 cus. Atq; vtinam solus esset. Quemadmodum ve-
 rò impudicitix fœditas despicabilem reddit præ-
 dicatorem, ita auaritiæ sordes faciunt odiosum.
 Atq; hand scio an quicquam aliud magis audiē-
 tium animos à verbo Dei auertat, & alienet, dū
 pietatem quæstum putant, & sicut scriptum est,
 vitæ conuersationem compositam esse ad lucrū.
 Quam professionis Euangelicæ pestem Chri-
 stus Dominus à prædicaturis discipulis diligen-
 tissimè amolitur. Nolite possidere aurum, neq;
 argentum, neq; pecuniam in Zonis vestris, non
 peram in via, neq; duas tunicas, neq; calciamen-
 ta, neq; virgā, dignus est operarius cibo suo. Gra-
 tis accepistis, gratis date. Quam expresse, quam
 diligenter, quā etiam minutim inculcatū? Cibus
 solum Euangelistæ suo Dominus permittit, &
 quidem vt prædicationis nō sit causa, sed fructus.
 Quærite primum Regnum Dei, & iustitiam eius:
 & hæc omnia adiiciētur vobis. Sed ne ipsum qui
 dem cibū Paulus excellentissimus Prædicator ad-
 mittit, sed laborat manibus suis, ne quē grauet, vt
 sine sumptu ponat Euangelium, & gloriæ ducit
 quod nemini onerosus sit, cū possit oneri esse, vt
 Christi Apostolus. Animaduertebat optimus Ar-
 chitectus & sapiens fabricā Euangelij magnope-
 te quauis cōmodi specie etiā iusti, etiā necessarii,
 vel impediri, vel certè retardari, o'ò eā rem elige-
 bat potius mori, quā vt gloriam hanc suam, id est
 fructū Euangelij copiosum perderet. Quamobrē
 præ omnib⁹ Apostolis nō solū amplius laborauit,
 sed

1. Tim. 6.

Sap. 15.

Matth. 10.

Luc. 9.

Matt. 6.

1. Thes. 2.

1. Cor. 9.

2. Cor. 11.

1. Cor. 9.

1. Cor. 15.

sed multò etiam vberius fructificauit. Ingenerat
 re vera expoliatio hæc Euangelica animis homi-
 num admirabilem quãdam vim amoris, vt quem
 tuis cõmodis insudantem videas, oblitum sui, rē
 propriam negligentem, hunc totis visceribus cõ-
 plectaris, tanquam syncerè & paternè tua curan-
 tem. Quare cupiditatem omnem, & turpe lucrū
 principes Apostolorum Petrus & Paulus, in Ec-
 clesiæ ministris sæpe & grauissimè detestantur, si
 qua ergo plaga dolenda est in hac causâ, auaritia
 est. Quid enim non agat mali auri sacra fames?

1. Pet. 5.

Tit. 1.

Quantum officiat Fidei violentia. CAP. XIII.

Sed præter hæc incõmoda, ipsa Fidei primor-
 dia ex multa nocendi licentia non mediocre
 damnum accepere. Atque vt stirps primis initijs
 nata peruerse, & inflexe non facile mox vitium
 deponit, cum creuerit, sed aut perfringi, aut nati-
 uo suo errori permitti debet, ita prorsus cum In-
 dorum natio bellici apparatus potius autorita-
 te, quã germana prædicatione magna ex parte ini-
 tio Christū acceperit, dubitare nō possum⁹, quin
 animo conceptū metū, & seruilē cõditionē nō in
 genuè in Filios Dei translata per regenerationē,
 adhuc retineat, ac rebus ipsis, vbi sibi impune li-
 cere putat, ostendat. Nihil enim ita fidei suscep-
 tioni aduersatur, atque vis omnis, & violentia.
 Non enim est fides nisi volentium, vt prouer-
 bij loco sit illud Augustini, cætera posse ho-
 minem etiam nolentem, credere non nisi vo-
 lentem. Quamobrem māsfuetudo, & suauitas vel

*Aug. tract.
 16. in Ioan.*

- Tit. 3.* præcipuè commendatur Evangelicis viris. Omnem, inquit, ostendentes mansuetudinem ad omnes homines. Et alibi, Cum modestia corripientem, eos qui resistunt veritati, nequando Deus det illis pœnitentiam, & respiciant. Et Iacobus
- 2. Tim. 2.* Apostolus monet, in mansuetudine suscipere insitum verbum, quod potest saluare animas nostras. Quoniam ergo voluntarium est ac liberum cuique obedite Evangelio credendo, neque fides per vim extorta aliorum potest esse, quâ dæmonum, suauiter ac beneuole ducendus est, non protrudendus auditor. Hinc diuinus præceptor missurus suos ad Euangelizandû exorditur, Ecce ego mitto vos sicut agnos in medio luporum. Ac vide Domini magnificentiam, ab agnis lupi superati sunt, ac deposita feritate in eundem se gregem adiunxerunt. Quando obsecro ferocia potentium minis cederet? Quando orbis domaretur vi? Tacendo, tolerando, benemerendo de inimicis, vicerunt Christi milites, non cædendo, non terrendo, non minitando. Quod si non receperint Evangelium, quid præcipis Domine? Iubebunt ne ignem de cælo descendere? ruinæ tradent ciuitatem? Nescitis, inquit, cuius spiritus estis. Filius hominis non venit perdere, sed saluare. Quid ergo? si non receperint vos in ista ciuitate, ite in aliam. Quam benigne? quam dulciter? Itaque qui sponte Evangelio cedunt, verè cedunt, fidem corde concipiunt, & ore confitentur, & fixi manent, & toti Dei sunt, non partim in Deo, partim in Baal claudicantes, specie & voce Chri-

Christiani, animo, & re infideles. Id enim consequatur necesse est, vbi contra naturam suam, contra Domini voluntatem, Fides extorquetur inuitis.

Qualis in religione Christiana magna ex parte sit natio Indorum. CAP. XIII.

AC mihi quidem videtur res Indorum persimilis antiquæ Samaritanorum historiæ, quæ in.4.lib.Regnorum legimus, vbi terrore ac metu ferarum incursantium perculsi habitatores perierunt Dei sacerdotē, qui Dei legem doceret. Cum venisset igitur, ait, vnus de sacerdotibus his qui captiui ducti fuerant de Samaria, habitauit in Bethel, & docebat eos, quomodo colerent Dominum. Et mox post enumeratas superstitionis varias illorum adiungit. Et cū Dominum colerent, Dijs quoque suis seruiebant, iuxta consuetudinem gentium, de quibus translati fuerant Samariam, vsque in præsentem diem morem sequuntur antiquum. Non timent Dominum, neque custodiunt ceremonias eius, atq; iudicia & legem, & mandatum & cætera. Postremo concludit. Fuerunt igitur gentes istæ timentes Dominum, sed nihilominus, & idolis suis seruientes. Nam & filij eorum, & nepotes sicut fecerunt patres sui, ita faciunt vsque in præsentem diem. Nō puto totum nostrorum Indorum habitum, & religiositatem describi potuisse, vel plenius, vel elegantius. Et Christum colunt, & dijs suis seruiunt:

4 Reg. 17.

& timent Dñm, & non timent: vtrumq; enim cōfirmat scriptura diuina. Timent ore tenus, timent dum instat Iudex, aut presbyter, timent denique simulatoriam Christianitatis speciē pręferentes: non timent animo, non colunt serio, neq; corde credunt ad iustitiam. Quid plura? Filij, & nepotes eorum, sicut fecerunt patres sui, sic faciunt vsque in pręsentem diem.

Nihilominus vera Fidei, ac salutis apud Indos spem esse magnam, alienumque esse à Dei spiritu sentire. CAP. XV.

EN nostrorū temporū Samaria: vbi Christus habitat cū Socot Benot Babylonio, cū Nergel Cuthæo, cū Ašima, cū Nebahaz, & Thartac, & Adramelech, & Anamelech, & quibuscunque alijs portentis Deorū. Vbi non tã colitur cū alijs, quã iniuriã suã, & contumeliã ferre quodãmodo cogitur, Dæmonibus consociatus, & eorū honores consortio suo cumulans. Sed non sunt ideo Samaritani nostra uersandi, non statim desperandi. Et Samarię quoq; recordabitur Dominus: & erit, cum accipiat verbum Dei, & Simone relicto Philippum audiat, Petrum ac Ioannem prædicatores mereatur. Erit cum dicat, Et nos credimus, quia hic est vere Saluator mundi. Omnino Samaritanis quoque sui ipsius copiam facit Christus, & ostendit suis regiones iam albas ad messem, & laborem fœlicem pronuntiat, & fructum copiosum pollicetur in vitam æternam.

4. Reg. 17.

Act. 8.

Ioan. 4.

Ibidem.

æternam. Cur ergo spem abijciemus? cur Iudæorū
 supercilio Samaritanos procul abire iubebi-
 mus? ac non magis Dominum illiusq; Apostolos
 imitantes Euangelium proferemus? & quod in *Colos. 1.*
 todo mundo fructificat, & crescit, & hic in terra
 arida, & inuia aliquando tandem fructificaturū
 credemus? Nam quæ erat sitiens, erit in fontes *Esa. 35.*
 aquarum, quia scissæ sunt in deserto rupes, & in
 flumina eruperunt. Veniet, veniet proflus tem-
 pus suum Samariæ: & qui prius in mandatis ac-
 ceperant, In viam gentium ne abieritis, & in ciui- *Matt. 10.*
 tates Samaritanorum ne intraueritis, audient po-
 stea Dominum præcipientem, Accipietis virtu-
 tem Spiritus sancti superuenientis in vos: & eri- *Act. 1.*
 tis mihi testes non solum in Iudæa, sed in omni
 etiam Samaria, & vsq; ad vltimum terræ. Ac mi-
 hi sanè persuasum est, neq; inde possum reuoca-
 re sententiam, & si aliquanto serius, & laborio-
 sius, & parcius fortasse pro initijs, tamen aliquan-
 do Spiritus sancti benignitate, Indorum gentes
 fore, vt in Euangelij gratia multū locupletentur,
 & vberes corā Domino Sabaoth fructus ferant.
 Neq; verò alias ego difficultates perpendo aut ti-
 meo, quā operariorū fideiū, & prudētiū in Chri-
 sto magnā inopiā cū magna profecto copia mer-
 cenariorū, & eorū qui sua querūt, non quæ Iesu
 Christi. Igitur si Dñs veros operarios miserit in
 messem suam, operarios inquā inconfusibiles, re *2. Tim. 1.*
 ctè tractantes verbum veritatis, quos hæc natio *Phil. 2.*
 hominū, nō sua querere, sed se perspiciat, qui libē-
 ter filijs thesaurizēt, insuper & seipsos impēdere
 pro

2. Cor. 12. pro animarum salute promptissimi sint, quibus
 adeo chari sint filij spirituales, vt non solum Euā
 1. Thes. 2. gelium Christi, sed ipsa quoque viscera tradere
 ament, qui probati à Deo ita loquantur, vt non
 quærant hominibus placere, sed Deo, qui probat
 corda, quorum sermo non sit in specie adulatio-
 nis, neq; in occasione auaritiæ, denique qui non
 suam sed Dei gloriam syncerissimè quarant: tūc
 planè manipuli pleni in area Christi colligentur,
 tunc consumpta sterilitate, latissimæ segetes sur-
 gent, & congregabuntur in vitam æternam. Pa-
 tientia interim opus est, & fidei ad Deum ora-
 tione, vt mittat operarios suos. Neq; leuiter hæc
 & temerè pronuntiata quisquam putet: ipsa rei
 experientia locuples testis est. Sunt homines Dei,
 rari illi quidem, sed sunt certè, qui exemplo suo
 comprobauerunt Indorum perniciem non ex ip-
 sis esse, qui nacti fideles, strenuos, ac prudentes
 sacerdotes ac duces, sentiunt planè doctrinæ di-
 uinæ vim, & vita ipsa respondent, paulatim qui-
 dem vt solent omnia, sed tamen accipiunt semè,
 & vtrò fructificant primum quidem herbam, id
 est externum religionis cultum, deinde spicam
 intelligentiæ, & affectus qualiscumq; , postremo
 plenum frumentum in spica, hoc est Fidem iam
 plenè per dilectionem operantem dignè Deo.
 Neque enim summa incrementa exigenda sunt
 vno statim die. Quod si quæ à Catholico Rege,
 & illius senatu (pro magno Christianæ religionis
 ardore, & studio salutis Indorum, edicta mana-
 runt, rei fortunisque istorum bene ac sapienter
 prospici-

prospicientia tam diligenter ac fideliter executio
 ni committantur, quàm sunt necessariò procura-
 ta, non solum facilis, & iucunda; verum etiam fru-
 ctuosa admodum futura esset breui Indicæ salu-
 tis administratio. Et tamen vtcumque res ha-
 ctenus se habuerit, non tam malè habet, quin
 multa Indorum millia Christo lucrifiant: atque
 vbi quidam Helix ac nimij zelatores omnes In-
 dorum gentes post Baal suum abire conquerun-
 tur, omnes, retinere Guacas suas, & suo Zupai
 seruire clamant, ibi reliquit sibi Dominus plus-
 quam septem millia, qui non curuant genu ante
 Baal, ibi & Abdias interdum est, etiam Prophe-
 tiæ dono cumulatus. Nouit Dominus qui sunt
 eius, omnes gentes seruiant ei. Quæ cum ita sint,
 non est Christiani pectoris, sed à Christi spiritu
 alienissimi, homines inde auocare, & à negotio
 gerendo dehortari: cum difficultates omnes quã-
 tæcumque sint, Dei præcepto, & gratia superio-
 res esse non possint, fructusque animarum, vt par-
 cissimè succedat in tam infinita multitudine non
 possit non esse copiosus, & merces apud Deum
 multò maxima.

3. Reg. 19.
 Rom. 11.

2. Tim. 2.
 Psal. 58.

*Quòd etiam in presentia labore ministrorum fructus
 animarum sit longè maior. CAP. XVI.*

AC fructum Euangelicæ prædicationis nos
 quidem animarum multitudine metimur
 sicut scriptum est, In vnum colligam reliquias Is-
 raël, pariter ponam illum quasi gregem in ouili,
 quasi

Micb. 2.

- quasi pecus in medio caularum, tumultuabuntur à multitudine hominum. Ipse tamen Dominus dicit multos esse vocatos, paucos vero electos,
- Matt. 21.* multos ad Euangelium, & nuptias inuitatos, paucos dignosse conuiuium præbuisse. Quod sapienter reputans Paulus sibi quoque ipsi timet, & non contentus tam raræ vocationis suæ gratia, corpus ad huc castigat, & domat, ne prædicans alijs reprobis ipse efficiatur, neque nos hoc consilij vllomodo ignorare patitur. Vt cum antiquos patres tot actantis beneficijs cumulos videamus, & baptismo figuratiuo lotos, & mensa Domini spirituali communicatos, & tamen ex tot millibus hominum vix vnum, aut alterum bene placuisse coram Domino, quibus iratus iurauit, si introibunt in requiem meam: nos quoque timeamus, neque nobis ipsis de accepta iam gratia placeamus, & dum ad correctionem nostram scripta illa omnia intelligimus, qui nobis videmur stare in gratia ista Euangelij, omnibus modis caueamus, ne inde excidamus.
- Matt. 13.* Nam & semine recipi, & exoriparum prodest, quando vel solis iniuria, vel spinarum improbitate corrumpitur. Pauci sunt reuera, qui saluantur: neque semper multiplicata gente, magnificatur statim lætitia. Sed & si fuerit multitudo filiorum Israël, ut arena maris, reliquæ saluæ fient. Tota enim electorum ciuitas magna quidem ipsa per se, sed cum numerositate filiorum sæculi huius comparata, exigua est: ut verissimè à sanctis Prophetis, reliquæ saluæ esse dicantur, veluti ex magno aliquo acervo, aut copioso conuiuium. Hæc eò pertinent

tinent omnia, vt inanis quorundam opinio retel-
latur, qui iustitiam Dei ignorantes, & suam vo-
lentes statuere, iustitiæ Dei non sunt subiecti. Hi
tum demum messem vberem, & fructum copio-
sum sibi cogitant, cùm ad votum succedunt om-
nia, atq; hominum myriades lucro suo vix suffice-
re putant: quorum, vt est laudanda voluntas, ita
corrigenda sententia: ne si gloriam Apostolicam
æmulentur, & primitias Euangelij, quicquid in-
ferius est, aut minus amplum, sterilitatem, & in-
opiã arbitrentur. Contentus certè esse debet ope-
rarius, si in vineæ labore & fructu, Domini atque
hæredis voluntati satisfactũ sit. Sed vt lucra Euã-
gelica ipsã multitudine metiamur, equidẽ non in-
telligo, cur labore, & opera ministrorum non ló-
ge maior apparent fructus salutis Indorũ. Nã vt
ea afferã, quæ omnes norunt, quæq; ipsi causæ In-
dorũ infestissimi consententur, profecto, & renas-
centiũ, & in Christo morientiũ turba non potest
non esse plurima. Quot enim infantiũ millia quo-
tidie de interitu æterno eripiuntur salutari lau-
cto? qui empti statim de terra teneti Christi san-
guinis fœtus Deo immaculati offeruntur. Et si
enim frequens est ubiq; infantulos recentes ab
vtero extingui, ob quam causam Aristoteles scri-
bit gentiũ fuisse consuetudinẽ, nõ ante nomẽ im-
ponere quã octauus dies veluti iã victurũ puerũ
renuntiaret, quodd primo dierum septenario vix
vitæ nomine dignus haberi possit, propter na-
turæ inconstantiam: tamen, vt quorun-
dam opinio fert, nescio quo cœli aërisve
occul-

*In lib. de
hist. Anim.*

occulto tactu in totâ prope regione duobus circulis Tropicis comprehensa, multò frequentissimum est, recens ortos pueros ante paucos dies interire, vt vix auisim dicere, vtra portio sit maior abeuntium, an permanentium. Quos omnes cum sibi Christus amator paruulorum sacro sui sanguinis fonte purgatos lucrifaciat, quis non vel integrum hoc vniuersi laboris Indici operæ pretium ducat? Ipsos grandiores intueamur. Illud firmum est diuinæ legis oraculum, in vltimo agone vitæ, de tota causâ pronuntiari: vt quem mors iustificatum inueniat, huic non admodum obstat vitæ superioris iniquitas. Atque de Indorum gente hæc plurimorum sententia est, eorumque maximè, qui diutius cum ijs versantur, vt gente metu mortis, plerosque sacerdotem protinus sibi vocare, Patrem adesse obnixe petere, peccata sua dolenter, & seridò confiteri, magna Fidei, & pœnitentiæ indicia præbere, idque cum liceret illis, vel sine teste res suas agere, & pro arbitrato componere. Quem eorum animum cum à nonnullis audissem, & aliqua ex parte ipse quoque expertus essem, quæ siui tamen diligentius ex alijs, quos experientiores indicabam, & minus causæ Indorum affectos: & quamuis non pauci essent præcipue inter Satrapas, & Curacas ac vetustiores Indorum, qui etiam tunc infidelitatis suæ signa proferrent, tamen plerosque, vt dixi, ita se comparare omnium testimonio comprobauî. Quæ vna res magnam profecto salutis Indorum spem facit: propterea quod certum esse videtur internæ

fidei & religionis indicium, eo tempore pœnitentiam Ecclesiasticam exoptare; quo maximè veritatis & sensus intimi ratio haberi solet, utpote nulla iam fictionis aut metus causa testante. Quo circa narrabat Episcopus Popaianensis, cùm ipse iam olim in partibus Mexicanis simul cum alijs sui ordinis viris versaretur (erat enim Augustinianæ familiæ) vehemētet admirari se solitum illorum Indorum fidei, qui iam extrēmò morbo laborantes & morti propinqui à suis se portari præciperent ita ut erant decumbentēs lectulis aut quas Hamacas vocant, longo itinere sex aut septem interdum etiā pluribus milliarijs confectis vsque ad sacerdotem aut monachum; ut fieret sibi copia confitendi peccata, adeo ut in ipsa via iacentes horum non pauci patris præsentiam præstolantes occurrerent, interdum in ipso itinere extinguerentur. Ac reuera credendum est horum non mediocrem turbam pro sua pietate ac fide, salutari pœnitentia remissionem consequi apud benignum Deum, atque ad vitam migrare perpetuam. Primum quodd quibus minus naturalis talenti donatum est, ab ijs iuxta saluatoris sententiam, minus requirendum sit, exiguo quippe cōceditur miseticordia. Deinde istorum crimina ut plurimum, non eius genetis sunt, ut inexotabilem sibi reddant Deum, atque in ipso interitu vetera vlciscentem, cuiusmodi scripturæ prædicant maximè peccata in spiritum sanctum, ex certa malitia perpetrata. Peccant enim plerique vel ignorantia vel carnis infirmitate incitati,

Luc. 12.

Sap. 6.

Prou. 1.

Hier. 7.

Esaï. 65.

N

quibus

quibus si ebrietates, & scortationum flagitia adimas, vix quicquam reliquum sit. Postremò, neq; restitutionibus rei alienæ, neq; iniurijs, aut inimicitijs impediuntur, neq; obstinatione quadam scelera perpetrandi, cum vix avaritiæ, aut violentiæ apud eos sensus sit. Quibus omnibus rebus meritò adducimus, vt de istorum extrema salute non parum speremus, eius præsertim intuentes clementiam, qui pauperis, atq; inopis oblatione licet exigua non contemnit. Mihi verò persuadeo, vt de istorum miserorum confessione, & penitentia melius sentiam, quam de multorum sæculi huius potentium ac sapientium in extremo vitæ spiritu ingenti apparatu, & pompa, etiam si sacerdotum longo ordine cingantur, & de male partis diuitijs magna legata Ecclesijs relinquant. Solus ille, qui nouit omnes, scit vnde plures salui fiant. Sæpe quod altum est hominibus, abominatio est ante Deum. Nemo igitur indicet alienum seruum, neque stulta, & ignobilia mundi contemnat. Itaq; vbi operariorum non cernimus vsque adeo magnos sudores pro Christo, non possumus terræ sterilitatem accusare, siquidem in tanta desidia ministrorum hos certè fructus videmus, vifuri sine vlla dubitatione longe cumulatiores, si modo dignitati Euangelij responderit dignitas ministrorum. Neque verò pro paruo ducendum est, quòd expulso Diabolo Christus regnat, ac pro nefarijs, & impuris idolorum cultibus Ecclesiastica sacramenta celebrantur; quòd beneficiorum, flagitiorum, parricidiorum quotidie decrescat furor,

Luce. 12.

furoi, neq; audeat scelus impune grassari. Tremat
 Satanasse pulsum, & quantis potest viribus, agit,
 vt liceat redire ad pristinam domum iuxta Evan-
 gelium. Iccirco vacuam Christi ministris optat, *Matt. 12.*
 & dolens se spoliari antiquissima hæreditate, in
 omne se latus vertit, cui nomina mille, mille no-
 cendi artes, vt seruis Christi persuadeat vanos, &
 inutiles suos esse labores, vt torpore ac despera-
 tione superati relinquunt dissipatas Christi oves,
 ab immanissimo lupo protinus trucidandas. Sed
 stat Dominus pro populo suo, & clamat, *Matt. 12.*
 Qui nõ colligit mecum, dispergit, & qui non est mecum,
 contrà me est. Adhuc monet, adhuc hortatur le-
 uare oculos, & videre regiones albas ad messem: *Ioan. 4.*
 vt qui seminat, simul gaudeat, & qui metit.

*Patientia, & labore effici, vt copiosi fructus ex hoc agro
 Dominico colligantur. CAP. XVII.*

Tlla verò Dñi sententia comprobantis in hoc *Ioan. 4.*
 esse verbū verum, quia aliud est, qui seminat, &
 aliud est, qui metit, satis nos confirmare, & conso-
 lari deberet si pro diligentia seminandi salutis
 verbum, non apparet illico fidei, & charitatis fru-
 ctus affurgere. Fieri enim potest, vt sementis iac-
 iendæ præsens tempus sit, futurum aliquādo cer-
 tē messis colligēdę. Apostoli in Prophetarū labo-
 res introisse dicuntur, neq; tamen, vel hi, vel illi
 sibi fructificauerunt sed Deo, qui nouit opportuna
 tempora iuxta sapientis sententiam vnicuique
 negotio. *Hominais autem afflictio multa est Eccl. 8.*



1. Cor. 9.
Prou. 13.

Iac. 5.

Heb. 6.

Rom. 15.

1. Mach. 8.

Leuit. 19.

propterea quod futura scire non potest. Sed tamen & qui arat, in spe debet arare fructus percipiendi, & huic sue spei, etiam si dilata affligat, debet nihilominus patientiam & longanimitatem adhibere. Ecce agricola, ait Iacobus apostolus, expectat pretiosum fructum terræ, patienter ferens, donec accipiat temporaneum & serotinum, patientes igitur estote & vos, & confirmate corda vestra. Abraham longanimiter ferens adeptus est reptomissionem. Ac ferè omnis historia, omnis sermo diuinus eo maxime tendit, ut per patientiam scripturarum spem & consolationem habeant, qui laborant quidem, sed laborum suorum emolumenta non vident. Nihil magnum nihil gloria dignum sine patientia vnquam peractum est. Ipsos Romanos rerum dominos patientia maxime & tolerantia, orbis potitos, non solum profanæ, verum etiam sacræ literæ commendauit. Neque tam fuit admirabilis potentia in prospera, quam in aduersa fortuna constantia. Noti videmus nos modo nascētis Ecclesiæ difficultates à Christianis orti, inter solos Christianos educati. Certè fides vbi nunc firmiores altioresque radices egit, ibi initia habuit longè difficillima. Non igitur sementis Euangelicæ fruges ex præsentibus tantummodo metiendæ sunt. In lege sanè scriptum legimus: Quando ingressi fueritis terram, & plantaueritis in ea ligna pomifera, auferetis præputia eorum, poma, quæ germinant, immunda erunt vobis, nec edetis ex eis. Quarto autem anno omnis fructus eorum

rum sanctificabitur laudabilis Domino. Quinto autem anno comedetis fructus, cōgregantes poma, quæ proferunt. Fortassis in terram nuper ingressi ex plantatis lignis nondum poma matura atque esui apta decerpimus: fortassis fides Indorum nondum fructus satis fame prædicatorum dignos edidit: adhuc præputia auferenda sunt: adhuc multus pristinae infidelitatis gustus est. Sed quid agimus? ita ne semper futurū est? Imo vero posterorum saltem generatione quis dubitat fructus diuino conspectu dignos, omni vetustatis sapore abolito, exorituros? Erunt nati parentibus feliciores, quod experientia satis docet, erunt fidei magis idonei paterna sua superstitione minus imbuti, religioni diligentius innutriti. Neq; video cur quisquam cōtra nobis ominetur infauista. Natio nulla est hominum obsequetior, nullā subiectior. Ingenio nequaquam duro & obtuso, imitandi quicquid viderint, mirè cupidi. In quibus potentiā & regendi autoritatē conspiciunt, nimium venerabundi, dicto citius obsecundantes. His moribus Indos esse præditos, quicumque vel exiliter expertus est, non ignorat. Si ergo magistros nacti sint strenuos, Christi charitate feruentes, qui bono exemplo, ac sana doctrina greges sibi commissos solícite pascant, quid non sperandum est, diuina in primis, quæ non deest suis, gratia aspirante? Sed quoniam omnia hic aspera, omnia aduersa narrantur vel certe existimantur à multis, ostendam labore & patientia cuncta superari, & de desperatis atq; ærumnosiss

198 DE PROVVRANDA INDORVM
initijs in lætissimos exitus solere conuerti. Osten-
dam verò non tã rationibus, quã exemplo Patrũ,
quod efficacius persuadet. Ac placet paulò fufius
referre, quę de sancto Malachia Episcopo coætã
neo suo B. Bernardus scribat, cum primum crea-
tus est Pastor Connereth, quę ciuitas est in Hi-
bernia. Cũ cœpisset, inquit, pro officio suo agē-
re, tunc intellexit homo Dei, non ad homines se,
sed ad bestias destinatum. Nusquam tales exper-
tus erat in quantacumq; barbarie, nusquam repe-
rerat sic proteruos ad mores, sic fetales ad ritus,
sic ad Fidem impios, ad leges barbaros, ceruico-
sos ad disciplinam, spurcos ad vitam. Christiani
nomine, re pagani non decimas dare, non primi-
tias, non legitima inire coniugia, non facere con-
fessiones, pœnitentias nec qui peteret, nec qui da-
ret, penitus inueniri. Ministri altaris pauci admo-
dum erant, sed quid opus plurium, vbi ipsa pau-
citas inter laicos propemodum otiosa vacaret?
Non erat quod de suis fructificarent officijs in
populo nequam. Neq; enim in Ecclesijs, aut prę-
dicantis vox, aut cantantis audiebatur. Hoc statu
his moribus nemo opinor causę Indiçę tam ini-
guus sit, qui nō fœliciores, vel potius minus in-
fœlicem prouinciã istam nostram agnoscat. Sed
pergãmus audire, quod optimi Christi ministri in
tã perduto populo officium fuerit. Quid faceret,
inquit, athleta Domini? aut cedendum turpiter,
aut periculose certandũ. Sed qui se pastorem, non
mercenarium agnoscebat, elegit stare quam fu-
gere, paratus & animam dare pro ouibus, si oportet.

In vita Ma-
lachia. c. 6.

teret. Et quanquam omnes lupi, oues nullæ, stetit intrepidus in medio luporum, omnimodis argumentosus, quomodo faceret oues de lupis, Monere cōmuniter, secretò arguere, flere per singulos, nunc asperè, nunc leniter conuenire, prout cuiq; expedire videbat. In quibus minus hæc profecissent, cor contritum, & humiliatum offerebat pro eis. Quoties noctes totas peruigiles durxit, extendens manus in oratione? Et cū venire ad Ecclesiā nollent, per vicos, & plateas occurrebat inuitis, & circumiens ciuitatem quarebat anhelus, quē Christo acquireret. Sed horū conatū exitum forsitan quis expectet? Vbi ergo Bernardus iniurias, & difficultates pro Christo multas à B. Malachia tolleratas narrauit, adiūgit, Perseuerauit pulsans, & secundum promissionem tādē aliquando pulsanti apertū est. Celsit duritia, quieuit barbaries, & domus exasperans paulatim leniri cœpit, paulatim correctionē admittere, recipere disciplinā. Fiūt de medio barbaricæ leges, Romanæ introducuntur, recipiuntur ubiq; Ecclesiasticæ cōsuetudines, cōtrariæ reiiciuntur, reædificantur Basilicæ, ordinatur Clerus in illis, sacramentorū ritè solēnia celebrātur. Cōfessiones fiunt, ad Ecclesiā conueniunt plebes, concubinitus honestat celebritas nuptiarū. Postremò sic mutata in melius omnia, vt hodie illi gēti cōueniat, quod Dominus per Prophetam dicit, Qui ante

*Matt. 7.
Luc. 11.*

Os. 2.

200 DE PROGVRANDA INDORVM
industriam atque operam boni militis Christi
discamus, & fidei ac perseuerantiæ certissimos
atque vberri nos fructus contemplemur, ne no-
stra dissimulata inertia inculti ac syluosi soli ste-
rilis naturâ culpetur. Alterum quoq; exemplum
eodem pertinens quamuis alia ratione ex histo-
ria Bedę probata afferamus. Is lib. 2. Anglicarum
rerum refert Mellitum olim à magno Gregorio
cum Augustino missam, propter læuius regis
iniurias & plebis exiguum numerum pulsum
propria sede Cantuam venisse, vt cum Lauren-
tio & Iusto coëpiscopis suis tractaret, quid facto
opus esset. Decretumq; communi consilio sa-
tius esse, vt omnes in patriam redeuntes libera
ibi mente Domino deseruirent, quam inter re-
belles fidei barbaros sine fructu relideret. Itaque
Mellitus & Iustus in partes Galliarum recessere. Cū
verò Laurentius eos iam secuturus, ac Britanniam
relicturus esset, iussit ipsa sibi nocte in Ecclesia
B. Apostolorum Petri & Pauli stratum parari: in
quo cū post multas preces, & lachrymas ad Deū
pro statu Ecclesię suas, obdormisset, apparuit
ei beatissimus apostolorum princeps, & multo
illum tempore secretæ noctis flagellis arctiori-
bus cædens, sciscitabatur Apostolica districtio-
ne, quare gregem, quem sibi ipse crediderat, re-
linqueret? An mei, inquit, oblitus es exempli, qui
pro paruulis Christi, quos mihi in indicium suę
dilectionis commendauerat, vincula, verbera,
carceres, afflictiones, ipsam postremo mortem
& mortem crucis ab infidelibus etiam inimicis
Christi

Lib. 2. c. 5,
& 6.

Christi ipse cum Christo coronandus pertulit
 His B. Petri flagellis simul, & exhortationibus
 animatus, atq; eruditus Laurentius, manere decer-
 nit, socios ex Gallia reuocat, Regem sibi hæc-
 nus infestum adit, ostēsis vulneribus flectit, Deo
 lucratur, gentis totius salutem ad finem vsque
 multa cum alacritate procurat, & perseverantiæ
 tandem meritis impetrat. Sola nimitum est, quæ
 coronatur perseverantia. Quibus profecto docu-
 mentis satis Christi milites admonentur certare
 vsque ad mortem, & in rebus aduersis diuino au-
 xilio freti, constanter sperare victoriam. Nostrum
 est pugnare pro viribus, Dei autem, qui bella cō-
 terit, vincere. Dei agricultura est, Dei ædificatio
 est: & neq; qui plantat est aliquid, neque qui ri-
 gat, sed qui incrementum dat Deus, vnusquisque
 verò secundum laborem suum, mercedem acci-
 piet.

1. Cor. 3.

*Quod non solum futuri fructus spes sit; sed presentis
 etiam satis magni certa documenta tentantur.*

CAP. XVIII.

AT que hæc ferè ita à me disputata sunt, tan-
 quam de Indorum gente ad Euangelij ve-
 ritatem perducēda, tenuiter, & angustè ipse quo
 que sentirem, neq; præclari alicuius fructus ex
 his laboribus colligendi spem vllam certam tene-
 rem. Quod quanquam his gentibus, quibus val-
 de me fauere profiteor, non solum parum hone-
 stum; verum etiam, vt quidam nostri rectè admo-

N 5

nent,

nent, proffus iniquum, & iniurioſum eſt, attamen libenter facio, quod malim in cauſa Indorum aſſerenda modeſtus deſenſor, quam nimius laudator exiſtimari. Vt enim omnes nationes hæ, quæ magno Oceano ambiuntur, ita eſſent barbaræ, abſurdæ, inhumanæ, ingratae, leues, obtuſæ, Euangelio denique, & omni ſpiritali negotio ineptæ, quemadmodum plerique mercenariorum calumniantur, tamen ipſa illorum teſtificatione effectum eſt certè hætenus, vt tot gentium ſalutem nullo modo deſperare debeamus, neque verò ſalua rerum fide poſſimus. Itaque quamvis verum eſſet, quod ſumunt ſalutis Indicæ oppugnatores, tamen quod maximè volunt, minimè efficiunt. Ego verò ſi planè quod ſentio dicturus ſum, immeritò proffus in cauſa Euangelij harum gentium ingenium natumq; accuſari nullo modo dubito, atque equidem certus ſum, ſi Euangelij introitus in hæ regiones is extitiſſet, quem Euangelij conditor maximè docuit, non alios illius progreſſus futuros fuiſſe, quam quos in prima, & Apoſtolica Eccleſia legimus. Nam ſi poſt talem noſtrorum hominum corruptionem, Chriſtum tamen colunt, & ſi quando magiſtrum præfectumve paulo modeſtiorum naſti ſunt, mirifice, & auſcultant, & colunt, & ſeipſos quauis cera molliores præbent, & quicquid præclari, atque honeſti vident, imitari contendunt, quid Deus bone, futurum fuiſſe arbitramur, ſi ex ipſis prædicationis exordijs ſpecioſos Euangelizantium

pacem

pacem pedes conspexissent, si se solos Christo, non sua quæri, & verbis, & rebus ipsis didicissent? Nostræ certè minimæ societatis Patres qui in his Peruenſibus regionibus annos iam octo versantur, & harum gentium mores experti sunt, tum missiones diuturnas multasque obeundo, tum eorum Parochias propriè suscipiendo, tum verò sine Parochi munere continenter cum his agendo, omnibus prorsus modis se se fructus opiuone maiores inuenisse tam seriò testificantur, vt Deum inuocent in animam suam, si non ita res se se habeat. Quidam etiam in primis inter nostros graues, & maturi viri se nusquam, neque faciliores, neque meliores Euangelij segetes vidisse, scriptis literis confirmarunt, qui tamen, cum ex Hispania aduentarent, vulgari, id est contraria opinione tenebantur, quam facto abunde satis periculo penitus exuerunt. Nam & ingeniosos esse hos Indos, & dociles, & mansuetos, & bonorum sacerdotum amatores, & obediētes, & fastus, opumque contemptores, & quod multi minus credunt, si semel serio, atque ex animo, religionem virtutemque susceperint, in sententia constantes. Quod ego vt sentiam, non difficile adducor, cum videamus Ingarum fidei deditos, aut Guacarum superstitione astrictos, pro occultanda sibi commissa idolorum vanitate, aut gaza recondita, libentissimè passim occumbere, citiusque fortunas vitamque ipsam suam, quam paternæ superstitionis arcana prodere.

Quis

Quis enim nescit Indos flagris sæpe concisos, sæpe flammis exustos, neque verbum tamen in his cruciatibus contra suam sententiam protulisse? Cur ergo Diabolum Christo fortio- rem in se tuè do putemus? Aut ad falsa, & pernicio- sa, quàm ad vera, & salutaria conseruanda constantiores futu- ras esse gentes à Deo, & conditas, & redemptas? Da mihi certe apud Indos Apostolicos viros, red- dam ipse vicissim ex Indis Apostolicos fructus. Ad nostros, quod nescio quam vitæ honestioris speciem, & cupiditatis abiecti- onem fortè conspe- xerint, ita Indi accurrunt, vt passim confessionis faciendæ causa remotissimi etiam veniant, trigin- ta, aut octoginta leucas emensi: conciones sacras ita frequentasse vidimus, vt insatiabili Dei verbi fame ferri viderentur, vnâ ex aliâ vsque ad qua- tuor, & quinque eodem die adeuntes, idque om- nibus diebus Dominicis, & festis: pœnitentiæ sa- cramentum perpetua quadam frequentia ita, & peti, & reddi, qui cerneret, iubilæum, aut magnæ hebdomadæ tempus omnino crederet. Dari sibi graues pœnitentias postulant, & si minus pro vo- tis graues imponuntur, ipsi attripiunt, lachrymis & acerbo dolore se cōficiētes. Inuitant alij alios ad pœnitentiam tanto ardore, vt nostri non pos- se omnibus satisfacere, & illorum precibus im- portunis se opprimi conquerantur. In melioris vitæ proposito ita constantes, vt nonnullas fœ- minas, qui sexus fragilior est, constet, neque preci- bus, neque minis, neque verò stricto cominus mu- cerone, & iugulo opposito peruiñci potuisse, vt

veteribus

veteribus amatoribus obsequerentur, sua omnia libenter dant: Christi corpus avidissime esuriunt, & quibus conceditur, mundissimè accipiunt, & religiose conseruant, neque vltra se semel communicatos locum crimini dare posse testantur. Quod secus cum esset aliquando factum, tanta indignatione aduersus se ipsum Indum commotum scimus, vt à se strangulando tanquam impio, & sacrilego Domini corporis proditore vix manus temperare potuerit. Quosdam ea deuotione diuinitus impleri constat, vt de rebus diuinis sapienter prorsus, & excelsè sentiant, & nonnunquam dono cœlesti futura præuideant. Immodica hæc, & per exaggerationem dicta plerique existimabunt, aut etiam velut ficta ridebunt. Verum ego certa, & exploratoloquor. Ac quicquid ij, qui videntur sibi soli esse Christiani, contra disceptent, in nationes quoque gratia Dei diffusa est, & nihil Deus discernit inter istos, & nos, fide purificans corda eorum. Et quidam sane rebus ipsis iam victi fatentur se nihil vnquam tale, aut vidisse, aut de Indorum gente sperasse, atque ita & admirantur, & Deo optimo Patri orphanorum gratias agunt: nonnulli etiam nostros sequi, & se socios adiungere in hac Euangelij felicitàte contendunt: plurimi contra oppugnare pergunt, quos oportebat de fratrum salute latari, & coadiutoribus suis beneuolè gratulari. Quod verò à nostris hætenus effectum est, tantum est quantum operarius quiuis Euangelij

non

206 DE PROCVRANDA INDORVM
non infidelis, & impetitus efficere possit. Et
ij ipsi ex nostris hanc operam nauantes salu-
ti Indorum pauci admodum numero sunt,
præ innumerabili Indorum multitudine. Qui-
bus ex rebus facile profecto intelligi potest,
quam sint futuri præclari, atque vberes fru-
ctus, si plurimi huic agro excolendo opera-
rij ijs viribus, & industria, qua decet, à Do-
mino messis mittantur. Quamvis autem, mul-
tas Indorum nationes Euangelio ita esse ap-
tas existimemus, vt nunc scribimus, ac Pe-
ruenses profecto tales experti simus, tamen
in reliquo etiam opere modum tenebimus,
neque ita ample de rebus Indorum dicemus,
ne alias Indorum nationes, quas minus esse
idoneas non ignoramus, præterisse videamur.
Nam etsi nostros Indos, quos nouimus, præci-
puè spectamus, cuperemus tamen si fieri pos-
set, omnium salutiprodesse, quod scribitur. Nam
ex ijs quoque, quos in extrema classe posuimus,
barbaris, scimus Euangelij gratiam copiosos, &
illustres manipulos ferre. Brasilienses profecto
constat, nulli barbarorum nationi ingenij ferita-
te, & morum absurditate cedere, quos tamen so-
cietatis lesu maximè opera, ita esse domitos,
& humanis diuinisque legibus assuefactos,
nostrorum literis accipimus, vt & homines,
& Christiani boni simul esse didicerint. Ha-
bet etiam nunc Fides gentium primitias suas.
Habet Euangelium inter nationes fructus
omni opinione maiores. Illud solummodo
orandum

orandum est , ut Christus Dominus dignos nos reddat novi testamenti ministros. Nam ad hæc quis tam idoneus? Atque hætenus prædicationem Euangelij apud barbaris , & si magna ex parte difficilem , tamen , & necessariam , & fructu plenam ostendimus . Iam quibus modis agredienda sit, sequenti disputatione explicandum est.

DE



DE PROCVRANDA INDORVM SALVTE,

LIBER SECVNDVS.

*Difficile esse rationem tradere predicandi barbaris
Euangelium. CAP. I.*



VÆ duæ res maximè inter se dissi-
dere videntur, annuntiatio Euange-
licæ Pacis, & intentatio bellici gla-
dij, eas nescio quomodo nostra hæc
tempora non solum coniunxerunt, verum vt ne-
cessariò coherentes certa lege sanxerunt. Et re
vera complutium barbarorum hunc nouum or-
bem incolentium ingenium eiusmodi est, vt nisi
more ferarum, aliqua ratione cogantur, vix vlla
spes sit, aut potius nulla, fore aliquando, vt hu-
manitatem libertatemque filiorum Dei induant.
Porro altera ex parte Fides ipsa veluti reëclamat
se Dei esse donum, non opus hominum, & suapte
natura ita liberam, vt qui coactam velit, nul-
lam potius efficiat. Itaque hæc sibi adeò repug-
nantia conciliare, & certam aliquam inire ratio-
nem, vt intelligentiæ vera luce consistent, & stu-
diola charitatis industria cohercant, maius om-
nino opus est, quàm vt nostra diligentia, aut in-
genio perfici possit. Sed, qui simul nuptias præ-
claras

Ephes. 2.

Luc. 14.

claras in Euāgelio ac verè regias apparauit, simul conuiuas non nisi laceros & pānosos ac barbaros prorsus offendit, docebit p̄to sua diuina sapiētia seruos sac̄s, quā ratione neq; ad epulas admittāt indignos, neq; quantumuis tamen illiberales & sordidos tanta Domini liberalitate frustrentur, etiam si honesta quædam vis, ac voluntaria, vt ita dicam, compulsio afferenda sit. Huius tam difficilis negotij in cōuersione Barbarorum dux & magistra charitas est, quæ omnia sustinet, omnia sperat, quæ non agit perperam, neque inflatur, neque cogitat malum, & vt semel omnia dicam, non quatit quæ sua sunt. Charitatis verò venenum singulare cupiditas est, pessima fidei propagandæ ac nutriendæ nouerca, patrona mēdaciij, temeritatis magistra, comes violentiæ: quæ mammonæ seruos specie pietatis interdum induit, sed virtutem eius funditus abnegat atque euerit. Funditus igitur extirpanda est, si in ouile Christi per ostium cupimus introire quam plurimos, nam qui contra fecerim. Religionis Christianæ amplificandæ prætextu Christi nominis infestissimos se hostes præbebunt, eruntque de eorum numero, de quibus perspicuè propheta prædixit, Et eos qui transibant simpliciter, conuertistis in bellum, causam paulo superius attulerat, Quoniam contra Deum est manus eorum. Et concupierunt agros, & violenter tulerunt & rapuerunt domos, & calumniabantur virum & domum eius, virum & hæreditatem eius. Hos

1. Cor. 13.

Mich. 2.

Habac. 2.

cum ita vehementer inuehitur: Vx qui congregat auaritiam malam domui suæ, vt sit in excello nidus eius, & liberari se putat de manu mali. Cogitasti confusionem domui tuæ, concidisti populos multos, & peccauit anima tua. Quia lapis de pariete clamabit, & lignum, quod inter iuncturas ædificiorum est, respondebit, & reliqua; quæ sequuntur. varicinium sanè in multis istarum melius oculi cernunt, quam legunt in Prophete codice. Auaritia quidem manifesta est omnibus, & auaritiæ causa nidus excelsus ambitionis: ynde magnus error consequitur hominum, sibi vt putant consulentium, cum potius, & sibi, & suis ruinam parent. Mirabile dictu est, quam cito multorum opes effugerint, atq; euauerint, vt ad nepotes ex tanta re vix aliquid peruenerit, occulto Dei consilio, sed manifesto adeò effectu, vt eas omnes copias præstigias putare homines possint. Viderint ergo hi, an ad ipsos pertineat, quod propheta loquitur, concidisse populos multos ac domui suæ confusionem potius cogitasse, quam splendorem & gloriam. Sed de his alio loco dicendum est. Illud modò teneamus, quod est omnium maximum, & præcipuum fundamentum, In hac disputatione de ratione prædicandi Barbaris Euangelium, Cupiditatem nullo modo esse audiendam, cuius suffragio periclitetur Fides necesse est. Charitatem verò prudentem pro Magistra semper habendam, quæ cum nobiliter salutem proximorum quærit, inter difficiles causas viam inuenit, & omnibus rationibus agit, vt consequatur quod cupit,

cupit, & quamuis impedimenta interdum multa
patiat, fœlices tamen Deo bene iuvante exitus
sortiri solet.

*Propter Infidelitatem etiam pertinacem non licere bar-
baros debellare. CAP. II.*

EXISTIT verò hoc loco quæstio à multis qui-
dem copiose grauitèrque tractata, sed neces-
sariò nobis quoq; repetenda, An charitatis Chri-
stianæ sit barbaros bello domare, vt debellati Fi-
dei prædicationem recipiant. Illud autem pri-
mum sit in causa barbarorum, Non esse facienda
mala, vt veniât bona, quod sentire blasphemie ge-
nus interpretatur Apostolus. Bella ergo si ini-
qua sunt, suscipienda non sunt, etiam si certam sa-
lutem, vel dimidio orbis allatura videantur.
Quamobrem si nullam aliam patere viam præ-
dicationi inter Indos constaret, quam belli
expeditione non iusta, clausam potiùs illis Euan-
gelij ianuam oporteret existimare, quam vt le-
ge Dei petra facta ad eiusdem legis obseruandæ
prædicationem irrumperetur. Si enim ea propo-
sita quæstione, vbi quisquam baptizandus in po-
testate sit impiorum, arque infidelium con-
stitutus, ad quem petueniri non possit, vt la-
uacro regenerationis abluatur, nisi deceptis
mentièdo custodibus, Augustinus Theologiæ
decus ita respondendum existimar, vt clauum
omnino reputandum sit, vbi ad subueniendum
animæ æternæ saluti solum per mendaciū aditus

Rom. 3.

*Augus. lib.
contra Mē
daciū. c. 20*

patet, quis non videat, quanto facilius responderet, si ostium fidei ferro iniusto aperiendum sit, clausum potius existimare oportere? Sed quoniā documentum hoc omni dubitatione vacat, quæ sunt consequentia videamus. Quæritur, An iusti belli causa in barbaros sit infidelitas ipsa, quod Euangelium repudient. Sed breuiter & absolute, iusta causa non est infidelitas, quæ solam Deū habet iudicem, & ultorem. Qui incredulus est, inquit, ira Dei manet super eum. Et, Qui nō credit iam iudicatus est. Et, Qui non crediderit condemnabitur. Hoc ad illos sanè. Ad nos verò quid? Si non receperint vos, exeuntes excutite puluerem pedum vestrorum in illos. Non dixit, stringite gladios vestros in illos, iacula euibrate. Quomodo verò iacula aut gladium intentare præciperet, qui etiam virgam & baculum de manu abstulerat? qui non solum inermes ad prædicandum mittit, verum etiam seminudos, discalciatos sine pera, sine argento. Neque enim ait, Ecce ego mitto vos lupos inter oves, sed oves potius inter lupos. Quam speciosi pedes Euangelizantium pacem, annuntiantium bona. At, quam terribiles pedes minantium gladium, effundentium sanguinem. Et si armandi sunt milites Christi, qui bella Domini exercituum præliantur, sed longe alijs armis, quæ Paulus magnus dux ostendit, State succincti lumbos mētis vestræ in veritate, & induti lorica iustitiæ, & calciati pedes in præparationem Euangelij pacis, & reliqua, quæ enumerat. Dicer aliquis, Quid si

verba

Ioan. 3.

Ioan. 5.

Mar. 16.

Mat. 10.

Rom. 10.

Esai. 52.

Nabu. 1.

Ephes. 6.

verba non profunt, & profunt verbera? si pacem oblatam fastidiant, bellum intentatum timent? An non satius erit vel per vim saluos facere, quã per nimiam indulgentiam perire permittere? Rẽtẽ ista quidem, si in subditos proferantur. Infideles vero quod nobis ius subiecerit, quare: & inuenies Paulum, qui de data sibi à Christo potestate gloriatur, se inde colligentem, Quid mihi de ijs, qui foris sunt, iudicare? Nonne eos, qui foris sunt, Dominus iudicabit? Legamus sanctorũ patrum commentarios, certam sententiam Apostoli consentienter docentium, Ecclesiæ ius & fas non esse in infideles, sed in eostatum, qui per ianuam baptismi ingressi sunt in ouile Christi. Quamobrem Augustinus in quodam sermone alloquẽs quosdam Christianos, qui ethnicorum se sacrificijs contaminauerant: De ijs, inquit, qui foris sunt, nos non iudicamus, illis blandiendum est, vt credant, in vobis putredo hæc resẽcanda est. Et mox, Non tollo, inquit, idola illorum, quia non habeo in illos potestatem, habebo autem cum fuerint facti Christiani. Diuinẽ quoque Bernardus Eugenium admonet libro de consideratione secundo, Vicario Christi non dominatum in orbem, sed apostolatũ conuenire. Nam principes gentium dominantur eorum: at non ita erit inter vos. Neque ante paratum se Paulus dicit vlcisci inobediẽtiam suorum, quam illorum prior fuerit completa obedientia, id est, vt alibi Augustinus interpretatur, non ante in quẽquam agere lege fas est Ecclesiastico viro,

2. Cor. 10.

et 13.

1. Cor. 5.

August. 10
tom. ser. 6.Bern. 2. li.
de consid.

2. Cor. 10.

Aug. epist.

50. ad Bo-

nifaciam.

quã per Fidei obedientiam se ipse Ecclesiæ spõte submittat. Siue ergo infideles sint, & Christũ ignorent, siue annuntiatũ etiã rejiciant, nobis in illos belli decernendi ius nullũ est, nulla honesta causa. Quã sententiã satis auctoritate sua confirmavit D. Thomas, cũ perspicuè docuit, ad Ecclesiã non pertinere infidelitatẽ in illis punire, qui nunquã Fidem receperunt. Et quoniã magna copia est eorũ, qui ista accuratè exposuerunt, illud solũ admonendũ arbitror, veniam ijs, dare oportere, si qui sint, qui zelo fortassis potius, quã sciẽtia ducti, dũ summi Pontificis nunquam satis commendatã auctoritatem amplificare pergunt, etiam extra septa Ecclesiæ gladium illius, & leges proferri volunt, quod tam est absurdum, vt à nemine melius confutetur, quàm ab ipsis summis Pontificibus, & Ecclesiæ Catholicæ perpetuo sensu, atque vsu, quæ nunquam in Paganos, aut Iudæos, quod Christi Fidem respuerint, animaduertit, neq; religionis diuersitatem causam belli iustam interpretata est. Quando namq; vel minimũ iurisdictionis actũ Ecclesia exercuit in infideles per mille quingentos annos? quando legẽ tulit? quando bonis spoliavit? quando deniq; sibi subijci nolentes coëgit, vel etiam attentauit? Nisi fortè temporalem dominatum gentium iure obtinentes, etiã temporales leges in sibi subiectos infideles, Christiani Principes tulerint. Quod quia sine controversia omnes sentiunt, qui modo aliquid sentiunt, non est, quòd morosa disputatione reuocetur in dubium.

Quod

Tho. 2. 2.

q. 1. 2. ar. 2.

*Cõc. Trid.
sess. 14. c. 2.*

Quod quibusdam visum sit, propter crimina naturæ contraria, licere nostris barbaros debellare.

CAP. III.

QVoniam verò infidelitatis etiam pettinacis, & positinæ, ut loquuntur Theologi, crimē sibi, viuorum, & mortuorum Iudici, puniendum, Christus reservari voluit, neq; vlla Ecclesiastica lege in rebelles animadverti fas est, illud diligentius discutiendum est, quod potest serio in quæstionē vocari, An seposita causa Fidei, ob id possint Barbari debellari, quod crimina multa eadēque atrocia perpetrant contra ius naturæ. Itaq; utrum possint neene cogi, ut ab idololatria abstineant, à nefarijs sacris, & colloctionibus, quas cū ipso Diabolo per quā frequentes habent, à concubitu masculorum, ab incestuosa pollutione sororū ac matrū, & reliquis id genus flagitijs? Nam facinora longum esset commemorare, quomodo alij alios in dicta causa enecent, compotationes ac temulentias suas cruore misceāt, humanis multi carnibus pro summis delicijs vescantur, alij pueros innoxios simulacris mactent, alij suorū inferias aliorum sanguine peragant, pleriq; potentiā ad nihil aliud, quā ad nocēdū, & læviendū, sibi datā arbitretur, perinde, atq; immanes feræ, quæ naturaliter gradū inferiores ac viribus imbecilles pecudes, prædæ suæ vendicāt: ut idē sit apud istos dominari, & prædari: nihil aliud subditum esse, quam potentioris libidini obnoxium esse. Quanta sit, & quam late patens hæc feritas barbarorū

in hoc vastissimo orbe, qui ritus portentosi, quæ legum ac dominorum tyrannis, referte exacte, iusti voluminis opus esset. Historiæ Indicæ quāquam multa narrant; exigua tamē est portio præ illis, quæ res ipsa habet. verum quod ad rem pertinet, certum est mores Indorum plurimorum esse ferinos, vt quod fabulæ canunt de quibusdam facie quidem homines esse, corpore veto aut pisces, aut sues, aut lupos, id verum esse nostri barbari suis moribus probent. Fremit ergo nostrorum hominum turba ac tumultuatur, cū ista audiunt, aut etiam intuentur: horum se scelerum ultores æquisimos, milites putant: quicquid contra nefarios naturæ violatores ferro, cede, incendijs sæuierint, gloriæ ducunt, ac tum de num excursiones suas in barbaros laude ac præmio, & apud Deum, & apud homines dignissimas iactant. Neque vero huic vulgari opinioni patroni defuere. Nam vt omittam eorum sententiam, qui penes Ecclesiam & Ecclesiæ caput Rom. Pont. ius esse ad hæc Ethnicorum crimina plectenda statuerunt, qui non tam nostra quam Apostolica voce iam dudum explosi sunt, cum de incestuoso flagitio Corinthij illius (quod contra naturæ leges pugnare quis nesciat?) suos, id est, Christianos acriter obiurgans, eorum qui foris sunt nempe Paganorum similia crimina ad se nihil pertinere testatus est. Illi porro probabilius aliquid asserre sibi videntur, qui huiusmodi ius ad vindicanda naturæ contraria scelera, non Ecclesiasticum, sed naturale esse volunt penes opti-

mum

mun quemque principem, qui possit ac debeat in Remp. perditis legibus ac moribus institutam, si verbo audiens non fuerit, ferro decernere, & belli iure subiectis iustas leges imponere. Quod si ab ijs quæras, cum multi principes, sapientes, & probi, vel sint, vel sibi esse videantur, cui potissimum hoc opus delegandum sit, respondent, in hac re ut in cæteris natura communibus, primo occupanti locum cedere. Ipso ergo iure naturæ barbaros istos posse ab Hispanis debellari, quibus per Rom. Pont. prouincia hæc demandata sit, quiq; victricia signa primi vltra Herculis columnas extulerint, & ad immensa terrarum spatia omni antiquitati hætenus ignota prouexerint. Neque mirum esse si fortunis suis exciderint Indi, cum potuerint propter sua mala merita etiam vita spoliari iustissimè. Et quoniam quibusdam dicere aliquid videntur, & magnopere cum populari sententia istorum consentit oratio, quæ pro causa argumenta afferant, recitemus necesse est. Aristotelis, inquit, sententia est, qui in libris Politicis ita scripsit: Quod potest mente prospicere, natura imperat, & dominatur: quod autem potest corpore hoc facere, paret natura, & seruit. Et mox, Barbari quod natura dominetur, non habent: quamobrem aiunt Poëtæ Græcos barbaris dominari oportere, quod idem natura sit barbarus, & seruus. Cum ergo barbari isti nostri supra modum barbari ac ferini reperti sint, neque mentem habeant ad se, & sua regenda idoneam, natura ipsa comparatum est, ut illis subsint

*Primum.
Aristo. 1.
Pol. c. 1.*

acpareant, qui dominari rectè possunt, atq; eos secundū naturæ leges cōueniēter regere. Quod si repugnēt, debellari posse iustè idem autot affit-

1. *Pol. c. 5.* mat. Bellica inquit, vi vti oportet cōtrā bestias, & cōtrā eos homīnes, qui ad parēdū nati sūt, nec volūt parere: quia natura id bellū iustum existat. Ali-

Lib. 7. Pol. bello in barbaros amplius explicat ita scribens.

c. 14. Neq; exercitatio rerū bellicarū ob id est meditāda, vt in seruitutē adigant immerētes. Sed primū ne ipsi alijs seruire cōpellātur. Deinde vt imperiū quērāt gratia vtilitatis subiectōrū, nō ante omnia dominationē. Tertiō vt eis dominētur, qui seruire sunt digni. Hæc ille. Atq; huc pettinere videtur aliqua ex parte Romanorū historia, qui quoddam

Augu. 5. de Ciu. c. 12. æqui, & boni obseruātes forent, omniū potiti existimātur, diuino ita decernēte cōsilio, quorū imperiū à sanctis Patribus laudatū legimus, & quod est amplius in ipsis diuinis libris. At infinitis partibus præstāt Christiani barbatis, quam olim Romani cæteris. Secundū sit, Filij Israël ob idolatriā

Reg. Prin. c. 4. 5. 6. atq; alia scelera debellarunt Amorrhæos, & reliquas gētes, quarū scriptura meminit, vt libri Iosue, & sapiētiae copiosè docēt. Cur ergo nō liceat

1. Mac. 8. Christianis veri Dei cultoribus iniurias illius vl-

Secūdum. cisci, & ad verum vnus Creatoris cultum idolo-

Cypria. lib. de Exhort. latras reuocare? Quam rationem Cypriani con-

ad Marty, c. 5. 25. q. firmat autoritas, si ante aduentum Christi, inquit

c. 1. c. Si au- ille, circa Deum colendū, & idola spernenda, hæc

dieris. præcepta seruata sunt, quāto magis post aduentū

Tertium. Christi & cætera? Præterea, si in lege naturæ viue-

rent

rent homines, quando nulla erāt regna diuisa, nō dū Resp. collocata, liceret sapienti, & probo viro improbum à malefactis cōpescere, vel verbo, vel vi, liceret de pertinace pœnas sumere; nisi velim⁹ naturam adeò sui oblitam, vt nullum constituerit naturaliter suarū legū iudiciū, nulli potentiā ad dominādū detulerit. Igitur ad eūdē modū Reip. bene institutę barbaros, & illeges fas erit ad rationis iura compellere. Alioqui immanissima scelera naturaliter, & multa, & inemēdata, imò ne emēdabilia quidē permancāt necesse est, quo nihil vi detur absurdius. Adde quòd si pueri, vel homines stupidi & semiamētes Rép. aliquā gubernarent idq; cū insigni detrimēto subditorū, liceret profecto vicinis Principibus lege charitatis, & iure naturæ, si nō possēt aliter perditā illorū administrationē emēdare, armis & vi, magistratus, & populū cogere, vt aut sibi Principē crearēt idoneū, aut si ne id quidē effici possit, Reip. ipsius administratiōnē suscipere per seipsos, multū licet reclamātib⁹ illis. Atqui natio Indorū minus habet, vel æquitatis, vel prudētiæ, & iudicij, quā pueri, & semiinsāni. Quid ergo culpatur si vel ab inuitis pro ipsorū salute, & pace eripitur principatus? Postremo innocentē ab iniuria, & cæde defendere quiuis potest, atq; si opus sit, aggressorē mulctare fortunis, & vita ipsa. Manifestū vero est inter istos innumerabiles innocentium cædes perpetrari, cum & obuios quosque capiunt, & trucidant, & in suos quoq; immaniter sæuiunt, pueros, fœminas, & miserabile genus neci dātes, adeo vt cruore humano

Quartum.

Quintum.

pace-

220 DE PROVVRANDA INDORVM
 macelli cuiusdam instar permulta loca redundare comperta sunt, quorum testis locuples esse potest Mexicana prouincia. Quamobrem non licere solum, sed etiam quàm maxime expedire barbaros ita insanientes bello domare, rationi consentaneum apparet. Hæc potissimum sunt, quæ pro causa belli Indici afferri à nonnullis solent.

Confutatio superioris sententia. CAP. II II.

*Deut. 16.
 Diony. epi.
 8. ad Demophilum.
 Romi. 2.*

V Erum si partium studijs sepositis, quæ tanquam nebulae quædam crassæ veritatis lumen abscondere solent, lex ipsa æterna consulatur, non dubium est, quin purissimis radijs omnem hanc caliginem, quæ nobis offunditur, depulsura sit, dilucide ostendens, equè esse iniquum, si vel non iusta fiant, vel quæ iusta sunt, non iustè fiant. Iustè quod iustum est exequeris, ait diuinus legislator: quam rem præclare explicat Dionysius magnus, & diuinæ, & humanæ sapientiæ ponderator. Infideles sane, idololatrias, masculorum concubitores, incestuosos, sine fœdere, sine misericordia, parentibus non obediens, ingratos, scelestos, & quibusuis alijs nominibus verè notatos coerceri, mulctari fortunis, atque ipso capite plecti, iustitia, & æquitate plenum est, quis hoc neget? Verum à quo, & qua autoritate, id verò quaeritur. Neque enim quia tu peccasti, id circo mihi statim de te pœnas sumere fas est, nisi & iusego in te habeam, & causam tuam legitimè transigam. Neque verò si Resp. aliqua peccet leges

leges condendo flagitiosas, & turpes, aut si moribus perditis princeps ac Magistratus labefactantur, continuo iuserit Reipub. vicinæ, aut principi leges ferre meliores, inuitos compellere, vt recipiant, & seruent, non obsequentes ferro aggredi, repugnantes bonis, & vita exuere. Etenim si tantum licentiæ Reip. in Remp. tribuas, nihil aliud agas, quam vt breui vniuersum terrarum orbem perturbes, & discordia, ac cædibus impleas. Melius, melius omnino diuina, incommutabilis, atq; æterna lex sanxit, nullius vnquam emendanda sapientia, aut temeritate violanda, vt id iuris principi in principem, Reip. in Remp. sit, quod attinet ad leges ferendas, & scelera profliganda, quod est ciui in ciuem, priuato viro in priuatū. Vbi illud solum interesse volunt clarissima ingenia, quæ totam hanc rem copiosissimè, & dilucidissime prosecuta sunt, vt non modo fas sit Reip. se defendere contra aggredientis iniurias, quod etiam priuato licet, vt vim repellat vi, verum etiā iam acceptas propria autoritate vindicare queat, quod priuato nequaquam licet, id ita docente ratione clarissima, quod ciuis ac priuatus habeat apud quem expostulet, vbi repetat, à quo iniuriæ re compensationem merito expectet, publicum Magistratum: at Resp. contra Remp. alteram nullum habet, quod adeat, commune tribunal; ac nisi ipsa propria autoritate vlciscatur iniurias, futurum sit, vt rebus omnibus læsa reparari nullo modo queat. Quæ cum ita se habere tum in ipsa naturæ luce veluti in aperta lege notassent,

sent, tum perpetuo ab ipso mundi exordio decur-
 su ab omnibus mortalibus seruata, quotquot ius-
 titiæ qualemcunq̃ue prætextum bello gerendo
 præferrent, animaduernerent, sapientes omnes &
 nostri, & externi eam solam causam bello aggre-
 diendo equam, & iustam statuerunt, ad refarcien-
 da dāna, & iniurias vindicādas, vel suas, vel suo-
 rum, idest ciuium, aut sociorum, aut eorū etiam,
 qui iniquè læsi ipsorum opē implorassent. Præ-
 ter hanc causam acceptæ iniuriæ, aut violati ius-
 ris gentium, nullam nostri maiores iustam agno-
 uerunt, neq̃; gloriæ quærendæ, neq̃; cumulanda-
 rum opum, neq̃; amplificandi dominatus, neque
 verò religionis propagandæ. Quotquot verò nō
 læsi arma sumpserunt, eos prædones potius, quā
 milites vocitandos censuerunt. D. quidem Augu-
 stinus suo ipse ingenio, acerrimus quæstionum
 obscurarum indagator, in hac vero etiam Mani-
 chæorum calumnijs, & Ethnicorum contra Fi-
 dem Christianam opprobrijs excitatus, sæpe ac
 diligenter totum hoc de bello gerendo negotiū
 tractans, illud vbiq̃; constituit, causam iustā bel-
 li solam esse iniuriæ depellendæ necessitatem. Ita
 quodam loco, bella, inquit, iusta definiri solent,
 quæ vlciscuntur iniurias. Ambrosius quoq̃; cum
 de fortitudine in lib. Offic. disputaret, ita scribit,
 Non se ipsam committit sibi, alioqui fortitudo
 sine iustitia iniquitatis materia est, quo enim va-
 lidior est, eo prōptior est, vt inferiorē opprimat,
 cum in ipsis rebus bellicis, iusta bella an iniusta
 sint, spectandum putetur. Nunquam David nisi
 lacessi-

Aug. lib. 6.

Quæst. in

Iosue. c. 10.

Amb. lib. 1.

offic. c. 25.

laccēssitus bellū intulit. Vides quale bellū Ambrosius iustū definiat. Illud planē quo exēplo David non nisi laccēssitus princeps arma induit. Hos Isidorus secutus bellū iustū definit, quod ex edito geritur de rebus repetēdis, aut propulsandorū hominū causa. Deniq; bellū gerere necessitatis est. Quod etiam Tullius vidit, cū in tertio de Rep. libro vt idem Augustinus refert (nā ad nos non peruenit opus illud præclarum) definiuit nullum ab optima ciuitate bellum suscipi solere, nisi aut pro Fide, aut pro salute. Fidem intelligens initum cum socijs fœdus, salutem ipsum Reip. contra oppugnantes statum. Et planē quotquot in diuinis literis à sanctis viris bella suscepta referuntur, qui ob id laudantur, quod fuerint fortes in bello, quod castra verterint exterorum, à primo illo quod magnus Patriarcha Abraham pro fratris salute gessit vsq; ad extrema Machabæorum gesta pro patria, lege, & libertate, semper mentio est acceptæ prius iniuriæ, vt magis non recusata cū esset opus, quam quæ sita cum non esset, appareat. excepto quod diuina autoritate quædā interdū peracta sunt, quæ nō humanis auspicijs sed cœlesti p̄cepto ascribēda sunt. Sed vt vetera omit tam*, Ecclesiæ catholicæ, quæ firmamētū est veritatis, sensum atq; vsum tenem* apertē, quæ per mille quādringētos annos nūquā in barbaros, aut paganos nihil nos aliàs ledētes, arma, vel ipsa sūpsit, vel suis cōsuluit, cū essent potētissimi ac religiosissimi Principes, atq; cōstaret externos omni scelere obstrictos. Scit em̄ fidelis populus Dei Ch̄m inter-

Isidor. lib.

18. etym.

6. Gratia.

Caus. 23.

9. 1. 2. & 3.

August. ad

Bonifaciū.

August. lib.

22. de Ciu.

6. 6.

Heb. 11.

Gen. 14.

Luc. 12.

interpellatum à quodam, respondisse, O homo quis me constituit iudicem inter vos? Si legati nationis Indorum rebus suis componendis vltro accerferent nostros, haberet fortassis aliquid rationis eiusmodi introducta potestas leges ferendi, emendandi, puniendi. At nunc molestissimè ferunt causæ suæ non vocatos iudices, vltro neos disceptatores, qui non solum leges, & ius dicant inuitis, verum iam olim admittà ferociter vindicent. An sapimus nos plus quam maiores nostri? An Fidei zelo vehementius ardemus? Omnino

*Greg. lib.**11. Regist.**ca. 15. dist.**45. ca. qui**sincera, idē**li. 1. epis. 45*

verum est, quod sanctissimus Gregorius de hac re scripsit, Qui Fidem asperitatibus propagare volunt, suas magis quam Dei causas probantur attendere. Interim quis illud non videat, quam implacabile isto modo Christiani nominis odium apud barbaros excitetur? quam graue, & immerdicabile scandalum? Tota ista res vergit in obstinatam quandam inuidiam, & odium Fidei, & certam perniciem hominum. Neque verò scandalum istud separabile est vlllo modo ab hac cau-

Matth. 16.

sa, aut in ijs numerandum, quæ non data, sed accepta dicuntur. Christus quod non debet tributum soluit, ne scandalizet; nos nullo modo debitas terras, si spoliemus, vexemus, prædemur, nullum ne iustum timebimus scandalum? Res ipsa satis clamat per se. Neque enim ea exempla hætenus vidimus, quæ licentiæ, & furori militari fræna laxanda petluadeant. Et quod caput est, Catholicorum nostrorum Principum leges longe aliter faciendum esse edicunt, quibus obedire par est.

patet. Quāobrem præclarissima & sui ordinis & nostri temporis lumina, quæ in causam Indorū proprietate inciderunt, eiusmodi belli suscipiendi consilium, idq; iuris gravissimè cum disputationibus suis, tum etiam scriptis de industria libris improbarunt. Quorum sententia iam dudū apud omnes obtinuit, Salmantino & Complutensi illustribus gymnasijs damnātibus, ut audio, atq; explodentibus scriptum cuiusdam librum contra causam Indorum, atque ipso Catholici Regis senatu longe aliam rationem in expeditionibus Indicis præcipiente, cuius æquitatem opportunè exponemus, si prius obiectionibus supra propositis responderimus.

Responsio ad obiectiones pro expugnatione Barbarorū. Anton. Cor
CAP. V. duba Mino

AC primum quid sibi voluerit Philosophus questiona-
barbaros natura servos asserens, non est ob
scutum cernere, si paulò altius illius disputatio
repetatur. Sentit & quidem sapienter, in Rep. be
ne constituta, natura ipsa docente, alios debere
dominari, alios parere, sapientes & viros impera
re, imperitos & fœminas obedire, quod profe-
cto verissimum est. Hinc colligit Græcos natura
comparatos esse ad imperandum, quod essent sa-
pientiores, barbaros utpote rudes & imperitos
ad serviendum. Quid obsecro verius quàm senes
& maturos præesse naturā, adolescentes obtem-
perare, fœminas virorum, pueros maiorum ar-
bitrio

P bitrio

bitrio naturaliter regi? Iam qui velit colligere ex his, à barbaris imperium quod iam habent, eripere licere, eadem ratione conficiet, à fœmina, aut adolescente, vbi regnat, posse per vim extorqueri dominatum, itemq; à rege imperito regnum, & à præsule indocto pontificatum: quod omnibus, & diuinis, & humanis legibus, quàm repugnet, nemo non videat. Aliud est enim quid faciendū sit ex ratione ac secundum naturam: aliud, quid si fiat, infectum fieri nequeat. Iure ergo sapientiores, & elegantiores regnant: sed re ipsa imperitus, & barbarus si regnet, non ius sed iniuria est, de regno hunc pellere. Alioqui rapinæ, & cædi res mortaliū omnes expositas esse oportebit. Quod ex eodem Philosopho adiunctum est de iusto bello in barbaros, qui seruire recusant, obscurius profecto est, & quod suspicionem non exiguam parit, illa non tã ex philosophica ratione quã ex populari quadã opinione profecta esse. Intelligi tamen potest, si in hac quoq; re Aristotelis autoritas magnopere cōseruāda est, in eos barbaros seruire nolētes bellū iustū decernere, qui Remp. nullā habent propriā, neq; Magistratus, neq; leges, sed ritu ferarū incertis, & sedibus, & legibus vagantur: quales & fuisse olim, & esse hodie quā plurimos notissimū est. Bellum autem in hos non omnis illa cædis, & seruitutis licentia cogitari debet, sed moderata quædā vis, quatenus humanè, & nō bestialiter proflus viuere persuadeantur. Quod si Alexandri, vt quidam ferūt, potentia delectatus, signa Macedonica in orbem vniuersum profertur
voluit,

voluit, nobis nō admodū curandum est, quid ille adulatoriē magis quam Philosophicē scripserit. Quāquā nō diuetsa à nostris sapiēs, in Rhetorica ad Alexandrū, suscipiendum bellū esse constituit in eos qui Remp. & eius siue amicos, siue socios iniuria violare moliūtur. De Romanis parum ad rem pertinent, quæ affertuntur. Et si enim laudari solēt, neq; fortassis immeritō quod legibus equo-
ribus subditos gubernarint, fœdera, & societates fidelissimē custodierint; tamē multa vsurpasse tyrānicē ne ipsi quidē disintētur; ita nō nemo dixit,

*Aristot. in
Rhet. ad
Alex. c. vlt.*

Non ius arma dedit; potius ius arma dedere,

à S. Augustino illorum imperia vocantur honorifica latrocinia. Neque tamen, si me non fallit memoria, eorū historici celebriores bella gesta narrare solent, nisi quæ aut pro salute, aut pro Fide, vt eorum dixit egregius autor, suscepta videri velint. Nā quod de expugnatis Chananēis per Israēlitas affertur, multo robustius nostrā cōfirmat sententiā. Nā cū sanctarū scripturarum tractatores in eā quæstionē incidunt, diligenter causas iusti belli exponunt, & vnā quidem potissimā Augustinus reddit, illud genus belli iustum asserens, quod Deus imperat, qui nouit, quid cuiq; fieri debeat, in quo bello dux ipse, aut populus non tā
autor, quā minister iudicāndus est. Vt ergo præcipiēti Deo necē filij innocentis, religiose paruit Abrahā, vt pote vitæ omniū Domino, ita quoq; vel Iosue filius Naue, vel quicumq; alius sententiam Dei in populos reos exequi debuit, & iudici ac dominatori omniū man⁹ administras præbere:

August.

*Ad secundā
obiect.*

*August. lib.
6. Quæst. q.
10. in Io-
suc.*

nequetamen ob id liceat vel patri in filium vel principi in externum populum quantumvis impium, gladium stringere. Adde quod iidem sacri scriptores humanas rationes adiungunt, quibus ex iure gentium bella Hebræorum contra Amorrhæos & cæteros Palæstinos non inique gesta declarent. Eas modo persequi longum esset, & instituto non necessarium. Illud modo agimus, ut fiat perspicuum sanctos Patres nullo modo existimasse vel idololatriam, vel quævis alia contra naturam piacula causam idoneam extitisse, ut de loco suo pellerentur illæ gentes, vastarenturq; ab Hebræis, si quidem tam solícite causas alias exquirunt. Et reuera eadem sunt vel minus graua nostrorum barbarorum crimina, quam quæ illorum scriptura commemorat. Ita enim de his loquitur liber sapientie. Illos enim antiquos inhabitatores terræ sanctæ tuæ, quos exhortuisti, quia odibilia tibi opera faciebant, per medicamina & sacrificia iniusta, & filiorum suorum necatores sine misericordia, & comestores viscerum hominum & deuoratores sanguinis à medio sacramento tuo, & autores parentes animarum inauxiliatarum perdere voluisti per manus parietum nostrorum, & reliqua. Non opinor horribiliora obijci Indis, ijs quoque, quos Carybes vocant, qui sunt omnium truculentissimi. Ob id apte paulo inferius diuinam autoritatem exitio illarum gentium interponens, subdit per interrogationem, Quis enim imputabit tibi, si perierint nationes quas tu fecisti? Non enim aliud est

August. li.

44. quest.

9. 4. super

Num. c. 20

Et ser. 105.

de tēpore.

Cassianus

rollat. 5.

cap. 24.

Cap. 12.

sap.

Sap. 12.

est Deus quam tu, cui cura est de omnibus, ut ostēdas, quia non iniuste iudicas iudiciū. Hoc est, non inuadis aliena, neq; vsurpas iniquè iudicium, si gentes impias cogis commeritas pœnas suorum scelerū dare. Cypriani verò ineptè profertur autoritas, cuius longe alius sensus est. *Cypria. c. 5. de Exhor. ad Mar.* Sciens enim illo opere causam Martyrij agere, idolorum cultum vult adeo Christiano viro excrandum, ut quiduis potius perpetiatur, quā id impietatis admittat. Quod ut confirmet, admonet, quā fuerit quondā infestus Deus Idololatrię ut ob id cæde grassari in externos suis iusserit, quāto ergo tempore gratiæ reuelatæ amplius amare debet fidelis ob fugiendū idolorū cultum sanguinem quoque proprium fundere? Ita enim concludit, si ante Christi aduentum circa Deū colēdum & idola spernenda hæc præcepta seruata sunt, quanto magis post aduentum Christi seruanda sunt, cum ille veniens non verbis tantum nos hortatus sit, sed & factis, post omnes iniurias & contumelias passus quoq; & crucifixus, ut nos pati & mori exemplo suo doceret. Hæc Cyprianus. At verò quod de lege naturæ afferebatur, militat potius pro causa idolorum. Neque enim iure Naturæ priuatus de priuato pœnas sumere posset, neq; vim aliquam coercendi haberet, cum sint omnes homines natura pares. Quoniam vero mores institui recte non poterant, neque Societas in officio contineri, placuit, omnibus publicam potestatem creare, in quā ius suū quisque transferret, quæ proinde & leges conde-

re, & supplicio afficere peccantes autoritate totius multitudinis in se transfusa posset. Quod si Magistratus, aut Rēp. barbarorum suo muneri non facit satis, habet iudicem Deū, non Rēp. aut principem aliquem externum. Alioqui cum grauissima peccent interdum Principes, aut Magistratus nostri, licebit, vel Gallo, vel Italo, vel Anglo, Hispaniensis Rēp. peccata castigare, & ius dicere, vt vicissim inter se Principes hac autoritate fungantur. Hoc neque ineptius, neque rebus humanis exitiusius dici quicquam potest. Neque vero vbi subditorum consentit voluntas, præsidentium stoliditas, atque insipientia potest per vim compesci. Itaq; si Principes barbarorum iniquè ac tyrannice tractarent suos, possent innocentes per vim (si secus non esset locus) ab illorum scelere, & iniuria eripi. Sin autem corruptio morum ea est, quam ipsi quoque subditi libenter sequuntur, non possunt ab extraneis compelli ad virtutem. Neque est eadem ratio in pueris, & amentibus Remp. administrantibus. Naturale est enim, vt pueri non dominantur in viros, cum puer etiam si sit omnium hæres, nihil à seruo differat teste Paulo, ac multo minus insanis in mentis compotes iuris aliquid esse potest, què admodum, neque belluæ in hominem. At barbari isti, & imperantes, & seruientes æquè vel sapientes, vel insipientes sunt. Quare si ligna syluestria, vt est in antiqua parabola, Rhamnum sibi prætermissa oliua, ficu, & vite, Regem creant, quid mirum si illius incendio concrementur?

Hoc

*Ad quartā
obiect.*

Gal. 4.

Iudic. 9.

Hoc enim in summa interest, quod barbarus non natura, sed studio, & moribus talis est, puer, & amens non studio, sed natura. Quamobrem quæ barbari peccant, non est cuiusvis animaduertere.

*De bello propter defensionem innocentiam,
qui à barbaris trucidantur.*

CAP. VI.

IN fine huius de bello disputationis non præteribo sententiam illustrium Theologorum, qui defensionem innocentium, iustum titulum bello indico posse prætendi significant. Aiunt, si mores sint aded tyrannici legesq; , vt innocentes passim trucidantur, quod Carybes faciant, vt eis vescantur, dijsq; suis immolent, tunc sanè tēporis licere nostris, & cuius Principi eiusmodi infelices homines à cæde tyrannica eripere, ac si opus sit, ferro decernere, & barbaros ab ea immanitate reuocare. Cuius documenti manifestam esse rationem quod fas sit homini priuato innocentem de alterius nece, etiam cum inuasoris cæde, si opus sit, eripere, multò ergo melius id Reip. licebit in Remp. alteram. Vnicuiq; enim mandasse Deum de proximo suo. Et rursus, Erue eos, qui ducuntur ad mortem, & qui trahuntur ad interitum, liberare ne cesses. Addunt præterea non obstare rationi iam dictæ, si ipsi, qui occiduntur, sponte patiantur, & seipsos offerant neci, imò etiam à nostris liberari inde quàm maximè

*Ad quintā
obiect.*

*Eccl. 17.
Prou. 24.*

renuant . Neque enim esse dominos vitæ suæ,
& planè quāuis libens patris irati mucroni, filius
supponeret iugulū, liceret, nihilomin⁹ vel inuitū
à cæde eripere. Hæc illi differunt: quibus equi-
dem nullo modo contradixero, cum sciam pro
fide iustè suscipi bellum, fidem vero seruandam
ei qui læsus à potentiore, ad nostra auxilia confu-
git. Innocētis verò defensionem à morte præser-
tim, etiam si ipse taceat, natura ipsa clamante, cui
uis valenti opem ferre, commē datam esse etiam
atque etiam omnes quantum puto consentient.
Itaq; efficitur, iusti belli causam contra barbaros
homicidas, defensionem innocētium esse. Versū
hæc quamuis disputata subtiliter, si tamen con-
ferantur ad rem parum accōmodata inueniun-
tur. Cū enim defensio ista cum minimo leden-
tis damno adhibenda est, vnde neque dominio
spoliari barbari possunt aut vita, si possunt terro-
re aut subiectione aliqua contineri: tum verò
nullius est rationis eos velle defendere, quorum
grauiore perpetres cædem . Constat verò co-
piofissime, bello Indico plures infinitis partibus
absūmi quam vlla barbarorū tyrannide . Quare
si moraliter loquendum est, vix poterit, vel po-
tius nunquam omnino poterit suscepti belli ad
uersus Indos causa iusta in defensione innocen-
tium collocari . Etenim quod & supra admo-
nui & sæpe repetendum est, vastationis Cha-
nanæorum & terræ Palæstinæ occupatę neque
hanc commemorant sancti Patres causam, cum
profecto sacrę literę manifestè doceant natio-
nes

nes illas omni scelere contaminatas, neque etiam à plurimo innocentium sanguine temperasse. In libro Sapientiæ legimus ad hunc modum: Aut enim filios suos sacrificantes, aut obscura sacrificia facientes, aut insanix plenas vigiliās habentes, neq; vitam, neq; nuptias mundas iam custodiunt, sed alius alium per inuidiam occidit, aut adulterans contristat, & omnia commixta sunt, sanguis, homicidium, furtum, & fictio, corruptio, & infidelitas, turbatio, & periurium, tumultus bonorum, Dei immemoratio, animarum coinquinatio, natiuitatis immutatio, inordinatio mœchiæ, & impudicitix. Infandorum enim idolorum cultura, omnis mali causa est, & initium, & finis. Atque hæc quidem sunt illa opera gentium, quæ Dei populum didicisse ex earū consortio Propheta dolenter meminit. Commixti, inquit, sunt inter gentes, & didicerunt opera eorum, & seruierunt sculptilibus eorum, & factum est eis in scandalum. Et immolauerunt filios suos, & filias suas dæmonijs, & effuderunt sanguinem innocentem, sanguinem filiorum suorum, & filiarū suarum, quas sacrificauerunt sculptilibus Chanaan. Quæ ed fusius cōmemorata sunt, quò minus nostrorum barbarorum mores fœdos, & sanguinarios miremur, cum sciamus familiare id fuisse perpetuè nefariæ idolorum culturæ, quæ, vt sapiens dixit, omnium malorum causa est, & initium, & finis. Ita demum intelligemus eas omnes, quæ à nonnullis aduersus Indos causæ prætexuntur, nō defuisse antiquis iustis sub lege

Sap. 14

Psal. 105.

aut etiam sub Euangelio agentibus, contra sui tēporis infideles, & barbaras nationes: sed nequam tamen eas satis esse existimasse, vt bello infestandas arbitrarentur.

Quod omnia iam dicta de bello aduersus Indos non solum diuina; sed etiam regia lege firmentur.

CAP. VII.

HAud parum perfectum est, quòd omnes belli causas aduersus barbaros, quæ nostrum ad illos ingressum antecedunt, remouimus, vt vulgari errore profligato putantium beneficij loco ponendum esse, quod barbaris pro agris, & libertate prærepta, Fidem Iesu Christi, & vitam hominibus dignam reddamus, quorundam etiam plus sapere volentium, quàm par sit, sententia perspicuè refellatur, qui nostris ad illorum scelera, vel compescenda, vel etiam plectenda ius faciunt: quod summæ potius iniuriæ tribuendum esse abunde, vt opinor, apparuit. Hinc iā consequens esse videbatur, vt exponeremus, quid illis faciendum sit, qui eiusmodi expeditiones in Indos secuti, fortunis potiti, & opera ac seruitute miserorū iure belli abusi sunt, quorū superstites sunt hodie quoq; non pauci. An potuerint excusari ignorantia? an sint restitutioni obnoxij omnibus modis tum ipsi, tum res ipsorū, ad quoscunq; tandem deuolutæ sint? Et quid remedij tandē in tanta perturbatione afferri queat. Sed de ijs quæquæ est difficilis, & periculosa censure, tamē alio loco si Deus

si Deus annuerit, dicetur opportunè. Nunc vniuerse, ius, & iniuriam indicendi belli tractamus: atq; illud tanquam totius actæ causæ firmamentum adiicimus, quòd cum in omnibus regnis Indiarum tam multa prælia commissa sint, & tot nationes subactæ; nullum tamen genus Indorum seruituti subiecit regialex, quin potius Indos omnes, & liberos esse, & suis rebus liberè vti declarauit, grauissimis pœnis propositis, ijs, qui veluti iure belli captos, sibi manciparent. Imo verò in omnibus expeditionibus quæ fiunt, faciendæve sunt, siue ad nouas gentes quærendas, siue ad iam quæsitas peruestigandas, inuiolabili lege sancitum est, vt neque nostri milites aggrediantur non laçessiti ad vexandos, cædendosve barbaros, neq; illos vndecumq; captos seruire cogant. Qua vna lege plenissime demonstratur, nullum belli ius nostris ex quantauis Indorum barbarie, & inhumanitate concedi. Superest vt quoniâ, & diuinis, & humanis legibus bello laçessendi Indos omnis causa sublata est, hac exclusa via prædicandi Euangelium ijs, quos armorum vis subegisset, persequamur, an alius aliquis aditus pateat ad annuntiandum gentibus Christum.

Veterem & Apostolicam Euangelizandi rationem non posse exactè seruari inter barbaros.

C A P. VIII.

TRibus igitur modis, quantum mihi diligenter cogitanti occurrit, ad prædicationem Fidei

Fidei apud barbaros insisti potest: quorum nos tum æquitatem, tum prudentiam expendere necesse est. Primus est, vt more, & instituto Apostolico, gratia Dei freti eant prædicatores ad gentes, & prædicent Euangelium, omni militari remoto apparatu. Alter, vt gentes nouæ nõ adeantur, sed quæ iam fuerint principibus Christianis subiectæ siue per ius, siue per iniuriam, ijs demum operam suam impendant verbi Dei ministri. Tertius, vt adeant quidem, & prædicent Christum, vbi nominatus non est, sed tamen humanis præsidij, & copijs adiuti, quibus seruentur illæsi. Habent autem hæ singulæ viæ, proprias & commoditates, & difficultates suas, neque parum diuinæ lucis expetendum est, vt intelligatur, primum, an quæuis istarum probanda, improbandaue sit, tum quæ debeat cæteris anteponi, si omnes se qui non vacet, postremo quid in vnaquaq; prouidendum sit Christi seruo. Prima igitur illa non dubium est, quin sit non solum officij, & æquitatis plena, verum etiam omni laude superior, in ipso duce, & Apostolo conuersionis nostræ Iesu Christo primum dedicata, deinde in sanctis eius Apostolis illustrata, qui patientia sua, & eximia paupertate potentiam mundi vicerunt, de quibus Esaias præcinit. Conculcabit ciuitatem sublimem pedes pauperis, gressus egenorum. In quo genere Euangelizandi prorsus Euangelico (neque enim dici aliquid maius potest) primum consolationis est plurimum, ipsis Dei ministris, quod vitam cælestem instituunt, ab omni cupiditatis, & violentiæ specie

remo-

remotam, ideoq; iucundam, & liberam. Ipse enim dixit, Nō te dereram, neq; derelinquam. Et, cum *Heb. 13.* misi vos sine sacculo, & sine pera, numquid aliquid defuit vobis? Testis huius rei locuples est *Luc. 22.* M. Franciscus noster, qui tanquam de alio loquatur, tantum diuinæ voluptatis, & consolationis flumen in illa sua verè beata peregrinatione in animum influere solere affirmat, vt cogeretur à Deo petere, vt aut imbecillitati suæ parceret, aut si ita decreuisset, iuberet se vitam commutare, quòd tantam vim cœlestis dulcedinis ferre nō posset. Id fortasse minus facile credent homines: sed experti sciunt, quid accipiant, & nemo scit, *Apoc. 2.* nisi qui accipit. Deinde fructus ipse Euangelij merito speratur vberior, vbi verbis facta non dissident, sed exemplo suo, mansuetudine, paupertate, benignitate, Christi prædicator vehementius pulsat animos, quam aures quibusvis vocibus. Nihil Paulus audebat loqui eorum, quæ per illum nō efficeret Christus. Admirabilis est vita Evangelica, & oculos ad se omnium animosq; ipsa nonitate conuertens; cumq; intelligunt homines non sua, sed se quæri, tunc nescio quomodo, & se & sua libenter impertiunt. Postremo quicquid molestiæ accidit, quicquid difficultatis & periculi, mors deniq; ipsa & quiuis cruciatus, si tandem designetur in Christi militem, videtur ad illius gloriam cumulandam pertinere, neq; tam in fugam vertere, quam palmam offerre, & certaminum omnium fructum pretiosissimum Triumphum Crucis. Quæ cum ita se

habeant

238 DE PROCVRANDA INDORVM
habeant, plerique eorum, qui ad munus dilatan-
di Euangelij excitantur, eam sortem foeliciorem
putant, vbi potest, vt dixi, Euangelium Euange-
licè prædicari. Atq; in eare non dubium est, quin
præclarè cum nostris magna ex parte in India
Orientali actum sit, in qua vere more Apostoli-
co licuit inter tot gentes Christum annuntiare
Indis, Persis, Arabibus, Æthiopibus, Malauari-
bus, Iapponensibus, Sinensibus, & infinitis alijs.
Quam tamen Euangelizandi rationem si in ple-
risque huius Occidentalis orbis gentibus ad
amussim tenere quis pergat, nihil aliud quam
amentiaæ extremæ damnandus sit, neq; immeri-
tò. Experientia ipsa omni exceptione superior te-
stis rem abunde monstrauit. Nam vt de alijs ta-
ceam, sola terra illa Florida semel, atq; iterum, & ter-
tiò pacificè ad se venientes prædicatores, inaudi-
tos indicta causa trucidauit, quod & Dominica-
ni probarunt, & nostri plus satis experti sunt.
Itaque institutum illud Apostolicum vbi tene-
ri commodè potest, nihil prius, neque melius.
Vbi autem non potest, vt ferè in omni bar-
barie res habet, non est prudentia, specie ius-
titia sanctioris committere, vt salutem ipse
abijcias, & alienam nihilo amplius compares.
Mihi verò attentius intuenti in hoc instituti
genus, duæ occurrere causæ solent, ob quas
Apostolica illa Regula, & forma inter has na-
tiones teneri exactè non posse videatur. Vna
est satis nota, quod hæ gentes sicut bestiarum
moribus vtuntur, ita humanitatis parum permittant,
sine

sine fœdere, sine misericordia, prout quiduis collibitum est, ita temetè agentes. In hospites, & externos nullum gentium ius obseruantes cum ne inter se quidem naturæ leges sciant. Quamobrè qui horum se rationi, & arbitrio commiserit, poterit is cum apris & crocodilis amicitiam inire. Neque vero ab istis Martyrium expectandum est, quæ fortassis spes tantum discrimen leuaret, non enim pro Fide, pro Christo, pro Religione moriendum est: sed vt vel suauiores epulas de te præbeas, quod Brasiliensibus, & toti Septentrionali oræ huius orbis vulgare est, vel spoliū præbeas barbaris elegans, vel deniq; quia visus es nūquam, & quid in te sibi liceat, experiri iuuat. Apostoli prædicabant Christum Iudæis quidem scandalum, gentibus autem stultitiam, alijs sapientiā, alijs signa quærentibus: sed vtriq; tamen ratione agebant: oderant verò illos propter nomen Christi, atq; ita beatos potius faciebat persecutio; per quam etiam miro modo Dei gratia amplius dilatatur. At barbari, excepto hoc quod homines simus, nihil cogitant, imo illud quoq; diu addubitasse non pauci comperti sunt. Altera causa in nobis est, cur Apostolica prædicatio institui omnino Apostolicè nō possit, quod miraculorū nulla facultas sit, quæ Apostoli plurima perpetrabāt: quorū splendore & potentia freti, auctoritatē dicendi apud quosuis quicquid placebat, facile vēdabant. Habebantur homines Dij similes, atque ita cætera eorum paupertas abiectio, ignobilitas, inruditio secularis, ornamento potius erant, quā

1. Cor. 2.

Act. 10. &

14. & 28.

con-

Act. 13.

contemptui & fastidio, diuinam eorum vim admirantibus, & prudenter iam inde colligentibus gentibus, quam essent homines affectibus superiores, & toti pene cœlestes. Quod de Sergio Paulo Proconsule viro prudente diuinæ literæ commendandum memoriæ putarunt. At nostri, nunc temporis, cum talium operû maiestate se se barbaris admirandos, & timendos non præbeant, nihil restat, nisi vt reliqua vitæ inopia & impotentia penitus contemnatur, neque à generoso & excelso animo sed à misera & aduersa fortuna profecta intelligatur, atque adeò cum sordidi illiberalesque isti maxima ex parte sint, omnium rerum penuria nostros consequatur necesse est. Et si enim ob cibum Euangelizare non expedit sed sine cibo tamen Euangelizari non potest. His accedit, quod perspecta nostrorum hominum auaritia & ferocia ita hæ nationes perculsæ sunt, vt sibi consulendum putent, nostris vbicumque conceditur, sine vilo discrimine interemptis. Non solum ergo signorum vis nostris temporibus deest, verum pro ijs etiam scelera vbique feruent. Quo grauissimo incommodo interclusa ferè videtur via ad primam illam penitus Apostolicam Euangelizandi rationem: vt maiores societatis nostræ sapienter edixerint, specie Euangelicæ perfectionis non esse temere arbitrio barbarorum, prædicatores Euangelij committendos. Quandiu enim porcorum, & canum scordiam, atque impudentiam agnoscimus, nobis quoque à Christo Domino præceptū existi-

Matth. 7.

existimare debemus, ne pretiosas margaritas frustra mittamus ante eos, qui & eas conculcent pedibus suis, & conuersi disrumpant nos.

*Cur miracula in conuersione gentium non fiant,
nunc, vt olim, à Christi prædicatoribus.*

CAP. IX.

MULTOS vetò inter hæc illud querere & admirari non temere solet animaduerti, quid sit, quod nostra ætate in prædicatione Euangelij, apud nouas gentes miraculorum illa vis non cernatur, quam Christus suis promissit, quæque ad confirmanda superhumana dogmata singulariter efficax est. Nã & nationes innumerabiles sunt, quarò salutẽ Deo esse charam dubitare non possumus: & hæc, siquæ vnquã alix, externis signis & operibus prodigiosis fidem commodare plusquam dici queat, facile solent. Argumento est mirabilis illa, & inaudita nostrorum hominum peregrinatio in terra Florida, vbi ex immenso naufragio quatuor illi homines tantum superstites Cabeça de vaca, Dorantes, Castillo, & quidam alius, diuinitus gratia curatum donati & opera apostolica perpetrantes, homines alioqui militares & profani, inter immanissimos barbaros per totum decennium non solum illæsi seruari sunt, verum infinitas populorum cateruas post se agentes, itinera ad id temporis inaudita confecere ab Oceano Arctico usque ad Antarcticum mare penetrantes. Qua in

Marc. i 6.

*Barbari
49. 28. pri^{us}
Paulum homicidam,
mox Deũ
dicebant,
quodd nihil
lesus esset
à vipera.*

Q pre-

peregrinatione, quemadmodum eorum fide digni commentarij habent, propter sanitatum operationes vitæq; innocentiam tantum admirationis, & gloriæ apud barbaros sunt consecuti, vt propemodum adorarentur pro dijs, & quicquid imperarent, non aliter quam de cælo profectum acciperetur. Quæ res abundè monstrauit, vt eorum etiam quidam literis prodidit, quam esset facilis, ac certa via ad conuersionem gentium harum, vitæ innocentia, præsertim signorum splendore decorata. Quid ergo? Cur putamus Excelsi dexteram se continere, neq; quod facillime potest, gratia miraculorum tot populos ad Fidem trahere? Iuuat interdum illa Prophetica oratione exclamatione ad Dominum, Misere nostri Deus omnium, & respice nos, & ostende nobis lucem miserationum tuarum, & immitte timorem tuum super gentes, quæ non exquisierunt te, vt cognoscant, quia non est Deus nisi tu, vt enarrant magnalia tua. Alleua manum tuam super gentes alienas, vt videant potentiam tuam. Sicut enim in conspectu eorum sanctificatus es in nobis, sic in conspectu nostro magnificabetis in eis: vt cognoscant te, sicut & nos cognouimus, quoniam non est Deus præter te Domine. Innoua signa, & immuta mirabilia, glorifica manum, & brachium dextrum, & reliqua. Atque hæc sanè oratio huic tempori, & negotio non aliena videtur. Verùm cur tanta signorum parcitas sit, cum videatur tam esse effusa necessitas, merito cruciat animum. Etsi enim Apostolica tempora vberiore

Spiri-

Eccles. 36.

Spiritus sancti dono ditata sunt, & spiritus primitias habuerunt; tamē nō statim cū seculo illo primo euauit potestas signorū. Ecclesiasticæ historiæ narrant tēpore Cōstātini Magni totā Iberiā prouinciā, quæ est Armeniæ proxima, Christianæ mulieris captiuæ opera, & signis, ad Christū esse cōuersam. Legimus in historijs Anglorum quot & quā magna per Augustinum, & Iustum, & Mellitum, cæterosque monachos miracula Christus ediderit, & magni Gregorij in hac causā testimonium tenemus, quod gentium saluti Deus tanta indulgeret. Cur ergo nostra tempora deserta sunt, quibus tanta orbis portio innotuit, ut cum ea Anglia vniuersa si conferatur, vix domus exigua ad ingentem urbem futura sit? Multos ergo, ut dixi, ad hunc modum secum cogitantes, pia hæc neq; indocta quæstio tenet. Mihi verò illud Augustini opportunē occurrit, qui cū commemorasset paulō antē, diuinam vocationē interdū signis externis, aliquando interno potius impulsu fieri, mox adiungit, Hæc autem vocatio, quæ siue in singulis hominibus, siue in populis, atq; in ipso genere humano per tēporū opportunitates operatur altæ & profundæ ordinationis est. Quis enim cognouit sensum Domini, aut cum quo iunxit consiliū? Populum Israël sibi charum, initio de seruitute Ægypti Pharaone toties pro-

Aug. li. 83.

q. q. 62.

Esa. 40.

Exod. 14.

Agg. 1.
 & 2.
 Zach. 1.
 3. Esd. 5.
 Hier. 16.

Zorobabel & Iesum: neque tamen minus se mirabilem prædicari vult secundo isto reditu quam primo illo ingressu in terram promissionis. Proinde Hieremias loquitur, Ecce dies veniunt, dicit Dominus, & non dicetur vltra, Vixit Dominus, qui eduxit filios Israel de terra Ægypti, sed vixit Dominus, qui eduxit filios Israel de terra Aquilonis, & de vniuersis terris ad quas eiecerat eos. Cui rei non dissimile mihi videtur, quodd Ecclesiam suam olim in ipsius Euangelij cunabulis, multorum signorum & variorum charismatum copia congregauerit, eandem modo de gentibus non minus mirabiliter mirabilium paritate colligit, diuersa tempora secundum altissimas sapientie suæ leges diuersis rationibus administrans. Attamen in re obscura, quantum sapere datur, nonnihil etiam rationis inuenire potest humana cogitatio, modo sobriè quærat, in charitate primum radicata & fundata, vt possit comprehendere. Ac mihi quidem aliquoties ista animo repetenti tam perspicuæ diuersitatis in potestate signorum, illa occurrere causa solet, quod præcis temporibus omnino necessaria fuerint, nostris nõ item. Etenim fides mysteriorum sublimium omnem humanam rationem superantium astruenda tunc erat apud homines maxime ratione sua cuncta metientes, & ad solitos calculos reuocantes, Græcos inquam atque Romanos ceterosque illa maxime ætate sapientia huius sæculi florentes. His quomodo per homines paucos, ignobiles, imperitos persuaderi posset, doctrina

Strina omnibus humani ingenij viribus validissime obfistens, quam proinde stultitiam Dei apostolus vocat, nisi diuina quædam, atque ineluctabilis euicisset autoritas, contestante Deo signis, & prodigijs, & varijs charismatibus? Quod etiam Paulus apostolus sæpe commendat. Sermo meus, inquit, & prædicatio mea non in persuasibilibus humanæ sapientiæ verbis, sed in ostensione spiritus & virtutis, ut fides vestra non sit in sapientia hominum, sed in virtute Dei, & alio in loco, Qui prædestinatus est filius Dei in virtute secundum spiritum sanctificationis ex resurrectione mortuorum Iesu Christi Domini nostri, per quem accepimus gratiam & apostolatam ad obediendum fidei in omnibus gentibus. Ita religio Christiana, ubi humana præsidia prorsus aberant, diuinus est fundata miraculis. At nostrorum temporum longe alia ratio est. Nam & ij, quibus fides annuntiatur, omnibus rebus inferiores sunt, ratione, cultu, autoritate: & ij, qui annuntiant antiquitate religionis suæ, multitudine suorum, ingenio, elegantia, cæterisque copijs ad persuadendum superiores sunt, & abundant. Neque barbarorum ingenia ea sunt, quæ fidei difficultatibus terreantur, cum à maioribus suis obseruent ipsi longe incredibilia. Ac reuera si Christus annuntietur, ut opus est, obsequentes & ad credendum faciles sese exhibent. Denique quid magnorum signorum confirmatione opus est, ubi potius desideratur acutior intelligentia, quæ altitudinem doctrinæ nostræ aliqua curiositate

1. Cor. 1.

Heb. 2.

1. Cor. 2.

Rom. 1.

disquireret? Vnum illud his gentibus huic nouo
 orbi potentissimum, & ad Fidem efficacissimum
 ac pene singulare miraculum necessarium est,
 mores cum Fide congruentes. Hoc & ab ðde suf-
 ficit, & omnibus concessum est, modo velint. In
 hoc argumento explicando de signorum rarita-
 te, mirifice versatur S. Ioannes Chrysostomus in
 epistola priori ad Corinthios tractans illa verba
 Apostoli, vt Fides vestra non sit in sapientia ho-
 minũ, sed in virtute Dei. Ac primũ quidem mon-
 strat signa Euangelicæ prædicationis initio patra-
 ta Fidẽ non illi solum sæculo, sed & futuris pepe-
 risse. Si enim illa tunc peracta credũtur, certũ est,
 doctrinã, cui cõfirmãdæ adhibebantur, diuinitus,
 esse profectã & inspiratã, sin aut historię, ac ve-
 ritati signorũ minus gẽtilis credat, at longẽ omni-
 bus signis maius est, homines paucos, ignobiles, il-
 literatos, omnib⁹ mortalib⁹ exosos toti orbi per-
 suasisse Religionẽ adeo intellectu arduã, & omni-
 bus affectibus oppositam, qua neque ratione fir-
 matent, neq; potentia defenderent, neq; visibili
 aliquo præmio persuaderent. Non ergo Fides iã
 satis fundata miraculis, nouis indiget confirmari,
 quin potius vtilius esse asserit signis nunc carere,
 quoniam maioris meriti sit. Postremo id, quod de
 vitæ integritate ad fidem conciliandã Euangelio
 admõnui, adeo confirmat, vt dicat, Quid et si in
 præsentia signa viderentur, quis tamen persuade-
 ret? quis externorum aures nobis accommodaret,
 cum tantopere increbrescat malicia? Etenim pro-
 bata Christianorum vita maiorem apud multos
 autori-

1. Cor. 2.

Chryf. ho.
 6. in. 1. ad
 Corint.

auctoritatem sibi vendicabit, quàm signa. Si qui-
 dem hæc apud impudentes, & malos homines ma-
 lam concitant opinionem. Vita autem pura, etiã
 ipsam Diaboli os maiorem in modum obstruere
 poterit. Hæc ille. Quibus ego addiderim inter
 Apostolica signa ad subiugandum orbem in ob-
 sequium Christi hoc maximum extitisse. Signa,
 inquit Paulus, Apostolatus nostri facta sunt su- 2. Cor. 12.
 per vobis in omni patientia, in signis, & prodigijs,
 & virtutibus. Vide obsecro te quid loquatur, ubi
 inter signa Apostolatus primum locum tribuit
 Patientiæ, secundum miraculis, & prodigijs. Atq;
 ad Thessalonicenses, Ipsi scitis fratres introitum 1. Thess. 2.
 nostrum ad vos, quia non inanis fuit, sed ante
 passi, & contumelijs affecti, & cætera, ubi qualis
 fuerit vita, qui mores, quam ab auaritia, ab adula-
 tione, à fastu omnino remoti, id verò pro certo, &
 insuperabili veritatis annuntiatae testimonio
 profert. Sit vita pura, & innocens, in Christi
 prædicatore; & hæc signorum omnium vim ob-
 tinebit.

*Quod etiam exiguo merito Predicatorum, signorum
 parcitas aliqua ex parte attribuenda sit.*

CAP. X.

QUOD si quis præter allatam rationem, am-
 plius adhuc requirat, accipiat etiam alterã.
 Miracula quidem etiam per homines à charitate
 Dei alienos effici posse, notior res est, quã vt lōga

Q 4 proba-

1. *Cor.* 13. probatione indigeat Habes Paulum dicentem, si habuero omnem fidem, ita vt montes tēferā, charitatem autem non habuero, nihil sum. Habes ipsum Dominum perspicuē docentem, *Mat.* 7. ti dicent mihi in illa die, Nonne in nomine tuo prophetauimus, & virtutes multas fecimus? quibus ipse respondebit, Amen dico vobis, nescio vos: Dilcedite à me operarij iniquitatis. Quo in loco Basilius Magnus, & autor de Ecclesiasticis dogmatibus serio monent vitæ potius fidēdum esse quàm signis, quod his interdum etiam peccatores abundant. Nam & ille in Euangelio dæmones expellebat, qui Christum non sequebatur. Hæc quanquam ita se habent, tamen non dubium est, quin frequentissimum sit, & veluti lege fixum, vt quo quis fide & sanctitate magis emouerit, eo aptius instrumentum sit, per quod Spiritus sanctus tam præclara opera perpetret. Vix enim inter multos vnus occurret, qui vera signorum gloria claruetit, qui non idem egregia fide opus Domini operatus sit. Cum enim apostoli etiam semicincti ac sudaria magna in oppressis peragerent, scænx cuiusdam filij viribus maiora conantes, etiam si Christum inuocarent, & Paulum commemorarent, tamen iuste audierunt sibi à malignis spiritibus responderi, Iesum nouimus, & Paulum scimus: vos verò qui estis? Quo facto nos admonitos scriptura voluit, etiam si Christi nomen ad profligandos hostes ex corporibus humanis satis potens esset, sed tamen maiorum meritis impediri sæpe rem tantam. Quid ergo

ergo mirum, si rara illa, & admiranda testimonia
 auferantur, si signa nostra, ut est in Psalmo, non
 videamus, neque sit propheta in terra, ubi Fides
 exigua est, ubi charitas refrigescit, rarusque om-
 nino est, qui parem animi cum corpore curam
 gerat, & celebretur ille pro sancto, qui paulo stu-
 diosius puerciles carnis illecebras, & sæculi vani-
 tates ab se abdicarit? Equidem non dubito si illa
 priorum prisca fides, si pietas, spiritusque feruor
 ille rediret, quin prisca etiam opera spectaturi es-
 semus. Conuertamus oculos in nostri sæculi ho-
 minem B. Magistrum Franciscum, virum Aposto-
 licæ vitæ, cuius tot, & tam magna signa referun-
 tur per plurimos, eosque idoneos testes, ut vix de
 alio exceptis Apostolis plura, aut maiora legan-
 tur. Quid M. Gaspar, alijque socij non pauci in
 India Orientali, quantam diuinæ magnificentie
 laudem nouis conuertendis populis operibus ad-
 mirabilibus pepererunt? Quod in alijs sacrorum
 Ordinum viris perspectum etiam est, & in nostra
 quoque Occidentali India non omnino inusita-
 tum. Verè humilibus dat gratiam Deus. Atq; ut
 eos canales infundendo liquori sapiens artifex
 eligit, qui neque comminuti, neque vitiiati ali-
 qua ex parte sint, ne humorem infusum, vel non
 transmittant quò oportet, vel propria affectione
 corrumpant: ita profecto Spiritus sanctus ad suâ
 potentiam, & gloriam declarandam, eius purita-
 tis viros, atque humilitatis assumit, qui nihil sibi
 fumentes, totum Deo cuius est omne donum per-
 fectum, & salutem proximorum sincere refundat.

Psal. 73.

31. 17

Iac. 4.
1. Pet. 5.

Lac. 16.

Quod quia magnum, & ratum est, ita scilicet, Deo esse fidelem, vt neq; in magno, neq; in paruo Dei gloriam sibi quis suffuretur, ideo tamen sunt talia dona. Si enim in iniquo mammona infideles estis, ait veritas, quod vestrū est, quis credet vobis? Hoc profundè significās, quod qui etiam de puerilibus, & sæcularibus superbimus, de opibus, de genere, de elegantia, quod vocat iniquum mammona, & alienum, quia verè, neq; nostrum est, neq; iusto dignum, quomodo non magis intumescemus, si spiritus dona illa magna, & præclara nostræ fidei committantur? Atq; has ego duas præcipuas esse causas reputare soleo in raritate signorum: & alteram diuinæ esse iustitiæ, alteram sapientiæ, quibus suprema illa, & inexhausta potentia quoddammodo cohibetur, atq; libratur, ne se secundum diuitias suas effundat. In omnibus verò bonitatem superexcedentem considerare licet, quæ etiam hoc ipsum quod minus præstare, atque indulgere videtur, ad hominum certam salutem accomodat, atq; conuertit. Ipsi gloria in sæcula, Amen.

De Predicatione inter eos qui Fidem iam receperunt.

CAP. XI.

IGitur motū illū Apostolicū Euangelizandi vbi nominatus Christus non est, vt omniū beatissimum, vbiq; licet, retinendū esse, vbi id vero minus conceditur propter malitiā, vel regionum, vel hominum, saltem suspirandū, & quoad eius fieri potest, imitandum, satis, vt reor, monstratum

tum est. Sequitur ut de eo prædicandi genere differamus, in quo auditores iam utcumque Christianos offendimus, & legibus nostris subiectos: Id quod est modo vſitatus, propterea quod non tam nouis regionibus inuestigandis, quam olim repertis excolendis, magis inuigilare hominum studia cœpere. Quæ in re duo præcipienda videntur. Vnum, ut Principum ciuili iurisdictioni minimè resistatur. Alterum ut in Ecclesiastica cura religioſe, & magno animo perſeueretur. Nihil perinde instructioni, & ſaluti Indorum nocere compertum eſt, atq; peruerſam quãdam, & malignam poteſtatum temporalis, & ſpiritalis concertationem, aut imminutionem, aut quoquomodo offenſionem. Atq; ut de cæteris modo magiſtratibus ſæcularibus taceamus, certè graniter errât quidam ſpecie fortalſe pietatis, ius regiũ, & adminiſtrationem vocantes in dubium, quærentes interdum, quo titulo, & iure Hiſpani dominentur Indi? Num hæreditatio iure ad nos deuoluti ſint, an bello iuſto ſubiecti? Quæ ſanè diſputatio eò pertinet, ut adminiſtrationis Indicæ, vel tollatur, vel certè debilitetur autoritas, quo ſemel ſi gradus fiat, quãta ſit futura pernicies, quæ perturbationerũ omniũ cõſequatur, dici vix poteſt. Neq; verò id ego modò ſuſcipiã, ut bella, bellorũq; geſtorum rationes defendam, atque omnes illos ſuperiorum temporum turbines. Illud religioſe & vtiliter moneo non oportere in hac cauſa amplius diſceptare, ſed veluti præſcriptum iam ſit, optima fide agere debere Chriſti ſeruum.

Neque

Neque alia subtilior petenda est causæ euictio, quam quodd, vt demus quam maximè peccatum esse in vsurpatione dominatus Indici, tamen neq; restitui iam potest (cui enim, aut quibus modis?) neque si maximè posset, Fidei Christianæ semel susceptæ euidēs iniuria, & periculum, id illo modo pateretur. Nam etsi infideles ad Fidem profitendam cogi violenter ab alienis præsertim principibus, disciplina Christiana grauissimè detestatur, & prohibet: eadem tamē ipsa religionem semel, siue iure, siue iniuria susceptam, nullo modo deferendam esse, & desertores coercendos esse seuerè decernit. Quæ de re extant Patrum antiqua decreta in Concilio Toletano, Oportet, inquit, vt Fidem etiam, quam vi, vel necessitate suscepunt, tenere cogantur, ne nomen Domini blasphemetur, & Fides, quam suscepunt, contemptibilis habeatur. Plus enim habet iuris, vt Augustinus censet, quod in eis Dominicus character agnoscitur. Adde, quod subditorum non est ista examinare, sed honorem potius omnem deferre principibus. Certè Cæsarum dominatus in orbem inuectus, si quis exactius discutiat, maxima ex parte tyrannicus fuit, neq; tamen Paulus, & Petrus eorum potentia resistendum docuerunt, quin potius honorē, obediētiam ac tributa reddenda diligenter præcipiunt, idque non solum propter iram, sed etiam propter conscientiam. Ac licet alijs gentibus iure aliquo imperarent Romani, at in Iudæos iniuriosè profectò irruerant: tamen Christus Dominus, neque censum,

neque

Conc. Tol.

46. 55. d.

45. De In-

da.

Epif. 50. ad

Bonifa.

Rom. 13.

Tit. 3.

1. Pet. 2.

Matt. 22.

neque tributa reprehendit, sed soluit ipse quoq; *Matt. 17.*
libertate sua non utens, cum esset filius summi
Regis. Et cum multa in Herode Ioannes Bapti- *Luc. 3.*
sta acriter obiurgaret, potentiam tamen nunquā
increpuit, imo verò milites stipendia Romanæ,
qualis est in Actis Apostolorum, ille Centurio, *Act. 10.*
rectè mereris auxit. Deniq; & magnarum opum
& Regnorum maximè iura, cum sæpe per iniu-
riam introducta sint, tamen videmus in sacris li-
teris principibus sua imperia constare, & subdi-
tos obedientiam doceri. Igitur siue iniuria vsur-
patus sit dominatus Indicus, siue quod magis
existimandum, & prædicandum est, quantum at-
tinet ad Regum administrationem, iure & ordi-
ne, nequaquam expedit Indorum administratio-
nem, quæ illis utilisima est ad salutem æternam,
Christianis principibus derogare. Hoc sibi cum
persuaserit Euangelicus operarius, poterit sine
vlla offensione, & scrupulo in hanc latissimam
segetem falcem mittere: & tam de salute Indo-
rum, quàm illos administrantium in Christo co-
gitare, atq; operam suam omnem impendere fi-
dehæter, ingressurus sine dubio vastissimam quā-
dam sylvam, multis quidem asperitatibus horri-
bilem, sed tamen fertilitati Euangelicæ commo-
dissimam, modo zelus Dei vigeat, & toletantia
non desit cum fiducia coniuncta. Et quoniam,
quod ad caput alterum attinet de Ecclesiastica;
& religiosa disciplina conservanda tam in nostra
tes, quàm in ipsos Indos, ubi iam fides Christi
suscepta est, prolixiorē orationem desiderat;

354 DE PROCVRANDA INDORVM
tractādares est vberius cōsequentibus libris. Mo-
do illud maneat, vt in militari disciplina res ha-
bet, non rectè prouinciā aliquā expugnari, &
in ditionem redigi, nisi deducta colonia, & præsi-
dio imposito, gradus figatur, ita profectò in ho-
rū infidelium conuersione, nihil sperandum esse
lucri, nisi obfirmato animo, ijs corripiendis, in-
struendis, atq; ad perfectū vsq; promouendis cō-
silia, curæ, conatusq; omnes admoueantur. Neq;
enim repente quicquam legitima incrementa
suscipit.

*De expeditionibus necessarijs ad predicandum barbaris
Euangelium. CAP. XII.*

Quoniam constat antiquo, & Apostolico mo-
re non posse plerosque infideles obiri, &
debellari barbaros prius, vt mox domiti religio-
nem Christianā recipiant, multis, & magnistra-
tionibus peruersum esse monstrauimus, non exi-
guæ occurrere videntur angustia, quoniam mo-
do, & via verbū Dei ad nouas nationes perueni-
re queat. Sed quia omnibus gentibus prædicari
Euangelium oportet secundum Saluatoris præ-
ceptum, & prædictionem, & nulla est hominum
portio, quam incurabilem reliquerit summus cō-
ditor, colligitur, nouo aliquo Euangelizandi ge-
nere vtendum esse, nouo quoq; hominū generi
accommodato. Vt enim barbari, veluti mixta hu-
mana & ferina natura constant, vt moribus non
tam homines, quam hominum monstravideantur,
sic

hec quæ cum illis instituenda est consuetudo, partim humana & liberalis, partim subhorrida, & ferox sit, necesse est, vsq; dum nativa illa sua feritate deposita, paulatim mansuescere incipiât, & ad disciplinam humanitatemq; traduci. Non igitur negligenda est accuratior de expeditionibus tractatio, quibus, vel incognitæ nationes explorantur, vel iam exploratæ adveniunt, idque sæpius nauigatione proluxa, interdum terrestri itinere. Quo in utroq; genere in hoc Occidentali orbe, atq; Oceano Antarctico nouæ quotidie gentes, & huc vsq; inauditæ occurrūt, quarum salus nullo modo contemni potest. Simul ergo proficisci oportet viros militares, necessaria humanæ vitæ præsidia in tam longa, tamq; periculosa peregrinatione ferentes, simul vitæ æternæ præcones, castris Christi militantes, vt diabolica tyrânide captas animas Deo expugnent. Id ita coniuncto officio oportere fieri, non solū ratio docuit, verum ipsa iam longo vsu comparata experientia. Quare si qua spes est salutis barbarorū, in his certè expeditionibus posita est. De quibus primū quod ad militiæ leges spectat secūdū omniū supremam Dei legē, dicendū erit: deinde quod ad prædicationē cōuersionēq; gētīū pertinere arbitrabitur. Prius enim quod animale est, deinde quod spirituale. Tria igitur quæri posse videtur, Primū quo iure, quauē ratione nouæ expeditiones in barbarorū terras suscipiātur: tū quid in ijs fas sit agere nostris: postremo quib⁹ iniurijs lacessiti Christiani possint sibi barbaros subijcere, vel bello vel vi.

Quo

REgna igitur barbarorum quo iure Christiani adierint, adireve possint, si quis ex me quærat, facile responsurus sum, non alio opus esse quam ipsa communi naturæ, quod homines sint. Peregrinari cuius quocumque fas est: nefas verò hospitem pacatum, neque lædentem, neque suspectum communi solo excludere. Quamobrem leges illæ Chinesium, quæ capitis supplicium in hospites iniussu Regis venientes statuunt, iniuxæ profectò sunt, & ab omni humanitate alienæ. Nam ut nihil aliud, certè innatus amor nona discendi, atque experiendi, ius cuique facit, ut remotissima quæque, si libeat, oculis, atque animo lustret, quod ad rerum humanarum, atque etiam physicarum prudentiam non parum conferre cœ-

Homerus

initio Odissæ, ut ver- tit Horatius.

luit Poeta, qui sagacissimi viri laudes exordiens, *Quis mores hominum, inquit, multorum vidit, & vrbes.* Itaque hostibus tanquam pœna dignis aditum ad nos præcludimus, cæteris non item, nisi meritò in suspicionem veniant. Iam verò mercaturæ artis hoc proprium est, ut quæ apud suos abundant, deferant ad externos, & quibus vicissim illi circumfluunt, reportent suis. Ita enim cõmunis nostri generis autor mortales omnes inter se sociandos, & quadam communione in officio retinendos existimavit, si sibi essent vicissim opportuni, & commodi. Atque ut in hominum ingenijs alios alia curare cernimus, ut hæc calceos

paret,

paret, ille contra domum ædificet, ita ipsas orbis terrarum regiones suo quoque quodam fœdere coniunxit, dum rerum aliarum alijs atque alijs feceracitatem attribuit, nec fœlicitatis humanæ esse censuit, quod ille cecinit,

Omnis feret omnia tellus.

Vergil.

Auri atque argenti haud scio an ditior vlla regio possit concurrere hoc ipso Piru, aliarum pene omnium rerum olim summopere indigente. Alibi metalla, alibi gemmæ abundant, alibi ligna, piper, herbæ medicinales, lana, serica, artificia, & id genus sexcenta. Qui ergo commoditates suas, nauigantes aut peregrinantes apud exteros quaerunt, illis vicissim vtilis futuri, operæ pretium facere quis non videat? At in istis, dicit aliquis, cupiditas potius regnat, & immoderata rapacitas, sicut & in illis alijs perniciofa sepe curiositas aut ostentatio potius, quam vtile aliquid discendi cõmunicandiue studium. Neque humanitatis est officium, sed auaritia sitis, qua feruntur. Quis hoc neget? At modo non quid vitiositas hominum habeat, sed quid ipsa communis vtilitas cõcedat, expendimus. Licet ergo, licet sine vlla dubitatione barbarorum fines penetrare, idque si renuant nulla vel accepta vel merito expectata iniuria, iniqui sunt. Verum his sepositis rationibus, quas habet ipsa natura communes, est omnino singularis quædam causa Christianis, & ab ipso omniam conditore ius conditum, vt quæ à Deo didicerunt, doceant ipsi ceteros mortales, quorum salutem optare & quærere debent. Qui

R ergo

Marc. 16. ergo dixit, Ite in mundum vniuersum, & prædicate Euangelium omni creaturæ, is certè aditum liberum quocumq; terrarum aperuit, quem qui nobis præcludere velint, & summi Dei præcones ac legatos inauditos à se relegant, non solum contra salutem suam facere putandi sunt, verum etià insignem Christianæ Reip. contumeliam irrogare. Quod si barbari prædicatione Euangelica cōmonendi excitandiq; sunt, neq; id fieri vnius, & alterius sacerdotis peregrinatione permittit, vel ipsorum ingenium ferox, vel regionum immensa distantia, necessario præsidio destituta, perspicuū est complurium hominum cœtu, & rerum opportunarum apparatu opus esse: quæ sanè duo in Expeditionis ratione continentur. Nouas ergo siue Expeditiones, siue profectiones, siue alio melius vocabulo appelles, ad Indorū terras, conuictumque explorandum, esse æquitatis, & officij plenas, si genus ipsum per se spectetur, satis ex his persuasum puto. Aristoteles quidem in Politicis suis, *Aristot. 5.* Peregrinis non admodum fauere videtur. *1. 6. 3.* Seditiones, inquit, concitat peregrinitas, donec in eādem simul conspirationem deuenierit. Quapropter quicumq; adhuc inquilinos susceperunt, vel aduenas, omnes ferè seditionibus iactati sunt, cuius documenti exempla plurima accumulât. Ceterum & si rectè ac perfectè institutis ciuitatibus peregrinorum turba meritò suspecta esse debeat, ac proinde purgatio aliqua iusta sit, tamen barbarorum alia longè ratio est, qui vel ob hoc ipsum externis indigent, vt eorum Respub. rectè consti-

constituatur, imò verò vt possint eo nomine dignam habere Remp. quippe cum ferarum magis ritu vitam agant, quos ad societatem legesque naturæ accommodatas attrahere, & reluctantes quoddammodo compellere, seclusa tamen servitute, & eadē, potius officio assignandum est. Quod vsq; adeo certum habuit Philosophus, vt barbaros homines parere nolentes, bello etiam domare, iustum natura decernat, quod nos ita temperamus, vt capi quidem, aut cædi, aut profligari barbaros nequaquam sinamus, propterea quod naturalem servitutem nullam agnoscimus, sed tamen melioribus, & sapientioribus pro sua salute docendos ac regendos, non illeberaliter committamus.

*Aristot. 1.
Pol. 6. 5.*

Quid in terris barbarorum, Christianis liceat.

CAP. XIII.

VNDE fit consequens ea omnia, quæ huic fini honestè præscripto necessaria sunt, ipsa lege naturæ, & Christi, nostris apud illos licere, imò verò etiam expedire, modò id quod ubique quidem, sed in hac maximè causa seruandum est, modus adhibeatur, Vt ne quid nimis. Quoniam ergo natura barbarorum est maximè inconstans, atque infida, opus est, vt qui apud illos versantur, securitati suæ consulant, & neque nocere cupiant, neque tamen se frustra lædī permittant. Quare quæ

defensionis sunt propria & tutela, ea nemo cū-
pare debet, si Christiani satagant. In quo genere
sunt portus navalibus stationibus occupati, ar-
ces erectæ, ac munitæ, præsidia militaria cætera,
quo confugere violati queant, & barbaros quā-
tum satis erit, terrore ipso, in officio continere.
Hoc à Lusitanis factitatum in plerisque Orien-
tis maritimis vrbibus, non sine egregia ipsorum
gloria, & magna Christianæ Reip. commodita-
te, nemo est, qui non laudet. Quod si morosior
quisquam id interpretatur iniuriam, propterea
quod in suo regno munitiones, & præsidia extrui
ab externis, quibus nostrorum principum graui-
ter indignaretur, & quantis posset viribus ob-
sisteret, intelligatis oportet, barbarorum ingeniū
eiusmodi esse, vt nullam patiatur iniuriā, si con-
tra ipsorum iniurias se quisquam munit, quod
in nostris humanè & pro dignitate se se gerenti-
bus secus habet: qui enim inter suos non nisi ar-
matus incederet, iniurius esset, idem si inter ex-
ternos, & merito suspectos armatur, cautus &
prouidus potius dicetur. Adde quod ipsorum
barbarorum interest, vt nostri cum illis consue-
tudinem habeant, quam fieri possit, tutissimam,
& diuturnam, vt religionis veræ, ac salutis suæ,
documenta percipiant. Atque hæc quidem mi-
litaris apparatus, & disciplinæ causa est, quam di-
xi iam quod ad commutationes rerum pertinet,
& mercimonia, nihil est quod hoc loco pecu-
liariter percipiendum sit, præterquam vt pretia
rerum iudicio boni viri atque prudentis consti-
tuantur.

tuantur. Quam in re non mediocrē habet quæstionem, vtrum quanti barbari merces nostras æstiment, tanti transigi possint. Nam bracteolas, & calculos, & gladiolos, & sistrā, & vitrea, & id genus nugas ac scrupea, tanto in pretio apud istos haberi compertum est, vt auri, aut argenti non paruam vim, interdum eximios etiā smaragdos cum his commutare perlibenter ament. Verum ista discutere enucleate, non huius negotij est. Illud exploratum teneamus, omne genus mercimonij cum istis exercere licere, pretium vero neque lege, neque certa ratione constare, sed iudicio sapientis, qui perspiciat quantum abundet ijs, quæ ipsi reddant, & quanti faciant, vel ad vitæ præsidia, vel ad ornatum quendam ipsis charum ea, quæ accipiant à nostris, & quanta horum copia inopiauē sit: vt omnibus probe perspectis atque libratis quæ rerum æstimatio iusta censenda sit, statuere possit. De agris vero colendis, & fructibus faciendis, dūmodo fundi ijs necessarij aut culti nō occupentur, non dubium est quin beneficij etiam loco ponendum sit, si desertos & infæcundos agros nostri exerceant, & sementem faciant, atque Europæ frugibus assuefaciant. Idem in gregibus alendis iudicium est, vbi pascua vberissima nullis vlibus vacant, quod plerique barbarorum armenti, ac pecoris negligentes sint, venationibus delectentur. Denique quicquid vtilitatis nostris ex illorum solo accedere potest, sine vllō eorum detrimento, imo cū non exiguo emolumento, id iure naturæ concessum

262 DE PROVVRANDA INDORVM
cessum esse dubitare non possumus. Quamob-
rem quod ad auri & argenti fodinas exercendas
spectat, quod præcipuè nostrates curant, pro con-
cesso reputandum est, quicquid barbari pro ne-
glecto habent. Ita metalla fodienda suscipere, aut
auri grana ex fluuiorum obicibus cogere, aut
argenti fundendi industriam sequi, aut gemmas
ex fundo expiscari, aut pretiosos vniones eruere,
aut quicquid denique rarum est, & indigenis,
vel ignotum, vel despectum, non est contra æqui-
tatem, si harum rerum studiosi sua diligentia &
industria persequantur. Sed obseruandum ta-
men, vt neque iam ab incolis occupata, & ha-
bita in pretio, iniuriose dolo, aut vi præripiantur,
neque ipsimet nostris ad nostras non ipsorum
commoditates seruire cogantur: quod vtrumque
periculi plenum est.

Quando liceat barbaris infidelibus bellum inferre.

C A P. X V.

Quod si barbari, vt sæpe solèt, nullis iniurijs
læsi, sed humanè ac beneficè affecti, no-
stros lædere pergant, aut fide violata cædem me-
ditentur, præsidia aggrediantur euertere, agros
populentur, fruges corrumpant, naues iniecto
igne cremare studeant, dolo alimenta surripiant,
aut denegent, cæterasque iniurias adorianur, nõ
solum nostris se defendere, ac tueri licebit, ve-
rum etiam damna illata reparare, & acceptam
coptum eliam vlcisci, ac si res exigat, serio agere,
& bello

& bello prosequi rem, Nam belli eam iustam definimus causam, vbi iniuria læcessitus princeps arma induit. Verum illud summopere aduertendum, non eodem modo barbarorum iniurias ac cæterorum hominum persequi oportere. Cum enim sint imbecilli, ac puerili ingenio Indi, magis puerorum ac ferinarum, vel potius pecudum more tractandi sunt, vt non tam eos serio vlciſci velis, quam necessario castigare, & tertere, neque tam gladius in istos acuendus est, quam intentandum flagellum, vt vel ita mulctati discant timere & parere. Non enim ad illa sæua statim veniendum est, ad ædes incendio cōflagrantes, viros ferro trucidandos, seruitutem perpetuam, & reliquas bellorum calamitates. Sed quatenus progrediendum sit, & vbi sistendum, Ducis Christiani charitas cum salutarī prudentia coniuncta, & melius dictabit, & plenius, modò meminerit se Christi religionem profiteri, & verbo & exemplo debere, vt non tam suas curet, vel incommoditates, vel iniurias, quam vt preciosa animarum lucra Domino acquirat.

De officio prædicatoris Euangelici erga socios itineris.

CAP. XVI.

HIS ita explicatis, iam quod sit Euangelici prædicatoris officium in nouarum uocatione gentium, iotuendum est. Atq; illud in primis præcipiendū, ne quoniā nouo modo & inmutata

*Eccle. 3.**Phil. 4.**Mat. 10.**2. Tim. 4.**Tit. 3.**Act. 27.**Act. 28.*

ratione Christum barbaris annunciaturus sit, septus militari præsidio & multiplici apparatu, idcirco se Apostolico officio minus fungi arbitretur, animumque demittat, quasi Euangelium non euangelicè annuntiet. Oportet Dei seruum diuinæ per omnia voluntati promptissime subdi, ac se æterna illius sapientia regi, generose permittere. Non omnium eadem tempora, sed cuncta fecit Deus bona in tempore suo. Nouo generi hominum, nouam Euangelizandi rationem non ingratiè suscipiet, quisquis non suam, sed Dei gloriam meditatatur: Sæpe aurea illa & depicta ante oculos antiquitatis laus, si ad nos referatur, nihil aliud, quam vmbra quandam & factum & nominis appetentiam immoderatam sapit. Etenim quid magis Apostolicum quam ubique, & in omnibus institutum esse, vt sciat Dei seruus, in quibus est, sufficiens esse, & abundare & penuriam pati. Aliquando Christi discipuli sine sacco, sine duplici tunica Euangelizant, aliquando vero etiam penulam postulant, & sollicite præmitti iubentur, vt nequid illis desit. Quod si militum & sæcularium profana turba mouet Christi seruum, meminerit Paulum apud Iulium nauigantem cum cohorte Italica eaque superstitionis Gentiliz, eundem doctore Gentium recolat Romam caput mundi primum ad se ingredientem spectasse vinctum, & militari custodia circumdatum. Quis vero ita crederet? Maximi prædicatoris in maximam urbem ingressum quam alienum, quam incommodum putes,

putes, si humanas rationes consulas? at si diuinas,
Quæ circa me sunt, inquit, magis ad profectum
venerunt Euangelij. Verbum enim Dei non est
ligatum. Quamobrem gloriose prorsus nos hor-
tatur strenuus militiæ cœlestis dux, Vt in om-
nibus exhibeamus nos sicut Dei ministros, non
solum in vigilijs, in ieiunijs, in castitate, in scien-
tia, in longanimitate, in suauitate, in Spiritu san-
cto, in charitate non ficta, in verbo veritatis, quæ
postea commemorat, verum etiam in ijs, quæ
prius admonenda putauit, in multa patientia, in
tribulationibus, in necessitatibus, in angustijs, in
plagis, in carceribus, in seditionibus, in labori-
bus. Deniq; In virtute Dei, per arma iustitiæ à
dextris, & à sinistris, per gloriam, & ignobilita-
tem, per infamiam, & bonam famam, vt seducto-
res, & veraces, sicut ignoti & cogniti, quasi mor-
tientes, & ecce viuimus, vt castigati, & non mor-
tificati, quasi tristes, semper autem gaudentes, si-
cut egentes, multos autem locupletantes, tanquā
nihil habentes, & omnia possidentes. His cœle-
stis tubæ vocibus generose animatus Christi
miles, cum ad rem induxerit animum, & se totū
diuino arbitrio permiserit, iam quid sibi præstan-
dum sit erga cæteros, ammaduertat oportet. At-
que hic aduersus socios itineris, vel maritimi, vel
terrestris, partes suas diligenter intelligat, vt eos
quantum fieri possit, in disciplina Christiana cō-
seruet, primum beneuolentia in omnes, omnibus
omnia factus, vt omnes Christo lucrifaciat, affa-
bilis, suauis, sermonem habens semper in gratia

*Phil. 1.**2. Tim. 2.**2. Cor. 6.**1. Cor. 9.**Col. 4.*

- Ephes. 5.* sale conditum, vt sciat quomodo vnicuique eum
Rom. 15. oporteat respondere, ac nihilominus tempus redimat, vt sibi interdum vacet & Deo. Infirmi-
Gal. 6. tes aliorum portare, & non sibi placere, & præ-
occupatum in aliquo delicto si spiritalis est, in
Col. 1. spiritu lenitatis instruere, omnem hominem iux-
ta Apostolum, corripere, & docere, & conari, vt
exhibeat perfectum in Christo Iesu. Hoc vt effi-
Hier. 23. ciat, frequenter Verbum Dei proponet in spiri-
tu, & virtute conterens petras. Neque valde lo-
cis aut temporibus impeditur, sciens Paulum in
Act. 21. litore orasse, & prædicasse in plateis, in tentorijs,
in nauigio, omnem locum Dei verbo non in-
commodum iudicabit. Ad pœnitentiam maxi-
mè hortabitur omnes, confessiones indefessè ex-
cipiet, & scelerum, neq; multitudine, neq; mag-
nitudine pettertebitur, sciens Christi sanguinem
1. IOAN. 2. propitiationem esse pro peccatis totius mundi.
In summa duo magnopere providere debet, vnũ,
vt saluti suorum consulat verbo, & re, quantum
licebit: alterum idq; præcipuè, vt infidelium ac
neophytorum illis curam serio ac sæpe commen-
det: ne nostrorum, vel iniurijs læsi, vel malefa-
ctis offensi Christianæ religionis nomen blas-
phement. Quid illis fas sit, quid nefas, tum quid
deceat, & expediat, secundum ea, quæ supra sunt
disputata, docebit, atq; eos quamuis in militari
classe, tamen Apostolorum quodammodo offi-
cio satisfacere debere admonebit. Deniq; sata-
get Christi seruus omnibus modis, vt Christiani
Christo, si non militent, vt par est, ne saltem bellũ

implacabile indicant, facti laqueus (vt scriptum *Osee. 5.*
est) speculationi, & rete expansum in Thabor.

*Qualem se prestare debeat Christi serutus in conuersio-
ne infidelium. CAT. XVII.*

Cum nostris cura erit, quam diximus. Cum infi-
delibus vero ad Christum conuertedis, cuius
rei causa omnis iste labor susceptus est, omnes cha-
ritatis vires exeret operarius Domini, memor se
opus Domini operari, repetens vero animo & al-
tius expendens, Neminē venīre ad Christum nisi
quē Pater traxerit, Fidemq; Dei donū esse, & cor *Ioan. 6.*
da hominū in manu Domini, vt quō voluerit ver- *Ephes. 2.*
tat, Voluntatemq; à Domino præparari, & multa *Prou. 21.*
talia quibus Spiritus sanctus certissimos nos esse
voluit, nullius esse industriæ, nullius diligentia
nostræ vocationem gentium ad Euangelium, sed
solius miserentis, & præuenientis Dei; ad oratio-
nes, & preces assiduas, atq; seruientes totum se cō-
ferat, spem omnem in cœlesti gratia collocans, &
diuinæ misericordiæ fores diutissimē pulsans. Et
quamuis in omni negotio orationis præsidio fi-
dendum sit, atq; in hac vna re nihil oratione magis
necessarium; nihil omnino pōtentius: hæc vna
impetrat gratiam, cui acceptam oportet refer-
re Fidem. Apostoli quidem cum cætera bene-
ficentiæ officia ab se ablegassent; Nos, in *Act. 6.*
quint, Orationi, & ministerio Verbi instan-
tes erimus, adeo inter se duo illa cohæreere intel-
ligebant. Nunquam Petrus, & Ioannes, nunquā
Paulus

Paulus ante precem ad Deum fusam, de Christo
Dionys. de ad populum verba fecerunt. Et recte Dionysius
Div. nom. monet ante omnem actum, Theologiæ præser-
6. 3. tim, orationē præire oportere. Augustinus quo-
Aug. 4. lib. que cum Ecclesiasticum Oratorem informat,
de Doctrin. initio sermonis se, & sua omnia, & fructum atq;
Chri. c. 15. exitum orationis Deo committere ingenuè ad-
Sap. 7. monet, In cuius manus sumus, & nos, & sermo-
Luc. 6. nes nostri. Ipse mediator Dei, & hominum Chri-
 stus Iesus non ante ad prædicandum Apostolos
 mittit, quam in oratione pervigil pernoctarit.
 Neque enim tam sermonis, & diligentiae suæ fru-
 ctum, quam orationum expectare debet fidelis
 Dei minister. Neque suis tantū sacrificijs, & pre-
 cibus quamvis assiduis, quamvis ferventibus, cō-
 tentus esse debet, sed aliorum etiam Christi
 servorum auxilia studiosissimè efflagitare, ut ex
 multarum personarum facierum gratia agantur pro
 eo, & consensus fratrum super omni re, quam pe-
 tierint, in nomine Christi, obtineat apud Patrem
 misericordiarum. Paulus tantorum apud Deum
 meritum vir per omnes epistolas pro se orari
 obnixè contendit, ut sermo Dei currat, & clarifi-
 cetur, ut liberetur ab importunis, & malis homi-
 nibus, ut detur illi fiducia in apertione oris sui,
 ut loquatur Dei verbū ita, ut oportet eum loqui.
 Atq; hæc, & alia huius generis cogitans Christi
 servus, maximam atque optimam ministerij sui
 spem, in efficacibus & frequentibus, & suis &
 suorum orationibus collocabit. Deinde exemplo
 suo, ac vitæ integritati, & innocentiae secundas
 partes

partes attribuet, patiens, benignus, humilis, beneficus, continens, mansuetus, super omnia vero Christi, & fratrum charitate ardens. Sermones nostros minus fortasse barbari intelligent: at virtutis officia, ubiq; & clarè loquuntur, & perfectè intelliguntur, & potentissimè persuadent. Sed in hoc genere peculiariter fides, ac sincera benevolentia in barbaros ac veluti paterna quædam providentia exhibenda est. Nihil æquè animorum fidem conciliat ac beneficentia: vt de eo factis optimè mereri studeas, quem dictis tuis audientem velis. Quamobrem prædicaturos Apostolos iubet Christus infirmos curare, leprosos mundare, dæmones eijcere, gratis accepta gratis dare, quod expeditissima ad conciliandos Euangelio homines via sit benignitatis ac beneficentiæ. Scitât infideles, sentiant catechumeni, sentiât neophyti Patrem, & aduocatum: pro ijs sæpe interpellat apud Ducem, & magistratum, hos à militum iniurijs tueatur, horum egestati consulat, vel propria mendicitate. Si quid acerbius designandum erit in aliquem, huius ipse administer non sit. Thesaurizet potius filijs patens, ac non solum sua, sed & se libenter impendat, & super impendat pro animabus eorum; licet plus diligens minus ipse diligatur. Neq; datum requirat, sed fructum. Dici non potest, quam sit ad persuadendum efficax charitas, & viscera digna Apostolo: Vbi tamen (ne & hoc prætereamus) sic dilectionem impendere norit, vt se se tamen non improuidè committat alienis: ne, quod quibusdam contigit nostris,

Luc. 9.

2. Cor. 12.

Phil. 4.

Añ. 28.

nostris, dum plus q̃ quo indulget infidis, temeritatibus suæ pœnas luat. Nihil mutabilius barbarorum ingenio. Paulo Apostolo naufraganti exhibent non modicam humanitatem pyra accensa, eundem à vipera appetitum, homicidam reputant, mox nihil à bestia læsum, pronuntiant Deum. Huiusmodi barbarorum ingenium est. Qui heri habebatis pro amico summo, hodie indicta causa interite iuberis, quem paulo ante homicidam & extremo supplicio dignum ducebant, mox, si ita res tulerit, adorabunt pro Deo. Itaque prudens ac fidelis Dei seruus, & illis consulat quantum poterit, & sui nihilominus non erit negligens. Iam tertijs partes in ministro Euangelij, Verbū Dei sibi vendicabit, qua vna in te vehementer, & indefesse laborandum erit. Primum, vt sermonis aliqua copia sit, vel per interpretem fidum vel per seipsum, si consequi potuerit. Quocirca non multa neque ardua, sed pauca eademque sæpius repetendo elementa sermonum Dei tanquam pueros edocebit: & M. Francisci industriam sequens, sermone vernaculo atque ipsis familiari mysteria fidei præcipua & vitæ Christianæ regulas repetet: illorum fabulas ac nugas facile confutabit: exemplis vtetur atque similibus, quam fieri possit, ipsis accommodatis: interrogationibus vrgebit non insuauiter. Si deprehendat in quopiam ingenij aliquid atque iudicij, disputationes non admodum philosophicas sed populares potius instituet: Signa adhibebit externa, & ceremonias cultumque omnem

nem ecclesiasticum plurimi faciet, vt vel hoc modo homines sensu obtusos commodius instruat. Iam concionibus publicis statis temporibus aget, iam priuatis colloquijs. Demulcere verbis, inuitare præmijs, minis terrere, persuadere exemplis, sed in Christi virtute, non in hominum sapientia: Deus, pater misericordiarum aderit seruo suo in omnibus, vt verbum Euangelij recipiatur, non vt verbum hominum, sed sicut est vere, vt verbum Dei. Sed quoniam cum de ordine, & modo catechizandi agitur, latius ista explicabuntur, satis sit vel exhibet adumbrasse Euangelici prædicatoris officium: 1. Thes. 2.

De tribus impedimentis, quæ conuersioni gentium, maxime obstant. CAP. XVIII.

VERVM in conuersione gentium ad fidem, hostis nostri generis diabolus, cum acerbissima torqueatur inuidia, quibus potest viribus atque artibus agit, ne opus Domini prospere retur. Itaque innumera impedimenta molitur, vt fructum sementis diuinæ de cordibus audientium rapiat. Ad hæc paratum atque constantem oportet militem Christi stare, ne asperitatibus offensus, ab incepto pedem referte incipiat, tum vero vt contrarijs vndique perspectis, remedia adhibere opportuna conetur. Ostium fortasse erit apertum & euident, sed tamen aduersarij multi. Et quanquam sunt 1. Cor. 16.

impe-

impedimenta verbi Dei plurima, tria tamen præcipua sunt: quorum vnum à nostris, alterum ab externis, tertium ab ipsismet, quibus Fides annūtiatur, proficiscitur. E nostris quidem, solent plurimum Indorum veram conversionem retardare pessimi exempli mores. Vnus autem ædificas, & alter destruens, quid proficit eis nisi labor? Nul-
Ecc. 34. lam te vera ego grauiorem difficultatem sentio
25. in hac causa: propterea quod cum barbari religionis nostræ ignari sint, omnes nos similes ac veluti ^{magis} eius coloris reputant. Ita crimen huius atq; ^{magis} in omnium redundat infamiā, & quod est grauius ipsum Christianum nomen apud infideles in odium venit. Huic malo quid potest afferri remedij, nisi vt nostrorum hominum licentia, quibus modis possit, frænctur, neq; vsque ad miseram infidelium animas seruire sinatur? Deinde illud multum à B. Augustino commendatum in catechizandis rudibus documentum accuratè
De catechi. seruetur, vt admoneantur ij, qui Fidem suscipere
rudibus. c. parant, ne religionem nostram ex nostris hominibus metiantur, sed ex ipsius potius æquitate, & sanctitate. In nostris si quem viderint modestum & probum, eum secundum legem, & Fidē se se gerere, quos vero arrogantes, auaros, obscenos, immutes notarint, hos nobis quoq; odio esse persuadeāt, ac iuxta legem nostram multo grauiissimas suorum scelerum pœnas duros. In omni genere hominum bonos esse & malos: neque Christum cogere quemquam yi, sed in futuro iusta vel prēmia, vel supplicia cuique pro meritis
 refer-

reseruare. Ad hæc quantum licebit, ut à talium consuetudine & familiaritate abstineant, curandum, & boni vici frequentius barbaris obijciendi, & mutuo connectendi. Ad quæ omnia præsidis, siue ducis voluntas religiose ac beneuolenter affecta, multum momenti afferet, ut cõhibeat atque castiget nimiam suorum insolentiam. Verum à suis quoque fidei candidati molestiam patiantur non mediocrem, tum à Dominis, & proceribus, qui suos ad alienas leges transire grauitè ferunt, tum maxime à veneficis & præstigatoribus, & idololatriæ magistris, qui auaritia & ambitione corrupti lucri & gloriæ iacturam facere se vident Christianæ religionis augmento. Hi ut quondam Iamnes & Mambre Moyse, Elymas Paulo & Barnabæ, obstinate resistunt veritati. Quemadmodum in India Brachmanes, in Iapponia Bonzos, apud Noui regni incolas Piacches, in nostro Piru Humos cernimus. Et quidè Dominorum ac Principum suauiter, ac diligenter tentanda voluntas est, & expugnâda in Christo, & suorum obsequia, iuxta nostram legem pròptiora futura, & gloriæ plurimū accessurum, cū his etiam crebrius & liberalius agendum. Multum quippe in vtramque partem horum studia promouent. Qua in re grauitè à nostris peccatum esse in Atabalipè Ingarū principis necesse, ipsi quoque eius successores conquerebantur, quod affirmarent, si regis volūtas delimita obtineretur, breui admodum futurum, ut vniuersum Ingarū Imperium fidem libentissimè acciperet. Miro

2. Timo. 3.

Act. 13.

enim modo barbari omnes Regibus suis ac ductibus addicti sunt. Aduersus Magos acrius pugnandū erit: eorum fuci ac fraudes detegendæ, & traducenda insipientia, & tidenda deliramenta, & confutandæ versutia. Quod si resipiscere nullo modo velint, & facultas non desit, à cæteris separandi, & grauitè interdum mulctandi, modo plebem reliquam maior turbatio non sequatur. Sed his ambobus maius ac difficilius Fidei impedimentum ex ipsa inueterata consuetudine proficiscitur. Vbiq; sanè consuetudo magnas vires habet, sed in barbaris longe maximas, quippe vbi rationis est minimum, ibi consuetudo radices profundissimas agit. In omni natura motio eo diuturnior ac vehementior, quo magis est ad vnum determinata. Ita lapidem sursum ferri, impossibile: deinde bruta animantia dedocere, difficile: mox hominem parum mente vigentem à consuetis retrahere, graue. Proinde in hac vna palaestra omnes suos sudores, operas, conatus exercebit copiose Christi discipulus. Proderit autem quā plurimum, ritus, & signa, & omnem externum cultum diligenter curare. His quippe, & delectantur, & detinentur homines animales, donec paulatim aboleatur memoria, & gustus præteritorum. Quæ causa fuit Moysi, vt populum Aegyptijs ritibus assuetum, multitudine sacrificiorum, & ceremoniarum distineret. Neque enim prius

1. Cor. 15. quod spirituale est, sed quod animale. Postea superstitionis antiquæ monumenta cautè, & gradatim extinguenda curabit, vt idola sua Guacàs, adora-

adorationesque omnes penitus dediscant, ac pro ijs pias alias, atque Christianas frequentent. Deinde teneriores animos puerorum nondum illa superstitione imbutos Christiana consuetudo, & disciplina suauiter occupet, & paternas nugastidere, ac contemnere iubeat, quod M. Franciscus sapienter faciebat. Præmijs, & laudibus paruulos inuitet, atq; animet, maiores puerorum exemplo pudefaciat, & terreat. Postremo quod omnium est, & præcipuè considerandum, & diligentissimè obseruandum, non facile credet verbis, & quibusuis significationibus Barbarorum, etiam si Fidem tenere, & baptismum appetere se præclament. Cum enim sint leues corde, facile credunt, non Fidem concipientes ex Deo, facile quoq; id retractant inconstantes, & leues. Diu & multum tenendi, vt quid profiteantur, intelligant, vt veterem consuetudinem idolorum deponant, vt mores alios induant. Denique consuetudinis peruersæ venenum alterius consuetudinis antidoto curandum est, vt verè Christum induant, ac non partim in Christo, partim in Baal claudicantes, sibi grauiorem acquirant damnationem, & sancto nomini grauem faciant iniuriam. Non multitudine, sed veritate, animarum lucra computanda sunt. Ita & religio Christiana plaris fiet, & qui illidant nomina, gloriæ atque honori erunt.

Epilogus dictorum. C A P. XIX.

QVONIAM verò de vniuerſa catechizandi ratione vberius in quarto libro dicetur, nihil præterea addendum arbitror, niſi vt ſummam eorum omnium, quæ diſſerui, ad hoc vnum conferam, vt per iniuriam fides nullo modo propaganda exiſtimetur, tum verò vt nouo generi hominum nouam Euangelizandi rationem non faſtidiat Chriſti ſeruus: & quantum per rerum & temporum opportunitates licebit inſtitutum vetus atque Apoſtolicum conſeruet: vbi minus, id exactè fieri patitur conditio hominum, intelligat, neque de merito, neque de laude, neque vero de fructu aliquid ſibi perire, ſi fideliter Dei gloriam quærens atque animarum ſalutem, labores ſuos, & curas omnes in Euangelij dilatandi ſtudio ad finem vſque conſumat.

FINIS SECVNDI LIBRI.




277

DE PROCVRANDA
INDORVM
SALVTE,

LIBER TERTIVS.

*Non esse questiones omnes tractandas, ac deinceps de
civili administratione differendum.*

CAP. I.

 Cio equidē, in ijs, quę de iure belli,
deq; promulgandi barbaris Euange
lij ratione hactenus disputata sunt,
multa posse quærī, multa tractari,
quę à me parū explicata, vel etiā prætermiſſa vi
deantur. Neque verò dubito quin ſtudioſi ac li
terati nonnulli diligentiorē, atq; vberiorē ha
rum rerum, quę ſunt per ſe quidem grauiffimę,
& præmunt quotidie vehementer animos reli
gioſos, tractationē deſideraturi ſint, quibus in
re tanta communiter hæc, atq; vniuerſe dicta nō
faciunt ſatis, ſed priuatas, ac familiares quæſtio
nes ſuas minutē ac ſigillatim ſolui mallent Qui
bus profeſſo ita obſequi cupimus, vt quamuis pe
culiars de motibus ſermones eſſe vtiliores per
videamus, tamen inſtiti noſtri rationem de tota
cauſa Indorum ſuſceptam, varijs, implicatiſque
quæſtionibus obſcurandam, ac veloti extenuan
dam non arbitremur. Etenim neque doctrinæ,

Ariſto. 1.

Ethic.

neq; experientia nostræ tantum tribuimus, vt explorare liquidò omnia, ac certo definire possimus, quæ præclarissimis etiam ingenijs negotiũ facessunt: neq; si id mediocriter præstare possemus, ad propositum nobis finem accommodatũ esset, quibus illud maximè animo est, ea afferre quæ & intelligantur ab omnibus, & quãtum fieri poterit, nemini non probentur. Nam in tanta sylua eaq; ita spinosa, ac densa, illud potius optandum esse videtur, vt via aliqua ad barbarorum salutẽ certa, ac tuta muniatur: omnes verò latebras exquirendi, omnia abstrusa lustrandi, omnia deniq; impedita, atq; implicata perpurgandi onus tantum nemo nobis æquus imponet. Quamobrem & in ijs, quæ de rebus Indicis administrandis dicta sunt hæctenus, & in ijs, quæ deinceps plura dicentur, præcipuas quidem res, ac veluti capita, quantum Christi Iesu dono licet, explicare, & cõfirmare satis putamus: tenuiora verò cætera, atq; illarum veluti radicũ, vel fibras, vel germina, valde illa quidem alioqui necessaria, persequi hoc loco minimè suscipimus. Igitur Euangelij ad barbaros profectio, & ingressu superioribus libris declarato, quid illis præstandum sit, qui diuinitus tacti verbo veritatis manũs dant, & in ouile Christi intrare volunt, deinceps pertractandum restat. Hi verò tanquam in Christo geniti infantes multa cura, diligentiaque egent, ac quemadmodum Regij pueri tum pædagogico regendi traduntur, tum magistro erudiendi, ita hi, & ciuiliũ magistratuum admi-

nistra-

nistratiōe solerti regendi sunt, vt in officio disciplinaque teneantur, & præceptorum spirituum, idest sacerdotum doctrina accurate imbuendi. Itaque de cura, & Politica, & Ecclesiastica salutē Indorum necessaria differendum est. Cū verò id quod animale est, præire Apo- 1. Cor. 15.
stolus definierit, tum verò sequi quod spirituale est, hanc partem ciuilis administrationis si ante persequamur, ex ordine certè faciemus, Qua verò ratione barbari omnes, qui Christi nomen profitentur, ad Principum Christianorum curam, ditionemque pertineant, ante exponendum est, quam de ijs agatur, quæ vel Indorum populis illi præstare debent, vel ab ipsis vicissim percipere possunt.

Barbaros Videm suscipientes ad curam, ditionemque Principum Christianorum pertinere.

CAP. II.

PRINCIPIO nemo est, qui neget, modo catholicè sapiat, Euangelij promulgationem per totum terrarum orbem ad Romani summiq̃ Pontificis auctoritatem pertinere. Is enim propriè est, cui in Petro ouile dominicum commissum est, cui grex omnis Christi traditus est, cuius proinde interest non solum oues iam congregatas pascere, verum etiam Ioan. 21.
dispersas, ac dissipatas, quim potius nondum oues quætere, vt oues fiant, atque vt intra septa

Joan, 10,

Euangelij cum reliquo grege pascantur, euocare: de quibus sanè Christus dixit, Alias se oues habere, quas oportet adduci, vt fieret vnum ouile & vnus pastor. Hanc suam curam, & agnouerūt, & præstiterunt Romani Pontifices. Nam & Petrus Apostolus in Ægyptum Marcum misit, & Clemens Dionysium Areopagitam in Galliam, & Gregorius Augustinū sociosq; eius in Angliā, Gregorius item secundus Bonifaciū in Germaniam, Hispaniam quoque, & Africam per sacerdotes à Romana sede destinatos Christum recepisse historię veteres tradunt, atque eiusmodi Euangelicis expeditionibus ad expugnandum Christoq; subiiciendum terrarum orbem factis per summos Reip. Christianę imperatores, idest Apostolicę sedis antistites, plena est omnis antiquitatis historia. Et nomen ipsum Apostolicum valde consentit. Neq; enim ob id solū Apostolicam Romanam sedem vocari puto, quod Apostolorum fuerit, nā fuit & Ephesina, & Hierosolymitana, & alia non pauca; verum etiam quia Apostolorum munus pro Christo legatione fungendi, & vsque ad terminos terrę, illius Fidem immobili firmitate testificandi propriè ac præcipuè in Romano Pontifice perseuerat. Hoc cum ita sit, quis dubitat, quin sanctissimi Patres, cum ipsis per se orbem obire non liceat, eam curam alijs demandare & possint, & debeant; neque vt eant solum, sed vt destinent ipsi ac mitant, quos idoneos iudicarint. Id ergo negotij in noui orbis gentibus ad eundis, & infinitis, & dif-

difficilissimis Romani Pontifices Catholicis Hispaniarum Regibus detulere, vttanquam proprium, ac peculiare munus agnoscerent, & curarent. Cum enim classibus vsque adeo crebris, & magnis, apparatu quoq; & sumptu ingenti opus sit propter immensam Oceani navigationem, & terrarum regiones plerumq; incommodas, & egentes, non potuit vlllo modo nisi Regiæ potentia restantia committi. Cur verò Hispaniæ Regibus potius aut solis, si modo absit inuidia, non est ab æquitate alienum, cum & illorum auspicijs, atque ope primum inuenta, vtraque India sit, & navigationi Oceani opportunissima Hispania sit. Deniq; primi illi eam prouinciam, & petiuerunt, & studiosè curarunt. Neq; est cur de summorum Pont. voluntate conqueratur quispiam, si onus, vt re vera est, idq; grauissimè pre-mens, cogitetur. Eiusmodi prædicationem consequitur, vt qui ex infidelibus barbaris, Christianam Religionem profiteri velint, ad curam Principum Christianorum, tutelamq; pertineant. Id cum litetæ Alexandri Sexti copiose doceant, quarum concessionem ad hunc modum rectè viri doctissimi intelligunt, non est, cur in hac causa diutius hæreamus. Neq; enim posset aliter Fides in tot populis recens, & tenera permanere ac crescere, nisi Christianorum Principum patrocinio, fide, potentia aduersus inimicorum Christi defenderetur iniurias. Barbari natura efferrati & insolentes, fœdera, atq; amicitias parum curare soliti, rationem facilè contemnentes, quoniam

modo frænari, tenerique possint, nisi nostrorum vim pertimescant? Quæ ratione Christi character impressus in nouis Euangelij tyronibus non summo opprobrio sit, si semel baptizati Indi suorum scelere, & particidio Fidem statim sint prodituri? Denique in tam remota orbis regione, & à cætera Christianitate seiuncta, in medio nationis prauæ & peruersæ, quid spei superesse potest, homines ut infirmi, iudicij inopes, moribus perditis, natura instabiles perseverent, nisi nostrorum regum sinu foueantur, atq; vlnis infantium more gestentur? Cuius rei cùm aliæ pleræq; nationes, tum maximè Æthiopicæ, Angolæ, & Manicongi testimonium abundè dant, in quibus lauacrû Christi susceptum maiorum perfidia & temeritate ignominiose scèdatum est, cursus Euangelij abruptus, salutis hominum aditus omnis occlusus; qui si vim nostrorum sentirent, non in religionem Iesu Christi tam perniciosè sæuirent. Retissimè omnino sentiunt summi Theologi esse penes Ecclesiam integram, absolutamque potestatem Fidem ab hostium iniurijs, & contumelijs tuendi, eaq; nisi grauiora exinde mala consequantur, aduersus consilia & vim pessimorum esse vtendum. Itaq; si expedire censeat, potest sine ulla dubitatione Ecclesia infideles Reges, aut Dominos de Fidelium dominatu, & ditione deijcere, eamq; ad Fidei defensionem committere Christianis. Ac ne noui aliquid afferre videamur, præter concordem, vt dixi, sententiam, vetus sanè est Apostoli Pauli præceptum, in causâ matrimonij

si infi-

*Tb. 2. 2. q.
10. ar. 8. ibi
dem Caiet.
Dur. 2. d.
44. q. 3. ar.
2. Viç. Re-
lect. de In-
dis. Sotus.
4. dist. 5. q.
vni. ar. 10.*

1. Cor. 7.

si infidelis coniux fidei, fraudi & impedimento esse cœperit, liberum esse fidelem ab eiusmodi servitute. Et certè constat arctius ac magis naturale vinculum esse coniugij, quam cuiusvis subiectionis, & servitutis. Itaq; si periculo Fidei etiam dissoluto coniugali vinculo pro data sibi à Domino potestate, occurrendum putat Ecclesia, quid mirū est, si in eadem Fidei causā subditum, servū nē Fidelem ab infidelis Domini servitute liberet? Adde quod idē gentium Doctor causas, disceptationesq; Fidelium non vult ad ethnicos magistratus deferri, sed ipsos sibi legere, qui ius dicant, propterea quod Fidei iniuriam ab impijs pertimescebat. Quin etiam re ipsa Iudæos omnes ac Saracenos hominum Christianorum servitijs iā pridem spoliavit Ecclesia, cū primum ex infidelibus servis fieri illi Christiani liberi velint. Quade re etiam legem Iustinianus Imperator tulit, ut siue Paganorum, siue Hæreticorum servi, siue Iudæorum, ad Christianam religionem transire velint, dominorum potestati eripiantur, nullo etiam dato pretio. Quominus mirandum est, si tyrannide in recens effectos Christianos infidèles Domini abutentes, omni in illos ditione ac iure, Ecclesiæ autoritate interposita, excidere possint. Quod si Euāgelio prædicando, & propagando nullo modo obsistāt, neq; suis impedimēto sint, quominus Christo, qui vel dare volūt, fidē dent, vel quā semel dederūt, inuiolatā servēt, etiā si ipsi alioqui in erroris sui cecitate perstēt, non ideo suorum

Inno. 3. cā.
Quanto. &
c. Gaudemus. de Di
uortijs.
Cōc. Tol. 4.
ca. 61. &
62. Refert.
28. q. 1. c.
Iudæi. & c.
Sæpe malorum.
1. Cor. 6.
Gelas. d. 54
c. Genera-
lis. D. Gre.
eadem. d. c.
Fraterni-
tatē. ex li.
5. Regist.
c. 131.
Et titul. de
Iudæis, &
Saracenis.
c. 1. & seq.
& fin. Cōc.
Matifcon.
1. cap. 16.
apud Gra.
d. 54. c. Mā
cipia.

L. Deo nobis. §. His ita dispositis. C. de Episcopis.

suorum gubernatione spoliandi sunt: sed est nihilominus summus veluti Imperator ab Ecclesia cōstitutus Christianus Princeps, vt causam Fidei, ac Fidelium providentiam, quotiescunq; res postulet, diligenter agat. Quoniam verò rarissimū est ac penē impossibile, vt barbari Domini in suo regno aitam religionem contemni, euertiq̃ue, ac leges plerasq; mutati non ægrè ferant, & quibus possint modis nouam religionem auertant, dæmonibus præsertim furentibus, ac multum apud suos ea de re tumultuantibus, commune ac veluti canonicum debet haberi, vt hoc tempore Indorum populi, quicumq̃ue Christum sequi destinarunt, sub nostrorum regum cura, atq; administratione sint. Ea tamen moderatione se nostri gerant oportet, si Christianam Remp. saluam esse volunt, & religionis dignitatē pro vitili sua parte tueri, vt neque ferro, nisi extremum discrimen urgeat, agatur in barbaros, neq̃ue de commoditatibus ac dominatu suo pellantur, nisi quatenus iniuriæ Fidei, & suis perniciosi deprehendantur, neq; grauius quicquam designetur, quo Christi Euangelium lædi, perturbatiuè possit. Deniq̃ue vt agnoscat religiosus Princeps potestatem sibi à Christo ad ædificationem, non item ad destructionem datam. Et quamuis Christiani principes Domini sint, parentes se tamen præbeant, neq̃ue tam quæ Indorum sunt sibi, quàm Indos ipsos omnium Domino quærere videantur.

tur,

*Non oportere falsos titulos comminisci dominationis
Indorum. CAP. III.*

HO C igitur ius administrationis, ac subiectionis Indorum ex propria ac certa Ecclesiæ commissione generale est, & commune tum ijs, qui hactenus explorati sunt, tum ijs, qui procedente tempore occurrent. Quod quidem nisi aliunde perturbetur iniuria, æquum ac salutare esse constat. Alios verò titulos, quos afferre quidam nituntur, Regiæ potentix, vt mihi quidem videntur, assertores non necessarij, ne assentatores dicam, qui nimirum ex tyrannide Ingarum in hoc regno, atq; vſurpato per vim imperio, itemque ex polycratia gentium plurimarum legitimo Rege carentium (has Hispani Behetrias vocant) contendunt Christiano Principi regnandi ius facere, equidem neque satis intelligere, neq; certè probare possum. Etenim si à prædone alterius rem deprædari, & tibi vèdicare non potes, quæro quid æquitatis, quid rationis habeat, quòd à tyrannis (vt ita esse faciamus) Indorum dominatū eripias, tibiq; ipse adscribas? An ideo iustior Sylla, quòd Remp. Marij seruituti eruerit, addiderit suæ? An verò alienum scelus, nostro ius facit? Hoc vero perridiculum est, & Æsopicæ fabellæ perſimile. Adde quod istorum imperia, per vim licet vſurpata, tamen annos iam sexcentos confirmata sunt: quam ætatem si in alijs pleriq; imperijs neges præscriptionem esse satis, profecto res humanæ omnes misceantur, necesse est. Quod enim
regnum

regnum est, quod non violentia magna ex parte initio quæsitum sit, vt non ineptè apud veteres, & Reges, & Tyranni eodem nomine censeantur. In Polycratijs vero, aut communitatibus, præter ciuium ipsorum consensum, imo contra omnem omnium sententiam, externum principē inducere, si tyrannide vacat, nescio planè quis vnquā tyrannus haberi debeat. Neq; verò abnuo multis Indiarū locis ex bello iusto ac legitimo, quod propter iniurias hominum, aut fidei offensas existere forsan potuit, inspeculiare Christiano Principi dominandi fieri, nam eiusmodi Lusitanicæ Historiæ nonnulla referre videntur. Verū cū de communi, ac certo titulo disputatur, Ecclesiæ autoritatem, Fidei periculum, ipsorum barbarorum salutem, Remp. Indicanam administrandā, & æquissimum ius præbere Principibus Christianis, & illud per se abundare, certò nobis persuadet cum ratione valde experientia ipsa consentiens. Quamobrem siue alij tituli etiam sint, siue non sint, constat ad Regum catholicorum curam maximè pertinere salutem Indorum, cui procurandæ, & religionis præceptores, & disciplinæ ciuilibis administratos lectissimos mittāt, oportet, vt Deo atq; Ecclesiæ iniuncto sibi munere perfungentes, vt & ipsos decet & causa tanta exigit, satisfaciāt.

Quales administratores res Indica postulent.

C A P. I I I I.

Igitur quam refert vniuersitatis Indorum præfectos, ac magistratus optimos apud Christianos

stianos nancisci, quantumue ponderis in
vtramque partem vel salutis, vel exitij civilis
administratio habeat, quouisetiam tacente, res
per se ipsa declarat. Nam cum in omni Repub.
Magistratus perinde sit, atque pædagogus qui-
dam, vt est ab Ambrosio præclare dictum, atque
iusti & æqui custos immortalis, facile quius in-
telliget, ita ad Ecclesiasticam, ac spiritualem in-
stitutionem comparatam esse civilem & huma-
nam, quemadmodum ad Christi Euangelicam
legē, naturalis iuris disciplina necessaria est, quip-
pe nisi hæc fuerit obseruata, vt ait beatus ille, illa
custodiri non possit. Quamobrem Paulus docet
non esse potestatem nisi à Deo, easque quotquot
sunt, à Deo ordinatas esse administras boni, mali
vltices. Quibus consentaneum est illud Petri
qui & Regibus, & Regum ducibus obedientium
monet; quod bonis laudi, improbis terrori eorū
officium sit. Ergo si sunt hæc capita populorum,
si pastores, si duces, gubernatores, aurigæ, tum
etiam lumina, specula, leges viuæ, & quibuscū-
que alijs nominibus tum diuinæ tum philoso-
phicæ literæ ornandos ducunt, quis satis dicere
queat, quantum in horum integritate, & fide præ-
sidij ac salutis Reip. situm sit. Qualis enim re-
ctor est ciuitatis, tales inhabitantes in ea, & secun-
dum iudicem populi, sic & ministri eius. Quem
totum locum ab omnibus penè Reip. legumq;
tractatoribus externis copiose grauitèrque ver-
satum, à nostris Ecclesiasticis, sacris, & exem-
plis, & documentis disertissimè illustratum,
quanquam

*In Epist. ad
Rom. c. 1.*

Ibidem.

Rom. 13.

1. Pet. 2.

Amos. 6.

Hier. 23.

1. Reg. 9.

Exech. 27.

Arist.

Eccl. 10.

Orat. 20. quanquam diutius proferte non opus est, tamē
 iuvat insignem Basilij ea de re accumulare sen-
 tentiam. Necessē est, inquit, huiuscemodi viris
 mandare magistratus, ac eos aliorum constitue-
 re duces, qui cæteros omnes prudentia, constan-
 tia, ac vitæ sanctimonia longē antecant, vt virtu-
 tes, quibus præditi sunt, communes fiant eorum
 omnium, qui eos imitantur. Nam ad mores eorū,
 qui gubernacula tenent, componere se totos ij,
 qui parent, solent, ita vt quales duces faciant, ta-
 les esse necesse sit eos omnes, qui sequuntur, &
 quales fuerint in Republica principes, tales vt
 plurimum existere solent reliqui ciues Atq; hæc
 quidem Magistratum, atque potentiam optimo
 atq; aptissimo cuique demandandi cura in omni
 Repub. in omni Principe debet esse vel maximæ:
 at in noui huius orbis administratione, in barba-
 rorum nationibus, & subigendis & contpendis
 in Fide, quisquis rerum Indicarum vel tenuiter
 experiens sit, nullo modo dubitabit eam, neque
 primam, neque maximam esse debere, sed omni-
 no ac penitus singularem. Etenim à præfectis, à
 ducibus, à indicibus, à Regiæ deniq; maiestatis
 ministris, perinde, atque à fonte fluuium, ad
 res omnes Indicas, vel perniciem, vel salutem, vel
 si quid aliud tertium est, deriuari, ac permanere
 perspicuum est. Neque dici potest, eo fonte vi-
 tiato, quam latè lues influat, quamq; omne re-
 medium respuat. Ac ne cui forte videar in susce-
 pta causa amplificanda studio magis, quam ratio-
 ne duci, afferam non nisi certa, & explorata argu-
 menta,

menta, quæ utinam quantum habeant ponderis & ipse exponere possim, & ij, quorum interest, velint attendere. Primum in alijs Rebus p. ac ciuitatibus ex multa antiquitate fundatis, & constitutis, habent moderatores adiumenta plurima eademque maxima, quibus etiam volentes non sinuntur errare. Sunt leges publicæ vtilis, est patriæ consuetudo, sunt exempla maiorum, est denique quidam rerum veluti cursus ipsa antiquitate firmatus, quo in otio & negotio facile ac tranquille ciuitatis status per se pene consistit, vel certe si deflectat paululum, modica rectoris motione dirigitur, sicut in tranquillo ac tuto mari clauum tenenti vsu venit. At in Indicana gubernatione, cum præsertim noua regna adtuntur, atque habitantur à nostris, omnino est secus. Omnia noua, nullæ consuetudines certæ, leges iuraque omnia; naturali excepto, nihil prope modum firma, autoritas exempla; superiorum temporum vel nulla, vel non imitanda, euentus quotidie inopinati, repentinæ plerumque ac periculose mutationes, municipalia iura tum ignorata, tum non satis firma ad iudicandum, Hispanienses, Romanæque leges magna ex parte cum barbarorum diu retentis moribus repugnantes, status ipse Reipub. adeo inconstans & varius sui que dissimilis, ut quæ heri commodissima rectissimaque habebantur, hodie rebus commutatis iniquissima, ac perniciosissima existant. Hic quis non videat qualem moderatorem eiusmodi Respub. efflagitet, quàm sapientem, quàm cordatum,

T

quàm

quàm prouidum,quàm integrum,atq; constan-
tem,quippe cuius consilio,& prudentiæ commis-
sa sint omnia,in quo præsidia omnia belli pacif-
que constituta, collocataq; sint? Si enim primos
ciuitatum conditores optimos,ac sapientissimos
esse antiquitas voluit ad prima fundamenta iaciē-
da,profecto perspicuum est,non nisi præstantis-
simos, lectissimosque viros orbis indagatores,ac
nouarum gentium duces esse debere. Hæc planè,
vel vna ratio ad obtinendam causam satis erat.
Adiungam tamen alteram non minus efficacem,
atq; robustam. Nam cum remotissimæ regiones
hæ sint, caputq; huius vniuersæ Reip. siue Regiæ,
siue Pontificiam maiestatem spectes, longissimè
dislitum, licentiæ,ac libidini Præfectorum cam-
pus latè patens ostenditur, vt quicquid collibeat,
licere sibi etiam opinentur. Quod enim longe di-
stat, quasi nihil ad se pertineat, facile temeritas hu-
mana contemnit. Hinc seditiosa consilia, tumultus
etiam,atq; adeò totius Reip. perturbatio: re-
mediū verò oppido serū,atq; incertū. Quarū re-
rū testis locuples est hoc ipsum regnum Peru to-
ties intestinis armis concussum,atq; instar pro-
cellosi maris contrarijs ventis agitatū. Itaque
vt Medici pulmonum, si ægrotare cœperint, cu-
randorum perdifficilem esse rationem docent,
quodd ad traducendum eo vsq; medicamentum
longa,& valde clausa via sit per stomachum, vt
pharmaci vis valde iam debilitata perueniat, aut
ne perueniat quidem, ita planè longuinquitas
supremæ Potentiæ,atq; autoritatis,huius Reip.
ægritu-

ægritudini leuandæ remedia opportuna vix plerumque sperare permittit. Quamobrem quicquid in rebus Indicis à Præfectis peccabitur, propemodum dixerim sine emendatione peccabitur. Quod equidem perspexisse Romanos mihi persuadeo, cum ad remotissimas quasque provincias non nisi lectissimos, atq; integerrimos viros mittendos censerent, aliquando quoq; si res postulare videretur, ipsi Consules Reip. lumina non cunctanter proficiscerentur, quippe qui egregiè nossent, quos animos faceret temeritatis dilata vindicta, utq; soleat à reliquo grege seiunctus vel ipse bos efferari. Postremo si hæc tanta non essent, illud non paruum existimari potest, quod vel leuia peccata gubernatorum, & procerum in rebus Indorum ingentia crimina haberi debent, propterea quod teneros adhuc illorum animos vehementer lauciant, & à Christiana religione perniciosissimè auocāt. Etenim & publicorum Magistratuū culpæ abscondi nō possunt, quia ut Tragicus dixit,

Pellucet omne Regiæ vitium domus:

*Seneca in
Thyeste.*

& infirmi adhuc, & rudes Indorū sensus nullo modo de Christiana gēte, deq; Christo ipso aliter iudicare norunt quā ex his, quæ perspiciunt in nostris sublimibus præsertim, atq; autoritate eminentibus. Quæ res quanti fiat apud æquissimum hominū cōditorē, atq; parētē, inde facile intelliges, quod cū lachrymis ac dolori intimo sancti Regis David flagitiū admissum condonasset libenter, illud tamen seuerissimè vindicauit, & questus est,

- quod inimicos Domini nomen blasphemare fecisset, cum inter se reputarent, Deum eius regis amicum habitum, qui tanta perpetrasset, quod ad diuinæ existimationis contumeliam quâdam pertinere videbatur. Propheta sanè Ezechiel, etiam de suo Israele narrare videtur, verius tamen de nostri æui hominibus vaticinari credendus est, cum illa, diuini doloris & querimonix plena pronuntiat, Et ingressi sunt ad gentes, ad quas introierunt, & polluerunt nomen sanctum meum, cum diceretur de eis, Populus Dei iste est, & de terra eius egressi sunt. Quas sanè ironicas voces fastidij, & despicientix testes, cum inter se gentes de nobis sæpissimè vsutpant, tum verò cû acrius obiurgantur etiam in os nobis iactare non verentur, eadem quippe ipsi agimus, quæ in illis maxime reprehendimus. Si quis igitur animaduertat rerum Indicarum varium, ac mutabilem statum, tum supremæ potestatis tam longe positam sedem, mox animorum in fide recentium teneritudinem fateatur necesse est, ad nullam aliam prouinciâ regendam, ad nulla negotia gerenda ampliorem desiderari sapientiam, integritatem, pietatem, vt mihi quidem sæpenumero occurrat, quod à Probo dictum sanctus Paulinus narrat Ambrosio cum res Mediolanenses id temporis difficiles & prætumentes iret administraturus, Nô tam se iudicem quam Episcopum, vt putaret benignitate, zelo, paterna cura erga omnes. Quæ de re Valentiniani illius maioris nô erat parua gloriatio, quod eos ipse iudices daret, quos

2. Reg. 12.

Ezech. 36.

Rom. 2.

In vita Ambrosij.

quos Ecclesia sibi legeret sacerdotes. Atque utinam nunc, vel Ambrosios, vel Nectarios, vel si qua sunt præfectorum celebriora nomina haberemus: profecto noui orbis administratio tales se maximè decere ipsis rebus ostenderet, quibus, quod Leo magnus Theodosio Augusto gratulabatur, non solum regius animus, sed etiam sacerdotalis inesset. Epist. 7.

*Quam ob causam difficile inueniantur idonei rebus
Indicis præfecti. C A P. V.*

HOS igitur duces, hos magistratus res Indicæ postulant, neque vlla argumenta, quam urgent illa quidè satis, tanti facienda sunt; quanti ipsa longi temporis experientia: Quam causam cum diserte ageret vir quidam clarissimus, & inter regios ministros princeps, colligebat nusquam fidem, prudentiam, animi magnitudinem magis requiri, tum vero adiungebat aptissimè. Et cum tales ministros efflagitent res, qui homines ad hæc venimus? ut potius exonerandæ Hispaniæ causa quam huius reipublicæ capeSSendæ missi esse videamur. Quotum enim quemque inuenies, cui si in Hispania magistratu potiri, si præfectura licuisset, Oceanum traiecturus fuisset, atque hæc in extremo orbe quaesiturus? Ita melioribus rebus exclusi ad hæc veluti extrema conuertimur. Mibi vero hæc prudentissimi viri oratio, non tam esse iniuriosa videtur in multos, quos provinciæ hæ, & habuerūt,
T 3 & ha-

294 DE PROVVRANDA INDORVM
 & habent præstantissimos, Christianæque ac sapientis administrationis laude florentes, quam commonere potius, & conqueri Indicarum rerum natura ipsa comparatam difficultatem. Et enim cùm penetrandi ad Indos plerisque, ut modestè dicamus, familiaris rei angustia in causa sint, ac relictam patriam, liberos, chatos omnes, labores quoque immensos, & pericula navigationum, itinerum, noui cœli, ea vna cogitatione compensent, quòd aliquando tandem ex India redituri sint diuites, ac beati, ut quod reliquum est ætatis, in otio splendide agant, suos etiam fortunis iuuent (quis enim si cogitationes, consiliaque sua inspiciat, ita se animatum neget?) quis obsecro non videt cupiditati, atque auaritiæ ianuam esse patefactam amplissimam? ut cumulanda pecuniæ cura sit prima, cætera omnia huic vni posthabeat, quippe cuius causa se tanta suscepisse, tanta perpessum esse secum reputat, dedecoriq; sibi, & ignominia vertendum; si ex India non optimè nummatus reuertatur ad suos? Sic vsus, atque hominum existimatio habet. Hac lege quis iam magistratus, vel supremus, vel infimus non cupit familiaris rei suæ commoda augere? quod non potest non vehementer nocere Reipublicæ.

2. Pol. 6. 7. Aristoteles quidem magnopere interesse Reip.
 8. li. 3. 6. 8. censet, ne egentes ad magistratam vocentur, quòd pauperes in magistratu vanales fieri ob egestatem asserat. Moyse quoque de creandis iudicibus Iethro sócer sapienter consilium dedit

dedit, quod ille libenter accepit. Prouide, inquit, de omni plebe viros sapientes, & timentes Deum, in quibus sit veritas, & qui oderint auaritiam. Et quamuis Indicis magistratibus stipendia ampla constituta sint, quibus viri boni contenti sunt, sæpe tamen sitis illa opulenti in patriam reuertendi iusto nescit expleri, vt hic quoque verum sit illud Salomonis, Rex iustus exigit terram, vir auarus destruet eam. Atque inde quoque rebus Indicis altera non leuior ætymna proficiscitur, quod cum gubernatores omnes, ac iudices Hispaniam cogitent, studia sua omnia, & curas illic collocent, Indicum solum veluti alienum, atque extraneum habent, ita parum curant, quod nihil amant, quod quantum statui, atque incrementis Reipubl. obsistat, dici non potest. Inter laudes eorum, qui ciuitatem aliquam administrant, & necessarias dotes, illam primam Philosophus numerat, vt statum præsentem Reipub. ament. At Rempub. hanc ita plerique ab animo suo alienant, vt exilij loco habere videantur: aut certe præclare cum rebus Indicis agatur, si quemadmodum milites præfecti vbi castra ponunt, in id temporis, quod eo in loco se acturos intelligunt, comæatum, cæteraque opportuna curant: inde abeuntes dissipata omnia, atque exusta relinquunt, ita nostri homines ad id saltem ætatis, quod hic exacturi sunt, vtrumque res Indicas constare velint. Hæ sunt administrationis

Exod. 18.

Prou. 29.

5. Pol. c. 9.

Indicæ graues difficultates . Ad quas accedit quoque alia longè quidem maior , verum non ita communis, sed propria eorum, qui nouas Indorum terras adeunt, sedibus ibi collocandis intenti, quòd cum ad barbaroseant, non nisi armorum præsidij fulti rebus se incertis committant, vbi vel se tueri oportebit, vel ferro etiam aperire viam . Itaque totus iste primus ingressus militaris est . Quamobrem ei demandari prouincia solet, qui peritia militari excellit, neque ad copias ductandas tam Ducis probitas, quam militaris peritia spectari solet. Hic quid occurrat incommodi, facile cuius cogitare pòtest . Cum enim primus ingressus fidei, prima exordia Euan-gelij, prima Christi annuntiatio pro ductu ac voluntate hominis, vt parcissimè dicam , militaris transigenda sit, illius sententia in omnibus princeps sit, cumq; dux ipse profanus sit, manus verò satellitū temeraria, qualem expectare debemus administrationem, quam rebus Christianis prouidentiam ? Quamobrem illud etiam atque etiam Catholici principes , horumque proreges, aut cuiuscūque demum intersit, cogitare deberent, cum ad eiusmodi expeditiones bellicas duces præfectosque legunt, vt pij, Christiani integri, Deū timentes, salutemque hominum plurimi facientes quærantur, denique ij, qui se Episcoporū imo verò Apostolorum munus sustinere perspiciant . Quanquam enim ad arma tractanda non tam viri probitas, quam militaris peritia, vt Aristoteles voluit, spectanda sit, tamen vbi de fide

initijs

initijs agitur, de salute tot barbarorum, denique de ipso Christi honore, atq; exultatione, infinitis partibus pluris facienda est vitæ integritas, atque constantia. Neque enim tam dilatandæ Reip. causa res geritur, quam Fidei amplificandæ. Huic verò duci & moderatori probo etiam adiungere oportebit cohortem non hominum perditorum, ac profligatorum, sed si non optimam ac religiosam, tamen non pessimam, & infamem. Quod si quis nimia ista censebit, ridens fortassis in cogendis militaribus copijs eiusmodi de spectanda probitate præcepta, is sic habeat, longè magis esse risu dignum, ad Evangelij primum introitum eos reputari commodiores, qui ad nocendum procliviores sint. At neq; vir ea probitate ac modestia facile reperietur, inquit, neq; delectus ille hominum ad expeditiones bellicas villo modo haberi potest. Primò si fieri nequeat, expeditiones ne fiant. Neq; enim amat Christus annuntiari cum insigni Christianæ religionis decore. Deinde non vsque adeo dura res est, modo voluntas ne desit, vt præfectus quispiam queratur non solum militari laude clarus, verò Christiana pietate commendatus: vtque ad illius comitatum si non deligantur pij homines, tamen non admittantur nefarij. Si enim homines infames, & sordidos Imperatoribus militare Romanę leges non iniuria vetuerunt, quid est cur Christo in primo illius ad infideles ingressu perditissimus quisq; nomen dare sit permittendus? Quamobrem cum in omni Magistratu Indico, tū verò

298 DE PROVVRANDA INDORVM
maximè in prima ad barbaros profectiōe viros
idoneos sapientia, & pietate præstantes, præfice-
re oportet, magna adhibita diligentia, vt tales
omnino quærantur, inuentique præmijs, atque
honoribus ad rem pro dignitate gerendam per-
moueantur. Quanquam magna apud Deum glo-
ria copiosaque pro meritis rei tantæ remunera-
tione nihil potest amplius, ac præstantius co-
gitari. Assiduæ autem nostrum omnium ad Do-
minum preces esse deberent, si modo tot homi-
num millia amamus, aut aliquid facimus, vt ne-
que det reges in ira sua, neque propter peccata
populi regnare faciat hypocritas, sed mittat po-
tius pastores iuxta cor suum.

Osee. 13.

Isa. 34.

Hier. 3.

*Non esse iniquum tributa Indos pendere administrazio-
nibus suis. CAP. VI.*

Q VONIAM administrationem nouæ
Christianitatis penes nostros principes esse
iam diximus, & his ex Dei, Ecclesiæque præ-
cepto incumbere, vt saluti Indorum ministros
idoneos tum ad spiritualia, tum ad ciuilia præ-
beant, exinde dicendum est, vtrum ad horum ip-
sorum necessarios vsus, possit ab Indis exigali-
quid, quidve illud sit: mox, quid vicissim In-
dis rependi debeat. Tributa ergo necessa-
ria ad spiritualem, politicamque gubernatio-
nem certa ratione moderata, ac definita non
iniquè Indorum gens pendere existimanda est.
Nam vt omittam Philosophorum Respubl.
suas

suas constituentium, de publicis tributis sententiam, qui semper moderatoribus publicis, negotijsque communibus de publico, & communi censu tribuendum docent, certe in diuinis noui testamenti literis, vsque adeo expressa res est, vt nihil amplius. Paulus sanè Apostolus hunc totum locum scribens ad Romanos excellenter illustrat. Neccsitate subditi estote, inquit, non solum propter iram, sed etiam propter conscientiam. Ministri enim Dei sunt in hoc ipsum seruientes. Reddite ergo omnibus debita, cui tributum, tributum, cui vectigal, vectigal, cui timorem, timorem, cui honorem, honorem. Quo loco non oscitanter notari debet, quos alloquatur Paulus, & de quibus. Scribebat sanè ad Romanos iam Christianos subditos verò Cæsaribus, qui in liberam ciuitatem per vim irruperant ad potentiam. Et tamen his necessariò parendum monet, non solum propter iram, sed etiam propter conscientiam, id est, non timore hominum solum, sed etiam Dei ita urgente. Deinde tributorum pensiones præcipiens, atque commendans, causam redditæquissimam, quod publici magistratus ministri Dei sint in commune boni seruientes, ac proinde eos, aliatq; honorari à subditis iustum sit. Quæ ex re colligit reddendum esse quicquid debetur, siue tributum sit, siue vectigal, siue quiduis aliud. Quæ in hoc loco commendetur Chrysostomus, placet etiam ascribere. Innumera bona, ait ille, ciuitatibus per magistratus obueniunt, quæ si sustuleris, omnia simul pessum

*Rom. 13.**Homil. 25.*

300 DE PROCURANDA INDORVM
 pessum ibunt, ita vt neque vrbes, neque agri, ne-
 que domus, neque forum, aut aliquid aliud con-
 sistere queat, sed omnia simul subuertantur, po-
 tentioribus imbecilliores impunè deuorantibus.
 Propterea ab antiquis temporibus communi om-
 nium sententia principes à nobis sustentari de-
 bere visum est, ob id quod sua ipsorum negligen-
 tes, communes res curant. Et mox, Quòd si Pau-
 lus tunc cùm gentiles adhuc essent Principes,
 ista præcepit, multò magis oportet ea fidelibus
 exhibere. Eam Apostoli sui doctrinam Christus
 Dominus non solum præcepto ante constituit,
 verum etiam exemplo commendauit suo. Nam
 de Cæsari reddendo censu rogatus, Cæsari, quæ
 Cæsaris sunt, reddenda esse respondit, magisterio
 obedientiæ, vt ait sanctus Ambrosius, & nos in-
 hæremus, dum soluimus, quæ sunt Cæsaris, Cæsa-
 ri, & quæ sunt Dei Deo, tributum Cæsaris est, nò
 negamus. Ipse verò recens natus Saluator in Be-
 thleem etiam professus est, ac descriptus, & Au-
 gusto Cæsari Iudæam tunc cum cætero orbe ob-
 tinenti censum persoluit, quemadmodum vult
 D. Nazianzenus. Quam rem cum & diuinorum
 librorum auctoritas, & ratio ipsa satis muniat, at-
 que confirmet, neq; nostrorum Theologorum
 eorū quoq; qui causæ Indicæ studiosiores sunt,
 aliqua ab ijs tributa exigì posse quisquam
 neget, nihil est cur in loco plano, &
 expedito amplius immo-
 remur.

*Matt. 22.
 In oratione
 contra Au-
 xentium.*

Luc. 2.

*In oratione
 siue episto-
 la ad Iulia-
 num.
 Et August.
 de car. rud.
 c. 21.*

Improbantur tria genera tributa taxandi.

CAP. VII.

TAmetsi ab Indis tributa exigere nostris licere manifestum sit, at quanta illa tamen, & qualia quauè ratione, & sorte, & quousque, id sane per obscurum est, & ad explicandum impense difficile. Neque enim statim immodicas exactiões probaturi sumus, neq; avaritiæ, ac rapacitati multorum conniuere debemus, quæ vna res totius regni euersio sit, atq; Iudici fundi, vt comicè dicam, calamitas. Nā quod hos capere oportet, illa intercipit. Ac sit licet maior res facultate nostra certum aliquid in re vsque adeò incerta & dubia definire: tamen operæ pretium facturus sum, vt mihi videor, si diligentius rationes aliquas tributa taxandi excussero. Primum igitur documentum sit, Indis mulctæ nomine tributa imponi minimè posse. Nam vbi iustè aliqua ciuitas, aut gēs debellata est, solèt, idq; merito, pecuniaria redditio pro victoris arbitrio imperari, vt temeritatis suæ pœnas luat. Hanc velpotissimā tributorum originem extitisse, Gregorius Theologus vult, ita scribens, Ex peccato penuria nata est, perniciosæ cupiditatis mater, quæ bella peperit, à quibus orta sunt tributa, quibus in diuina condénatione nihil grauius est, & acerbius. Hæc Gregorius, Ad hunc modum profligato ac victo Ioachaz Rege Iuda à Pharaone, centum talentis argenti & talento auri terrā esse mulctatā diuinæ

Orat. ad Iulianum.

4. Reg. 23.

2. Reg. 8.

1. Par. 18.

Iosue. 16.

Et. 17.

3. Reg. 9.

diuinæ literæ tradunt. Hoc genus tributorum tã profanis, tum sacræ literis frequētissimũ est. Sic Moab à Dauide percussus sub tributo seruissè, itemque Syrum Damascenum, sic Chananzum tributarium factum Ephraim autore Iosue, nec non reliquas illas nationes Iebusæorum; Amorrhæorum, atq; aliorum Salomonis opera perpetuo tributo soluendo addictas esse populo Israel sacra histotia commemorat. Quod sane nullo modo iniuriosam esse, non solum sanctorum vitorũ exempla demonstrant, sed etiam aperta ratio, quæ iure belli victos victoribus subdit, neq; fortunis solum, sed libertate quoq; vitaq; ipsa reddit obnoxios. At Indorum populi, vt supra satis disputatum est, à Christianis debellari non possunt, ac proinde neq; libertate, neque argenti pensione mulctari. Quid enim nostros læserunt, quorũ nomen quidem audierant? Dei verò offensas, naturæq; iniurias vlcisci, nostra nihil interesse, opinor alias satis esse mōstratum. Itaq; grauitèr profecto peccarent, qui eo iure debellatos barbaros instar Amorrhæorum, & Chananzorum, vel potius, vt præsentia loquamur, Maurorũ, atq; Turcarum, seruitute, atq; multa pensione onerarent, existimantes etiam beneficium se collocare, quod non capite plecterent. Neq; enim tam stolidæ ratio nisi ab imperitia, & insolentia militari proficisci potest. Quod si id genus quippiam hætenus perpetratum est, consulant certè conscientijs suis, qui ita se compararunt. Atq; hoc sanè documentum certissimũ est: sequens verò multò certius, Nefas esse

esse in exigendo censu rationem habere Evangelij illis cōmunicati, quasi retributio expectetur, vt pro Fide, & Baptismo, Christi q; noticia imperita vicissim repetatur argētum. Hæc tota sordidissima cogitatio hominum tum imprudentium tum improborū Euangelium veluti licitantium (nam & hoc à quibusdam iactari aliquando solitum audio) nihil profectò à Simone illo abest, nisi quod ille nefarius pecuniā potius dare pro gratia, isti gratiā pro pecunia cupiunt commutare. Nullo ergo modo ferendum est, vt in designando tributo, quid per Christianismū sint consecuti barbari, cogitetur. Quæ enim gratis accepimus gratis quoq; dare iubemur. Tertium documentum esto, Barbatos causa soli, terræve ab ipsis cultæ, & habitatæ nihil debere Principibus Christianis. Quod vt intelligatur, meminisse oportet tūc demum ratione soli pensionem persolui Principibus, aut Reip; ab homine priuato, cum Principis autoritate, & iure conceditur. De quo genere tributorū Ambrosius videtur loqui in sua illa cōtra Arrianos defensione mirabili. Si tributū, inquit, Imperator petit, non negamus. Agri Ecclesiæ soluunt tributum. Si agros desiderat Imperator, potestatem habet vendicandorum, & cætera quæ persequitur. Hoc igitur ita habet, cū ager regio iure possidetur. Quare videmus tū subditos à Dominis, tum externos à ciuib; agro sea pactione accipere, vt certos semper cēsus inde persoluant. Isto sanè exemplo sanctus Ioseph vniuersam Ægypti terram subdidit Pharaoni, quinta

Act. 8.

Matth. 10.

De hoc tributi genere loquitur Zacharias Papain epi. ad Bonifacium. De sclauiis Christianorum &c. Extat lib. 5. epist. 11. quæst. 1. Si tributū. 24. q. 8. c. sancitum. Gen. 47.

portione

portione frumētaria Regijs vsibus perpetuo addicta, quodd quibus agros ipsos tribuisset, rectè & iure posset cum his de reddenda ea semper portione pacisci. At hæc ratio in tributis Indorum iniri nequaquam potest. Neq; enim solum nostrum ipsi occuparunt, sed nos illorum, neq; ad nos ipsi, sed ad illos nos certè peruasimus. Itaque barbarorum terra subditur quidem Christianis principibus, cum primum populi ipsi subduntur, sed nihil, illius ratione barbari debent, quam à nobis mutuati nō sunt, sed nobiscum potius cōmunicarunt. Plurimum verò interest, vtrum homines ratione loci subdantur, an potius hominū causā locus ipse. Hic enim res nullo modo addicuntur, sed integrum ius penes dominos manet. Quamobrem Indis (huc enim nostra iam dudum tendit oratio) pro modo ac magnitudine possessionum, agrorum, gregum, pascuorum, tributa etiam exaggerare, & cumulare, vt pro tanto tantum certa ratione persoluant, iniquissimum esset, si quidem rebus nihil per se debentibus census imponeretur. Quod sane, neq; factitatum habēnse esse scio, sed est fortasse improborū cupiditate tentatum. Neque tamen illud modo disputo, An Rex, quemadmodum Ingarum imperio successit apud nos, & Moteçumæ apud Mexicanos, ita quoq; in omnia illorum iura concesserit, vt agros, greges, pascua, mīneralia, cæteraq; principum, suo ipse iure adeat. Nam si rectè & ordine ab illis ista obtinebantur, & legitimè ac iustè nostri illis successisse censentur, rectè quoq;

ista

ista omnia retineri consequens est. Vtrum vero aut illud ita habeat aut illud, examinare ac diiudicare nostrum non est. Habent Catholici reges consilia, senatusque suos, habent conscientie magistratos. Subditis, dum iniuria non est evidens, pro iure suorum principum sentiendum pronuntiandumque est, vt Apostoli Petri præceptum: integre conseruetur, regem honorificare. Illud hoc loco solum agimus, quod & fatentur omnes & est per se satis certum, etiam si barbari conuertantur ad Christum, non tamen rerum suarum iure excidere, neque verò nostris, quamuis subdantur ad fidei susceptæ tutelam, vel seruitute vel fortunis suis obnoxios esse, id quod Paulus quoque Pont. max. apertè decreuit.

1. Pet. 2.

Vulgaris ratio tributa imperandi expenditur.

CAP. VIII.

Plerisque autem illa ratio tributa imperandi videtur æquissima, vt perspiciatur primum, quibus rebus vnaquæque prouincia abundet, vtrum frugibus, veste, gregibus, mineralibus, argento: tum verò numero Indorum oppidatim tributumque inito, ea summa quotannis impereatur, quæ possit commodè conferri, ita vt singuli certa portione tantum attribuant, quantum vel ex hisce rebus, vel ex operis suis locandis sustentata familiola, præbere queant. Quæ sanè consuetudo obtinuit, vt viritim tributa pendantur. Extant regia edicta grauitè cauentia, ne ab Indis ea exigant.

V

exigan-



306 DE PROVVRANDA INDORVM
exigantur, quæ & ad se sustentandos, atq; ab ægra
valetudine, si acciderit, recreandos, & ad liberos
educandos, ac matrimonio collocandos necessa-
ria habent. Quam Christiano pectore dignam le-
gem laudare par est. Qua in te totam quoq; illâ
prouincias lustrandi diligentiam, prouentus, ac
commoditates perspiciendi, tum vt ea iniungan-
tur, quæ commodissimè possunt præbere Indi,
vt nihil supra vires, nihil nimis graue sustineant,
cæteraq; instructiones eodem pertinentes, com-
probare profectò decet: quin ne illud quidem
improbandum est, vt singuli, qui modo vel ætatis
imbecillitate, vel corporis affecta valetudine, vel
officio publico non impediuntur, aliquid in com-
mune conferat, vnde tributipēsio fiat. Bene hæc
sanè omnia. At quod viros in primis doctos non
bene habet, quo etiam me moueri vehementer
fateor, illud est, quòd solum cogitatur, quid Indi
soluere possint, quid verò soluere debeant, non
item. Quæ sanè consideratio, vt non exigantur,
quæ non possunt reddere, necessaria est: sed nul-
lo modo sufficiens, nisi præterea addatur, vt ne-
que ipsi ab Indis capiamus, quæ nostra non
sunt, iustitiæ sempiterna lex docet, ad exigen-
dum ab aliquo quippiam, tametsi necesse sit vt
possit ille præbere, tamen nullo modo id satis
esse, nisi & possit soluere, & insuper debeat. Nam
siue non possit soluere, siue non debeat, æquè
est iniqua exactio. Et si enim supra satis mōstra-
tum est Indos nostris aliquid debere reddere,
quorum in administratione sunt, non tamen

conti-

continuò efficitur, vt quantum possint, tantum debeant, etiam si rem temperes verbo leniore, vt tantum tribuant, quantum commodè queant. Itaque ratio hæc peruulgata ad tributa barbaris imperanda, qua solum inspectatur, quid quantumue vnusquisq; soluere queat, licet plerisque vt dixi, sancta ac legitima appareat, tamen penitus inspecta, non satis idonea, imo verò exitiosa deprehendatur necesse est. Quæro enim, cur Hispanis, & Gallis cæterisque per Europam, si ista conditio offeratur, vt singuli tantum pendant, quantum possunt commodè, iniquissima, & iniuriosissima sit, Indis verò iusta & æqua? An istos sua impetitia, imbecillitas, tenuitas fecit obnoxios? Deinde quid hoc à seruorum conditione abest, à quibus iustè exigitur quicquid reddere possunt, quia quicquid seruus acquirit, Domino acquirit? Præterea si bello iusto domiti, multæ nomine tributa pendere cogerentur, quid posset grauius imponi, quam id vnusquisque vt det, quod potest? Nam quod non potest, ne tyrannus quidem exigendum putat.

An propter reuocandos ab otio barbaros, tributa grauiora imperanda sint. C A P. IX.

AT dicunt qui res Indorum, atq; ingenia maximè callent, hoc magnopere barbaris expedire, vt tributis grauentur, propterea quòd natio hominum ignaua, & otiosa, nisi cogatur laborare, & industriam, atque operam in quæritando censu ponere, socors more pecudis

vitam transigit, turpiter belluinis rebus vacat: quippe qui neque rem familiarem augent, neq; sibi consulunt in posterum, sed hodierno tantum cibo contenti, genio indulgent. Ad hanc quidem ratioeinationem, quæ peritissimo cuique maxime familiaris esse solet, nos sanè ita respondemus, vt barbaros laborare, negotiari, occupatione & cura distineri, per quam ipsis salutare esse fateamur, imo verò illorum Reipub. vtcumque constituendæ necessarium omnino. Quæ de re Ingarum proceres ingenio sine dubio peracti, iudicioque præstantes, in eo vel maxime rectam istorum ac diuturnam administrationem esse censuerunt, vt quam maxime exercerentur, minimeque vacare sinerentur. Itaque vbi necessaria aut vtilia deerant, etiam rebus superuacaneis distinebantur, vt qui eorum disciplinam cognouerit, merito miretur, quod veteres narrant, etiam vermiculorum colligendorum certam mensuram quibusdam imperatam, alios saxis vltro citroque voluendis serio occupatos. Neque verò causa aut obscura est, aut longè posita, cur Indos negotio vtgeri maxime expediat. Etenim barbari omnes ingenio sunt seruili, seruis verò nullum otium esse debere, etiam in proverbium abiisse Aristoteles dicit, quòd otium petulantes faciat, id quod noster sapiens præclare monuit, Mitte, inquit, seruum in operationem, ne vacet, multam enim malitiam docuit otiositas. Igitur exerceri Indi debent, non negamus, sed libentissime amplectimur. At cui exerceri, cui negotiari, cuius

7. Pol. c. 15
Eccle. 33.

cuius inferuire cōmodis debeant, hoc verò quarritur. Cum enim illud à tyrannico dominatu regalis absit, quod hic in subditis moderandis non suam, sed ipsorum magis vtilitatem spectet, profectò non est obscurum sincere cernētibus, operas atque negotia Indorum in ipsorummet emolumenta debere conuerti. Non enim instar apiarum id tantum mellis in aluearibus relinquendum est, quantum apibus alendis sufficit, ne intereant, reliquum omne auferendum : neque vt greges detondendi sunt, quibus vellera ita desecamus, vt radices solum deuuo procreādx lanæ saluas esse sinamus. Excepto igitur eo, quod & spiritualibus & civilibus præpositis necessarium esse ptudens charitas sanxerit, quicquid vltra salutis Indorum prætextu nobis vsurpamus, pro rapina ducendum est. Atque equidem vereor, ne vbi se quidam Catones Mutiosue profitentur, moresq; barbarorum censura sua seuera notare atque emendare pergunt, Pharaones potius existant, depositaque censoria larua, qua tam rigide increpitant, Vacatis otio alteros se Nabuchodonosores exhibeant, omnia expilantes, & miseros duram seruitutem seruire cogentes. Desinant ergo iam tandem homines auari, & inhumani saluti se se Indorum iactare, fortunisque consulere. Agnoscant potius, ac fateantur priuatis se commodis seruire, nulla publicæ disciplinx cura teneri, nullo gentium harum adiuuandarum desiderio tangi. Omnino fucus ipse se prodit, neque sustinet diu cupiditas prouidentix sibi falsò no-

*Exod. 5.**Hier. 52.*

men impositum. Quod si duri esse pergamus in
 miseros, neq; nostrę cupiditatis ardorem eorum
 lachrymę extinguant, profecto timendum est, ne
 multus ac creber clamor Indorū cęlos omnespe
 netrans ad ipsum æquissimi iudicistribunal irrū
 par. Regnū, ait Spiritus sanctus, trāsferetur de gēte
 in gentē propter iniurias, & contumelias, & ini
 iustitias, & diuersos dolos. Auaro quoq; dicit ni
 hil esse scelestius. Et qui calumniatur pauperem,
 vt augeat diuitias suas, dabit ipse ditiori, & ege
 bit. Et in sancto Iob terribilius. Hęc est pars ho
 minis impij apud Deum, & hęreditas violento
 rum, quam ab omnipotente suscipient. Si multi
 plicati fuerint filij eius, in gladio erūt, & nepotes
 eius non saturabuntur pane: Qui reliqui fuerint
 ex eo sepelientur in interitu, & viduę illius non
 plorabunt Si comportauerit quasiterram argen
 tum, & sicut lutum præparauerit vestimenta, præ
 parabit quidem, sed iustus vestietur illis, & argen
 tum innocens diuidet, ædificauit sicut tinea do
 mum suā, & sicut custos fecit vmbraclū. Diues
 cū dormierit, nihil secum auferet, aperiet oculos
 suos, & nihil inueniet, apprehendet eum quasi
 aqua inopia, nocte opprimet eum tempestas.
 Quas sane diuinę seueritatis minas in pauperum
 oppressores, violentosque alieni sudoris exacto
 res, videant qui volunt, an de nonnullis huius
 sæculi hominibus res ipsa copiose declarauerit.
 Filios cęsos, nepotes auita hęreditate delectos,
 vix pane saturatos, posteritatem omnem extin
 ctam, viduas etiam virorum obitu latas, & voti

Eccl. 10.

Prov. 22.

Iob. 27.

compotes, argentum terræ propemodum cœ-
 quatum ad pauperes deuolutum, sacras do-
 mos pretiosis illorum spolijs, & veste coorna-
 tas, ac reliqua, quæ de violentorum vltione di-
 uina Iob loquitur, promptum est cernere in
 plerisq; nostræ ætatis hominibus, quæ quicum-
 que meminerit, fateatur necesse est, etiam no-
 stræ Reipub. & gentis referre plurimum, vt mo-
 dusteneatur diuinæ autoritatis lege præscriptus:
 quem si exactiones excesserint, non solum non
 erunt adiumento, verum etiam Deo iustissi-
 mē vindicante, certi exitij, & ruinæ causa ple-
 nissimæ. Extat sanè epistola grauißima Grego-
 rij magni ad Constantiam Augustam, in qua
 multa seuerè locutus adiungit, Idcirco for- *lib. 4. Regi.*
 tasse tantę expensę in hac terra minus ad uti- *epist. 33.*
 litatem proficiunt, quia cum peccati aliqua
 admixtione colliguntur. Præcipiant ergo sere-
 nissimi Domini nihil cum peccato colligi Nam
 scio quia & si parum Reipub. attribuitur utili-
 tatibus, ex eo multum Respub. adiuuatur. Qua
 sapientissimi Patris sanctissima sententia cau-
 sæ totius Indicanæ nullum proferri potuit, vel
 plenius, vel certius oraculum.

Quis modus in tributis taxandis tenendus.

C A P. X.

SI quærat ex me, Ad quā igitur Regulā res-
 picere debēt, qui tributa neophytis barbaris ex
 V 4 bono

1.2.q.96.

ar.4.Sylu.

Gabella.3.

q.2.

Sotus lib.1

de Iust.q.6

4.4.Caiet.

verb.lex.

in summa.

bono & æquo taxare cupiunt, ego certe nullam noui aliam præter eam, quam D. Thomas affert de lege humana eleganter differens, quamque Theologi reliqui summopete probant. Vt in lege ferenda onerosa præsertim, finis ipse penitus inspiciatur, atque pensionis tantum imponatur, quantum fini proposito congruit, tum verò in distribuendis eiusmodi oneribus proportionis æqualitas conseruetur. Hinc quoties excesserit, pro iniqua legem computari oportere. Hæc illi strum Theologorum, rationi prorsus consentanea, de tributorum impositione sententia est. Duo ergo accurate providenda sunt ei, qui in lege de tributis ferenda nolit errare: Vnum ex parte Indorum, vt non grauentur nimium, sed ea exigantur, quæ possint opportune præbere & commode; alterum ex parte nostrorum, vt quod ab Indis accipitur, pro officio ijs ac necessaria prouidentia impertienda æquum, congruensque sit. Huc enim Theologi, & Theologorum decus Thomas respiciunt, cum dicunt tributa ratione finis necessaria licere imponere, ea verò eousque debere progredi, quousque finis ipse efflagitat. Itaque quod supra iam dixi, repetendum est diligenter, vehementer eos errare, qui Indorum gentes perinde atque prædia quædam, aut greges reputant, vnde quicquid emungi potest, dummodo ne intereat funditus, sed futuris vsibus reseruetur, siue ager sit siue pecus, id totum honesto ac liberali lucro assignant. Sed labuntur profecto grauissime, quicunque ita se comparant.

Neque

Neque enim Indos tuos numerare potes, & quasi de tuo inde quiduis accipere. Quin potius si quid accipis, ob id accipis, ut tu vicissim aliquid aliud rependas, quod si nō dederis ipse, quicquid abstuleris, iniquum est, & iniuriosum. Ut Medicus ab ægrotō, Aduocatus à cliente iustè pretium capit, pro impensa opera, & officio: ita Patronus ab Indo si quid accipit, pro officio accipit. Itaq; quemadmodum militibus Reip. causam suscipiētib; de publico, & annona, & stipendia præbentur, quæ sanè à cæteris pro collato in se beneficio Reip. tuendæ iure exiguntur, neq; tamen militiæ prætextu quantumuis extorquere, & corrådere fas est, sed hætenus tantum, quatenus militi, præsidijque comparandis, ac tenendis opus est: ita ptorius quæ Christiani à barbaris tributa capiūt, eo vsq; solum progredi oportet, quousque fini proposito necessarium est. Est vero ille finis ratione præscriptus, ut ministri salutis, & administrationi Indorum necessarij nō desint, honorenturque congruenter. Hi verò in duplici genere sunt. Primi ac præcipui numerantur Pastores animarum, Ministri salutis æternæ, quos eorum largitionibus, & prouentibus ali, quos ipsi diuino verbi, & sacramenti pane nutriunt, non tam dispositionis humanæ, quam diuini esse iuris notissimum est. Id omni lege definiti Paulus gentium doctor disertè ostendit. Nam de lege gentium hoc argumentum versans, Quis militat, in- 1. Cor. 9. quit, suis stipendijs vnquam? quis plantat vineā, & de fructu eius non edit? quis pascit gregem, &

de lacte eius non manducat? Ne vero secundum leges humanas tantum agere videatur, producit statim diuinam veteris testamenti. Numquid secundum hominem hæc dico? An & lex hæc non

Dent. 25.

dicit? Scriptum est enim in lege Moyfi, Non aligabis os boui trituranti. Si nos spiritualia vobis seminamus, magnum est, si carnalia vestra

Dent. 18.

metamus? Nescitis quoniam qui in sacrario operantur, quæ de sacrario sunt edunt, & qui altari deseruiunt, cum altari participant? Atque hæc quidem iuxta legem veterem, quid verò noua, & Euangelica? Nequaquam ab his discre-

Luc. 10.

pantem monstrat, Ita & Dominus ordinauit ijs, qui Euangelium annuntiant, de Euangelio &

Matt. 10.

viuere. Dixerat quippe Dominus, Dignus est operarius mercede sua. Nihil ergo opus est testimonijs alijs, quæ sunt plurima, eademque grauissima. Vnus Paulus, vel potius Spiritus sanctus in eo loquens nobis abundet. Verum præter sacerdotes Domini non est dubium, quin politice, atq; humanæ administrationi Reip. barbarorū, per quam necessarij sint sæculares præpositi. Hi verò distributi videtur apud nos in duas species. Nam & iudices Magistratusq; sunt, de quibus dictum est supra, & si quid restat, dicetur post: & sunt propriè susceptores Indorum, siue Patroni (ita enim appellare malo, quos vulgus nostrum suo sermone Encommenderos vocat) quibus procura, ac prouidentia, quam gerere debent hominum suæ fidei, ac tutelæ commissorum, licet sanè tributa quædam vicissim capere. Quo in loco

accusa-

accuratè intuendum est Regiam maiestatem ius illud omne, quod habet ad exigenda tributa à populis neophytorū sibi ab Ecclesia in fidem datis, in eiusmodi Patronos transfundere, eosq; penes collocare, certis quibusdam pactionibus interpositis, de quibus mox opportunè dicemus. His ergo, si eos se se exhibeant, quos fide iurata profitentur, tributa rectè solui non est, cur reuocetur in dubiū, cum manifestū sit licere Principi alijs attribuire, quæ percepturus ipse esset. Qua de re & nostrorum Theologorum, iurūq; prudentium cōcors sententia est, & accedit B. Gregorij nullo modo cōtēnenda autoritas, qui ad nobiles quosdam viros Sardiniae scribēs, eosq;, & quid debeāt præstare subditis sibi commissis & quidē infidelibus adhuc, & quid eam ob rem percipere ab illis possint, commode admonet. Ad hoc quippe, inquit, illi vobis commissi sunt, quatenus & ipsi vestræ utilitati valeant ad terrena deservire, & per vestram providentiam, eorum animabus ea, quæ sunt æterna, prospicere. Vnde apparet rectè posse nobilium hominum, ac bene de Rep. meritorum fidei curæq; committi, vt salutē barbarorum consulant, eaq; ex causā ab his sua ipsi emolumenta percipiant. Quoniam verò cum est conuentio aliqua, vt ob hoc illud detur, certa quædam ratio ac proportio seruetur necesse est, ne aut hinc excedat, aut inde deficiat, omnino perspicendum est ad quæ & qualia Patroni Indorum obligentur, vt inde verissimè cognoscamus quādo & quousq; iustū sit talib' tributa persolui. Sed ante

confi-

lib. 3. Regist. epi. 23.

316 DE PROCVRANDA INDORVM
considerandum erit, An ne expedierit Indorum
populos in Fide rudes eiusmodi patronis com-
mittere, quibusuè ex causis id excogitatum, effe-
ctumque sit.

Causæ, ob quas Hispanis Indi commendati sint,

C A P. XI.

Causas igitur cogitanti mihi, cur in hoc nouo
Corbe Indi Hispanis hominibus commenda-
ti sunt, vnde & vulgare illorum vocabulum tra-
xit originem, tres præcipuæ veniunt in mentem.
Prima, quòd cum suis expensis, & laboribus in
nouas regiones penetrarent summis, & difficul-
tatibus, & periculis se se obijcientes, excogita-
tum, atq; inuentum est, quod mercedis loco tri-
bueretur à Principe ipsis ita flagitantibus, vt ex
Indorum populis suo patrocínio commissis emo-
lumenta annua perpetuò reportarent. Quemad-
modum Imperatores Romani emeritis militibus
agrum aliquem impertiebantur, vnde sustentan-
dæ reliquæ vitæ certi prouentus relinquerentur.
Nostrorum autem hominum prima cum Rege
pactio fuit, vt Indorum à se expugnationum ad-
ministratio tum sibi, tum primo successori, aut
hæredi firma rataque esset: exinde Regi liceret,
cuicumq; placuisset, adscribere. Itaq; pro militiæ
stipendio, pro victoriæ præmio Indi Hispanis da-
ti sunt. Altera quoque fuit causa, eaque maioris
momenti: quòd nouus orbis Regi vsq; adeo lon-
gè posito subactus, in illius ditione retineri nullo
modo

modo poterat, nisi à quibus erat quæsitus, ab iisdem custodiretur, ut licentiam barbarorum frangerent, & à finitimis tuerentur, & nostris demum legibus assuefacerent. Neque enim minus est, ut quidam poeta dixit, quam quætere, patta tueri, imo verò ut Nazianzenus probè asserit, longe maius ac difficilius. Ut ergo in peregrina terra homines alioqui patriæ amantissimi tenerentur, fierentque novæ Reip. cultores, atque amplificatores studiosi, fixas ibi sedes collocantes, attributa sunt certa oppida Indorum, quorum, & dominatu & commodis potirentur. Perinde atq; umbra quædam Hispaniæ procerum repræsentata sit, cum subditis, siue, ut nostri vocant, basallis imperitent. Tertia eademque maxima, ac reliquarum fundamentum causa extitit, ut novi Fidei tyrones, teneræque stirpes patrocinio curaque veterum protegerentur, instituerentur, religionis disciplina regerentur. Denique salutis viam, ut omnino munirent, atque infirmos in Fide, ut monet Paulus, assumerent. Arbitror me omnes institutionis huius causas esse complexum. Iam sequitur, ut de vnaquaque quid habeat æquitatis, quid difficultatis, quid officij, disseramus. Ac prima illa de remunerandis laboribus sumptibusq; militarium hominum, ex necessitate quadam potius quàm ex voluntate, aut religione profecta fuisse videtur. Neque enim poterat Princeps, aut per quam ægrè poterat, tantos tot hominum sudores, imo vero etiam cruores dixerim, præmio pari afficere, nisi in nouo orbe illorum virtute parto,

*Quidius.
Innectina
prima contra
Julian.*

Rom. 14.

parto, potétiam quæstumq; partiretur. Nam neque isti alioqui contenti essent, & cæteris similia audèdi, aggredièdiq; cupiditas omnis extingueretur. In Lusitanica India, quod Regum Lusitanorù auspicijs, & auro parta sit, potuit penes Regem totus ille dominatus sine iusta suorum querela retineri. Nostorum verò hominum, quoniã suapte ductu & re, tanta peregerunt, longè aliata tio est. Itaq; necessitatis, vt dixi, cuiusdam fuit, vt suo quodam iure, vt olim Israëliticæ tribus distributore Iosue, terram sortirentur, permanente tamen, quod minimè obscurum est, supremo omnium penes Regem imperio. Quamobrem fatendum est, hac nostris mercede proposita, distribuedi leges quoddammodo, & fuisse, & esse seruandas. Vt planè, nisi alioqui quippiam impediatur, de hac Rep. benemeritis, ipsiusmet emolumentaredantur, & pro ratione meritorum maior minorve portio vnicuiq; designetur. Neq; enim inanis profusus, & superuacanea vox est hominum, suo sudore, & sanguine partis novos, & nihil in Rep. gerentes præclari frui vehementer expostulantium, idq; non levis iniuriæ loco exprobrantium. Etenim cum cætera non desunt, debet profectò laborum, meritorumq; ratio haberi, id quod & Regia statuta præscribunt, & gubernatores à se obseruari contendunt, verè an falsò, non statuo, satis proposito est, omnium vna contentio. Sed ecce ingens malum vnde minus timebatur, exortum, ex æquitate iniquitas, ex commoditate damnum, ex iure

*Ios. 13. &
deinceps.*

confli-

constatur iniuria. Quis enim cum sibi Indos pro mercede propositos, ac redditos intuetur, non statim labores, expensas, pericula, quibus defunctus est, cogitat, parumque esse quicquid capiat, & sentit, & iactat? Itaq; prouentus commodaq; sua, quæ ex Indorum, vel opera, vel tributis percipit, non pro futuro in illos officio, & à se impendenda opera, sed pro iam exhaustis laboribus metienda putat. Cui malo quid remedij possit afferri, non satis video. Verùm illud seriò moneo, atq; contestor, quamuis æquũ sit in eiusmodi commendationibus Indorum, rerum antea præclare gestarum rationem habere, minimè tamen tributa operaque istorum amplius augeri posse, quam conferendi in illos beneficij ratio postulet. Quemadmodum & præfecturæ in Rep. & sacerdotia in Ecclesia benemeritis quidem conferenda sunt, & dignioribus, oppido ampliora, at census, vel publicus, vel Ecclesiasticus pro futuro labore, atque officio datur. Itaque huic percipiendo veteres labores prætexere minimè licet. Sed si profecto desis officio, atq; imposito munere non perfungaris, quantumcunque olim emeritus sis, prouentus tuto nõ percipis. Secõda vero causa cõseruandæ, actuendæ Reip. huius, nõ dubiũ est, quin æquitatis utilitatĩq; plurimũ habeat, quin potius in eo salus Regni tũ tẽporalis tũ spiritualis sita sit, si nõ desint his veluti deductis colonijs coloni sui. Nam id quoq; Romanæ Reip. sapientissimæ moris fuisse cõstat, vt novos colonos, quo firmaret, defenderetq; coloniã suã, domi-

310 DE PROVVRANDA INDORVM
domicilio donatos varijs priuilegijs, commodita-
tibusque prosequeretur. Regis, regnique interest
maximè, vt sint qui tâquam proprium domiciliũ
tueantur, & quoad licet, amplificent. Quamob-
rem propria quadam nuncupatione, eaque apud
nos honorifica, hi proptiè vicini, ciuesue nominã-
tur. Itaque & vxorati esse iubentur, & certam vr-
bem incolere, vnde nisi annuente protege, abesse
nusquam liceat: si abfuerit, absentis expẽsis alius
sufficitur, quod si diutius moras traxerit, ab In-
dorum moderatione remouetur, aliusque succe-
dit perinde, atq; demortuo. Quin etiam Principi
hi omnes feudatarij habentur, fidem suam sa-
cro iureiurando Reip. Regisque iussis astringen-
tes. Itaque bella si qua exoriantur in prouincia,
proprijs sumptibus adire, & belligerari cogun-
tur, quod nuper in bello Ingarum Cuzquenses,
& in Chiriguanensium, Charquenses, Pacenses-
que fecerunt: proinde equos, arma cæteraque
in repentinum quemque tumultum parata ha-
bere, in otio, & negotio Reip. adesse promptissi-
mè. Quæ quidem omnia, & prudenter, & salu-
tariter instituta sunt, neque parum conscientias
eiusmodi hominum leuant, qui pro imposito sibi
onere honorem quoque, hoc est, prouentus refe-
rant. Neque enim, quod multi falso opinantur,
sola est causã redditus Indicos percipiendi, pro-
ptia ac peculiaris Indorum saluti adhibita cura,
licet ea præcipua sit, verùm aliar quoque causæ
sunt, sunt alia etiã publicæ vtilitatis officia, qui-
bus cum addicuntur nobiles homines, iure
remune-

remunerandi sunt. Eas ob res quod regem ex Indis capere oportebat, id in eiusmodi feudatarios omne transmittit. Tertia quoque ac potissima causa supra allata de cura, providentiaque Neophytorum, si nuda ipsa per se spectetur, speciosa plane, & honesta, atque officij plena videatur. Quid enim magis salutare dici potest, quam ut noui Christiani veterum diligentia commendentur? quod etiam in primæua Ecclesia in more fuisse Dionysius Areopagita satis indicat, cum fidei candidati probatæ vitæ susceptoribus traderentur, piè ac salubriter imbuendi, atque officiose adiuuandi. Hæc ut dixi, perpulchra, perque honesta causa est, si nuda ipsa cernatur. At ubi à cogitatione venimus ad rem, Iesu bone, quæ perturbatio, quanta sceleritas. Verum vitio hominū, non causæ hoc fit. Neque vero prauorum peruersitas bonis detrahere debet, sed Dei optimi, & benignissimi ope fiet, ut Patroni officium non deserant, sed nomini suo ipsi respondeant. Nostrium iam est quæ sint horum partes in Indos à se susceptos exponere.

*De Eccles.
Hier. c. 2.*

Quod doctrinam fidei, & moribus sufficientem Patroni Indis susceptis præbere teneantur.

C A P. XII.

PRIMUM ac maximum onus sustinent, Indos iam Christianos effectos in fidei, morumque doctrina, cæterisque ad salutem opportunis, quantum opus est, adiuuandi. Re enim vera Patroni,

Pædagogi, Nutricijque in Christo teneris adhuc & paruulis dati sunt. Hoc omnes sine exceptione consentiunt, & docti, & indocti, & experti & imperiti. Hac lege, hac conditione Indi nostris à Principe commendantur, recepto vſitatoq; more se se penes ipsos conscientiam suam exonerare testante. Quod sanè onus ipsi, qui sustinent, raro intelligunt. Ex hoc primo præcipuoq; documento efficitur in primis, vt quicumq; iniuncto sibi muneris non faciunt satis, non solum graue crimē admittant. maledictionis æternæ rei, quòd opus Domini fraudulenter faciunt, verum restitutioni etiam obnoxij sint, quòd minimè officio functi, ob quod tributa instituta sunt, nihilominus illa perceperint. Neq; enim charitati tantum Christianæ infensi sunt, sed etiā publicam iustitiam ledunt. Efficitur deinde, vt si negligentes admodū segnesq; se præstiterint tales Patroni, neq; emendare & resarcire iacturā pergāt, possint omnino, imo vero debeant ab Indorū cōmendatione remoueri, alijs eorum loco suffectis. Quæ ne duriora quispiam arbitretur, aut quoniam consuetudo contrā obtinuit, tanquam noua respuat, extat hodie quoq; Regij decreti publica fide exemplum, quod ipse quoq; legi, vtrumq; illud, & de restitutione facienda, & de remouendis negligentibus Indorū patronis, seuerè graniterq; statuentis, seruariq; omnino in posterū præcipientis. Ego verò adijciā id quoq; quod perparū aduertī video, cū sit vel maximū, quòd in Indorū cōmendationibus longè plus spectare oporteat, vtrum is, cuius
fidei

Hier. 48.

fidei commendantur, ea existimatione sit, vt imposito muneri non defuturus merito credatur, quā meritorū rerūq; gestarū quantus splendor exiterit. Atq; omnibus modis affirmo id, quod vel tenuiter doctus facile cōcedet, Patroni, indignus si sit, conscientiā quidē nō esse tutā, at multo minus Principis eam curā cōmittentis indigno. Indignū autē eū dico, quē viri boni, ac sapientes ne quaquā idoneū reputāt eiusmodi negotio procurando, nimirū qui præ vitæ impuritate, præ inueterata auaritia, præ socordia ingenita miseros susceptos vexādo, expoliādo, diuina omnia, ac salutaria pro nihilo ducēdo, pessundaturus apparet. Profecto mirari libet, quod cū in triēnali, aut etiā annuo Prætoris creādo, vitæ integritas accuratē quaratur, in perpetuo Indorū Domino, cuius sit vel leue peccatū pernicio sius futurū, vix morū ratio habeatur: sola vel ipsius, vel maiorū merita at tēdantur, tanquā pecunię dandę nō animarū negotiū tractaretur. Quæret ex me aliquis, quā nam institutionē, quā doctrinæ rationē sufficere intelliget Patronus, vt cōsciētix satisfaciāt suæ? Respō debo breuiter ac vere, nūc tēporis magna ex parte ea cura, & molestia liberatos esse patronos: si quidē Episcopi sibi sumpserūt, neq; iniuria, vt sacerdotes ipsi designēt, ac destinēt: quib? Patroni stipēdiū à maiorib⁹ pręscriptū optima fide persoluant. Quod si hos, vel remissos, & negligētes notarint, vel impios, & impuros, vel cupidos, ac rapaces, deniq; gregē Dñi lēdi grauiter insolētia pastortū animaduuerint, p fide, quā suis debēt oportet

C. cum ex inuanto. de Heret. docet id In nocent. 3. Ezech. 3. 1. Pet. 5. ad Episcopos deferant, & quātum in ipsis situm erit, ardentem agant, vt susceptis suis quam optime consultum sit. Id cum sedulo præstiterint, si tamen nihil profecerint, fidem suam hac in parte liberātunt: nec quæretur de manibus illorum sanguis effusus, cuius antistites Principi pastorum, cum apparuerit, rationem reddent. Quot verò sacerdotes in Indorū oppidis habere oporteat, breuiter quidem dici potest, quot erunt necessarij fidei institutioni, sacramentorum administrationi, cæterorumque ecclesiasticorum functioni. Prouincialium vero synodorum, vbi de paræcijs agitur, canonibus definitum est, quoto numero Indorum vnus sacerdos sufficere existimandus sit. Sequatur patronus Episcopi sui iudicium, si synodi decreta seruari vsquequaque non possunt. Quicquid verò parochio tribuendum erat, si abesse contingat, siue negligentia patroni id fiat, siue periuria ministrorum, siue Episcopi desidia, nihil interest: prorsus tantundem debet Indis restituere ad minimum vsque obolum. Neque potest illa summa cuiusuis iudicio in alios vsus conuerti, aut quouis prætextu alio deflecti. Qua de re frustra sanè nonnulli dubitarunt. Nam præter edicta regia id diserte cauentia, ratio est aperta, quod pecunia illa ab Indis tanquam ex conditione persoluitur ad ministros Ecclesiasticos sibi necessarios sustentandos: hi cum defuerint, quacunque ex causa defuerint, debet profecto horum stipedium ad largitores redire ex integro. Quemadmodum cum

pro negotio tuo curando homini pecuniam offers, si nihil ille curauerit, siue culpate id, siue imculpate, certe pecuniam tuam iure repetes, neque te inuito ea pecunia auerti in alias causas potest. Igitur hæc certa, & sunt, & habentur. Illud non item, vtrum qui negligentia sua, crassaque culpa Indos sibi commissos, sine sacerdote, sine legitima doctrina tenuit, teneatur restituere tributa omnia per id temporis percepta, an vero satis sit, tantum reddere, quantum parocho dandum erat. Qua de re alios audire mallet, quam ipse dicere. Verum non teneri omnia tributa restituere, magis mihi persuadeo, propterea quod tametsi doctrina Indorum, proventuum annuorum colligendorum præcipua causa sit, non tamen sola, vt supra explicatum est. Sed sunt alia quoque patronorum onerata reipub. vtilia, quibus cum defuerint, non iniuste tributis aliqua ex parte fruuntur. Iam si quis vrgeat, quantum ergo, & quousque restituendum est? Nihil equidem certius afferre possum, quam vt visitatorum, ac iudicum regiorum sententijs acquiescat, qui cum non soleant præter doctrinæ defectus, & damna alioqui Indis data, aliud præterea iubere restitui, idque mos habeat doctorum ac proborum hominum, aliquid insuper imperare, quamdiu res amplius explorata non est, minimè oportet. Quod si Indorum tam populosa ac frequens turba sit, vt sunt pleræque in prouincijs superioribus, manifestum vt sit vnum sacerdotem tot hominum curæ & doctrinæ nullo modo esse satis:

Cap. 11.

326 DE PROCVRANDA INDORVM
 neq; tamē antistes admonitus plures mittat, vel
 quia nō habet in promptu, vel quia fortasse dis-
 simulat, ita vt Patronus non sit in culpa, quæri-
 tur merito, an oporteat reddere Indis id, quod al-
 teri sacerdoti, si adesset, erat attribuendum. Hic
 quoq; varia res est. Sed cum iuxta retentū mo-
 rem, vel iuxta synodale decretum obseruatum,
 plures essent sacerdotes adhibendi, non dubito,
 quin redditurus sit Indis Patronus, quicquid de
 duorum stipendio, vel plurium subtractum sit,
 siue vitio id suo acciderit, siue secus. Nam vt di-
 xi, pactionis ea lex est. Vbi verò neq; consuetudo,
 neq; synodi dectetum, neq; præsulis vrget præ-
 ceptum, etiam si plures ministros populi nume-
 ralitas postulet, potest Episcopi sui iudicium se-
 qui, si vnum satis esse ille responderit. Deniq; vs-
 que dum ille statuatur pluribus esse opus, potest da-
 to sibi ministro esse contentus. Namq; vt prius
 admonui hac parte sollicitudo præcipua ad Epis-
 copos recidit, qui de Indorū rebus edocti Patro-
 nos molestia antiqua idoneos ministros quæritā-
 di liberarunt. Hæc de præcipua cura Patronorū
 hoc est de spiritali ministerio erga iam Christianos
 Indos, attigisse sit satis,

Quid erga nondum baptizatos Indos Patrenis liceat.

C A P. XIII.

ANtea vero quam ad politica officia progre-
 diar, diluenda est dubitatio de cæteris infi-
 delibus Indis, qui sorte cum Christianis eadem
 con -

cōiuncti sunt, quorum tanta est copia in prouincijs nonnullis, vt intra annum, aut non multo amplius in vna ad decem, & septem millia maioris ætatis baptizati referantur. Albi verò commendati Indi omnes, vel pene omnes idololatræ adhuc sunt, vt in Prouincia sanctæ Crucis. Magna ergo mihi quæstio esse videtur, An à talibus tributa quoque Christiani exigere queant, propterea quòd nondum sunt Ecclesiæ subiecti, ex cuius commissione ius omne nostris in barbaros esse diximus. Deinde quam nam ob rem pensiones eas nostri dignè percipiunt, siquidem nulla ijs sacramenta, nulla diuina officia communicant? Carterum consuetudo nihil videtur inter fideles, infidelesq; Indos discernere, quoad tributa reddenda. Omnes iisdem astringit legibus. Id igitur an liceat, & si olim dubitabam, imo verò improbabam, tamē re magis animaduersa, non adeo mihi persuadeo iniquum. Etenim Principi subditi hi quoque sunt, postea quam terra hæc in illius ditionem venit, siquidem istis non minus ius dicit, quam cæteris: ac proinde quemadmodum olim Paganis Christiani tributa pendebant, cum illi rerū potirētur, ita nunc temporis Christianis Pagani non iniustia persolunt. Neq; enim modo de iure dominatus Indici disceptatur, sed pro confessō summus imperium hoc illi stare, qui impērat. Accedit ad hoc, quòd infideles Indi nullo modo Christi baptismum auersantur, quin & cupiunt, & petunt: verum plerique in numero

328 DE PROCURANDA INDORVM
catechumenorum siue ipſorum vitio, siue no-
ſtrorum negligentiatenentur. Cum ergo in ca-
techismi cura, hi quoque cum cæteris commu-
nicent, non immeritò cum cæteris quoque mi-
niſtris neceſſaria tribuunt. Si quidem Apoſtoli
Pauli præceptum eſt, Communicet autem iſ, qui
catechizatur ei, qui ſe catechizat in omnibus
bonis. Minimè verò ferendum eſſet, vt Chriſtia-
ni Chriſtianis, paganis pagani imperarent, cum-
que vnum eundemque populum hi, & illi con-
ſtituant, non poſſet non exitioſiſſimum eſſe di-
ſcrimen eiſmodi. Quam ob rem præterquam
quòd hiſ quoq; ius dicere, atq; hoſ tueri perin-
de ac cæteros principis intereſt, propriæ ac pecu-
liariter patronorum, parochorumq; partes ſunt,
cum iſtis quoque de ſalute æterna ſeriò agere,
ad Euangelij gratiam vocare ſedulo, de fide in-
ſtruere, inſtructos moribus informare, volentes
& dignos vltro admittere ad Eccleſiæ gremium,
ſi grauiorì periculo vrgeantur, ſalutari lauacro
ſuccurrere, vt ſanctorum Patrum decreta habent.

De conſec. Denique niſi prætermittere, quod ad illos Chri-
d. 4. cap. Si ſto lucri faciendos pertineat, quod non charita-
qui. & ſeq. tis tantum, ſed officij ſui propriam obligationem
agnoscant neceſſe eſt. Quod vſque adeo D. Gre-
gorius ſentit, vt ad Ianuarium Episcopum ſcri-
bat hiſ verbis. Ruſticos, quos habet Eccleſia tua
nunc vſque in infidelitate remanere negligentia
fraternitatis vestræ permiſit. Et quid vos admo-
neo, vt extraneos ad Deum adducatis, qui ve-
ſtros ab infidelitate corrigere negligitis? Vnde
neceſſe

Gal. 6.

Lib. 3. epiſ.
26.

necesse est vos per omnia in eorum conuerfio-
 nem vigilare. Nam si cuiuslibet Episcopi in Sar-
 dinia Insula Paganum rusticum inuenire potue-
 ro, in eundem Episcopum fortiter vindicabo. *Iā 23. q. 6. Iā*
 verò si rusticus tantæ fuerit perfidiæ, & obstina- *verò.*
 tionis inuentus, vt ad Deum venire minimè con-
 sentiat, tanto pensionis onere grauandus est, vt
 ipsa exactionis suæ pœna compellatur ad rectitu-
 dinem festinare. Ex qua sanè tanti Patris autori-
 tate, & diligentiam discimus conuerfioni infide-
 lium adhibendam, & modum, si se duriores præ-
 buerint rusticitate magis animi, quam electione
 rationis, cuiusmodi barbari penè omnes sunt, iu-
 dicij vix sententiam se quentes, sed impetu, aut
 consuetudine impulsī, vt hi certè seueritate qua-
 dam salutari compellantur intrare. Pensionibus
 vero grauandos cœset beatus Pater, quas sine in-
 iuria potestas imponat. Nam si iniquæ essent,
 nullo modo exaggerandas ille censeret. Atque
 hæc quidem ad se dicta sacerdotes accipere de-
 bent. Patroni verò illa, quæ ad nobiles Sardinia *lib. 3. Re-*
 idem Pontifex scribit in hunc modum, Cognoui *gist. ep. 23.*
 penè omnes vos rusticos in vestris possessioni-
 bus idololatriæ deditos habere, & valde de hac
 re contristatus sum, & post pauca, Vnde magni-
 fici filij exhortor, vt omni cura, omni que sollici-
 tudine animarum vestrarum zelum habere de-
 beat, & quas rationes omnipotenti Deo de sub-
 iectis vestris reddituri estis, aspiciate. Ad hoc quip-
 po illi vobis commissi sunt, quatenus, & ipsi ve-
 stræ vtilitati valeant ad terrena deservire, & vos

per vestram providentiã eorũ animabusea, quæ sunt æterna, prospicere. Si igitur impendunt illi quod debent, vos eis cur nõ solutis quod debetis? id est, vt assiduè illos magnitudo vestra comoneat, ab idololatriæ errore compescat, quatenus eis ad Fidem ductis omnipotentem Dominũ et gale placabilem faciat. Hæc Gregorius: quibus & quid liceat accipere, & quid deceat reddere infidelibus Indis sibi commissis, Patroni satis, quantum arbitror, edocentur. Illud obiter aduertendum, quamvis non liceat per vim ad baptismum Christianamq; professionem compellere barbaros subditos, licere tamen imo expedire ab idolis collendis etiam inuitos reuocare, hoc est illorum simulacra, & sana demoliri, superstitiones diabolicas extrudere, quæ non solum Evangelij gratiam impediunt, verum etiam naturæ legem infestant, quam vt seruent, cõpelli infideles subditi sine vlla dubitatione possunt, id quod abũde declarant leges Constantini, Valentiniani, Theodosij, cæterorumq; Principũ Christianorũ, quas mirificè sancti Patres collaudarũt: neq; laudatores modo, sed impulsores autoresq; se præstiterũt. Et re vera quãuis officij minus exhibeatur infidelibus Indis, tamẽ nõ videtur satis cõsuli salutis eorũ, si tributorũ minus spendant, quã Christiani, vel hac enim de causa à baptismo percipiẽdo deterrebuntur, si grauiora tunc sibi tributa imminere cognouerint, quæ potius imminui sanctus Gregorius vult, vt leuem Christi sarcinam, & iugum suauè libentius subeant.

*Cõ. Eliber. can. 41. iu-
bentur*

*Christiani
infidelium
seruorũ ido-
la cõminue-
re, idẽ infi-
nuat Aug.
ser. de Pue-
ro Centu-
rienis.*

*De Paganis
& tẽplis eo-
rũ. l. 1. & l.
Nemo. Ni-
ceph. lib.*

*7. cap. 46.
lege Amb.
li. 5. ep. 30.
cõtra rela-
tionẽ Sym-
macbi. Au-
gu. lib. 1. cõ-
tra epi. Par-
mẽ. c. 7. &
epi. 48. &
90.*

De temporali prouidentia Patronorum in suos.

CAP. XIII.

EAdem quoque Indorum commendatione diligenter præscribitur Patronis, vt non solum in Fidei, ac salutis æternæ eruditione populi sibi commissi curam gerant, verum temporali præsidio in vitæ huius ætænis quotiescûq; ope eorû indigeant, benigne adsint, intelligâtq; se Neophytis datos esse parentû loco. Horû igitur rem politicam iuuare debent, & ab iniurijs, vel hominum, vel temporû pro sua virili tueri. Itaq; vt Hispaniæ procures sui municipij hominibus defensionē, ac prouidentiam proprio iure debent, quo nomine ab illis tributa percipiūt, sic in his locis populis indorû sibi attributis Patroni singularis cuiusdā in otio æquē, ac negotio patrocinijs tenētur obnoxij, aut si id maius, quē admodû familiæ suæ pater ipse familias consulere debet. Serio ergo illud sibi dictû cogitent de cliētibus suis, *Dis-*
cite benefacere, quærite iudicium, subuenite op-
presso, iudicate pupillo, defendite viduā. Abdiā
 in alēdis famelicis, & è periculo eripiendis infanti-
 bus repræsentēt: aut egregiû bonorû sibi diuini-
 tus affluentium distributorem sanctum Iob imi-
 tentur, qui sua illa fortunata tempora memo-
 ria repetens, ait, Si negaui quod volebant paupe-
 ribus, & oculos viduæ expectare feci, si comedi
 bucellam meam solus, & non comedit pupil-
 lus ex ea, si desperi pereuntem, eo quod non
 habue-

Esai. 1.

3. Reg. 12.

Iob. 31.

332 DE PROGVRANDA INDORVM
habuerit indumentum, & absq; operimento pau-
perem. Hac beneficentia & fide si susceptis suis
nostri consulerent, verè & nomini, & officio re-
sponderent suo, essetque non voce tantum, sed
re ipsa horum institutio nouis Euangelij cultor-
ibus conseruandis, & promouendis quam maxi-
mè accommodata.

*Quam circumspectè onerosæ leges fortunæ Indorum in-
dicendæ. CAP. XV.*

E Numerauimus hætenus omnes, vt reor, Patro-
norum functiones, institutionisq; huius cau-
sas, quas intuentes ijs, quas cernimus, legibus
Principes hanc Indorum Remp. condiderunt. In
alijs orbis regionibus, apud Orientales præfer-
tim alias esse rationes neophytorum institu-
endorum non ignoro; neq; verò disputo, an nostra
hæc longè illis inferiora sint, minusque ad sa-
lutem, quam quærimus, accommodata. Fuisset
fortassis alia Reip. forma commodior, & ad Iesu
Christi notitiam consequendam nouis gentibus
multò iucundior. Quamquam vt dixi supra, quæ
nostris barbaris incommoda acciderunt, homi-
num magis nequitia, quam administrationis vi-
tio referenda sunt. Quamuis enim rectè & sapien-
ter constituta Resp. quamuis æquis legibus tem-
perata, facile improborum temeritate violatur,
cum sit nihil, quod non humana perversitas, si
relinquatur sibi, cõuertat in perus. Viderint alij,
quid cui præferendū sit. Nos ea omni collatione
præ-

prætermiſſa, præſentia, & nobis nota tractamus, illud ſuperiorib⁹ adiſciētes, cauſas eas, quas retuli, noſtris vt Indi cōmiſſi ſint, oportere omnibus vtriuſque fori, externi inquam, atq; interni iudicibus eſſe notiſſimas. Quibus ex omnibus rectè ſapienterq; animaduerſis poterunt proſectò legiſtatores ſtatuerè, quid tributi gens quæq; Indorum Patronis ſuis ſoluere debeat. Idque vt ſine vitio, & errore decernant, perſpiciant primum quantum, & quibus è rebus prouentuum commodè omnino poſſit afferre, tum verò cum ratione metientur, impoſito oneri, ac functioni exoluendæ ſuæ, quantum Patronis aſſignare par erit, idq; ex æquitate, & prudentia moderabuntur, vt non aliorum remiſſio & indulgentia, aliorum, vt Apoſtolus ait, ſit tribulatio. Et facultatem ergo Indorum, & præpoſitorum operam, atque obligationes intuebitur ſapiens Reip. moderator, vt tributa taxet, atq; conſtituat. Quam ſanè & facultatum, & gubernationis rationem ſimul ineundam in cenſu imponendo, & vel augendo, vel relaxando Ariſtoteles quoque ad Reip. conſeruandam incolumitatem valde commendat. Si quidem excedat, inquit (populus populique gubernandi difficultas, vt ego interpretor) augeatur cenſus ſecundum multiplicationem: ſin verò deficiat, relaxetur, ac minor fiat cenſus taxatio. Quo ſanè ſpectaſſe videntur nonnulli gubernatores noſtri. Iam verò vltèrius progredi, & quantum ex vnoquoque viritim exigi oporteat, & vtrum homines tantum cenſeri debeant, an etiam fortu-

2. Cor. 8.

5. Pol. c. 8.

fortu-

fortunaꝝ, vt ditiores plus tribuāt, & quousq; nostrę considerationis fines egreditur, legū prudentiæ potius id vniuersum relinquendum. Nobis, quę causa sit iusta tributorū Indicorū, & ad quā regulā debeant temperari, exposuisse satis est. Illud tantummodo admonendum arbitror, tam grauē esse hanc imponendi tributa prouinciam, vt nisi multa accurataq; consultatione virorum prudentium, & rerum peritorum, atq;, quod caput est, ab omni cupiditatis specie alienorū res primū agitur, agitataq; manifeste constet, quicquā decernere, ac lege sancire valde temerariū sit. Si enim ad priuatas de fundo, de domo, de legato controuerſias finiendas, solent homines non cōtenti vulgaribus, Regios etiam senatus adire, & ē sapiētissimorum iudicū suffragijs sententiam postulare, quāto obsecro amplius, ac maius est, cū de totius gentis perpetuo censu agitur, vbi vel leuissima iusti, & æqui ignoratio damnū affert fortunis innumerabilium hominū sempiternū? Quamobré seuerissimē simul atq; sanctissimē Romani Pōtiffices inter atrocissimos casus sedi Apostolicę reseruatos illum semper numerandum putarunt, cū domini Christiani populorum sibi subditorum ceruices, vel nouis pensionum oneribus premūt, vel auctioribus cumulant. Quę vel vnica res nō gotij magnitudinem copiose perspicuēq; declarat. Neq; enim esse potest Proregis, Pręsidisve, leue, aut venia dignū erratū, vbi vel studio partiū, vel rei cognoscendę negligentia, vel proprij sensus fiducia, in tanto negotio labitur.

*In. 4. casu
bullę Cōn. c.
Dñi. 1568.
Sylu. Excō.
7. §. 54. Ga
bella. 3. §.
7. Naua. c.
27. nu. 58.*

Quid

Quidam confessionibus Patronorum audiendis sacer-
doti providendum. CAP. XVI.

AT vero de Principum legibus magistratuum
 que sententijs censere non interest cetero-
 rum, quibus potius præceptum est, ne contra iu-
 dices iudicent, & ut pareant siue Regi quasi præ-
 cellenti, siue ducib⁹ ab eo missis. Certè Christus
 Dominus, neq; Cæsaris censum, neq; sacerdotu di-
 dragma reprehendendū, imminuendūve puta-
 uit: sed tū hoc soluit, tū illū reddēdū docuit. Ne-
 que illius Apostolus tributorum vestigaliumve
 examen, sed redditionem integram imperavit.
 Quare vbi non est manifesta tributi impositi ini-
 quitas, & Præpositus tuta conscientia petit, & sub-
 ditus non tuta subtrahit. Itaque Sacerdotes dum
 vel Patronorum res concionibus versant, vel ho-
 rum confessiones audiunt, non debent nimij es-
 se censores, ne nihil agendo pacata perturbent,
 & sine vlllo fructu quieta pectora extimulent:
 neque verò decet, quæ publica lege firmata
 sunt, priuata autoritate velle conuellere. Hoc vt
 dixi, vbi lex non apertè esset iniqua. In quo
 fortassis quidam zelo non secundum scientiam
 vtentes, dum nimium emungunt, iuxta vetus
 prouerbiū eliciunt sanguinem. Habet hic lo-
 cum illud antiqui sapientis, vt ne quid nimis.
 Quin potius sic à sacerdotibus Christi eiusmodi
 homines excipiēdi sunt, quemadmodū manipu-
 lares olim à Ioanne Baptista, quibus de sua salu-
 te querentibus breuiter cū magna moderatione
 respon-

Ecc. 8.

1. Pet. 2.

Matt. 22.

Matt. 17.

Rom. 13.

Didracmū

Cæsari sol.

ni vult Hie

ron in Mat

thæum. At

Ambros. li.

1. epi 1. &

Hilari⁹, &

Chryso. &

Theoph. in

Matth. Sa-

cerdotibus

solui cen-

sent.

Prov. 30.

Luc. 3.

respondit, Neminem concutiat, neq; calumniâ faciatis, & contenti estote stipendijs vestris. Sed notanda sunt tamen conscientijs istorum tractandis præcepta nonnulla, in quibus quantum ad rem de qua nunc agimus pertinet, frequentiores esse iniuriæ solent. Primum quamvis in taxationibus tributorum publica lege conscriptis, auctoritati Principis acquiescere possit Patronus, nisi aperta fraus, aut iniuria, aut vis intercedat, neque de hac re nimium hærare, aut sollicitari debeat sacerdos, cui eiusmodi cura minimè incumbit, scire tamen, & hunc & illum oportet, si Indus aliqua ex causa peculiari non sit nisi magno suo detrimento soluendus, non posse tributum ab eo tuto exigi. Exemplis res fiet perspicua. Fortè accidit, ut anni inclementia agricola fruges, vel vitiatas, vel perexiguas collegerit: accidit, ut ægrotaret, ut vel tugurium ignis depastus sit, vel ouiculæ scabie interierint. Hic si Patronus rigidè tributū exigat, & infelicem Indum, cuius tenuissima, & in diem tantum res est, coniiciat in vincula, aut malè mulctatum dimittat, magnam facere iniuriam putandus est. Nam etiam si ex mutuo, aut permutatione ista ille deberet, tamen cum tanto suo damno soluere nemo æquus cogeret, cū Propheta seuerè increpet eiusmodi rigidos exactores, dicens, Percutitis pugno impiè, & omnes debitores vestros repetitis. Præterea verò, ut est supra definitum, tributum nullo modo debet nisi ex ijs, quæ habet, commodeve habere potest, congruenti sibi familiæq; sustentatione seruata. Quæ
si casu

In Cōc. Tr
ron. c. 49.

Esai. 58.

si casu aliquo subtrahantur, neque premi molestè debet, neque in sequentes annos præsentis exactione onerari. In qua re nonnulli nostri liberales se haberi volunt, quod ea remittant, quæ recuperare non possunt. Alij inhumana atrocique contentione seruitutis genus edicunt, vt tam diu laborate cogantur, quoad ipsorum arbitrio sit satisfactum. Illi quidem non admodum admirandi, cum id faciant, quod necesse est, fiat: hi verò profus etiam detestandi, quod ius suum iniuriam aliorum putent. Atque hoc est, quod olim sanctus Papa Gregorius valde cum Augusta exposulat Corsicæ exactiones tam durè fieri, vt filios suos, Insulares vendere cogerentur, vt tributa persoluerent. Ipse verò Dominus Israelis improbitatem execratur, pro eo quòd vendiderit pro argento iustum, & pauperem pro calceamento. Qui conterunt, inquit, super puluerem terre capita pauperum, & viam humilium declinant. Tàlia à nostris agitata cum Indis non ignorant regionis Americæ experti. Id ergò totum iniquum est, & extremæ rapinæ non absimile. Quin potius quoties graui egestate & damno propter annonæ caritatem, aut morbum quemuis grassantem, aut rei familiaris infortunia Indos premi patrónus videt, debet omnino non illa charitatis tantum lege communi, sed propria susceptionis suæ ratione, subuenire, ac de suo tribuere. Hoc igitur ita habet, Alterum verò documentum est, permutationes patróni facete ne sinantur, à quibus lege prohibentur. Solent pro veste, exempli cau-

li. 4. epi. 33

Amos. 2.

sa, argentum, pro frumento vestem, pro radicibus aliud aliquid, sæpe etiam ipsorum operas quætere, quod totum per iniquum experientiam ostendit, lex interdixit. Et si enim pretium æquale videntur & petere, & capere, tamen reuera & sibi vtiliora, & Indis gratiora moliantur. Hic ergo etiam vigilet Sacerdos Domini, Tertium idemque valde ad rem pertinens sit, tum in exigendis tributis, tum in persolvendis operis seruitijsque Indorum oportere fraudes, atque imposturas vitare eorum, qui inter Indos ipsos excellunt, cæterisque præsumunt, quos Caracas seu Caziques nominamus. Horum quippe fraude, & violentia miseri plerumque suo sudore frustrantur, sæpè multò plura conferre coguntur, quam lex ratiove præcipiat: cum sit subditorum tanta imbecillitas, tanta plebis invalidæ trepidatio, ut ne mutire quidè audeant contra suos illos satrapas, sed viui ac videntes pereant potius, quam illorum imperijs minime obloquantur. Hanc tam præpotentem tamque diu expectam tyrannidem nostri susceptores compescere certè deberent, atque etipere inopem de manu fortiorum, secus res habet: utriusque compositò fabulam agunt, istis illis sponte conueniunt, illos isti patienter ferunt: ut simile quippiam patemur lupi, atque vulpis agi videatur. Quod malum quam latè pateat, nemo non sentit quires Indicas vel summis digitis attigit. Remedium verò quale sperare liceat, ignoro, cum inde perniciēs proficiatur, unde salus maximè petebatur. Sed publica lege, ut eiusmodi scelere, & dolo occurratur,

ratur, caueri iam dicitur, haftenus certè cautum esse videmus nihil. Vt cumque id habeat, peruestiget spiritualis medicus, an hoc quoque loco, vt solet virus infideat, aperiatque diligenter, ac ferro resecet, nec parcat igni, si opus sit, quippe cum in lethali profundoque vlcere, seueriora medicamenta tutiora sint. Ac nescio an hoc loco de magistratibus, sacerdotibusque vsurpem illud sancti Leonis, inferiorum ordinum culpas ad nullos magis esse referendas, quam ad delinquentesque rectores, qui multam sæpè nutriunt pestilentiam, dum austeriorem dissimulant adhibere medicinam.

*Epi. 86. ad
Nicet. a. dis.
86. inferio-
rum.*

De seruitio personali Indorum.

CAP. XVII.

SEQUITVR, vt de seruitio personali Indorum disseramus, seruitium personale solemus intelligere quicquid vtilitatis ex ipso hominum labore, operaque percipitur. Quo in loco, quoniam impeditior, asperiorque est, & si quis alius maximè necessarius, consistere aliquantulum oportebit. Atque in primis Indos non esse seruitute mulctatos, sed liberos prorsus, & sui iuris ex ijs, quæ in libro secundo disputata sunt, sumimus. Etenim, & publicæ leges, ita statuunt, & consuetudo diuturna, & ratio constans, ac certa, quòd qui nulla iniuria lacessunt

non possint reddi belli iure captui. Nempe sermo nobis est nō de generali quadam subiectio-

Lib. 1. Pol. ne, quam Aristoteles non admodum propriè vo-
Li. 2. ep. 7. cat seruitutem naturalē, quamq; D. Ambrosius

Gen. 9.

non natura introductam neque venditione comparatam, sed insipientiæ redditam dicit, ad Noë in Cham filium irreligiosum, maledictionem alludens : se illoquimur de civili legitima ac propria seruitute, quæ iure gentium victos victoribus subdit, quomodo solent definire philosophi seruum, quicquid est, domini esse. Liberi ergo isto modo Indi cū sint, operas illorum ac labores in a mercede frustrari iniquissimum est. Nam siue agrum tuum excolat, siue gregē pascat, siue domum ædificet, siue pabulum ac ligna comportet, siue onustus eat, siue literas cursor deferat, siue domi tui desidens ostia obseruet, denique quicquid operis agat, cuicunque vsui sit, dignus est operarius mercede sua, quam qui negat, sanguinis reus arguitur. Sic enim monet Spiritus sanctus in sapiente, Qui aufert in sudore panem, quasi qui occidit proximum suum, qui effundit sanguinem, & fraudem facit mercenario, fratres sunt. Et in lege Domini diserte positum, Nō morabitur opus mercenarij tui vsq; mane. Per Malachiam quoque se Dominus minatur testem velocem in eos, qui calumniantur mercedem mercenariorum suorum. Neque mitiora Iacobus Apostolus, Ecce, inquit, merces operariorum vestrorum, qui messuerunt regiones vestras, quæ fraudata est à vobis, clamat : & clamor eorum in

aures

Eccli. 34.

Leuit. 19.

Malac. 3.

Iaco. 5.

aures Domini sabbaoth introiuit. Terribilis sanè clamor, qui pro subducta mercede aures Dei aduersus potentes, & diuites interpellat. Quod si in alieno iumento onerando, vel æquo ferèdo pretium domino iustè rependitur, cur non iniquum valde existimetur hominis liberi corpus oneri lahorine addicere, neque quicquam tamen solvere pro opera collocata? Illud quoque vigilanter audiendum, quod sermo diuinus non eos culpat, qui mercedem penitus abnuunt, immane enim id atque inusitatum relinquendum putauit, sed eos nominatim perstringit, qui vel morantur vel imminuunt, vel quouis modo defraudant pretiū sudoris alieni. Ne mihi igitur obsoletum à te cibum porrectum commemorares, ne vestem annuā, ne agelli portiunculam illius vīsibus relictam referas. Adest iustus arbiter Deus, qui se etiam testem pro paupere & quidem velocem pollicetur. Quæres, quæ nam æstimatio iusta sit, vt scrupulus omnis tibi eximatur. Si lege præscriptum est pretium, vt in rebus plerisque est, ne alium quæras interpretē, quicquid de legitimo detrahis, rapina est. Si nulla lex est, communis æstimatio bonorum atque prudentium ponet modum, aut etiam vtriusque locantis inquam & conducentis mutua pactio, dummodo dolus omnis, & visabit. Quo toto genere multum ac sæpe peccant, & patroni Indorum, & prætores, & ipsi passim parochi, dum subditis pro rerum occasionibus multa imperant, nulli aut pauca persoluant, qui neque à culpa eximi neque à satisfactione

Mal. 3.

342 DE PROCVRANDA INDORVM
excusari vlllo modo possunt. Neq; verò obsequē-
di facilitas, & prompta opera Indorum prætendi
debet, cum genus hominum timidum ob id tam
officiosum, atq; obsequens se se præbeat, quod ti-
meat sibi, atq; consulat, dumq; pœna liberetur,
pretium non audet repetere, id enim seruilis in-
genij est. Alioqui cum se possunt subducere ex
oculis, neque plagas timēt, egregiè fugitant ope-
ramq; detrectant. Igitur cuius operæ cuius la-
bori Indorum mercedem suam esse reddendam
perspicuū est. Sed quoniam lege interdum præ-
scriptum est, vt certus Indorum numerus Patro-
no detur ad hoc illudvè negotium, vt ad pascēda
pecora, aut agrum excolendum, sementemvè fa-
ciendam, quod olim vsitatus erat, & nunc & tē-
poris in nonnullis locis fit, quærunt multi, an id
iniquum quoq; sit, quod videatur seruitium per-
sonale introduci contra modo definitā quæstio-
nem. Verum id sanè iniquum non est per se, cum
tributi loco accipitur. Nam quam essent aliàs pē-
sionem reddituri, vel argenti, vel vestis, vel cæte-
rorum, tantumdem si remittatur Indis, pro ope-
ræ mercede redditum intelligitur. Vbi peruersi-
tas illa cauenda est, ne eiusmodi onera inæquali-
ter Indos premant, sed per sortes, vicesq; suas, tum
vt huic detrahatur de illius tributo, quod ipse ser-
uiuit, ac non huius sudoribus alius luctum fa-
ciat. Itemq; illud prouidendum, ne ob eas ser-
uiendi vices sibi rebusque suis in necessarijs de-
sint. Quæ quidem omnia dictare facile est, perfici-
cere verò, aut infecta emendare per quam
diffi-

difficile. Libero homini mercedem reddi oportere pro opera ostensum est: vtrum verò liberam quoque esse oporteat illius operam, ac nullo modo cogi, à multis merito quæritur. Mouet enim non parum hinc, quod liber homo si cogitur, liber non est, atque adde qui ad opus inuitum trahitur, non leuem facere videtur iniuriam, seruale enim est pati vim. Inde verò non parum quoque vrget, quòd si barbarorum ingenio, & voluntati indulgendum est, nihil operis vnquam fiet, nihil negotij conficietur, quippe qui otio desideant, ac sibi etiam ipsis vix necessaria laborent: alios verò nisi vi aut metu perculsi, nihili faciant, Atque hoc loco non disputamus de ea coactione, quæ affertur cum ipsorum interest, vt cum sibi oppidum ædificare iubentur, aut templa extruere, aut fundos colere, cætera quæ rei, vel publicæ, vel familiaris officia, est enim in aperto res, cum etiam ingenui omnes ad ista compellantur, cum militiæ pacisve negotia ita fieri exigunt. Magistratus cum ista & indicit, & vrget pro officij sui munere facere non dubitatur. At Respublic. hæc Indicana cum partim Europæis, partim Indicis hominibus constet coagmentataque sit, cumque sint multa, quæ nullo modo Hispani in his locis per se faciant, propterea quòd vel laboriosa, vel sordida ducunt, & vt quam maximè velint, non possunt tamen tanta perficere, quale est, humum effodere, rudera egerere, lateres cogere, onera haurire, iumenta agere,

cæteraq; seruilia, quæ si defint, breui omnis ciuitas deleatur, necesse est: ad talia igitur si spõte sua barbari minimè ducantur, an liceat fasque sit per vim, metumue compellere, id prorsus in quæstionem vertitur. De qua re sunt, qui Indis vsq; adeo patrocinantur, seridè vt affirmant grauem ferre iniuriam, cum ad ista coguntur: Hispanosque vel sibi seruire, vt in Hispania sit, vel si ingenui omnes esse pergunt, eos neque vesci, neque bibere iubent, siquidem qui non laborat, ne manducare quidem eum Apostolus vult. At si dura ista omnia videntur, deserant, inquiunt, deserant quam cupiditate non vtilitate terram occuparunt, & ad patrias angustias reuertantur. Quorum etsi dictu apparet liberalis, atque honesta sententia, tamen factu tam est & difficilis, & absurda, vt nihil præterea. Nā vt demus ex Hispanis non paucos posse seruilia ista tractare, propterea quòd natalis, educatioque non admodum abhorrent, & lucris spes potest fortassis excitare: tamè quota ista portio est hominum præ multitudine necessaria? Iubere autem vel ista cessare, vel nostrates ad sua remeare, quis non videt, quam sit fidei & religionis lumen extinguere? Quamobrem non est improbandum, quod ciuitates omnes institutum tenent, & seruant, vt Indorum ad ista necessaria multitudo deputetur, parereque, si nolit, cogatur, dummodo & conueniens, vt dixi supra, merces labori retribuat, & cum minimo salutis fortunarumque suarum incommodò ab Indis ista exigantur, tum etiam inter ipsos iusta oneris

operis vicissitudo seruetur, ne aliorum remissio, aliorum sit tribulatio, sed ex æqualitate, vt dixit Apostolus. Si tria hæc custodiantur, nihil hinc inesse iniuriæ, nihil querelæ, primum proborum ac sapientium hominum cōsensus persuadet: qui & nunc, & ex ipso initio ita Remp. hanc administrādā intellexerunt. Deinde ipsorum barbarorum consuetudo per antiqua ab ipsis Ingarum Regum exordijs ante Christianum nomen auditum multis sæculis conseruata. Postremo ius naturæ hoc habet, vt ad totius corporis, familiæ, ciuitatisve cōseruationem necessariæ partes laborare iubeantur. Neque enim oculus calcare terram iubendus est, vel culinariam paterfamilias exercere. Vniuersa porro Indorum, atq; Hispanorū multitudo vna eademq; Resp. habenda iā est, non duæ quædam inter se disiunctæ, siquidē, & Rege, & lege vtuntur ijsdem vtriq; & vtrisq; tribunal, & ius non aliud, atque aliud; sed idem certe. Quare quæ ab Indis nostris hominibus operæ impenduntur, non exteris & alienis collocari putandę sunt, quod fortassis fallit nonnullos, sed suis potius ciuib; quoniam & si testa ferro male cohæret iuxta Propheticum vaticinium, tamen eosdem statux huius pedes ambo componūt. Itaq; mirandū nō est, si testa ferro prematur interdum, illud potius optandum, ne penitus cōminuatur, ac dissipetur. Deniq; Aristoteles magnus ciuitatis instructor, toto suo primo Polytico, aut nihil agit, aut hoc certē obtinet, vt secundum naturam in Repub. quidam seruiant, qui labori

idonei sunt, quidam imperēt, qui ratione potius præstāt, dummodo alijs alij adiumento sint, oculosq; alter ad videndum, pedes alter ad ambulandum mutuet. Quæ si vera sunt, manifestū est nō esse ab æquitate alienum, quodd publica diuersoria per vices suas, quas mitas ipsi dicunt, Indi & incolere, & viatoribus necessaria præbere pretio dato iubentur, quod ex veteri Ingarum disciplina nostri accepere, vt alia pleraque plena prudentiæ. Neque verò improbandum, quod mercenarij conducticij certo die, & loco adesse Magistratum decreto solent, quodq; publicis operibus, vt pontibus reficiendis, vijs expediendis, alijsque id genus distinentur. Neque illud vituperandum quodd peculiare ob causas ad domestica ministeria quibusdam locis attribuuntur, vt in xenodochijs, in religiosis domibus, tum etiam publicorū nobiliumve hominum, aut contra grauitè affectorum, & indigentium seruitijs suo ordine, & ratione assignantur. Abusio tamen illa amputanda est, & pro iniqua ducenda, cum in eiusmodi militatos (sic enim vocitant) siue mercenarios iustum pretium imminutum est, vel maiora, quam vires ferant, imperantur, vel diutius retinentur quam pro ratione præscripta, quæ iniuriosa sunt omnia, & ex improbitate hominum potius quam ex villo vero iure profecta. Neque bona vnquam fide ista vsurpata sunt, sed magna, vel temporis, vel hominum corruptione. At personalia seruitia quæ diximus, publica auctoritate inducta sunt. Priuata verò an fas sit aliquando bar-

barbaros nolentes ad opera opportuna cōpelle-
re, non tam dubitare videntur multi, quam ip-
so suo facto dubitandum afferunt. Deprehen-
sus, vt tritissimo vtat exemplo, in media via His-
panus, cibi indiget sibi, pabuli iumento, aut etiā
sarcinulis vectandis iamenti quoque. Orat In-
dam vt sibi subueniat, explicat causam, pre-
tium offert, nihil ille mouetur, neque prece, neq;
pretio, neq; verò flocci facit, vtrum viam ille cō-
ficiat necne, imo ne si intereat quidem. Hīc fa-
cti nulla esse solet quæstio. Nam dicto citius In-
dus capillistrahitur, calcibus tunditur: sedulo sta-
tim, atque copiose cuncta administrat, adeo vt
plerique iactent nostratium, persuasum Indis esse
à suo Zupaio, idest diabolo, nihil vt Christianis
sponte impertiant, sed per vim omnino, & inu-
riam. Quæ quanquam militum licentiæ, & rapi-
næ fabula opportunè inducta est, tamen res ipsa
non admodum abhorreere videtur à vero. Etenim
qui barbarorum confessiones pro veteri super-
stitione idolotum sacrifici hodie quoque au-
diunt, feruntur grauissimas pœnas ei iniunge-
re, qui se se aliquid Christiano profuisse confes-
sus sit. Neque mirum est eo vsque progredi ho-
stis antiqui in Christianos odium, in suos quibus
potest modis trās fœdum. Sed redeo ad rem. Cum
eiusmodi angustia incidunt aut ijs similes, quod
in his regionibus percrebrum est, quid Deū timē
mētiviro agēdū sit, dicā, vt sentio. Primū si potest
pactione transigi, id multo prius ac melius. Vbi
nō potest, si cōmodè cōueniri potest magistratus
ali-

aliquis, qui publica auctoritate cogat, adeundus est. Hic quoq; si desit, ut deest perſæpe, ac negotij grauitas vrget, nihil aliud præcipi poteſt; neque breuius, neque planius, quam vt leges neceſſitatis obſerues, quæ tibi neceſſaria ſunt quærens cum quam minimo proximi detrimento. Honeſta certè aliqua viſ, atque compulſio afferri poteſt, & terroris quædam ſignificatio, tanquam puero alicui iuſta, & commoda contemnenti. Qua iure multum plerumque iuſti, & æqui limites tranſiliuntur. Quorſum enim verbera, ſi verba ſunt ſatis? quorſum plagæ, ſi vel metus incuſſus hominem ſubigit? Iam verò an onera baiulanda Indis imponere crimen ſit, multi quærent. Nam prima illa tempeſtate Hiſpanorum has regiones peragrantium, magnam eſſe hominum factam iacturam propter eius generis duras moleſtias non dubium eſt. Quamobrem & olim ſæpe, & nuper demum lege lata Indi onuſti iter carpere prohibentur. Tamen conſuetudo omnium propemodum ſecus habet, tum harum regionum incredibilis incommoditas, & penuria id veluti ſuo iure depoſcit. Sanè Indos onerari onuſtoſque incedere per ſe quidem, neque iniquum eſt, neque pernicioſum, cum ab antiquiſſimis annis, ita aſſuefacti ſint, fueritque ſolenne toto tempore Ingarum imo verò hodie quoque ſe ſuis ſarcinulis ipſi onerent, quæ ſæpe non leuius pondus habent, quam quod à noſtris imponitur. Neque habet ea res plus miraculi, aut violentiæ, quam quòd in Europa baiuli onera etiam grandia dato pretio quouis

vnde

vnde vis, portant. Quamobrem si & onus moderatum est, & via non longior æquò, & pretium non iusto minus, nihil res ipsa petuerit habet. Vtrum verò expediat necne Reip. ista vel prohibere, vel sinere, non nostri arbitrij est decernere. Lex verò quatenus obliget consuetudine cōtra obtinente, nihil habet hic propriæ difficultatis, sed commune est cum alijs plerisque. Certè ut est culpanda, vel detestanda potius veteranorum quorundam immanitas scēdissimè barbarorum ceruicibus abutentium, ita etiam quorundā delicata nimis hoc tēpore trepidatio est improbanda, qui non vident, non solum cōsuetum vnicuiq; non esse molestum, verum etiam iucundū, putantq; omnium sensus, & animos ex suis esse metiendos. Integrum æstiuum diem metendis frugibus insudabit rusticanus, aut aratro ducendo, qui si quartam horæ partem vtrumque genus humi figere iubeatur, necem sibi præfagiet certam. Est suus vnicuique iucundus labor. Itaque gentes Indorum apud nos baiulandis oneribus perassuetæ, si æquò plus non vrgeantur, neq; iniuriæ, neque incommodi quicquam subeunt, cetera, ut dixi, moderata sint, pōdere, labore, pretio.

De metallorum operatione.

CAP. XVIII.

AT illud durissimum videtur imperium, cum metallis effodiendis mancipātur, quod vsq; adeo ærūnosum & graue à priscis est iudicatum,

vt quemadmodum nunc ad tricemes damnantur propter insolentia crimina homines facinorosi, ita olim ad fodienda metalla damnarentur, quod capitali supplicio proximum erat. Ad id ergo homines liberos nihil mali commeritos adigere, inhumanum, atq; iniquum valde videtur. Deinde compertum est eo in labore multos absumi, vel fatigatione fractos, vel discrimine extinctos. Horror est dicere, quæ mineralium intra ipsa abditissimæ telluris viscera delitescētium facies sit, quæ vorago, vt verè tartarus ipse patere videatur, neque ineptè Poëtæ olim gazas apud Plutonē reconditas fabulati sint. Chrysostomus sui temporis laborem hominum in extrahendo metallo miratur, narratque eloquenter, verum illa omnia præ nostris fumus, & umbra sunt. Perpetua atq; horrenda nox, aër crassus & subterraneus, descensus prolixus & perdifficilis, cum durissima rupe sæua contentio, statio periculosa, siue stigium nupet, actum est, humeris vectatio permolesta, per gradus obliquos, & male herentes ascensio, cæteraq; etiam cogitatu graua. Ad hæc cum argenti venæ in præruptis plerūq;, & inaccessis rupibus sitæ sint, terraq; inhabitabili, vt curentur, à patria extorres veniunt, solum aëremque mutantes, facillimè valetudine afficiuntur. Quid verò vbi argenti viui effodiendi labor est, cuius vel tenuissimus halitus, cum igne circūclusum exhalatur, præsentem necem affert? Quid de gemmis explicandis dicam? In oppido Rio de la hacha, vocato cum essem, comperi duram Indorum seruitutem

nitutem extrahendis conchilijs, summo mane in
 ratem imponebantur, in pelagus descendebāt
 magnæ sæpe profunditatis, vbi integrū penē ho-
 ræ dimidium halitu compresso vrinatorum mo-
 re, conchilia, ostreaq; conquirerent immenso la-
 bore, summo periculo, cibus semper parcissimus:
 commercium omne interdictū: custodia omni-
 bus nocturna communis: vitæ ratio molesta, ac
 liberis hominibus prorsus aduersa. Hæc diu
 actitata, serò tandem animaduersione digna emē
 data sunt, sed sunt tandem Rege catholico id se-
 mel, ac bis, ac tertio inquirente, & agente. Itaq;
 Indi omnes liberi declarati sunt, & ab eo labore
 cessare iussī: quicūq; superstites tā diuturno labo-
 ri reperti sunt. Ad eundē ergo modum, & metal-
 lorū effodiendorū non admodū dissimiles ærum-
 næ sisti debere nō paucis videntur. Habent enim
 cū iniuriam contra libertatem Indorum, quod
 seruire cogantur alieno lucro cum tanto suo in-
 commodo patria sæpe liberisque desertis: tum
 vero exitiale periculum, cū cæli mutatione, la-
 boris molestia, rei ipsius discrimine impendere
 videatur interitus. At si metalla curari desierint, si
 argentū è venis nō eruatur sabueris à radicibus
 mōtib⁹, vt est apud S. Iob, si aurū ex flumiorū obi- *Iob 28.*
 cibus nō cogatur, mineraliaq; cetera negligātur.
 actū est, Indorū negotiū & Resp. interijt. Neque
 alios fructus Hispani tāto Oceani circuitu quæ-
 rūt, neq; alia ex causa, vel mercatores negotiātur,
 vel iudices præsident, vel ipsi quoq; sacerdotec
 plerūq; Euāgelizāt. Argentum aurumq; si desit
 36

& se subducatur ex oculis, omnis frequentia, omnis
 commeatio, omnis civilis & sacerdotalis concur-
 sus breui evanescet. Insulæ Hispanica & Cuba, &
 sancti Ioannis, olim quidē frequentissimæ dū auri
 materia circumfluerent, nūc penē desertæ & hor-
 ridæ, postquam indigenarum penuria pretiosissi-
 ma metalla, quæ illic abundant, elaborari non
 possunt. In omni hoc nouo orbe eas provincias
 doctrina maximè florere cernimus, quas opibus
 quoque præstare constat, ut ad hoc commune
 emporium omnes vndique confluere videantur.
 Equidem nescio vtrum potius faciam, querarne
 nostrorum temporum calamitatem, & charitatē
 refrigerentem, fidemq; raro in quoquam inue-
 tam iuxta Domini verbum, tot animarum millia
 ut Christo lucrifiant, non satis merces videri dig-
 nas, quæ nostrorum animos excitent, auri argen-
 tique cupiditatem longè plus valere apud nos, ut
 ista si desint, animarum salus pro nihilo fiat? An
 verò Dei bonitatem, summamque providentiam
 admīret, qui pro nostrorum hominum ingenio,
 ut gentes adeo remotas, & barbaras Euangelio
 adiungeret, aurum argentumque his terris tam
 copiose donavit, hisque veluti illexit nostrorum
 cupiditatem, ut si charitas non invitaret anima-
 rum, auri saltem cupiditas inescaret? Et quemad-
 modum olim incredulitas Israëlitis salus fuit gen-
 tium, ita nunc Christianorum avaritia Indorum
 vocatio facta est. Quid enim? siue per veritatē
 siue per occasionem Christus annūtiatur? sed
 in hoc gaudeo, sed & gaudebo, ait magnus Apo-
 stolus.

Luc. 18.

Rom. 11.

Phil. 1.

stulus. Occasiones namque benefaciendi etiam
 Deus captat. Prima Evangelij diffusio ex trepi- *Aet. 8.*
 datione, & fuga discipulorum ob Hierosolymi-
 tanam tempestatem nata est, Apostolis solis vel
 penè solis Hierosolymis persistentibus. Populus *Deut. 28.*
 Israeliticus ob iram Dei sibi commeritam inter *Hiere. 9.*
 gentes dissipatus est, quibus magna ex parte sa- *Tob. 13.*
 luti fuit. Itaque & populo suo iram, & alieno mi-
 sericordiam eodem factò Deus impendit. Meri-
 to Paulus compellat, cum ad ista venit, altitudi- *Rom. 11.*
 nem diuitiarum sapientiæ, & scientiæ Dei. Itaq;
 quis non diuini consilij arcanum suspiciat, atque
 admiretur, qui aurum argentumque omnium
 mortalium perniciem salutem voluerit esse In-
 dorum? Quamobrem quæ sine Dei offensa, &
 scitum intuitu adhiberi consilia possunt, vt ista
 neque intercidant, neque imminuantur, ea à sa-
 piente & religioso Reipub. administratore negli-
 genda non sunt. Et quoniam graui maturaque
 Theologorum, iurisque prudentium còsultatio-
 ne non ita pridem totum hoc de mineralibus per
 Indos elaborandis negotium tractatum est, ex-
 tantque leges prouinciales scriptæ, quo ordine,
 quæue moderatione metalla eruantur, vt salutì
 commodique Indorum prospectum sit, nò mi-
 hi videor tantorum virorum sententiam impro-
 bare, multoque minus leges alias debere præscri-
 bere, quibustam aspera Indorum conditio tem-
 peretur. Tantum capita repetenda sunt, breuiter-
 que ponenda, quibus eius rei facultas constri-
 gatur. Primū igitur doctrinæ spiritualis ministri

354 DE PROCVRANDA INDORVM
in his, qui metalla operantur, ne defint, vt sint
qui missas celebrent, qui in fidei rudimentis eru-
diant, qui morituros confessione excipiant, cęte-
raq; necessaria administrent. Deinde vt valetu-
dini consulatur, ne aut contrario valde etelo vten-
tes traducantur, aut è longo valde tractu euo-
centur, aut laboribus immodicis opprimantur.
Mox, vt fortunis quoque suis non pessimè cōsuli
sentiant, sed pretio iusto tam molestus eorum la-
bor compensetur, sinanturq; lucella sua interim
quærere. Adhæc vt & valentibus opportuna ali-
menta suppeditentur, & ægrotantibus solatia
necessaria non defint. Ad vltimum vt labor ipse
distribuat commode per vices suas, ne diutius
contra voluntatem suam à patria abesse cogan-
tur, neue vna prouincia semper oneretur, alia
semper in otio degat. Quas conditiones si, vt par-
est, legitime seruauerint nostri, quemadmodum
a viris sapientibus enucleatè propositæ sunt, vi-
dentur tolerâdi, ne commercio finito, cura quo-
que Euangelij concidat: at si negligantur hæc, &
acerbius cum Indis tanquam cum mancipijs
agatur, viderint ipsi, quas Patri pauperum & iu-
dici orphanorum rationes reddituri sint.

Psal. 67.

*Quibus modis salus Indorum per sacula
res ministros procurari possit.*

C A P. XIX.

QVoniam humanam ac ciuilem administra-
tionem Indorum hoc libro explicandam
susce-

suscepimus, & quibus ex causis & qualibus conditionibus tum Patroni tum Magistratus obstringantur, vtcunque licuit, exposuimus, superest, vt dicamus quæ maximè ad eum finem facere videbuntur. Neque nunc tamen expectandum est, vt de optima Republ. disseramus, legumue ferendarum rationem, cæteraque re-
 stricis artis persequamur, quæ neque facultatis sunt nostræ, neque si maximè forent, ad præ-
 sens institutum pertinerent. Tantum quæ proposito negotio, id est, vt Euangelicam salutem barbari consequantur, propius inseruiunt, ea attingenda sunt. Quorum caput est omnium, quod quidam rerum Indicarum egregius æsti-
 mator dixit, in barbaris prius esse curandum, vt homines esse discant, deinde vt Christia-
 ni, quod tanti ponderis est, vt inde vel sa-
 lus certa, vel certa pernicies expectanda sit. Etenim feritatem inter nationes barbaras plurimum reperiri Aristoteles recte mo-
 nuit, quam non minus rectè definiuit, vi-
 tium esse adeo exuberans, vt hominem fe-
 ram potius efficiat. Tales vero habitus, et-
 si ille regionum extremo vel æstui vel fri-
 gori non falso alicubi ascripsit, tamen &
 frequentius, & certius est consuetudine ma-
 ximè fieri, quod & alias docuit, & satis nos
 admonet huius Indici cœli mira temperies.
 Hos igitur syluestres, ferinosque homines
 ad humanitatem traducere, vrbaniſque in-
 stitutiſ accommodare prima debet esse cura

7. Eth. c. 1.

2. Mag. mo

7. al. c. 5.

Sect. 16.

Probl. 1.

7. Eth. c. 5.

356 DE PROCVRANDA INDORVM
moderatoris. Frustra diuina & cœlestia docebis,
quem ne humana quidē capere, aut curare per-
spicias. Prodest in ea re plurimum nostrorum ho-
minum consuetudo, prodest cultus omnis exter-
nus, atque obseruantia maiorum, profunt con-
uentus certis, & diebus, & locis, pœnæq; & con-
tumeliæ irrogatæ negligentia; honor, & præ-
mia rectè factis proposita: ex ipsis, qui elegan-
tiores sunt, cœterorum magistros, censorsq; con-
stituere. Ordo verò quidam tum oppidorum, tū
domiciliorum, vt non veluti cuniculi fortuitas
sedes eligant, tum verò vt in conspectu, eorum
omnis actio sit, neque latebras petere sinantur.
Ad hæc permixta illa ac sine vilo delectu spur-
ca habitatio, vbi simul & maritus, & vxor, & fi-
lius, & filia, & frater, & hospes, & canis ipse atq;
sus cubat, accuratè auertenda est, quantum lice-
bit, quæ causa est nullius pudoris, nullius pater-
næ reuerentiæ, generis quoque, imo & sexus cō-
tempti equinæ cuiusdā libidinis in obuia quæ-
que sine vilo pudore grassantis. Quæ tamē neq;
breui omnia exigenda sunt, neque desperāda vel
serd. Videmus certè non parum esse perfectum,
vbi nonnulla cura moderatoris effulit, quæ si
cōfirmata, vigilansque fuerit, non dubium, quia
alium hominum statum efficiat. Vnus M. Fran-
ciscus Xabier, isque nulla ciuili potestate muni-
tus, Insulam Mori fertur ex immanissima feritate
ad miram mansuetudinem traduxisse, neq; adeo
longo tempore. Quæ vero antiquorum inuete-
rata consuetudine occalluisse videntur, vt in
meliozem

*Lib. 4. de vi-
ta Ignatij.*

melioſam formã transferri nequeant, maioribus ſua amantibus, peregrina penitus reſpicientibus, ea minorum, id eſt, puerilis, iuuenilisque ætatis accurata inſtitutione emendanda ſunt. Cui vni rei omni ſtudio incumbere oportet rectores, ſi modo res Indorum aliqua ex parte curant. Iuuentutis, quæ ieceris fundamenta, eam tu perpetuo ſtructuram reliquæ ætatis exiſtima. Quam obrem non eſt quorundam contemnenda ſententia, qui ſcholas. Eccleſiæ rudimenta, domicilia quoque & tempore procedẽte collegia mobilium maximè Indorũ Hiſpanos viros maxime integros, & probatos curare debere cenſent, vbi à ſuorum conſuetudine, quoad liceat, remoti mores noſtros, ſermonemque perdiſcant, qui poſſint mox ſuis eſſe idonei præceptores. Quæ ſanè ſententia quamquam difficultates non paucas habet, tamen, vt minus proſpere cedat, non poterit profeſſo non & plures, & maiores vtilitates afferre. Iam illud maximi faciendum eſt, vt ab Indorum populis deſidia, atque otium diligentius amputetur, cui & naturaliter dediti ſunt, & vita ſenſuque omni torpeſcunt, vitijs quoque impuris non parum capti. De qua re quoniã quæ ſatis eſſe puto, ſupra inſinuata ſunt, faciemus ad reliqua gradũ,

De ebrietatis malo barbaris familiari.

C A P. X X.

I Nter omnes verò barbarorum morbos, quibus leuandis atque tollendis inuigilare debet

Christiani rectoris prouidentia, nullus aut communior, aut perniciosior, aut etiam ad curandum difficilior ebriositate. Qui res noui orbis optimè callent, negant posse promoueri quicquam in religione, ac ne in qualicunque quidem institutione politica, nisi malum hoc latissimè sæuiens ab Indorum sinibus exterminetur. Ac profecto mirabile est in tot tam vasti orbis nationibus repertis, cum nullus vini vsus, nulla penitus noticia extiterit, temulentia tamen usque adeo vitium omnibus esse commune, ut pro raro miraculo sit, si qui sobrietatem non odio, & ignominia prosequantur, id quod de Tucumanis, & quibusdam alijs sanè paucis accepimus, nescio an falso. Quanquam vnum illud ebrietatis malum incredibile est dictu, quot artibus, quam varijs, quam exquisitis procuretur. Ex oryza Æthiopas, & Sinas expresso quodam ac decocto humore ebriosas sibi temperare potiones vulgate est. Nostri indigenæ pleciue ex fruge sua præmansa fermentum aquæ immergunt atq; excoquunt, alij putrefacta potius vtuntur, vnde Sorra ab ipsis dicta efficitur, quouis salerno potentior. Quidam ex ramulis quibusdam arborum decerptis sua vina cōficiunt. Alibi ex palmulis expressus liquor ebrietatis mire efficac, quem & veteribus in vsu fuisse scribit Chrysostomus. Insulani nonnulli serui saccareum succum quid usdam medicamenti ita inficiunt, ut vehementissima potio euadat, quam illi Guarapum nominant. Verum quid attinet innumerabiles temulentia

species

species referre, vt quod in vna vite naturalatere
 voluit, id peruersa ars ad tā multa trāstulerit? Sed
 neq; nouum hoc est, neq; nostrorum barbarorū
 propriū. Scribat Plinius grauis autor fuisse Occi-
 dentis pōpulis suā ebrietatē fruge madida, Pluri-
 busq; modis, inquit, per Gallia, Hispaniasq; no-
 minib⁹ alijs sed ratione eadē. Hispaniē itā & vetu-
 statē ferre ea genera docuerunt (id est, inſtar vini
 diu in cellarijs aſſeruari) Ægyptus quoq; ſibi pō-
 tus ſimiles excogitauit. Nullaque in parte mōdi
 ceſſat ebrietas. Hæc Plinius. Quo minus noſtris
 barbaris ita ſcendū eſt, quod vitis inopiā fruge cō-
 penſant, ſuaq; inde vina cōficiunt, cū & veterum
 iſta fuerint, & hodie quoque non diſſimilia Cā-
 tabri in Hispania ex pomis faciunt, & Belgæ ex
 hordeo exprimant. Quæ omnia potionum ge-
 nera Siceræ nomine apud Hebræos comprehen-
 di Hieronymus docet. Cum verò cibus vtan-
 tur Indi ferè viliffimis, & parciffimis, atq; inglu-
 uiem maxima ex parte ignorent, perpotādi tamē
 nullus eſt ſinis, nullus omnino modus. Ac mihi
 tā prodigioſę bibacitatis cauſam aliquādo requi-
 renti ea occurrit in primis, quā Plinius eodē loco
 inſinuauit. Nāq; & hæc neceſſitas vitiū comita-
 tur, vt bibēdi cōſuetudo augeat auiditatē, ſcitūq;
 eſt, Scytharū legatī Quāto plus biberint, tanto
 plus ſitire Parthos. Perinde eſt enim vinolentiā
 bibendo velle ſedare, atq; ignē materia appoſita
 pergere extinguere. Nā quod naturę appetitiōnī
 eatur, moderatum eſt; at vitioſa, & præter naturā
 libido nullo expletur, vt præclarē Ariſtoteles de

Lib. 14. c.

22.

In epiſt. ad
Gal. 6. 5.

*Hom. 29,
in Genes.*

Esaï, 5.

pecuniæ auaritia dixit. Id etiā Chrysostomus bene admonuit ebrietati vacantes nunquam satiari, sed quantum ingurgitant, tantum siti flagrare, ita ut inflammatio quædā eis sit vini usus. Æstuāt enim vino ebrj, ut nos legimus in Esaia, siue vinum comburit eos, ut alij significantius legunt. Mihi verb̄ præterea non solum delectatio ipsa potādi ab ebrjjs quæri videtur, sed illa quoque longè iucundissima esse, quæ est summa infelicitas, mentis emotio. Sensus illam caliginem, & noctem offusam cerebro, dulcem sibi reuera esse ipsi barbari iactant, & rebus ipsis copiose probant, cum potionibus interdum vtantur perquam acerbis, interdum ne potionem quidem vllam adhibeant, sed succo pigmentisue naribus resumptis, in quo nulla esse potest saporis voluptas, ebrietatem accersant. Nam in quadam insula cum nauigationis commoditatem expectarem, didici ex Tabaco contuso (genus id herbæ est ad permouendum cerebrum mire efficax) setuos Æthyopicos naribus exorbere vim solitos, graue inque sibi ac diuturnam inde temulentiam excitantes, pro magnis delicijs ducere, ut vix minis plagisq; ab ea consuetudine auelli possent. Verum præcipua causa tam effusatum comotationis, tamq; ardentis studij, Diaboli prorsus ars est, qui nescio quibus præstigijs insanos homines noctes diesque bibendo consumere pro summa felicitate, pro maxima religione persuasit. De his planè loquitur sapiens cum idololatrarum mores explicat, Tot & tam magna mala

pacem

pacem appellant. Aut enim filios suos sacrificantes, aut obscura sacrificia facientes, aut insanix plenas vigilias habentes, neq; vitam, neque nuptias mundas iam cōstituunt, & cætera. Qui symposia barbarorum, & bibendi canendiq; vicissitudines, turbulentaſque illas pernoctationes cōspexerit, non potuisse melius significari dicet, quā per vigilias insanix plenas. Eam quoque antiquorum fuisse superstitionem, vt Deos suos effusa perpotandi licentia celebrarent, nocturnalſque cantiones, ac saltationes libidinis furorisque plenas multo mero dedicarent, Philonis libri attestantur, Græcis pariter, atque Barbaris mira contentione certantibus, vitris potius ebrietatis palma concederet. Hinc Pœanes, hinc Orgia, cæteraque impudentia omnis Deorum cultibus attributa. Quo etiam exemplo Balthasaris conuiuæ temulenti simul bibebāt vinum, simul Deos suos laudabant aureos, argenteos, æreos, ferreos, ligneos, atque lapideos, vt scriptura commemorat. Quare ebrietatis malum non simplex quoddam hominis vitium, sed vniuersæ Reip. pestem existimare debemus, quæ & numero, & diuturnitate vires sibi maximas compararit.

Sap. 14

De vita contemplat.

Dan. 5.

Quæ mala ex ebrietate oriuntur.

CAP. XXI.

Satis quidem ad fugiendam, detestandamque ebrietatem esse debebat, quod inter ea operibus ab Apostolo numeretur, quæ qui agunt, regnū Dei

Gal. 5.

1. *Cor. 8.* Dei non possidebunt, qui etiam tanquam venenatam ebriosorum mensam vitandam docet. Quamquam ebrietatis verbo cum copiosam quandam saturitatem scriptura significat, non necesse est crimen accipere, quemadmodum adnotauit etiam Sanctus Chrysostomus, ut cum Ioseph cum fratribus inebriatum legimus, & apud Salomonem, Qui benedicit, impinguabitur, & inebrians, ipse quoque inebriabitur, quod in bonum accipiendum esse, non est dubium. At ubi vera temulentia & ebrietas est, ibi crimen esse dubitare non licet Christiano. Satis ergo mala est ebrietas ipsa per se, quæ excludit à regno Dei. Sed sunt longe grauiora, quæ ab ea mala proficiscuntur.
- Chrysof. in c. 5. Esai.* Verè enim à sanctis Patribus innumerabilium malorum fons perhibetur. Quæ de re extat Magni Basilij elegans sanè, & copiosa oratio; cuius sententias exscribere, ut sæpe solet, videtur Ambrosius in libro de ieiunio, & Helia. Tribus ergo, ut compendio dicam, nocet vehementer ebrietas, Corpori, Moribus, Fidei.
- Eccl. Tarö. c. 48.* Aristoteles, & morbos, & causas persequitur in Problematis, Plinius in naturali historia. Ex nostris os aureum Ioannes ad suos Antiochenos, Non pauciores sed multo plures, & difficiliiores animi, & corporis morbos immoderata vini parit potatio, passionum bellum, absurdarum hyemem cogitationum menti introducens, & corporis vim molliorem, & solubiliorem efficiens. Non enim ita terre natura vexata aquarum superabundantia continuè dissoluitur, ut
- corpo.

corporis vis mollescit, & diffluit, & ceciliis redditur, vini potu continuo ingurgitata. Cui Ambrosius concinit, Hinc phrenesis periculosa, hinc calculi grauis poena, hinc exitialis cruditas, & reliqua. Neq; tacuit ista sapiens, Sed quàm sufficiens est, inquit, homini erudito vinum exiguum, & in dormiendo non laborabis ab illo, & non senties dolorē. Vigilia & cholera, & tortura viro infinito, somnus sanitatis in homine parco, &c. Quæ cum ita sint, verissima eorum mihi sententia visa est, qui immaturos plurimorum obitus in hac regione nimix ebrietati tribuunt. Sunt etiam viri per graues, qui hanc inferiorem, ac maritimam oram olim Indorum populis refertissimam, & numerosissimam, nunc adeo imminutam, ob id inter alia sentiunt, & prædicant, quod post Hispanos ingressos effrænate suæ siceræ; & quidem exitiali maximè indulgeant, argumento esse, quod montanos, quia & parcius bibunt, & natura frigidiorē sunt, multitudine etiam auctos esse videamus. Id sanè magno Christianis opprobrio est Ingam Regem barbarum, & idolis deditum ab ebrietate subditos sibi populos cohibuisse: nostros vero, quos oportebat mores quoque perditos emendare, temulentix incrementa tanta fecisse. Omitto interim tumultus quotidianos, plagas, necesse ab eiusmodi computationibus natus, quod & Indis, & seruis Ethiopibus familiare est. Vidi ipse ex taberna duos semicaptos vino egressos vix oboli causa, se mutuo vno eodēq; gladio

De Helia
& ieiunio

c. 12.

Ecd. 31.

gladio confecisse, & quidem extracto bis è percusso corpore præ alterum ferendi furore. Itaq; momento temporis exanimis ambo contuerunt,

Prov. 23. Neque enim frustra Salomon dicit, Cui vç, cuius patri vç, cui rixç, cui foueç? cui sine causa vulnera, cui suffosio oculorum? Nonne his, qui com-

morantur in vino, & student calicibus epotandis? Adde quod sensum hominis ebrietas, etiam digesta reddit stupidum, & mentis aciem grauitè obtundit, atq; hebetat, obliuionem rerum omnium affert, & vt Plinius dixit, mortem memorix.

Quid verò attinet dicere oris illum fetorè, gestus improbitatem, incessustitubationè, quiduis loquenditemeritatem, importunas corporis sordes, cæteramq; illuuiem, vt homo breui in bel-

luam transisse videatur. Quæ quamquam in empi genere ebrietatis damna reperies, nusquam tamè cumulatius, quam in istis barbarorum ingurgitationibus adeo portentosis, vt corpus instar vtris, aut canalis potius perennis, potu fluat, quæ sanè pestis valetudinis, vitæque humanæ tâta est,

vt si nulla Dei præcepta cogitarentur, nulla sceleribus intentata supplicia, tamen ob Reipub. incommoda diligentissime cuius legislatori, & magistratui cauenda, relegâdaque sit. Corpora igitur infestat ebrietas, animos verò quid?

Nempe nulla est morum corruptela maior. Audi, si vacat, Basilium in præclara de ista ipsa peste concione, Ebrietas, inquit, Dæmon est voluntarius ex voluptate animabus nostris inditus, ebrietas malitiæ mater est, virtutis inimica, fortem virum

reddit

*Homil. in
Ebrietatē
& luxuriam.*

reddit ignauum, ex temperato facit lasciuum, iustitiam ignorat, prudentiam extinguit. Et post nonnulla, Quid opus est reliquam perturbationum cateruam enumerare, morum peruersitatē, promptitudinem illam ad iracundiam, ad querelas, celerem ac repentinam animi ad omnia mutationem, strepitum multum, ac tumultum, facilem ad dolos deductionem, ad omnes iræ motus inconsiderantiam? Voluptatis verò incontinentia omnis ex vini fonte originem, vimque habēs, præceps ad omnem impuritatem, atque intemperantiam ruit. Animalium omnium libidinum fœditatem superat, cum bruta naturæ leges in hoc genere noscant, atq; obseruent: ebrij tantum in mate fœminam, in fœmina marem quærunt, atq; optant. Hæc Basiliius aliaq; complura, quæ non augendæ orationis studio, sed quotidianæ experientiæ obseruatione prolata sunt. Obsidet hoc monstrum, atq; infestat vniuersum terrarum orbem, verum nusquam grauius sæuit, quam inter hosce barbaros, apud quos ea est rerum omnium perturbatio, vt extremæ obscœnitates, & nefaria flagitia computationis furore admissa in magna laude ponantur. Canitur more solenni, conueniunt sine vlllo discrimine omnis ætas, sexus, necessitudo: bibitur ad contentionem: dolia integra pene vno spiritu exhauriuntur: ducuntur chortæ per quam elegantes, saltitatur vsque dum Bacchus victos sternat: vigilæ insania, atq; petulantia libidine plenæ exiguntur: quiduis licet in quemuis, inuiolata lege computationis. Hinc quæ
dede-

366 DE PROCVRANDA INDORVM
 dedecora humani generis pudet referre. Non
 parcitur virgini, non defertur vel matri, nihil
 inter coniuges inre est, furit etiam libido in vi-
 ros, masculi in masculos turpitudinem opetan-
 tur. Persas compotationibus suis scorta tantum
 adhibere solitos Plutarchus refert, vxores nullo
 modo, quod dicerent, temulentiam frangere nesci-
 re. Ipse Loth vnus in vniuersa Sodoma iustus
 inuentus, ebrietate tamen victus filiarum ince-
 sta libidine non abstinuit, quid facient barbari?
 quid meræ pecudes? Equidem assentior Pitta-
 co duplices pœnas in ebrietate peccantes decer-
 nenti. Nam quamuis sciam Diuum Augusti-
 num non incestum in Loth, sed ebrietatem cul-
 pare, Ambrosium quoque mitius in ebriorum
 crimina animaduertere, tamen Philosophi senten-
 tiæ nemo repugnabit, qui per ignorantiam excu-
 sari peccatum negat, cum ignorantia ipsa, & sci-
 tur causa peccati, & nihilominus non cauetur, ne
 dum cum vel ob hoc ipsum placet, vt peccetur li-
 centius. Itâ prorsus res habet, consulto barbari
 temulentiam amant, tanquam libidinis omnis
 magistratam. Sunt verò Bacchanalia hæc, aut Or-
 gia, aut Cibellia, aut Lupercalia, aut quouis no-
 mine appellari malis, non annua vt apud veteres,
 sed menstrua, vel quotidiana potuis. Nullus est
 mensis, qui ea celebritate vacet, nullus cætus co-
 gitur, nulla res seria initur, non nubit filia, non
 parit pecus, non foditur ager, non Deo sacrificatur
 nisi ebrietate optima duce præeunte. Vna illa
 publicas, priuatasq; res ornat, & magnificentia,

& re-

*In libr. Nũ
 Philosophiã
 dũ sit inter
 pocula.
 Gen. 19.*

*Arist. in
 Ethic.
 Lib. 2. 2. c. 3.
 Faustum. c.
 44.
 In libr. de
 Abrahã.
 c. 6.
 Aristot. 4.
 Ethic.*

& religionis argumētum. Misera prorsus stultorum hominum seruitus, qui cum ipsa natalibus parum à brutis absint, studio, atq; opera omni cōtendunt, vt brutis quoq; deteriores fiant. Mores quidem tales ebrietas efficit: Fidei verò ianuam intercludit, estq; religionis Christianæ inter In dos hostis sacrilissima. Præclarè Beatus Ambrosius dixit, ebrietatem esse perfidiæ matrem, & *De Helia* continentiam Fidei, quod perspicuè docet ser- *& ieiun. c.* mo diuinus, Sedit, inquit, populus manduca- *Exod. 32.* re, & bibere, & surrexerunt ludere. Quem ludum intelligat, quis ignorat? Vituli aurei adorationem explicant patres, & Paulus ipse, Neque *1. Cor. 10.* idololatræ efficiamini, sicut quidam ex ipsis, sicut scriptum est, Sedit populus manducare, & bibere, & surrexerunt ludere. Certissimum est ebrietati esse sacrilegium plerumq; coniunctum. Non ante Balthasar sacra vasa poposcit, ac profanè abusus est, quam tumulencia imperauit, tum Deos suos cuique laudandi certamen exortum est. Reuera vinum, & mu- *Dan. 5.* heres apostatare faciunt etiam sapientes. Incredibili versutia Diabolus in hoc orbe omnem suum cultum ebrietate condidit, omni vicissim ebrietati aliquid de suo cultu adhibendum docuit. Experientissimi morum Indicorum pro certo confirmant nullam esse paulo celebriorem computationem, nullas vigilias statas, quin peculiari superstitionis, & sacrilegij genere imbuantur: Huusq; sceleris obseruata est tanta calliditas, vt non aliter iam antiquum suum errorem

368 DE PROCVRANDA INDORVM
errorem & idololatriam tueantur, quam per oc-
casionem solennium computationum, atq; can-
tionum. Huc maximè spectat omnis eorum. Ta-
qui, sic enim vocant celebres cantilenas inter po-
tandum potissimum adhiberi solitas. Ipso sacri Pa-
rasceues magno die, quo Domini Iesu Christi
mortem Christiani pie colimus, Satanæ artificio
flagitiosissimi ludi ab ebrijs barbaris aguntur mo-
re solenni: quod tantum nostræ sanctæ Religio-
nis ludibrium etiam à baptizatis iam multis In-
dis, vt nobis viri fide digni narrarunt, occultè
quoad licet, frequentatur. Atque in hoc genere
sunt alia plurima veteranis magis competta. Quà
obrem sanctissimè est in Prouinciali concilio in
hac vrbe celebrato decretum, vt eiusmodi com-
putationes tanquam idololatriæ fomenta sum-
ma diligentia excludantur, ac penitus extermi-
nentur: estque certa ac constans plurimorum
sententia frustra Indos Christianam Religionē
doceri, quandiu pestifera isthæc consuetudo in-
erti nostrorum dissimulatione retinetur.

Quibus modis ab ebrietate Indi compesci queant.

C A P. XXII.

V Erum huic tam pernicioso malo & si non
dubitant omnes pij, & prudentes occurrē-
dum esse, tamen quomodo occurratur, non est
omnium vna sententia. Sunt, qui non aliter ebie-
tatem tollendam putent, quam vsu omni i siceræ,
idest Indicæ potionis excluso. Id vt fiat grauissi-

mas esse proponendas, & exigendas pœnas, si quis vel è fruge ea vina conficiat, vel confectis vtatur. Nisi enim materia omnis subtrahatur, nullo modo tantũ incendium extingui posse. Quorum vox nihil propemodum ab eorum sententia mihi abesse videtur, qui non ita pridem cum Romano Pontifice seriò agendum existimarũt, vt generali Ecclesiæ decreto vineæ omnes ab orbe Christiano extirparentur, relictis tantum in sacros vsus necessarijs, quòd per vini immoderatam vim incredibilia mala dicerent evenire, idq; in Septentrionalibus præsertim Europæ populis multis magnisq; documentis demonstrabant. Sed facile horum est explosa sententia. Neq; enim vt scitè dixit Chrysostomus, vinio, sed vinolentiæ fræna adhibenda sunt. Eadem certè causa, & pecunias nullas esse iubebunt, vt avaritiæ occurrant, & pretiosos pannos, vt fastus tetundatur, & fœminas ipsas sepelire oportebit, ne libidine concitentur viti, quin potius oculos eruet, & linguã adiment, ne tanta peccemus. Omnino nihil est adeo sanctum, adeo bene prouisum diuinitus, quo non in pernitiẽ suam abuti possit humana malitia. Et te vera sicut vinum decenter, & sobriè usurpatum, & valetudini, & robori, & lætitiæ confert, quæ qui detrahìt, iniuriã Dei prouidentia facit insignem, emendare volens quæ ille sapienter fecit, ita planè licetæ Indicæ portiones vilitates habent non contemnendas, quas qui prorsus adimit, non mediocriter miseros premit. Nam & robustam, & salubrem, & assuesfactis non in

*Chryf. ho.
31. in. 1. ad
Cor.*

370 DE PROVVRANDA INDORVM
iucūdā esse sicerā (sic enim iā dudū vocō istā vul-
garē Indorū potionē, siue Maicio, siue Cacao, siue
quouis alio genere cōstet) nullo modo negare pos-
sunt, quicūq; ista experti sūt, genus verō hominū
inops, & tenue nullas alias delicias agnoscēs, hoc
vno adiumēto priuare velle, inhumanitatis est.
Ergo nō res in culpa est, sed modus querēdus est.
Atq; in primis quāuis sicera omnis nō profus in-
terdicenda videatur, tamē rectē admodū & sapiē-
ter Regio edicto cantū est, ne fucata illae, & prae-
potētes potiones oppidoq; dānosae conficiantur,
qualis ea est, quā nostri sorā dicunt. Nam vbi nō
tam potum, quam ebrietatem quæri constat, iure
optimo vitiosum potionis genus prohibetur.
Hoc ergo excepto, non placet omnem potandi
iucunditatem barbaris adimere. Sed si rectē con-
cessa in ebrietatem cōuertant, iā seueriore phar-
maco putredo hæc refecanda est. D: quidem Au-
gustinus valde in Africanas suæ ætatis compota-
tiones stomachans, consilium dat Aurelio Car-
taginensi Episcopo, vt placidē, suauiterque ista
emendare conetur, Non ergo asperē, inquit,
quantum existimo, non duriter, non imperioso
modo ista tollūtur, magis docendo, quā iubēdo,
magis monendo, quā minando, sic enim agendū
est cū multitudine peccantiū, seueritas autē exer-
cēda est in peccata paucorū. Sic planē cū liberis,
atq; bene morigeratis hominibus decebat Dei si-
cerdotē ingenuē agere, & ratione magis, quā lege,
doctrina potius, quā potestate niti. Nā & nobiles
Lacedæmonij ebrietatis remediū esse ducebant,
ebrio-

Epist. 63.

*Plutarch⁹
in vita De-
metrij.*

ebriorum hominū spectaculū fœdissimū cōiuiis
 suis proponere, vt in se discerent ea cauere, quæ
 in alijs tantopere abominarentur. At nostrorum
 barbarorū ebrietas longè alia via exterminanda
 est, quorū alij longè mores sunt, & ingeniū natu-
 ra ipsa seruire. Seruus verò, vt dixit sapiens, non
 potest verbis emendari, quod enim dicis, intelli- *Pro. 29.*
 git, sed obedire contēnit. Itaq; & si exēpla propo-
 nenda sunt, & si sacerdotales cōmonitiones, atq;
 cōminationes cessare non debent; tamen vt in ve-
 tustis vlceribus fit, asperiore medicamine sanies
 ista radēda est. Opus est potestate ciuili, opus est
 seria animaduersione in temulentos, ac nisi lege
 agatur, frustra surdis verba fiunt. Verū si pūtredo
 hæc ressecanda est, & tamen materia nō demitur,
 quidnā remedij esse potest? dicet quispiā. Audiui
 ex viro ornatissimo, eodēq; totius rei Indicæ pe-
 nitissimo plerisque videri difficilē, & permolestū
 eā cohibendi barbaros ab ebrietate prouinciā: si-
 bi verò per facilē, & iucundā. Cū me tantæ rei pol-
 licitatione nō mediocriter erexisset, subiecit præ-
 ceptionē & mihi, & vt opinor, cuius prudētī val-
 de probatā. Vituperabat ille eos, qui bibendi con-
 suetudinē, aut ad certos calices definirēt, aut pri-
 uatis mēsis magnopere interdicerēt. Censebatq;
 potius quandiu intra priuatos parietes priuatim
 ipsi biberēt, etiā si fortassis excederēt, vel dissimu-
 lādū esse, vel si proderēt, nō admodū rigide ex-
 cipiendū. At cōpotationes publicas, statas, ac cele-
 bres, eas sūmis virib⁹ esse exturbādas, ac p̄fligādas
 idq; & expedire omnino, & factū nō esse difficile.

*Proo. 30.**Epist. 63.**ad Aureliū.*

Vtrinſque ſuæ aſſertionis cauſas afferbat egregias. Nam priuatim vniuſcuiuſque perpotationem inſeſtè perſequi tum difficile eſt, quod latebras domeſticas, atq; horas importunas, & inuſitatas varietates perueſtigare nemo poſſit: tum verò nimis hoc arctum, & aſperum eſt, ac merito verendum eſt, ne qui nimium emungit, eliciat etiam ſanguinem. Quamobrem B. Auguſtinus quanquam ebrietati inſeſtiſſimus, cenſebat tamen aliqua ex parte conniuendum, ſed ſerām hęc, inquit, in luxu, & labe domeſtica, & eorum conniuioſum, quæ priuatis parietibus continentur. Atq; hęc quidem antiquis eam & robuſtis Chriſtianis condonabat, barbaris & à patria ſuperſtitione recentibus, quiq; iudicio parum adueſtus conſuetudinem obſiſtere queant, non minora certe condonaturus. Et ſi enim ebrietas per ſe quidem crimen eſt, tamen ob ea maximè vituperatur, quæ parit mala: quæ tamen in priuata menſa, neq; ita multa, neq; adeo immania ſunt. Nam tota illa inceſtuosa libido, illa ſexus foediſſima permutatio, mox ex deſ, trāculentia, & quod eſt omnium caput, ſclerata idololatrię obſeruatō, in priuata menſa ignorantur, vbi præter coniuges, vix eſt alius: quæ certè omnia in celebribus, & publicis compotationibus effuſiſſimè ſequiunt. Imo vero horum cauſa licentius patradorum inſtituta ſunt ſolenni more cōuiuia, quibus non ſolum licere ſibi quiduis omnes intelligunt, verum improbiſſima quæq; audere ſplendidum, & glorioſum putent. Iſta ergo publica tollere peni-

penitus oportere dicebat, tum ob innumera, & grauissima damna inde vt à primo fonte manantia, tum ob pessimi exempli scandalū, quo Respublica totalabefactatur. Neque verò id esse arduum, & difficile, non enim ita isthæc latere possent, vbi temulètia, & multitudine ipsa proditur, & temporum certa obseruationeprehenditur. Quæ non differentis verba sunt tantū: sed res ipsa docuit expertum. Constituebat vir ille ex ipsismet Indis iudices, atq; obseruatores, quibus negotiū dabat, vt toto pomeridiano tempore conuentus omnes Indorū peruestigarent, si quem temulentiz operam dantem offenderet, ad se se continuo deferrent, sin vel negligenter indagarent, vel inuentum scelus dissimularent, pœnas minabatur acerbas non temulentis, sed obseruatori, qui non quæsisset, aut indicasset, negligentiz, aut malitiz conuictum obseruatorē pro concione semel, atque iterum mulctari iubebat, tertio opus non erat, tanto omnibus terrore commotis, vt deinceps in detegendis ebrijs solertissimi essent. Iam verò cum obseruatorum cuiusquā industria delicta esset ebrietas, eo conuolabat, recenti, ac flagranti delicto obnoxios capiebat: primum leuiore aliquo supplicio contentus, secundo, ac tertio augebat pœnas, aliquot ex primoribus verbetatis, ut etiam crine detonsis, quod Indis acerbissimæ iniuriæ loco est. Affirmabat, cum Prætoris Cuzquensis munere fungeretur, quæ vrbs omnium caput, atque altera nostris Indis Roma fuit, breui ips artibus effecisse, vt ne vestigium quidē

374 DE PROCVRANDA INDORVM
ebrietatis relinqueretur, in remotissimas quoq;
provincias temperantiæ exēpla à majoribus suis
transmissa Indi cæteri sequerentur, Sed negligē-
tia, & socordia successorum rem tātam excidisse,
& ad pristina temulētix studia reditum esse. Idē,
cum Chnquisacæ essem, suscepit me hortante,
pessimum illū morem abolere. Petijt vicissim à
me, vt in concione ea de re verba facerem, rei;q;
fœditatem exprobrarem: ipse socium, quo utebar
linguæ Indicæ bene docto, cōuocata ad se Indo-
rum concione legem de publicis computationi-
bus abolendis promulgare, persuadereq; iubet:
observatores deinde creat, quibus oppidi regio-
nes distribuit, se se certiores, nisi grauitè vapu-
lare malint, maturè facere imperat. Quid multa?
semel deprehensa temulentia, vix secunda ani-
maduersione opus fuit. Verum omnes isti cona-
tus, nisi magistratus omnes conspirent, facile cor-
ruunt. Re vera si qua decet constātia, & zelo, præ-
fecti, atq; ij, penes quos summa est, negotiū per-
sequerentur. poterat breuī pestis hæc procul ex-
terminari. Pleriq; rei difficultates causantur, so-
cordiā ignauiāq; suā cū accusare potius ac dolere
deberent. Quid verò ignauiā dico? De industria
perniciēs tāta cōceditur, imo verò appetitur pro-
pter priuatas nescio quas cōmoditates. Alij In-
dorū operas largæ ebrietate cōcessa, sibi cōciliāt.
Alij non solū bibere sinunt, verū ipsi quoq; te-
mulentiā propinant. Cōplures officinam sicutz
apud se habent, publice q; coquunt, atq; diuen-
dūt, & apud se cōpot; adi cōmoditatem offerunt.
Neque

Neq; tā turpis, infamisq; quæstus pudet, neq; si-
 ceram qualemcūq; sed furiosam illā sorā legē cō-
 tēpta vendunt, gladiū vltro porrigentes infano.
 Atq; hæc nostri Hispani factitant, lucrantq; eius-
 modi ex animatum interitu etiam elegantiores
 religiosioresq; captant. Quæ spes vltra restat in-
 fœlicium horum salutis, quando ab ijs venena
 porriguntur, à quibus erat antidotum expectan-
 dum? Vtinam terribilem irati Dei gemitum non
 audiamus, quem propheta quidam scribit, Pro- *Amos. 2.*
 pinabatis, inquit, Nazaræis vinū, & prophetis mā
 dabatis dicentes, Ne prophetetis. Ecce ego stri-
 debo subter vos, sicut stridet plaustrum onustū
 fœno. Omnino Christus Deus noster suorum sce-
 lere, & parricidio premi videtur, sic enim peccan-
 tes in fratres, in Christum peccamus Paulus neq;
 manducare carnes, neq; vinum bibere libenter *1. Cor. 8.*
 suscipit, modo fratrum salutē consulat: nos vino *Rom. 14.*
 etiā cōposito fratrū animas enecare pergitur, vt
 lucrū vndeccūq; radamus. Hæc tota populi Chri-
 stiani ignominia, siue eo, quo diximus, modo, &
 industria, siue alijs artibus quæ ab alijs piè & fru-
 ctuose excogitatæ sunt, omnino releganda est per
 publicæ potestatis ministros, & diligentissimè dā-
 da est opera, vt publicæ saltē, atq; sacrilegæ bar-
 barorum temulentie, terrore, minis, pœnæ acerbi-
 tate modis omnibus propulsentur. Sic enim sibi
 persuadere debent, nihil neque religionis, neq;
 disciplinæ in Indorum animos influere posse, nisi
 omnium malorum fons ebrietas obstruatur.

AD has igitur disciplinæ Indicæ seniores
 leges exequendas, quoniam & necessariæ
 omnino sunt, & nisi seridè in præuaricatores ani-
 maduertatur, superuacaneus erit labor omnis, ne-
 que sacerdotum est ita seuerè plectere, ut suo lo-
 co dicemus, videtur multis, mihiq; ipsi perutile
 esse præfectos, iudicesue peculiares dare. Cum
 enim à curia frequentiaq; nostrorum Magistra-
 tum longius absint, pleraq; oppida, nisi suos ip-
 si Prætores habeant, quos timeant, quos obseruēt,
 facile aut delicta latebunt, aut impunita relin-
 quentur, crescetq; impunitate ipsa quiduis per-
 petrandi temeritas. Nam neque sacerdotalis of-
 ficii est ista vlciisci, cum præsertim erit aliquid
 atrocius indicandum, neque Patronorum curæ
 tutò committi possunt, à quorū potentia, & in-
 iurijs, ut defendantur, indigent sæpe publica au-
 thoritate. Itaq; quod non ita pridem factitari cœ-
 ptum est, ut certis Indorum provincijs sui Præto-
 res designentur, mihi non displicet, modò eo sint
 pietatis Christianæ studio præditi, ea animi mo-
 deratione, ut merito religionem omni officio ad-
 iuturi videantur. Quorum tamen tanta est pau-
 citas, ut vix eluceat, utrum melius sit nullos Indis
 esse rectores, an tales esse, quales per multos cer-
 numus, de quibus dictū videri queat, Quia cog-
 noui multa scelera vestra, & fortia peccata vestra,
 hostes iusti, accipientes munus, & pauperes depri-

deprimentes in porta. Verum hominis ista sit culpa, non officij. Est enim per quam necessarium, primum ad legum custodiam, morumque correctionem, ubi vel bestiali flagitio præ temulentia peccatum est, vel frater à fratre violatus iniuria, vel ipse summus Deus sacrilega superstitione offensus. Deinde ut imbecillos à potentioribus tueantur, Satrapas, Curacasq; cohibeant, Patronos insolentius se se gerere ne sinant, iniusta, & dura seruitia non ferant. Mox ut disciplinæ civili humanoq; connictui assuefaciant, ut perditorum Hispanorum Indos deprædantium fecem auertant. Postremò, ut quæ erunt publicæ utilitatis officia ab ijs curanda, ne prætermittantur. Atque eo munere fungentem remunerari par est, idque ipsorum Indorum censu persolui non est iniquum. At illud perspiciendum, an, quæ Patroni tributapendantur, ad ista quoque sufficiant. Ob eam enim causam solui diximus, quòd Rex tueri subditos, & iustitia regere debet. Viderint ergo qui nouis ad ista prætoriana officia pensionibus Indos grauandos putant, an satis in tuto Patronorum res sint, qui cùm tanta emungant, parum ipsi, aut nihil civilis administrationis clientibus præstant. Hunc de præfecturis Indicis locum antequam præteruchar, admonendi sunt præfecti, ipsi, ne tam se iudices, quam parentes exhibeant, neque protus solita in cæteros seueritate utantur. Pueris se potius ludi magistros, quam forenses iudices cogitent. Neq; iuris illa stricta norma ubique seruanda, sed strepitu omni remoto, ex

378 DE PROVVRANDA INDORVM
æquo & bono plerumq; iudicandū, id quod etis
salutariter edicunt Regiæ leges, quæ scripta, &
rescripta ferè adimunt, & pretium, si quo horum
opus sit, accipere vetant. Causas more patris fa-
milias componere, & pro arbitrato agere, sape
tutius, atq; commodius, nisi atrox aliquod faci-
us accidat, quod rarum est, cum plerq; nuga-
rum, & puerilium cōcertationum similiora sint.
Qua in re illud viris grauib; vehementer dis-
plicere animaduerti, quod ab Indis testimonium
iure iurando exigitur, cum cōsile eos facillimè pe-
ierare, vt pote qui, neq; ipsius iuramenti vim sen-
tiant, neq; veritatis studio tangantur, sed testimo-
nium eo modo dicant, quo credunt iudici gra-
tissimum fore, aut à primo quoq; suæ factionis
homine edocti sunt. Hos igitur iurare compelle-
re, & ipsis exitiosum est propter infinita, & quo-
tidiana periuria; & causæ ipsi valde incommodū,
cum firmitudo veritatis nulla speretur. Multorū
ergo sententia est in Concilio Prouinciali edici
oportere, ne ab Indis iurisiurandi religio flagite-
tur, idq; lege lata caueri debere. Etenim si pueri
& infames à testimonio dicendo, à iuramento in-
terponendo iure arcentur propter iudicij infir-
mitatem, falsitatisque suspicionem; cur obsecro
Indi non longius amandandi sunt, quorum per-
specta est plusquam puerilis inconstantia, & veri-
omnino contemptus? Quod cum experti satis es-
sent Apostolici Inquisitores statuerunt, vt nobis
aliquando dixerunt, Indi cuiusvis testimonium
non esse pro integro accipiendum, imo ne iura-
mento

*In Cōc. Tu-
ron. ca. 34.
Summope-
re. idcautū
est.*

mento quidem vt testem vrgendum, sed indicij loco habendum, si quid detulerint, perinde atq; à puero quopiam, aut homine semel sano res diceretur, quod ad inuestigandum quidem moueat, sed ad credendum minimè persuadeat. Prouidenter sanè & magna æquitate decretum, vt omnia sacri illius tribunalis. Quod si pleraq; controuersias nisi iuramento interposito iuxta Paulum Apostolum non posse finiri contenderis, equidem causas ipsorum inter se ordinarias dixi supra *Heb. 5.* velut à ludi magistro potius quam à forensi prætore transigendas. Extraordinarium verò, & atrocius cum quippiam emerferit, lege decernitur, quo ordine agendum sit. Neque enim omnem pedem idem coturnus decet, neque verò leges Romanæ, & sacræ in omni causa æquè testimonia omnium vel repudiant, vel admittunt.

Mores Indorum Christo non repugnantes permittendos esse, & de concordia Prætoris cum sacerdote.

CAP. XXIIII.

CHristianis moribus, disciplinaq; nostra sunt quidem barbari paulatim imbuendi, omnes verò sacrilegæ superstitionis, aut barbaricæ feritatis ritus sensim amputandi: attamen si qua in re illorum mores à religione, & iustitia non discrepant, non existimo facile immutandos, sed patrias

380 DE PROCVRANDA INDORVM
 patrias, ac gentilitias consuetudines ab æquo nō
 abhorrentes retinendas esse, & secundum eas ius
 dicendum, quemadmodum Indici senatus Regia
 decreta continent. Quæ in re valde peccatur à
 multis vel propter ignorantiam municipalium
 observationum, vel ob nimium, & præmaturum
 communicandi nostra feruorem. Hic non mo-
 rabor Plutarchi philosophi illustre præceptum
 de gubernanda Rep. apponere. Vertere se ad mo-
 res ciuium cognoscendos oportet, atq; eorum pe-
 nitus exploranda, atq; tractanda ingenia. Etenim
 statim mores, & ingenia conari mutare populi,
 nouisq; ea legibus moderari extemplo velle, non
 modo non facile, verum ne tutum quidem om-
 nino est, vt res quæ multo tempore, & ingenti-
 bus viribus indiget. Simile ducit ex vino perpul-
 chrè, quod initio; bibentis arbitrio regitur, mox
 sensim calefaciēs hominem commutat, & vertit
 ad se. Quamobrem multa dissimulanda sunt, nō-
 nulla etiam laudanda: quæ tenacius hærent, &
 perniciosius lædunt, ea dexteritate quadam in
 bona similia commutanda. Cuius rei autorem lu-
 culentum Gregorium magnum profero, qui ro-
 gatus ab Augustino Anglorum Archiepiscopo
 in simili causa, ita scribit Mellito, Dicite Augu-
 stino Episcopo, quod diu mecū de causa Anglo-
 rum cogitans tractaui, videlicet quia fana ido-
 lorum destrui in eadem gente minimè debēāt,
 sed ipsa, quæ in eis sunt idola, destruantur; vt dū
 gens ipsa eadem fana sua non videt destrui, de
 corde errorē depingat, & Deū verum cognoscēs,
 & ado-

*In Politica
 ad Traia-
 num.*

*Lib. 10. Ro-
 gif. ep. 7 t.*

& adorans ad loca, quæ consuevit familiariter recurrat. Et qui boues solent multos in sacrificio demonum occidere, debet his etiam de hac re aliqua sollemnitas immutari, vt die dedicationis, vel natalitijs Martýrũ tabernacula sibi circa easdem Ecclesias, quæ ex fanis cõmutatæ sunt, de ramis arborũ faciant, & religiosis conuiujs solennitatẽ celebrẽt. Nec Diabolo iã animalia immolent, sed ad laudẽ Dei in esu suo animalia occidat, & donatori omnium de satietate sua gratias agat: vt dum eis aliqua exterius gaudia reseruantur ad interiora gaudia consentire facilius valeant. Nam duris mētibus simul omnia abscindere impossibile esse non dubiũ est: quia is, qui locũ summũ ascendere nititur, gradibus vel passibus, non autẽ saltibus eleuatur. Cuius etiam documentum ex eplũ profert in Isrãelitico populo Ægyptiorum sacrificijs assuefacto, quẽ Dominus ab idolorũ cultu reuocans, sacrificia vpi Deo de pecudibus offerri imperauit. Quæ eo sunt fusius repetita, quo perspicua magis res fiat non solum præcepto Gregorij, verum etiam exemplo de bobus conuiuio mandandis, quos idolis suis sacrificare consueuissent. Quo planẽ modo conuiuia, & cõpotationes aliquando publicæ permitti barbaris possunt, ita dumtaxat vt in foro, quemadmodũ Ingarũ leges habebãt, edant & bibãt, vbi ebrietatis illa effusio non ita timenda est, cũ testes habeat: ac vindices oculos nostrorũ omniũ. Deniq; quæ concedenda, quæ toleranda, quæ cõtrà cõmutanda, aut nullo etiã modo ferenda sint, dictabit abundẽ charitas

Chri-

Christi cū prudentiæ moderatione cōiuncta. Superest tantū, vt ciuile omnē potestatē admoneamus, vt in administranda Rep. Indorū cū Ecclesiastica germanē cōiūgatur, sitq; Prætor sacerdoti, quod Samuēli Dauid, quod Hieremiæ Iosias, quod Esaiæ Ezechias, quod Syluestro Constātinus, quod Theodosius Ambrosio. Facile quid vit perficietur, si gladius vterq; cōsensērit, ac vaginā eādē induerit. Cōtra, nihil ita perturbat, labefactat, euertitq; religionē, morūq; doctrinā, ac mutua inter sacrum, profanūq; cōtentio. Scriptū est,

- Eccl. 3. 4.* Vnus ædificans, & alter destruēs, quid proficit eis
1. Cor. 1. 4. nisi labor? Et rursus, Nō est dissensionis Deus, sed
1. Cor. 11. pacis, Et alibi, Si quis videtur contentiosus esse,
Matt. 18. nō talē cōsuetudinē nō habemus, neq; Ecclesiæ
1. Cor. 16. Dei. Et vā certē est illi, qui vnum scandalizauerit
Ephes. 4. ex his pusillis, qui credunt in Christū. Omnia ergo
Phil. 2. in charitate fiāt, omnia secundū ordinē, omnia in vinculo pacis. Nihil per contētionē, neq; per inanē gloriā. Nō quæ sua sunt, singuli considerātes, sed ea, quæ aliorū. Et si sunt igitur officia distincta, & neq; sacerdotem decet arma tractare, neq; iudicē sacrificia offerre, tamē idē animus, mēseadē, idē perducēdi omnes ad Christū studiū. Itaq; sibi mutuo adumento vt sint, omnibus modis curandū est: atque alter quidē in ijs, quæ ad Deū, alter in ijs, quæ ad homines magis occupatus vterque Dei oues pascāt, & salutem suorū quærant, non quærentes quod sibi vtile est, sed quod multis, vt salui fiant.

LIBRI TERTII FINIS.

DE


383

DE PROCVRANDA
INDORVM
SALVTE,

L I B E R Q V A R T V S .

Excellentia Sacerdotalis officij.

C A P . I .

 Vamquam omnis sermo diuinus sacerdotalis officij commendatione plenus est, tamen nusquam vel copiosius, vel breuius Euangelici doctoris magnitudinem edocemur, quam vbi ipsum sapientia fontem Dominum Iesum Christum audimus novos suos discipulos alloquentem, atque in his numerosam horum posteritatem instituentem. Vos, inquit, sal terræ, vos estis lux mundi, ita omnem ad virtutem capessendam, ac regnum cæleste obtinendum vim admirabili breuitate complexus. Quæ enim duo, bono expetendo, ac persequendo necessaria sunt, & quorum vtrumuis si absit, difficultate vincamur, nempe vt bonum ipsum non lateat, tum verò vt delectet, quemadmodum Augustinus optimè vidit, quorum vtrūque Dei ipsius est proprium, qui & lux est vera illuminans omnem hominem, & omnem suauitatis fontem in se vno continet, ea in suos ministros deriuat, magnificèque communicat: vt tum
splen-

Matt. 5.

*De Nuptijs
& concupis.
Ioan. 1.*

splendore doctrinæ illustrandas hominum mentes à se intelligant, tum vitæ, morumq; condimento auersa, ac veluti stomachantia mortalium studia non solum virtutis fastidio leuent, verū etiā propensius excitent. Itaq; quod veteri prouerbio tritum est, sole, & sale nihil esse vtilius hominibus, id in Evangelico sacerdotio veritatis suauitate percepta, atq; gustata, situm esse nemo non sentit. Quam sui muneris excellentiam tanti facit

Ephes. 3.

Apostolus Paulus, vt datam sibi gratiam ad illuminandas gentes, & prædicandas inuestigabiles diuitias Christi, toto orbe sole clariorem ostendat, tenebras noctemq; omnem procul depellēs,

1. Cor. 11.

tum se formam, atq; exemplar publico spectaculo proponat, ita alios sui imitatores esse cupiens,

Phil. 3.

vt ipse sit Dei. Salis nimirum copiose functus officio laboribus, sudoribusque consumptus, vt diuinum saporem alijs impertiat. Nisi enim liquecat, & à se deficiat quodammodo, cetera condire salnequit. An vero quisquam aliud quam salem cogitet, cum audit illa dicentem? Puto quodd

1. Cor. 4.

Deus nos Apostolos nouissimos ostendit tanquam morti destinatos, quia spectaculum facti sumus mundo, & Angelis, & hominibus. Nos stulti propter Christum, vos autem prudentes in Christo, nos infirmi, vos autem fortes, vos nobiles, nos autem ignobiles, vsq; in hanc horam, & esurimus, & sitimus, & nudi sumus, & colaphis cædimur, & instabiles sumus, & laboramus operantes manibus nostris, maledicimur, & benedicimus, persecutionem patimur, & sustinemus,

blas.

blasphemamur, & obsecramus, tanquam purgamenta huius mundi facti sumus, omnium peripetema usque adhuc. An non hic liquefeit, & totus à se deficit Paulus, ut Iesu Christi gustu auditores sectatoresque suos imbuat? Quid illud? Et si immolot supra sacrificium fidei vestræ, gaudeo & congratulor omnibus vobis, id ipsum autem & vos congratulamini mihi. An & illud non est mente propemodum excidentis, Cupiebam ego ipse anathema esse pro fratribus meis? fratres in locum suum apud Christum subrogari præ charitatis magnitudine exoptās, ut nobilissimi Græcorum volunt. Ac certè quandiu hæ lucernæ in tandelabro Ecclesiæ illuxere, copiosa in domum Domini confluentium turba introitum patefactum, expeditumque habuit, quandiu hæ civitates munitæ à Domino in monte positæ steterunt, bellantium aduersus Christum machinæ, tormenta, visque omnis evanuit, ac iuxta prophetam, nullo modo prævaluit, sed refugium potius præsidiumque hominibus imbecillis contra omnes hostiles iniurias conspicuum undique ac tutissimum reddiderunt, quandiu denique, & in mordendis, amputandisque putoribus, & in condiendis probati animi moribus salis naturam exhibuerunt, & sanati mortales, à morteque ipsa vindicati, & Christum tanta gratia sapiebant, ut pro eo extrema perpeti gloriæ ducerent summæ. Tum sanè illa Dominus de suo sacerdote libenter commemorabat, Pactum meum, inquiēs, fuit cum eo vitæ & pacis, & dedi ei timorē, & timuit

*Phil. 2.**Rom. 9.**Greg. Na.**xi. in Apo**logetico.**Chrys. in**li. de com.**pun. cordis**& Hom. 1.**de Laudib.**Pauli**& 2. & 6.**Hiere. 1.**Mal. 2.*

me, & à facie nominis mei pauebat, lex veritatis fuit in ore eius, & iniquitas non est inuenta in labijs eius. In pace & in æquitate ambulauit mecum, & multos auertit ab iniquitate, labia enim sacerdotis, inquit, custodiunt scientiam, & legem requirent de ore eius, quia Angelus Domini exercituum est. Tahs dum fuit sacerdos Domini, tanta sanè, actalia præstitit, lux enim mundi, sal terræ. At si sal euanuerit, quid sequitur? in quo salietur? Ad nihil valet vltra, nisi vt mittatur foras, & conculcetur ab hominibus. Si in alios is esse desinat, qui iubetur, cæteros quidem vtilitate sua priuat, cæterùm ita se ipse perdit, vt irrecuperabilis sit habenda quodammodo eius salus, & desperanda curatio. Neque in sterquilinum tantùm proijcitur, sed hominum quoq; hinc pedibus proculcatur. Quam apte propheticus ille sermo statim Euangelica ista subtexuit, Vos autem, ait, recessistis de via, scandalizastis plurimos in lege, irritum fecistis pactum Leui, dicit Dominus exercituum. Propter quod & ego dedi vos contemptibiles, & humiles omnibus populis, sicut non seruastis vias meas, & accepistis faciem in lege. In finitum esset cætera persequi, quæ contra hos fatuos Principes Tanaos, contra Pastores stultos, vel potius idola pastorum, contra se ipsos potius pascentes, contra vrsanos Prophetas, contra sacerdotes contemptores, atque arrogantes, contra stercus solennitatum, contra popularis plausus captatores, contra inexplebiles pecuniæ gurgites, cæterasque pestes Propheticus

sermo

*Matt. 5.**Mal. 2.**Esai. 19.**Zach. 11.**Ezech. 34.**Soph. 3.**Mal. 2.**Eccl. 3.**Hier. 5.*

sermo declamat . Vix aliàs sancti Patres plenioribus velis feruntur in pelagus , quam cùm de sacerdotali contumelia oratio est . Gregorius certè vterque , & Romanus , & Nazianzenus , tam disertè , & copiose , vt nihil supra . Huius Apologeticum , Pastoralem illius nemo est , qui sine summa trepidatione legere queat , modo sensus aliquid habeat . Augustini iam presbyteri plenos dolore gemitus ad Valerium Episcopum suum quis sine pudore vsurpati à se nominis sacerdos audiat ? Cunctationem recusationemque sacerdotij apud Ioannem Chrysostomum quis si virum inspiciat , non miretur ? sin orationis vim totis quatuor libris attendat , non assentiatur ? Quid Hieronymi nimia pene modestia , atque humilitas Epiphaniij literis contestata , qui diu à tremendo altaris mysterio celebrando abstinuit , idque cum in monasterio versaretur , in quo multitudo fratrum nullum alium presbyterum haberet excepto Vincentio , qui eadem verecundia ne ipse quidem sacra faciebat ? Verum nisi fallor hos omnes sicut antiquitatis auctoritate , ita orationis sublimitate , & grandiloquentia quadam superare videtur Dionysius magni Præceptoris magnus ipse discipulus . Is in epistola quadam ad Demophilum indignos munere suo sacerdotes his verbis obiurgat , Si igitur quæ illuminat , sacerdotum est sancta distinctio , proculdubio ille à sacerdotali ordine , & virtute omnino pro-

Micb. 3.

Epist. 148.

In lib. de sacerdotio.

In epist. ad Ioannē Hierosolym . traducta ab ipso Hieronymo.

Epist. 8. ad Demophilū Monachū.

lapsus est, qui illuminans non est, multo quæ sanè magis, qui neque illuminatus est. Atque ut mihi quidem videtur, audax nimium huiusmodi est, si sacerdotalia munia sibi assumit: neque metuit neque veretur ea, quæ sunt diuina præter meritum persequi, putatque ea latere Deum, quorū sibi ipse conscius sit, & se Deum fallere existimat quem falso nomine appellat patrem, audetque scelestas blasphemias suas (neque enim preces dixerim) sacris atis inferre, easque super signa illa diuina ad Christi similitudinem dicere. Non est iste sacerdos, non est, sed infestus, atrox, dolosus, illusor sui, & lupus in Dominicum gregem ouina pelle armatus. His plura aut maiora de Evangelici ministerij, & culmine, & præcipitio qui expectat, cuique ad resipiscendum non ista sufficiunt, infatuatum se iuxta Domini sententiam, & nullo vnquam sale saliri posse demonstrat.

Mat. 5.

Inter Indos maxime sacerdotes præstare oportere.

C A P. I I.

AT vulgaris est, inquiunt, isthæc sacerdotalis officij commemoratio, vetus ista querela est, quam declamas. Est ita sanè, non dissentior. Verùm nusquam æquè necessaria commonefactio, à nemine magis excellentia illa flagitanda, quam ab eo, qui animas verbo Dei lucrifaciendas Christo suscepit, & animas infidelium, idque apud Indos, hoc est, vbi adiumenta habiturus sit pauca, impedimenta quàm plurima. Vbi quo
præ-

præclarius opus aggreditur, tanto in maiore periculo versatur, ne dum quærit alios, ipse pereat, imo verò ne & se, & alios perdat, quod utinam nō tam verè, & crebro vsurparet sermo diuinus, Laqueus ruinae populi prophetae. Utinā vñ illud ex ore veritatis non audiremus, Væ vobis qui tulistis clauem scientiæ, ipsi non intratis, & introeuntes non sinitis intrare. Etenim vbinam gentium illa verius Zacharias proferre possit ignoro, De pecoribus occisionis, quæ qui possederāt, occidebant, & non dolebant. Et vendebant ea dicentes, Benedictus Dominus, diuites facti sumus, & pastores eorum non parcebant eis. Quis verò non sanctas istorum voces audit, cum Deo gratias agunt, quod de sacerdotio, & doctrina Indorum ditati ad patriam argento onusti remeant? Et dicentes, Benedictus Deus, diuites facti sumus, non tamen parcunt gregi, vt ait sermo diuinus. Sed vomunt aliquando, quæ male glutierunt, & gement, qui nunc triumphant. Vox ululatus pastorum (ita enim sequitur) quia vasta est magnificentia eorum, vox rugitus leonum. Et ego non parcā, ait Dominus, super habitantes terram. Tota ergo desolatio terræ inde profectò venit. Propter nefaria admissa Ophni & Phinees, ipsi quidem intereunt, populus autem sanctus turpiter terga vertit, & quod est dolendum, arca Dei ab hostibus capitur, & ludibrio habetur. Quærit Dominus virum, qui stet oppositus pro domo Israel, nescio an inueniat. Pastores, inquit, stulte egerunt, & Dominum non quæ-

*Ose. 9.**Mat. 23.**Zach. 11.**Zach. 11.**1. Reg. 4.**Ezech. 22.**Hier. 10.*

lierunt, propterea non intellexerūt, & omnis eorū grex dispersus est. Nulla ergo alia cāusa querenda est, cur Domini greges in his saltibus dispersi errent, quā verorum pastorum magna penuria in tanta mercenariorum minimē lupos arcentium copia. Neq; frustra Paulus cū de prædicando Euangelio præcepta dat, Timotheum dilectum monet, sollicitē cura te ipsum probabilem exhibere Deo, operarium inconfusibilem, rectē tractantem verbum veritatis. Sunt enim op-

1. Tim. 2.

Phil. 3.

2. Cor. 11.

Rom. 16.

Hiere. 12.

2. Cor. 4.

2. Cor. 2.

rarij mali, subdoli, qui non tam Christo seruiunt, quam suo ventri. Hi multi & multiplices nomine pastores, re vera versipelles lupi demoliti sunt vineam Domini Sabbaoth, cauponantes verbū Dei secundum Apostolum, qui magnitudinem Euangelici prædicatoris admirans, & pondus Apostolici officij expendens vehementer exclamat, Et ad hæc quis tā idoneus? Verē enim Apostolicos homines postulat Apostolicum munus, Crucem Iesu Christi & verbis, & factis annuntiādi, & in illius obsequium orbem vniuersum redigendi. At nos aliter censere solemus, Et ad hæc quis non idoneus? Ad Indos docendos quis non sufficit, etiam si literis vacuus, etiam si moribus non ornatus? Quo minus mirandum est, si vbi sementis faciendæ cura contemnitur, nullus ibi, aut rarus fructus appareat. Mihi sanē iam dudum certa, & fixa sententia est, Indicæ Mæsis inopiam operatiorum vitio, non telluris sterilitate contingere.

Contra eos, qui Indorum tarditatem accusant.

CAP. III.

NÉque eos audiendos puto, qui quam in se deberent agnoscere, ac dolere culpam, in Indos reijciunt, illorum ingenia nusquam non vituperantes, nosq; dum contra asserimus, rudes rerum, imperitos, tyrones, infantes clamant, qui inepta quadam pietatis specie facile decipiamur: se veteranos, expertos, scientes, facto periculo, certa, & explorata proferre. Qui mihi Sibæ il-
lius, quem Regum historia narrat, calliditatem imitari videntur, qui claudum Miphiboset herum suum, dum pro se non potest occurrere, & serui commenta diluere, accusans, proditionem suam in illius criminationem vertit, atq; hoc astu eum de omni fundo depellere pergit. Sed Dominus erigit elisos, & soluit compeditos, & illuminat cæcos, pupillum & aduenam ipse suscipiet. Accusant igitur Indorum tarditatem ad capienda Fidei mysteria, obtusos esse, hebetes, truncos, qui nihil præter sua farra, cibosq; crassos cogitare queant, ad cœlestia, & spiritualia cognoscenda stupidi, brutique sint. Frustra in ijs edocendis tempus teri, denique post annos iam quadraginta ab Evangelij ingressu in tam immensa turba vix quemquam reperiri, qui symboli duo capita intelligat, quid Christus sit, quid vita æterna, quid Eucharistia, vel crasse agnoscat.

2. Reg. 16.

Psal. 148.

Pecudes potius habendos, quam homines. Verſi qui iſta iaſtant, reſpondeant mihi velim, qua diligencia, qua induſtria, qua conſtantia iſtos ipſi erudierint, aut ab alijs eruditos norint. Recitatur bis terque in hebdomada ſymbolum, idque Hiſpanico idiomate, cæteraꝛque orationes eodẽ modo; iubentur deinde Hiſpanica iſthec ediſcere, ac memoriter recitare, quorum ne ſyllabam quidem intelligunt, & pronuntiaut ridiculè. Vulgaris, ac tritus doctrinæ tradendæ iſte eſt modus. Huc uſque Euangelici Catechiſtæ cura ſe porrigit. Vbi elegantias exquisitiuſq; res agitur, procedit eatenus, vt ſermone Indico compoſita quædam in catechiſmi formulam pueri recitent, quæ ipſe ſacerdos ne attingit quidem, plerumq; quia haud intelligit, quippe cum præter pauca vocabula ad ſeruitia imperanda, ciboru petendos, linguæ Indicę proſuſ ſit infans. Quod ſi petitus ſit, quod rarum eſt, myſteria fidei, & regulas neque explanat, neque verò ſatis nouit, inepta quædam & frivola concionatur, vt mentam belli tempore dicas, ſi qua fortè attingit, ita alienè, ita parum auditorum ſenſibus accommodata, vt nihilo magis intelligantur. Quis verò vnquam Catechiſta rationem auditorum exegit? Quis interrogando ex ignotis nota fecit? Quando Indus audiuit à ſacerdote ſuo, Heuſtu ſac memineris à me dictorum, penſum hoc in triduum tibi tribuitur, vt Chriſtum, quem nos Chriſtiani adoramus, quæque illic imagine expreſſum vides, & Deum eſſe ſcias regnantem in cælo, ex omni æternitate, &

homi-

hominem factum in terris propter donandum nobis regnum cœlorum. Si rectè responderis, laude, & præmio afficeris, sin perperâ, publicè lues? Quid simile vnquam factitatum? Deniq; perinde Indis doctrina traditur, atq; cum à mendicis stipis colligendæ causa preces, aut versus aliqui cantillantur, qui illud tantum spectant, vt dicendo ipsi ad finem vsque perueniant carminis, vtrum verò auditores, vel attendant, vel delectetur, pecunia iam accepta, non admodum curant. Tota ergo catechizandi ratio vmbatilis est, & ludicræ similis. Ego verò si homines ingenio acerrimo, & discendi percupidi tales præceptores nacti essent, nihil aliud quam vt duplo ignorantiores euaderent, doceri isto modo arbitrarer. Olim in symbolo addiscendo, & intelligendo mysterijsq; Fidei agnoscendis viri ingenio præstantes, & literatura celebres diu in catechumenorum ordine tenebantur, cùm Ecclesiastica disciplina vigeret, neq; ante ad Fidei Sacramentum admittebantur, quam multas ab Episcopo de symbolo cōciones audissent, diu & multū cū catechista contulissent, post quas omnes curas, & meditationes, magnum erat, si recta sentirent, cōsentanea responderent, quòd religionis nostræ mysteria altissima, vt re vera sunt, ac difficillima intellectu haberentur: & nos valde supini, atque oscitantes grauitèr Indos vituperamus, tardos, ac stupidos criminamur, quòd ea non teneant, quæ neque tradidimus ipsi, neque ab alijs illi accipere potuerunt, sublimia præsertim, et ab eorum sensu

& consuetudine longè remota? Alioquin si tanta istorù est hebetudo, tã obtusum ingeniù, quid causæ est, quod Fidè à nobis cū non didicerint, didicerunt tamen aliã tã multa, tã difficultiã, ipsis omnino antea inaudita, idq; tã probè, vt cum nostris certare queant? An non musicos modos, & numeros tũ voce, tum tibijs, & pleëtro passim per quã concinnè reddentes Indos audimus? quidã etiã cõponentes peritos cantus Magistros videmus? An non Ecclesiastica officia peragere ritè solent? Scribendi, pingendi, & quiduis fingendi alios aliàs artifices quis ignorat? Quid quod lites ipsi, & intendere, & depellere mitè iam norūt, cū heris vt suis sæpe cõtendere, interdum etiam superare videamus? Quæso vnde artes istas hauserunt? à quibus didicerunt? An ad ista omnia ingeniosi & prõpti, ad sola salutis suæ necessaria documenta inepti, & tardi? An potius si quã in istis humanis magna etiã ex parte non necessarijs curam vigilantiamq; præstitertunt nostri, parem in doctrina Fidei tradenda præstitissent, non ita tantos discipulos offendissent, non ita ignaros reliquissent? Equidem sic opinor, neque ab ea opinione auelli vnquam potero, quin pessimo præceptorì, omnes esse auditores hebetes credam. Certè huius Regni Piru multo maximam partè diligenter lustrauì, & vt de cæteris Indorum nationibus nihil modo pronuntiem, hos ingenij expertes nullo modo perspexi, quin magna ex parte subtiles, acutos, quiduis simulandi, ac dissimulandi non imperitos artifices.

*Polus in
Prol.*

*Contra eos, qui peruersitatem morum Indorum Fidei
non receptæ causam afferunt.*

CAP. IIII.

IDita habere cum plerique fateantur, tamen ab Indorum accusatione non recedunt: sed alia ex parte eos adoriuntur, ut ignorantiam non suo, sed istorum vitio tribuendam probent. Aiunt acutos quidem esse neque ingenij expertes: verum natura prauos, ad malum procliuēs, boni omnis hostes, sapientes, ut faciant malum, bonum *Hier. 4.* autem facere nescire: tanta peruersitate salutaria sibi fastidite, ut non solum ad intelligendum, & discendum nihil laborent, sed etiā statim respuant, atq; auersentur, ita nihil illis hætere memoriæ, nihil intelligentia percipi, propterea quod voluntate ad Christiana omnia alienissima sunt. Argumento esse manifesto, quod Christianorum consortia diligenter euitent, ad Ecclesias non nisi inuiti coeant, patres spirituales suos, si paulo accuratius eorum mores emendare pergant, conspiratione facta per falsas criminationes ab se depellant, nihil pium, & salutare nisi per vim agant, præsentem tantum Sacerdote Christianos se simulent: clanculum ubi datur facultas, auitas superstitiones studiosissimè obeant. Denique ipsos cultiores, & elegantiores inter nostros nutritos, quos Ladinos appellare solemus, quos oportebat magis Christianis moribus polleere, decuplo ceteris esse

396 DE PROVVRANDA INDORVM
 esse peiores, cuiusvis sceleris egregios fabricato-
 res. Pueros, qui ad speciem pij, probique sint in-
 ter nostros, vbi primum se ad suos receperint, ne
 gustum quidem probitatis vllijs præferre, sed cæ-
 teris grauiora audendi duces esse, & Magistris,
 vt in istos omnes vetus condemnatio permanere
 videatur, Quoniam nequam est natio eorum,
 & naturalis malitia ipsorum, & non potest mu-
 tari cogitatio eorum in perpetuum. Atq; hæc sa-
 nè disserunt nō ij solum, qui negligentia, ac som-
 no suo præferre excusationem vndecumq; velle
 videntur, verum etiam homines pij, religiosi, non
 indiligentes, & qui pro longo rerum vlu eximie
 ista callere existimantur. At nisi ego vehementer
 fallor, horum quoque oratio magna ex parte ab-
 errat à vero. Non enim ideo Euangelium ab In-
 dis receptum non est, quia illorum mores prauis
 sunt, sed ideo potius moribus prauis sunt, quia
 Euangelium non receperunt. Prudenter, & verè
 quidam nostrum scripsit Pater non videri sibi
 ad Indorum horum animos penetrasse Euange-
 lium, sed ad speciem tantum receptum: neq; enim
 fieri posse, si in intimis sensibus radices egisset,
 quin copiosos, manifestosque fructus cernere-
 mus. Quid enim potentius verbo Dei? quid ad
 immutandos homines efficacius. An est vllatan-
 ta pèruersitas morum, quam non emendet spiri-
 tus Christi? An est vlla tam effusa barbaries, tam
 horribilis feritas, quam non domet, ac mansuefa-
 ciat lex gratia, si penitus animo admittatur? Cer-
 tè Dominus vocare venit peccatores non iustos
 ad

Sap. 12.

Matt. 9.

adpœnitentiam. Opinor Paulum ijs prædicasse,
quibus dicebat, Et hæc quidem fuistis, sed abluti *1. Cor. 6.*
estis, sed sanctificati estis, sed iustificati estis in no-
mine Domini nostri Iesu Christi, & in spiritu
Dei nostri, obsecro, quamnam intelligit, cum dicit,
Hæc quidem fuistis? Non solum egistis, verum
etiam consuetudine in illa veluti versi eratis.
Quæ illa? Relege superiora. Nolite errare, neque
fornicarij, neque idolis seruientes, neque adulteri,
neque molles, neque masculorum concubito-
res, neque fures, neque auari, neque ebriosi, neque
maledici, neque rapaces regnum Dei posside-
bunt. Et hæc, inquit, fuistis. Non video quæ his
horribilia nostris barbaris obijci possint. Et ta- *Tit. 2.*
men ex illis fecibus, ex tanta sentina mundauit
Dominus sibi populum acceptabilem, sectato-
rem bonorum operum In ouili Dominico Leo-
nem, & pardum, & vrsū simul cum oue, vitulo,
& agno futuros, & omni feritate deposita eodem *Esai. 11.*
pabulo pascendos diuinus Propheta describit.
Quia etiam venenosas omnes bestias lusi po-
tius, quam horroni futuras, cum primum paruuli
manum seperunt. Et delectabitur infans ab vbe-
re super foramine aspidis, & in cauerna reguli,
qui ablaetatus fuerit, manum suam mittet. Non
nocebunt, & non occident in vniuerso monte
sancto meo, quia repleta est terra scientia Domi-
ni, sicut aquæ maris operientes. Huic igitur salu-
tari aquæ diuini sermonis, huic lauacro purissi-
mo, & fecundissimo nulla est tam pestilens pla-
ga, quæ non cedat, modo vim illius admittat. Et
qui

Ibidem.

qui stat in signum populorum, ipsum gentes deprecabuntur. Et mox post pauca, Et leuabit signum in nationes, & profugos Israël cōgregabit, tanta ferarum, & venenatorum commemoratio-
 ne quid aliud significat Spiritus sanctus, quam nullius nationis, aut gentis quamuis noxios, quāvis malignos mores Euangelicæ gratiæ obſistere posse, sed cedere, cum primum illius Paruuli de radice Iesse signum acceperint, vimque persenserint? Hoc tam illustre & Apostolicum, & Propheticum testimonium credo nemo contemnet. Sed cur in illius temporis gentibus ista locupletissimè impleta legamus, in nostri sæculi gentibus potius desideremus, quid putas causæ esse? Profectò si merita inspicias hominum, non erant illi meliores; si naturam, vtriq̃ue homines, vtriq̃ue eadem massa infecta propagati. At illi ingenio & quodam vigore naturæ longè superiores. Pter-
 1. Cor. 1. fus ita est. Verum quid hoc? An contemnemus Paulum contrà admonentem, Videte vocationē vestram fratres, quoniam non multi potentes, non multi nobiles, non multi sapientes secundū carnem, sed quæ stulta sunt mundi elegit Deus, vt confundat sapientes, & infirma mundi elegit Deus, vt confundat fortia, & ignobilia mūdi, & contemptibilia elegit Deus, & ea, quæ non sunt, vt ea, quæ sunt destrueret? Quam copiosè quam fortiter istos naturæ obseruatores, & venditores refellit diuinus Apostolus, adeoque naturæ nostræ imbecillitatem, & abiectiōem non repugnare gratiæ ostendit, vt etiam commo-
 dio-

diozem affirmare videatur, propterea quod humilitatem plurimum iuuat, quæ ad gratiam consequendam, & prædicandam maximi sit. Hos ergo cū natura vsq; adeo humiles, vsq; adeo māsuetos, & patientes cernamus, qui possumus inde Euāgelij introitū excusare, vnde maximè inuitatur? Sed neq; isti vsq; adeo inepti sunt, neque ita stupidi, neq; verò ab æquo, & honesto tam auersī, quin, si suo quodā more ducantur, non facile consentiant, tametsi cū antiquis illis ingenij culta & doctrinæ exercitatione nullo modo sint comparandi. Cur ergo illorum tanta melsis, horum tam tenuis, & inops? Expende omnia subtiliter, & ad altiorem reuoca intelligentiam, inuenies potissimam causam in eo esse, quod diuinis, & occultis quidem, sed iustis consilijs, antiquis gentibus prædicatores fuerint prædicatione sua digni, cū nostris tam sint plerique indigni, vt longè plus euertant, ac dissipent, quam ædificent, atque plantent. Itaq; præcipua causa ad ministros parum idoneos redit. Quæ namq; est prædicatio nostra? quæ fiducia? Signa certè non edimus, vitæ sanctitate non eminemus, beneficentia non inuitamus, verbi ac spiritus efficacia nō persuademus, lachrymis, ac precib⁹ à Deo non impetramus, imo ne magnopere quidē curamus. Quæ ergo nostra querela est? quæ tanta Indorum acculatio? Pudere nos potius deberet vitæ nostræ, horrori esse tantus Dei contemptus, odio esse tam supina fratrum nostrorum pereuntium obliuio. Et cum ad Apostolicum

hocce

466 DE PROCVRANDA INDORVM
hocce munus gentibus Christum Euangelizan-
di deberemus esse lectissimi, sapientia, & sancti-
tate mirabiles, venimus sordidissimi quiq; & om-
nibus rebus extremi, vbi illud est, Parati omni
poscenti vocationē reddere de ea, quæ in vobis
est, spe? vbi & illud: Discite à me, quia mitis sum
& humilis corde? & Filius hominis nō venit ani-
mas perdere, sed saluare? Atque illud fixum, ra-
tumq; maneat sine ylla dubitatione, quod Indi
non induerint Christum maxima ex parte mini-
strorum tum negligentia, tum improbitati esse
tribuendum.

1. Pet. 3.

Matt. 11.

Luc. 9.

Messem esse copiosam, modo operarū idonei non desunt.

C A P. V.

QUamobrem rectè prudenterq; scripsit Po-
lus rerum Indicarum & indagator curio-
sus, & æstimator prudens, tribus ex causis videri
sibi, tam multo tempore, tam modicum promo-
uisse Euangelium apud Indos. Primum quòd
exempla praua nostrorum hominum fidem præ-
dicationi Euangelicæ derogarint. Deinde quòd
in cognoscēdis, extirpandisque erroribus, super-
stitiosisque opinionibus nullam prædicatores
operam collocarint. Postremo, quòd vtilitatibus,
politiciq; administrationi Indorum vix serò cō-
suli cœperit, quibus ex omnibus subtiliter ille
colligit, falsò Indorum nationem, aut tarditatis,
aut pertinaciæ accusari, cum neque rectè viuen-
do, neq; apte docendo à nostris sint cōuenienter
legi

legi Euangelicæ instituti. Neque dubitandum
esse, si illa, vt par est, adhibeantur, quin futurus
sit fructus longe copiosior opinione multorum.
Nouimus ipsi qui pro vulgari existimatione de
ingenio, saluteque Indorum desperatè sentirent,
& ab ijs edocendis vehementer abhorrerent, qui
mox obedientia perurgente animum appella-
tes ad rem, fideliterq; ministerio suo functi, ante
non longum tempus tantà de insperato fructu
spe ac voluptate perfunderetur, vt nihil sibi acer-
bius cogitarent, quam vt ab Indorum doctrinà
auellerentur, qui nobis palam, scetioque confir-
mant, se se facto periculo abunde didicisse non
mediocres fructus sperari debere, modo facer-
des diligentia, & tolerantia operi suscepto non
desint. Neque verò ita nihil est actum hætenus,
neque labor omnis ante actus adeo cassus & irri-
tus, quin si & temporatumultibus plena cogi-
tentur, & curæ ministrorum, vt parcissimè dicā,
sua magis, quam Christi quærentis, non amplius
effectum sit, quam esset meritò expectandum.
Neque tam sunt Indi omnes infideles, neque vs-
que adeo à Christo alieni, & auersi, vt plerique
iactant. Notit Dominus qui sunt eius. Profectò
Ianaconæ nostri, id est, Indi nobis familiares, si
quemadmodum fidei nostræ assuescunt, ita etiam
mores Christianos spectarent, non dubitandum
esset, quin sicut fide & notitiâ religionis Chri-
stianæ cæteros Indos Atunlunas longe excellūt,
sic etiam morum integritate superarent. Sed que
vident, discunt. Rectè credentes vident, credunt

& ipsi rectè, improbè agentes vident: discunt, & ipsi improbè agere. Ego certè opinor non solù ætate nostra, sed superioribus quoque patres nostros in gentes horridiores, & magis à vero auersas incidisse, fructificasse tamen copiose, quod diligentia, ardore, patientiaq; sua difficultates omnes euerterint. Legat qui volet antiquos Anglorum mores: duriores nostris Indis inueniet: at Augustinus, Laurentius, Iustus, Mellitus ceterique à Sancto Gregorio missi quanta effecerunt, quam gloriosa in Insulæ illius conuersione? Turingos, & Saxones, aliasq; nonnullas Germaniz nationes vsq; adeo barbaras extitisse olim, vt nihil magis, sanctorum Pontificum Gregorij secundi, & tertii, itemq; Zachariæ responsa Apostolica satis indicant. Ab vno tamè Bonifacio à sede Apostolica prædicationis causâ misso quanta multitudo sub lene Christi iugum ceruices dedit? Ad ceterum millia hominum non longo tempore idem Pontifex scribit sacro baptismate ablutos. Quid nostri Hispanienses Astures? quid Cantabri olim? An non per viros Dei mäsuefacti, & feritate exuta, humanitati quoddammodo redditi sunt? Quid de Malachia, quem libro primo commemoravi? quid de cæteris dicam, qui non solum Græcis, & sapientibus, sed barbaris quoque & insipientibus Euangelium salutis æternæ impertiti sunt? Quod si magis recentia, & nostris proxima desiderantur, non obscuræ famæ est quicquid in Pronincia Veræ Pacis Dominicanæ familiæ patres egerunt, cum Indos filiorum loco haberent,

Beda in hystoria Anglo-

In tertio tomo Conciliorum prope initium.

Greg. tertius in epistola ad Bonifacium.

D. Bernardus in vi. illius.

ab ipsis verè parentes agnoscerentur, illeque in primis Frater Ioannes, nisi fallor, nomine, vir Sanctus, & Prophetiæ spiritu clarus. Eodem modo, & Minoritæ, & Heremitæ, cæterique, vel monachi, vel clerici zelo Fidei, & salutis animarum succensi, non exiguam apud nos laudem, apud Christum etiam cumulatam præmium laboris sui consecuti sunt. Nostros verò quid attinet dicere in India Orientali, quorum sudores pro Christo foelicissimi extiterunt? qui ad fines usque terræ bonum Christi odorem diffundentes, vel ipsa commemoratione rerum gestarum animos Dei amantes exhilarant, atque imitandi studio vehementer inflammant. Quorum Dux Sanctus Magister Xauier Apostolici temporis splendorem, & claritate signorum, & rerum magnitudine, & laborum tolerantia renouasse videri potest. Quid huius sectatores Magister Gaspar in India citeriori, Cosmas Torres in Iapponia, Ioannes Nobrega in nobis continenti Brasilia, reliquique patres spiritu feruentes, parati pro fratribus animas ponere, & se ipsos impendere, ac superimpendere Euangelio Christi? quod & fecere non pauci. Omnino si tales Indorum populis diuino dono Ministri contingerent, inessem essent inuenturi latissimam. Verum Paulus, Apostolus illo iam tempore, quo primitiæ Spiritus sancti effusæ sunt, dolet, ac deplorat omnes quærere, quæ sua sunt, non quæ Iesu

Lib. 3. de vita Ignatii. cap.

Littera Patrum societatis ex India Orientali.

Rom. 12.

1. Ioan. 3.

2. Cor. 12.

Phil. 2.

Christi, & se vix vnum Timotheum vnanimem, & syncerum coadiutorem habere, quid nos dicemus, qui in faeces mundi incidimus, quando & ghacitas multorum refrixit, & veniens Filius hominis vix fidem in terra inuenturus est? Attamen obsequendum est diuino p̄cepto, & assiduis, ardentibusque precibus rogandus est Dominus messis, vt mittat operarios in messem suam, qui non verbo, & lingua tantum diligant, sed opere, & veritate se ipsos idoneos noui testamenti ministros p̄beant. Atque id quidem, vt Pater misericordiarum, & Deus totius consolationis Indorum Ecclesiæ largiatur, plena fiducia sperandum est, quia sine illo nihil possumus facere, qui quos vult, ponit, vt eant, & fructum plurimum permanentemque afferant. Sed quod nostra interest, quales esse oporteat t̄ti operis ministros, in quo rei bene gerendæ spes omnes sitas esse monstrauimus, ip̄so Deo nostro adiuuante, accurate deinceps persequemur.

De peritia Indice lingua necessaria.

C A P. VI.

TRIA in omni Christi ministro, qui Indorum salutem sit curaturus, quætenda sunt, vita integra, doctrina idonea, copia sermonis: quorum si desit aliquid, & alijs profuturus non est, & periculum animæ suæ non leue ipse sustineat. De his modo sigillatim pro re p̄senti dicendum est. Atq; vt ab extremo ordiar, loquedi
facul-

facultatem ei, qui docēdi partes suscipiat, adesse oportere nemo dubitat. Quamobrem Apostolos suos non ante ad docendas gentes Christus misit, quam gentium linguis spiritus dono loquerentur. Fides enim, sine qua saluus esse nemo potest, ex auditu est, auditus autem per verbum Dei. Hic ergo sita est salus gentiū in verbo Dei. *Rom. 10.*

quod sanē ad homines peruenire non potest, nisi vocibus hominum deferatur, quas qui non percipit, verbi Dei vim sentiet nunquam. Quia vna in re vel maximē sudare oportebit seruum Christi, si hominum amat salutem. Quanquam enim duri, ac permolesti labores sunt alienę linguę discendę, barbaricę præsertim, tamen & gloriosa victoria est, & dulcissimi fructus, & Dei charitatis illustre testimonium. Occurrere animo debet sanctus Ioseph, qui inter alias ærumnas suas non leuem illam expertus est, vt linguam, quam non nouerat, audiret. Idem procedente tempore in ea regione, cuius peregrinam linguam didicit, salutis princeps, & autor singularis, qui adeo familiaris sibi effecerat Ægyptiā sermonem, vt paterni quasi esset oblitus, cum fratribus Hebraicē *Psal. 80.*

per interpretem colloqueretur. Igitur si quis salutis Indicę studio inflammatu est, sibi is seriō persuadeat, nihil præclarum sperare oportere, nisi sermonis colēdi prima, indefessaque cura sit. *Gen. 42.*

Si enim is, qui supplet idiotę locum ad tuam benedictionem, quam non intelligit, non potest dicere, Amen, quamuis enim tu bene gratias agas, *1. Cor. 14.*
sed ille nihil ædificatur, quoniam modo concio-

406 DE PROCURANDA INDORVM
nantitibi quamuis mirabiliter, quamuis diuine
de Christo, populus ignotæ linguæ, & profundi
sermonis respondebit in corde suo Amen, hoc est,
animi præbebit assensum? Quomodo quamuis tu
recte loquaris, ædificabitur ad Fidem & dilectio-
nem frater, cum voce tantum sparguntur in vñ-
tum, ac more Babylonicæ confusionis qui sermo-
nibus dissident, nequaquam sensu animisque co-
spirant? Mihi attente sæpe diuq; de salute Indo-
rum procuranda cogitanti nihil commodius, ni-
hil certius venire solet in mentem, quam vt ho-
mines probati, atque integri, sermonis Indici cu-
ram susciperent, familiarissimam consuetudinem
haberent, copiamq; ad dicendum sibi pararent
cum arte tñ exercitatione diuturna. Valde enim
mihi persuadeo ita futurum breui, vt Euange-
lium Christi ad animos istorum penetraret, &
vires suas expromeret, quod in hodiernum
diem plurima ex parte tantum auribus Indi-
cis insonuisse, non etiam intima cordis pene-
tralia pulsasse videtur. Neque enim alia via or-
bis terrarum reliquus ad gratiam Christi per-
uenit, quam verbi Dei forti instantique præ-
dicatione sicut in Actis Apostolorum sæpe legi-
mus, & Ecclesiasticæ omnes historiæ tradunt.
Neque verò alius aditus, aut alia via nationi In-
dorum ad Christum aperienda est, quam assiduæ
efficacis ipsique accommodatæ prædicationis
verbi Dei. Qui secus opinatur, etiam atque etiam
errat. Nam præter documenta diuina plurima ea-
demq; grauissima, attestatur nobis copiosissimè
rei

rei experientia. Videmus Indos, si quem nacti fuerint linguæ suæ peritum concionantem, attentissime audire, magnopere delectari faciundia, impetu ipso dicentis rapi, atq; ore hiantes oculis immotis hærete suspensos. Quod ego in sociorum concionibus cum notarem, adeo capiebar noua Indorum attentione, & voluptate, ut præ gaudio penè gestirem, spe concepta salutis istorum pergradi, si modo aliquot nobis, vel Pauli, vel Apollines eloquentes adessent. Neq; illi sanè dissimulabāt, quomodo afficerentur, cum ad alios alij conuerſi dicerent, Nunquam se Christi legem talem cogitasse, aut audisse, alij ab illo sibi patre cor ipsum scindi, dū verba de Deo faceret, affirmaret Quod si qui populi aliquid vel intelligentiæ, vel probitatis præseferunt præ cæteris, inueniuntur sine vlla exceptione ij esse maximè, qui sacerdotes, aut habuerunt, aut habent veteranos sermonis sui petitos. Perditissimi verò omnium, qui nouos & imperitos ministros ab Hispania recentes sortiti sunt, quorum infantiam egregiè ridet, elinguesque contemnunt.

De Parochis Indici sermonis ignaris.

CAP. VII.

Qui tales igitur ad docendos Indos accedūt, non solum parum alijs prosunt muti ipsi & elingues, sed sibi etiam officiunt non mediocriter damnationis periculum subeuntes, quoddam oneri sibi imponunt, quod portare non possunt,

*Hier. 48.**Ioan. 10.**Ezech. 13.*

possunt, quorum vel auaritia, vel arrogantia tanta sit, vt ultra quam possint, conentur facere, qui mercenarij cum sint non pastores, ostendunt abunde nihil ad se pertinere de ouibus, propter pugillum ordei, & fragmen panis animas viuificantes, quæ non viuunt. Sunt huius generis hodie perquam multi, qui iniuncto muneri doctrinæ Indorum copiose se satisfacere existimant, Orationem dominicam, & Symbolum, ac salutationem Angelicam, tum præcepta Decalogi Hispanico idiomate identidem Indis recitantes, eorum infantes baptizantes, mortuos sepelientes, matrimonio iuuenes collocantes, & rem sacram festis diebus facientes. Hæc summa doctrinæ est, ita se parochi officio fungi satis superque opinantur, neque interim conscientia, quam utinam cauteriatam non habeant, mordetur, quod dispersæ sint oues Domini, eo quod nō sit pastor, factæque sint in deuotionem omnium bestiarum agri, errentque in cunctis montibus, in omni colle excelso, neque sit, qui requirat quod perijt, nec qui reducat abiectum. Nam quomodo verbo fidei reducent, qui linguam non habent? quibus vocibus lupos arcebunt, ouesque nominatim vocabunt, qui nullo modo, quid loquantur, intelliguntur? Oues, inquit, vocem eius audiunt. At vocem audire non possunt, quam pastor proferre non nouit. Atque accipiat licet quiuis, vt volet, quod dicam: rigidum & morosum appellet, nihil moror: ego eum sacerdotem, qui linguæ Indorum ignarus est non nisi cum

animæ

animæ suæ iactura Parochi officium suscipere posse iam prjdem, & opinor, & assero, quod etiâ manifesta ratione demonstro. Duo sunt de necessitate salutis, Fides, & Pœnitentia. Fidem docere ac prædicare non potest sermonis experts: Pœnitentiæ Sacramentum administrare non potest, qui neque quæ confitetur Indus, intelligit, neq; quæ præcipit ipse, intelligitur, Eum verò, qui neque instruere in Fide, neq; in Pœnitentia iuvare potest sibi commissas oves, pastoris nomen sine grandi crimine vsurpare nemo rectè sibi persuaserit. Aiunt se per interpretem suos instruere, ac docere, quid credant, quid agant, quid fugiant. Atqui interprete vtuntur plerumque, vel infido, vel imperito, qui vix intelligat ipse, quæ audit, vix etiam exponere norit, quæ intelligit, vt pote Indus ipse quoque, vel ab Indis prognatus, qui neque res, neque sermones nostros satis plerumque callet. Vt omittam, quam ægrè, quam que frigide per alienam linguam sensus transmissus veniat, atq; in ipsa via anfractibus debilitatus sæpe corruat, vigore omni, qui est veluti animus sermonis, extincto. Sed demus Indos doceri interprete vtcumq;. Nam integre perfecteque doceri non posse certum est. Quid de Pœnitentia facient? An adhibebunt interpretem confessioni hominis? Omnino medicina maximè necessaria careant necesse est miseri Indi, & cum fragiles sint ac sæpe labantur, præcipuaq; illorum spes in supremo spiritu posita sit, cum confessionem serio expetunt, salutis æternæ iacturam facient propter

sacerdotis imperitiam. Occurrent hîc quoq; se nō
vsque adeo omni Indici sermonis intelligentia
destitui, quin vnum, & alterum verbum intelli-
gant, vno vero audito crimine in mortis extre-
mo periculo, vbi amplius fieri nequit, absolutio-

S. Leo epis. nis sacramentum impendi debere morituris.
91. ad Theo Cui sane rationi de absolutione eius tempo-
dorum. De ris ego nullo modo dissentior, cum sit nostro-
Pœn. d. 1. c. rum Theologorum, ac veterum quoque Pa-
multiplex. trum certa sententia. Attamen qui factum eo in
26. q. 6. discrimine excusant, nullo modo similem licen-
His qui tē- tiam, vbi nihil tale vrget, sacerdoti concedunt.
pore. Trid. Cum ergo omnes post baptismum lapsi ex diui-
Seff. 6. cap. no præcepto etiam citra mortis articulum ad
14. cā. 29. confessionem teneantur, Ecclesiasticæ verò quo-
seff. 14. cap. tannis, quomodo potest Parochus audire con-
2. can. 6. fessiones suorum, cum quibus locutionis com-
De Pœnitē mercium nullum habet? Quod si dicant id, quod
ty. c. Om- mihi ex hisce quidam aliquando respondit, simi-
nis. Conci. lia inquirenti ex eo, se confessiones suorum au-
Trid. seff. dire, cum nonnulla percipiant, atque id sibi satis
14. cap. 5. esse, vt absoluant. Ego sanè contra affirmo, cum
Seff. 14. c. confessionis integritas ex iure diuino sit, eum
5. & cā. 7. non esse idoneum Pœnitentiæ ministrum,
quem propter imperitiam dimidium, & eo
amplius necessariò latet, perinde enim est, ac
si tantumdem non audiret, quam esse inte-
gram, & idoneam confessionem præter mortis
periculum nemo vt cumque doctus existimat.
Denique vbi Parochus non ea facultate pollet
vt substantiam saltem, quæque iudiciam illius
requi-

requirunt, possit integre assequi, neque salutis Pœnitentis pro ratione personæ, & criminum necessaria documenta adhibere, nullo modo est ad audiendas confessiones reputandus idoneus. Qui verò Pœnitentia sacramentum communiter administrare non potest, hunc ego Parochi officio tuta conscientia fungi nego. Damnas igitur, dicet quispiam, omnes & Parochos, & Episcopos, & Patronos Indorum, qui illis nullo alio consulant modo, quam horum sacerdotum præsidio, qui novi, rudisque Indici idiomatis ex Hispania aliunde veni adveniant? Ego verò non omnes vitupero, & damno. Fieri potest, ac sit non rarò, uti ministrorum ea peturia sit, ut si sacerdos ijs omnibus dotibus exornatus expectandus sit, longo tempore Indici sine ullo Christianæ religionis officio futuri sint. Cum ergo alij peritiores, melioresque non suppetant, licet sanè, imò vero expedit hos vocare, quicumque sunt, illisque iniungere, ut sacrificio, Baptismo, Matrimonio iuvent suos, Pœnitentia etiam animam iam agentes ut dixi, vitia publica amputent, exemplo ac beneficentia efficere adnitantur, quod minus sermone possunt. Sanè tunc temporis neque Præsul præciendo, neque Parochus parendo reus est, sed laude dignus uterque. Ut si scuta aurea in domo Regia affigi non possunt, area saltem suspensa certantur. Porro interdum accidit, ut eiusmodi sacerdotes elingues quidem, sed manu alioqui prompti, plus in Indorum conversione effecerint, quàm alij

3. Reg. 14.

alij vsque ad loquacitatem disertī. Quod si non ea paucitas sit ministrorum, Episcopus tamen tuus te eam provinciam subire iubeat, debes sermonis imperitiā omnem tuam opponere, teq; ineptum excusare, sin adhuc pergat iussa vrgerē, tutō Prælato obedis, tutō oues, quā potes, facultate pascis. Debes tamē copix interim sermonis parandæ non indiligentem operam dare. Viderit verō Episcopus, quā Pastori magnō, qui eduxit oues in sanguine testamenti æterni, rationem redditurus sit, qui nisi maximē idoneos suis præficiat, sanguinis sine dubio apud æternum iudicem reus erit. At hi, qui iubente nemine, nemine vocante, ipsi se intrudunt, ipsi Indorum Parochias anhelant, lucro prorsus intenti, nihil aliud, quā quæstum existimantes pietatem, cum sint alioqui ineptissimi, muti, elingues, quā ratione, & lege excusentur, quod speculatores se constituerint, qui clamare non norunt, alij iudicent. Ego certē tantam temeritatem, tantum Dei animarumque contemptum excusare nec volo, nec possum, cum liceat videre paruulos deficere vulneratos in plateis ciuitatis, atque exhalare animas suas in sinu matrum suarum, cum planē quos matrum affectum, & curam præse ferre oportebat, si ruthiones potius voracēs, atque crudeles experiantur, atque ita fiat vt lactentium in Christo lingua palato adhæreat, quod doctrinæ vbera vel clausa, vel arida inueniant, & grandiosculi panem petāt, cum sit tamen nemo, qui frangat.

Heb. 13.

1. Tim. 6.

Ezech. 3.

Thren. 2.

Thren. 4.

Ose. 9.

Quod quidam non rectè in scitiâ sermonis Indici consu-
lant. CAP. VIII.

ATque hæc de necessaria notitia sermonis ei-
qui animæ suæ interitum auertere cupit, di-
cta sunt: quæ tamen eam, quam optamus, & que-
rimus, idonei Dei ministri mensuram minimè im-
plent. Nisi ergo linguæ vulgaris egregiè petiti
viri, doctrinæ atque instructioni tot populorum
operam dent, mea quidem sententia parum ad-
modum promquebit opus Domini. Vnus eius- *Esaï. 50.*
modi, cui Dominus linguam eruditam dederit,
vt sciat lassum sustentare verbo, & infirmum in
fide assumere, centum istis triuialibus catechistis
anteponendus est, cum solus vnica cõcione plus *Rom. 14.*
efficiat, quàm illi multi toto sæculo. Atq; vtinam
tales dono verbi affluentes, si nõ quotquot opus
esset, at pro numero saltem prouinciarum habe-
remus, qui fiducia pleni loquerentur ad plèbem
de Domino Iesu, non dubito, quin Apostolica
exempla redirent. Sed quoniam & linguarum do-
na cellarunt, & studio, atque diligentia rarus est,
qui eos in sermone progressus faciat, meritò à
multis quid huic malo remedij adhiberi queat,
disputari solet. Sunt qui Indos ad nostrum idio-
ma discendum seueris legibus cogendos censeât,
in alieno nimium liberales, de suo parci. Hi Pla-
tonicæ Reip. similes leges verbis, quod facile est,
nudis effingunt, quæ si conferantur ad rem, mera
fabula. Sicut enim pauci Hispani in aliena patria,
sermonem tamen suum non possunt dediscere, &
pere-

peregrino imbui, ingenio alioqui præstantes, & intelligēdi necessitate obstricti, quid cerebri est innumerabiles gentes patriū sermonē in ipsa patria obliuisci, externo solū vti, quē rarō ac valde illibenter audiūt? Intra parietes porrō domesticos familiaria cū tractant, materna lingua loquētes quis deprehēdet? quis deferet? quomodo Hispanicē loqui adiget? Alij magistrationi cōsentanea solent optare, vt si non peregrinā linguā discere & frequentare cogantur barbari, tamen eā quæ generalis dicitur, vt ignorare non sinantur, quod non vsq; adeo factū difficile existimant, cū potuerit Ingarū consultissima lege perfici, vt omnes amplissimi huius regni prouinctę Cuzquensem illā, siue Quichuam scitent, adeo vt per tria mille milliaria, & eo amplius hodie quoq; in vsu sit. Potuerūt ergo, inquiūt, barbari reges propter conseruandā imperij sui concordia, & cōmunione, quā voluerunt tot & tātis populis linguam dare, nō poterunt verō Christiani principes propter religionis vsq; adeo necessariā causam, efficere, vt eadē illa lingua ita percrebrescat, vt omnibus vsui sit? Et si enim primores Indorum illā fetē callent, vulgus tamen mulierum, puerorum, eorumq; quos ipsi Atunrunas vocitant, genus hominū agreste, vix quicquā satis illius norūt. Quæ ex re, & prædicando verbo Dei, & cōfessionibus audiendis impedimēta fiunt sanē graua, cū idiomatū tam multiplex sylua sit, vt in his locis, quæ ipse emēsus sum, existimem plusquā triginta linguas numerari, easq; valde & inter se abhorrētes

& addiscendum difficiles. Cui tam magno incommodo si quo pacto possit occurrere nostrorum moderatorum vigilantia, optime de Indicana salute meritos posteritas omnis laude celebraret. Sed dum hæc vel fieri nequeunt, vel certè non sunt, missa Indorum informatione, nostrum ipsi non desinamus informare sermonem, quoniam charitatis lege, illos à nobis potius quæri, quam ab illis nos decet. Sunt igitur (in quorum me numero aliquando fuisse confiteor) qui salutem Indorum educandos, præficiendosque ex Indigenis Hispanorum filiis magistros arbitrentur. Hanc esse compendiariam viam, propterea quod hi sermonis abundè gnari sunt, cui ab incunabulis assuefacti sunt, quo ad quidvis explicandum familiari uti queant: sensu verò & religione Christiani integri & solidi, cum ab Hispanis progenitoribus fidem Ecclesiasticamq; consuetudinè hæc reductio fere iure retineant, idq; pro summa gloria ducant. Ac planè quicumque ex his probatæ diuq; spectatæ virtutis reperti fuerint, doctrinæ quoq; nō expertes, in ministros sermonis assumi percommodum est, neq; dubitandum quin horum studio & oratione, qui non solū sermones, verum res etiam ipsorum & norunt, & amant, si fidelem ac diligentem operam nauent, Indi multum adiuuandi, promouendiq; sint. Quæ si honestas morum satis eluceat, & diuturnis documētis pateat, quidvis aliud Indorum salutem posthabēdū est. Neq; valde scrupulose natales eorum repudiandi sunt, atq; odio & iniuria (quod à multis non rectè sit)

prose-

- prosequendi, qui patre Hispano, matre Inda pro-
 gnati sunt. Fieri enim potest, ut inter istos quoq;
Act. 16. mixto genere, Timotheus quispiam sit patre gen-
 tili, matre Iudæa ortus, & tamen cum testimo-
 nium bonum habeat à fratribus, assumatur à Pau-
 lo, utilisque Evangelico operi reperiatur, quicq;-
 teros quoque meritis & laude præcellat. Quid
 vetat alterum quoque Hiram similibus natali-
 bus ortum à Salomone Rege euocari, & præcla-
3. Reg. 7. rissimis, difficilimisque templi operibus præfici,
 quod plenus sapientia, & consilio sit? Neq; enim
 personarum acceptor est Deus. At quamvis hæc
Act. 10. ita habeant, tamen certissima magistra experien-
 tia copiose monstrat non posse nos, nec debere
 solitudinem omnem nostram studiumq; depo-
 nere Indigenarum præsidio fretos, neque verò
 oportere rem tantam apto sermoni hominum
 committere, quorum mores non æquè apti sint.
 Ferè enim Indorū ingenia, & mores redolent,
 quorū & lacte, & cōsuetudine educati sunt. Ma-
 gna profuse est primæ consuetudinis vis, magna
 primi caloris impressio. Neq; frustra tam religio-
Gen. 24. se Abraham famulum adiuravit de non danda fi-
 lio suo Isaac vxore Chananæ: neque muliebri-
Gen. 27. ter, ac non potius sapienter Sancta Rebecca He-
 thææ fœminę coniungi Iacob suum adeo exhor-
 ruit, ut vitam mallet amittere. Sunt proprii cu-
 iusq; regionis mores, quemadmodum & natiui
 fructus non iidem ubique, sed varij. Cretenses
Tit. 1. semper mendaces, malæ bestię, ventres pigri. Te-
 stimonium Poëtæ veteri fert Apostolus, quod

vera scripserit. Itaque solerter ingenia inspicienda sunt hominum, moresque diu probandi, vt patriæ minus temperatæ, & constantis, vel potius lasciua, & levis opinionem quis eluat. Periculo certè compertum est ex istis plerisque; plus obesse corruptis moribus, quam verbo sano proficere. Quamobrem ita istorum loquedi opportunitas contemnenda non est, vt tamen ingenio & moribus nisi plenissimè probatis, non tutò res tanta, tamque periculosa credatur.

*Quod oporteat ad Indos venientes predicatorum
Indicum idioma diligenter discere.*

CAP. IX.

Itaque laborandum nobis est, & quod vnum restat ex omnibus, studio & tolerantia, sermonis facultas paranda. Id quamuis difficile, & negotiosum sit, non tamen fieri nequit. Videmus homines in Hispania natos, atque educatos, quosdam etiam de nostris Theologos non obscuri nominis, qui obedientiâ duce ad has regiones venerunt, charitate illustrium conatuum autorem impellente, tanta se discendo idiomati Indico cura dedidisse, vt non minus facunde & copiose Ingarum sermone concionentur, quam materno possent. Deus enim quorum incitat mentes, vt ait Leo Papa, adiuuat etiam actiones. Non nemo etiam haud quaquàm vna lingua contentus plarium cognitionem adhibuit, quem nullo præceptore usum intra tres, quatuorve menses in

Epist. 32.

D d lingua

418 DE PROVVRANDA INDORVM
lingua Aymarayca, quæ post Cuzquenſem ſe-
cundum locum tenet, tam ſœliciter concionan-
tem audiuiſimus, vt ipſi Indi Collani magno-
pere admirarentur. Hunc ego tam glorioſum
laborem, & contentionem omni Theologi-
ci ſtudiij laudi antepono. Ac re vera ſi quis ſeriò
adiecerit animum, non ita magno ac diutur-
no ſudore omnem eam difficultatem quanta-
cunque ſit, ſuperaturus eſt. Neque enim He-
braici Chaldaiciq̃ue ſermonis difficultatem In-
dicus æquat ſexcentis partibus. Græci vero ac
Latini prolixitatem, & multiplicem ſcitq̃ue
arduam copiam, multo minus, quin longè ſim-
plicior, inflexiones pauciſſimas habet, breui-
buſque admodum documentis comprehendere po-
teſt. In quo ſi interpoſitiones poſtpoſitioneſ-
q̃ue, quibus maximè à Græco, & Latino, at-
que Hiſpanico abhorret, & cum Hebraicis af-
fixis plurimum conuenit, ſemel deuotaueris,
nihil ferè ardui reliquum fiat. Proſuntiatie-
nem verò barbaricam habet quidem pluriſſima
ex parte, ſed cum Hiſpanica omnium quod
ego ſciam Idiomatum, maximè congruentem,
vt non immeritò Frater Dominus Epiſcopus
ſcripſerit, videri ſibi Hiſpanorum nationi has
gentes diuinitus præparatas. Iam verò in il-
la ſua veluti inculta barbarie adeo pulchros
adeo elegantes idiotiſmos habet, formulaſ-
q̃ue dicendi mirabili breuitate multa comple-
xas, vt delectet vehementer: quorum vnus
vocis vim ſi Latinus, Hiſpanuſue exprimere ve-
lit,

*In prologo
Gramma-
tica Indica*

lit, pluribus ipse vix possit. Sed spiritualium & philosophicarum rerum sicuti noticia plurimū carebant, vtpote barbari, ita verborum Indicorum penuria maxima est. At vsus Hispanicas voces Indicas fecit. Vt enim equum, bo-uem, vinum, triticum, oleum, multa긑ue id genus quia non nouerant, ab Hispanis non solum res sed vocabula quoque acceperunt, pro quibus nos quoque alia Europæ vel animantium, vel frugum genera ignota mutuati sumus: ita equidem censuerim non magnopere laborandum, si Fides, si Crux, si Angelus, si virginitas, si coniugium, si pleraque alia non satis Indice ac propriè reddi possit. Licebit enim ex Hispanico mutuari, & propria facere, vsu긑ue ipso linguam locupletare, quod & omnes fecere nationes, Hispanica maxime, vt aliena copia ipsa ditesceret, quod prudentissimus quisquis Simiyachac, id est, Indici sermonis Magister frequentare iam solet. Pronuntiandi vero difficultas vbi veluti infartis assutisque multis syllabis pleræque dictiones in longum crescunt, non potest non esse molesta paternæ præsertim suauitati assuetis, multo긑ue illa altera grauior, intelligendi Indos stridentes sæpe ore potius, quam loquentes, sed deuoranda est tandem vsu긑ue ipso atque exercitatione vincenda. Cætera quippe facilia valde. Est autè ad certa præcepta neq; multa, neque difficilia redacta ars omnis Indicæ linguæ: quæ in re primis scriptoribus, etsi multa falso multa impropiè & absurdè

præceperint , tamen gratiæ habendæ sunt maximæ, multum enim adiuuat ars, methodusque tradendi prima rudimenta . Sunt etiam iam satis multa scripta copiose & ornate, quorum lectione proficere studiosus auditor queat, & emergent quotidie plura & cultiora. In his & legendis, & ediscendis memoriter, itemque frequenti scriptione imitâdis multum crescet sermonis cognitio. Quamobrem lectiones publicæ institutę linguæ Indicæ perutiles sunt, ac nullo modo cõtemnendæ. Verum hæc omnia instar vmbra-tilis pugnæ, & palęstrapotius, quam acies. Ad ré ergo veniendum est, & frequenti collo-cutione cum Indis seriò iam agendum, vbi audiendo ac loquendo familiaris sermo fiat . Inde ad conciones progrediendum, & pudore metuque deposito, sæpe & audacter errandum, vt aliquando non erretur . Initio quidem memoriter & res & verba dicenda, mox etiam sequentur verba res ipsas . Ista quidem, dicet opinor aliquis præcipere in promptu est, exequi verò perquam remotum, ita sane habet . Attamen & labor omnia vincit, & laborem facitiucundum propensio animi . Mihi nulla in hac causâ terribilior difficultas occurrit, quam auersæ voluntates hominum . Adeo enim ista non amant, adeo non curant, vt etiam cõtendant, ac loco ignominia habeant cum Indis versari & loqui Indicé. Christi vero amatores atq; animarú studiosos eo amplius incitare atq; accendere debent, quòd mundo ista fastidio sunt, Paulo

Apostolo nos prouocâte, Mihi mōdus crucifixus *Gal. 6.*
 est, & ego mundo. Dauide quoque exclamante, *2. Reg. 6.*
 Viuit Dominus, quia ludam, & vilior fiam. Om-
 nino nihil pretiosius hac Crucis Christi inuen-
 tione, & exaltatione & triumpho. Nouit ille qui
 accipit. Quamobrē si sacerdotes, ministriq; Euā-
 gelij multum apud Indos proficere cupiūt, illud
 modis omnibus curent, vt recentes ab Hispania
 antequam fetuor ille, & sitis animatum intepe-
 scat, nulla alia re occupentur, ac distineantur, quā
 accuratissimo studio discendæ Indicæ linguæ, &
 post quam didicerint exercendæ. Hoc nisi fiet,
 vix aliquid fiet, quod experimento compertum
 habemus. Sapienter ergo & religiose. Dominica-
 næ familiæ patres in Guatimala prouincia, vt mi-
 hi fide dignus vir solebat narrare, inuiolabili sta-
 tuto venientibus ab Hispania totum primum an-
 num nihil aliud quam studium sermonis iniun-
 gunt. Anno integro exacto ad fructificandum
 mittunt, quod vtinam omnes sequeremur exem-
 plum, fieret paucis annis sine dubio plusquam ef- *Par. 4. Cōf.*
 fectum est plurimis. Neq; enim societatis nostræ *cap. 12. &*
 Beatus Fundator Ignatius Indicæ linguæ lectio- *Declar. lit.*
 nes publicas frustra præcepit, vbi vtilēs videren- *B.*
 tur, neque vsquam necessarium magis, quod Re-
 gulæ habent, vt Regionis, in qua degūt, sermone
 loquantur omnes, sunt enim per quam necessa-
 ria omnia ista præsidia, vt facultas paretur verbi
 diuini gentibus annuntiandi. At si quis vel per
 occupationes vrgentes, vel per minus scēlicem
 ingenij sortem tanta consequi nequeat, non

422 DE PROCVRANDA INDORVM
continuo debet sibi ab hoc Dei opere vacādum
existimare, silentioque vitam agere. Potest mul-
tis modis facultatis suæ exiguitatem adiuuare.
Primū si doctus ipse cum sit & probatæ virtutis,
socio vtatur sermonis perito, quem ipse senten-
tiam seorsum doceat, & quid, quōue modo di-
cendum sit, instruat, eumque vt Moyses Aaron
interpretem habeat, vt per illum potius ipse lo-
quatur. Non quidem, vt alter alterius verbis ver-
ba reddendo loquatur interpretis more (quod
frigidum est tametsi ne id quidem contemnen-
dum,) sed summam potius edoctus ante concio-
nem oratoris partes impleat, quod nos perutile
sumus experti, si socius contingat idoneus ac fi-
delis. Præterea non esset vtilitatis exigua, si ali-
quot ipse conciones & breuē aliquam catechis-
mi expositionē memoriter disceret, atq; ea iden-
tidem repeteret apud Indos. Neq; enim verendū
est, ne illos repetitione offendat, neq; tam isti in-
digent magnis, & exquisitis rationibus, quam
quibusdam facilioribus, accommodatis, iisque
sæpius repetitis. Nā & gloriosissimus Dei Præco
Franciscus eo modo instituisse fratres suos sim-
pliciores prædicatione perhibetur: & Magister
Franciscus noster apud Malauaricosea industria
multum in conuersione gentium profecit. Ac
mihi cum missionem quandam obirem, ve-
nit in mentem id nobis non difficile, Indis ve-
rò valde commodum fuisse futurum, quod in
missionibus loca subinde commutentur, do-
ctrina verò eadem vbique repetenda sit, vt
paruulis

parulis lac Evangelij præbeatur. Ad hæc possent virorum gratium, & eloquentium scriptæ orationes de rebus Christianæ religionis publicè legi, & cum aliqua emphasi pronuntiari, quibus Indorum populi non solum instruerentur, verum etiâ excitarentur. Quæ sanè consuetudo olim in Ecclesia diu retenta est, & à sanctis Patribus magnopere commendata. Sunt vero nostrorum scripta Indicè valde opportuna, quæ si relegantur, non dubito, quin avidè excipienda sint. Et spero equidem, modo ardor non desit spiritus Christum, & Christi paruulos complectentis, his alijsque rationibus, quas idem spiritus commode suggeret, magnos Fidei salutisque Indicæ proventus aliquando affuturos.

De scientia sacerdoti necessaria.

C A P. X.

SE Q V I T V R scientia, quæ tam propria sacerdotis est, ut pectori insculptam Doctrinam gestare lex iusserit, significans Dei seruum Exo. 18. doctorem esse oportere cæterorum, quorum suscipit curam, ne, si sciētiam à se repulerit, repellatur ipse vicissim à Domino, ne sacerdotio fungatur, atque ita pariter, & propheta, & populus corruat. In plebeio homine habet ignorantia suam fortassis excusationem, at in sacerdote ut Ose. 4. Leo Papa scribit, vix ferēda est excusatio, quæ per Epist. 4. ad Episcopos tendat inscētiam, imo verò, ut in alia epistola Sicili. scribit

Epist. 22. scribit, in ijs, qui præsunt, in scitia nec excusatio-
Dis. 38. si ne digna est nec venia. Quatenus autem peritum
in laicis. esse oporteat sacerdotem, satis Patrum Canones
inducant. Si prædicandi quidem verbi Dei fun-
Leo ep. 82. gitur officio, cum sit hoc proprium Pastorum,
atque Doctorum eum esse oportebit, quem Pau-
Tit. 1. lus describit, Amplectentem sanè eum, qui secū-
dum doctrinam est fidelem sermonem, ut potens
sit exhortari in doctrina sana, & eos, qui contra-
dicunt, arguere, qui hæc præstare non potest, te-
merè Doctoris in Ecclesia usurpat locum, maius
Iac. 3. sibi iuxta Iacobum Apostolum iudiciū sumens.
Quod cum tantæ magnitudinis tanti etiam peri-
culi sit, nemo satis præstare potest, nisi missus à
Rom. 10. Domino, Quomodo enim, inquit, prædicabunt
Ioan. 7. nisi mittantur? Et, qui loquitur à semetipso, glo-
riam propriam quærit. Et, ipsi loquebantur in no-
mine meo, cum ego non mandarem eis, & cæte-
ra id genus multa, quæ terrori sunt, ut nisi aut ex
officio incumbat, aut maiorum autoritate impo-
natur, aut ipsa charitate aperte perurgente & ex-
timulante, vitari non queat, nemo sui memor,
onus magnis quoq; viris formidabile subire au-
deat. Sed ut dixi, charitas Christi vrget æstimantes
hoc, quia Christus pro omnibus mortuus est,
ut qui viuunt, iam non sibi viuant, sed ei, qui pro
ipsis mortuus est. In Indorum autem prædicatione,
& laboris est plurimum, & vanitatis perparū,
ubi laudes, applaususq; populares non expectan-
tur, ubi neq; gustus nimium delicatus exquisitis
illicebis excitandus est, verum eius panis, qui
nobis

nobis abundat, & præ copia penè vilefcit, qualiscumque erogatio admirabiles esurientibus epulas præbet. Itaque quò alias magis periculofum, & anceps Magiftri munus, ed inter barbaras gentes & fructuofius, & tutius, cum non hominum favorem aucupetur, fed Dei pro paruulis fuis gratam mercedem fperet. Parochi verò Indorum, fi quis munus obeat, catechifmo Concilij Tridentini, quid fciendum fit, fatis dicetur. Vt primum, fymbolum, myfteriaque Fidei præcipua norit exponere pro captu audientium; mox præcepta diuina qui aut feruentur, aut violentur, tum quæ ad facramentorum intelligentiam, vfumque pertineant. Ac modo probata ille vitæ laude floret, atq; locutionis Indicæ facultate non careret, cum viros haberet, quos tutò in grauioribus caufis confuleret, non magnopere ego fcholarum apparatus, reconditamq; illam doctrinam in eiusmodi Indorum Parocho defiderarem, quippe cuius munus magis prudentia quadam, atque ingenij, morumque Indicorum peritiâ conflet, quàm fubtiliori literatura. Vt enim Magiftri nouitiorum in religiofis domibus eliguntur, virtutè prudentiaque præftantes, ipfoq; vfû rerum fpiritualium, propterea quod ea ars artium cum fit, non tam paginis euoluèdis, quam internis fpiritus motionibus dulcernèdis paratur (tamenfi cū fundamētum iftud iacitur vitæ purioris ac fensus exercitati ad difcretionem boni, & mali, fàncctorum Patrum lectio vt Gregorij, Bafilij, Bernardi, ac cæterorum, Diuinæq; fcripturæ præfètim meditatio

plurimū adiuuet:) ita planē in moderationē Indorum, qui nouitij quidam sunt religionis Christianæ, & quidem quibus omnia diuina, & Ecclesiastica valde noua, valde inusitata occurrant, exoptanda esset eximia quædam vitæ sanctitas in ministro Dei cum pari prudentiæ ac dexteritatis laude coniuncta: scientiæ verò is modus eaque mēsurā, quæ communiter opportuna est, vt sciat quæ forma catechismi seruanda, quis ordo sacramentorum tenendus, quantum sibi liceat in absolutione, quæ sint reseruata crimina, quæ priuilegia Neophitorum à summis Pontificibus data, ceteraque talia, quorum notitiā ex Concilio Prouinciali Limensi petere potest. Ritus verò Indorum, auitas consuetudines, & superstitiones, modumque cum his agendi, & verlandi non nisi longo vsu rerum discere potest, hinc cum pendeat utilis administratio sacerdotij Indorum, valde dolendum est, vsq; adeo rarum esse Parochum, qui triennium integrum exigit in sibi commissa Paræcia: sed statim eam tædeat suorum, aut libido ambitioq; aliorum huc illuc circumferat, vbique cursantes, nusquam consistentes, atq; ita fructus exiguos afferentes. Deberent illud meminisse, &

Prou. 27. Episcopi, & Parochi, Diligenter attende vultum pecoris tui, tuosque greges considera, non enim habebis iugiter potestatem, & corona tribuetur tibi, multoque magis illud boni pastoris de bono pastore documentum, Proprias oues vocat nominatim, & cum eas emisserit, ante eas vadit. In concilio quidem Limensi magno pondere verborum

Prou. 27.

Iohan. 10.

horum decretum est, Ne Parochi Indorum ante sexennium doctrinam, siue Paræciam mutare permitterentur, nisi inevitabiles causæ acciderent. Nunc temporis pro ut libitum est, quia ampliores proventus alibi sperat, aut cum Patrono intercessit iurgij quippiam, aut vrbica frequentia magis iuuat, sine vlla cunctatione grex commissus deseritur, ignoto traditur: qui dum subinde pastores mutat, neminem agnoscens, à nemine agnitus nec numeratus facilè dispergitur, & luporum insidijs occiditur. Ipsi Episcopi, quorum intererat suorum Parochorum leuitatem inconstantiamq; compefcere, vel lenire, & mitigare fastidia, multo magis ad ista conniuent, commutantes ipsi quævis de causa Præpositos. Hæc tanta clades est animarum, vt satis deplorari non possit. Nihil ergo sacerdos Christi præclari perficiet in salute Indorum sine familiari, & hominum & rerum notitia: nunquam hanc consequetur, nisi pedem fixerit. Talem igitur scientiâ in Parocho Indorum plurimè facimus, illam vero elaboratam Theologiæ cognitionem nullo modo contemnimus.

Constit. 4.

Oportere in nouo orbe aliquos esse præstantes Theologos.

CAP. XI.

Quin potius tametsi in plerisque mediocris quædam doctrina sit satis, tamen eos, ad quos recurrunt cæteri à quibusq; velut à fonte hau-

hauriunt, tam esse oportet absoluta Theologiæ facultate instructos in nouo orbe, vt nusquam gentium amplius. Id ita esse, qui rem accuratius animaduernerit, certis indicijs deprehendet. Primum enim, vbi Fides Christi recens fundata est, tamque immensis spatijs longè lateque propagata, ibi sanè & ad veteres pellendos errores, & ad nouam tuendam religionem Theologiæ doctrina magnopere necessaria est, cuius partes Augustinus esse docuit, vt Fidem saluberrimam gignat, nutriat, atque defendat. Olim cum audissent Apostoli, quia recepiſſet Samaria verbum Dei, miserunt ad eos, non quosuis, sed Petrum & Ioan- nem Apostolorum facile primos. Quam ob causam putamus? nisi quod religionis Christianæ exordia, præcipua quadam sapientiâ indigent, industria, diligentia, quemadmodum in nouis plerumque stirpibus videmus accidere. Deinde in nouo hoc Orbe noua esse negotia oportet, nonos mores, leges, contractus, rationes denique vitæ vniuersas longe alias: militiæ, mercaturæ, nauticæ, totius Indicæ administrationis difficultates occurrunt quotidie nouæ & magnæ, quibus nisi sacræ doctrinæ lux adsit eaq; copiosa, in magnis ignorantia tenebris, ac certo periculo salutis suæ homines versentur necesse est. Quod si nulla secundum Deum lege, ac ratione contineantur & frænentur, auaritiæ, atque libidini cuncta permissa breui sine vlllo modo misceri, ac turbari certum est, id quod perspicuè sermo diuinus per Esaiam minatur, Auferam, inquit, consiliariû, & sapientem

12. de Tri.

Act. 8.

Esai. 3.

de

de architectis, & prudentē eloquiij mystici (quid sequatur attende) & irruet populus vir ad virum, tumultuabitur puer contra senem, & ignobilis contra nobilem, & reliqua, quæ prosequitur. Salomon quoq; breuiter, sed abunde, Cum defecerit Prophetia, hoc est, Dei verbum, dissipabitur populus. Atque vtinam superiorum calamitatū quas Resp. hæc diu perpeffa est, non ea causa, vel præcipua extitisset, quod vbi fuit potentia & armorum plurimum, ibi doctrina, & Christiani consilij perparum fuit. Vix dici potest, quam ad continendos homines in officio diuinæ doctrinae præsidia necessaria sint. Postremo remotissima, & ab Hispania, Europæque totius finibus longissimè dissita regio est, quam tenemus: causæ vt dixi, occurrunt variæ, vigent plerumq; vehementer: habent momenta magna & animarū & corporum. Quis ergo conscientia remedium consiliumque ab Hispania vsque expectari ex quo animo ferat, quod vel serum, vel inutile fortassis futurum sit, interdum etiam pene dixerim noxium? Difficile est absentium causas certò diiudicare, & vt Leo Magnus scitè ait, inter longinquas regiones in nimias dilationes tendunt veritatis examina. Tum etiam quæ relatione tantum notitia constat, cum pro ingenio & studio hominum vario varia ea esse & incerta solent, periculose de summis Christianæ salutis negotijs adhibet censuram suam. Euenit crebrò, vt quemadmodum medici etiam peritissimi absente ægro to consulti, dum neq; morborum causas, neque hominis

PROV. 29.

EPI. 32.

430 DE PROCURANDA INDORVM
hominis constitutionem satis perspectam habet,
grauiter fallantur, & fallant: ita etiam nostri Theo-
logi Hispanienses, utcumque illi celebres, & il-
lustres alioqui sint, tamen de rebus Indicis non
mediocriter errent. Qui verò cominus ista consi-
derant, oculis lustrant, ac veluti manu tenent,
etiam si minus periti illi sint, tamen longè certius,
& felicius philosophentur. Paulus certè Apo-
stolus quanquam multa Corinthijs præferibit
absens, plurima tamen tunc se dispositurum pro-
mittit, cum fuerit apud eos. Multum omnino
confert oculata experientia, & magnas sapientiæ
occasiones præstat. Quamobrem nisi qui cæte-
ros foueant, atq; illustrent splendore doctrinæ,
absoluti aliqui, & præstantes Theologi sint, du-
bium non est, quin magnam religionis totius cau-
sa in partibus Indicis iacturam factura sit.

1. Cor. 11.

*Vita probitas in ministro Euangelij quod & à Deo
& ab hominibus requiratur.*

C A P. XII.

*Ad Irenæum
lib. 2. ep. 6.*

VItæ verò sanctitatē in sacerdote (quod erat
ex tribus primum) etiam nomen ipsum ad-
monet eximiam esse debere, quod nō solū sacras
literas ubique sonare, sed etiam prophanas com-
mendare scribit B. Ambrosius, qui Pythagori-
cum illud ad sacerdotes propriè accommodat.
Communem, atq; vsitatam populo viam non es-
se terendam, quod ab Hebræis, quorum & genus
duxisse vult, accepisse asserit. Nihil enim in sa-
cerdo-

eccl̃otibus plebeium requiri, nihil popolare, nihil commune cum studio, atq; vſu & moribus inconditæ multitudinis. Sobriam à turbis gravitatem, ſeriam vitam, ſingulare pondus dignitas ſibi vendicat ſacerdotalis. Quomodo enim poteſt obſervari à populo, qui nihil habet ſecretum à populo, diſpar à multitudine? Hæc ille. De qua re tam multa ſunt in diuinis literis tradita, tam multa à ſanctis Patribus explicata, vt ſi recitare pergam, Homilias declamare videar. Illud ſeriò dicam, quod etiam, atq; etiam animaduerti, in ijs qui nouis gentibus præficiuntur, vt non ſolum mores, ſed Fidem ipſam ædificent, tam excellenti opus eſſe ſanctitate, vt Apoſtolica verè debeat optari. Ipſos Apoſtolos Dominus noſter quanta primum attentione miſit, vt ſe præcurrerent, ac veluti velitarent? Orationem profundam peruiſilante produxit, cum Patre rem tantam communicans, vocatos præterea ad ſe quibus verbis, quam grauibus officijs admonet? qua diſciplina mittit? quibus præceptis imbuit? quanta integritatis, quanta mortificationis, quanta patientiæ cõmendatio? Quid obſecro hoc tali apparatu tãtus Magiſter agebat aliud, quã vt informaret Eccleſiæ doctores, & paſtores, ne cui manus citò impoſuerent, ne Euãgelicę prædicationis munus niſi ſelectiſſimis & probatiſſimis cõmittendũ putarẽt? Idem mox à mortuis reſurgens non patitur ſuos illos quãuis iam feruentes & accenſos amore ipſius, quamuis ſcripturarum ſenſu donatos ad Euangelizandum prodire, ſed domi ſe potius conti-

*Luc. 6.**Luc. 24.*

432 DE PROCURANDA INDORVM
continete iubet, & magna meditatione expectare, donec induantur virtute ex alto. Quin etiam
Acto. 13. Paulus iam ad tertium cœlum raptus, & mira operatus, non prius cum Barnaba destinatur ad gentes, quam sanctis fratribus ieiunantibus, & ministrantibus Spiritus sanctus eos sibi ad opus hoc segregari iubet. Diuturnam profectò vitæ immaculatæ probationem Apostolicum hocce munus efflagitat. Paulus ipse grauissime de eligendis fidelium præpositis admonet Titum, Vt
Tit. 1. constituas per ciuitates presbyteros, sicut & ego disposui tibi, si quis sine crimine est. Oportet enim episcopum sine crimine esse, sicut Dei dispensatorem non superbum, non iracundum, non vinolentum, non percussorem, non turpis lucri cupidum, sed hospitalem, benignum, sobrium, iustum, sanctum, continentem. Ministros quoq; præcipit alibi probari prius, & sic ministrare, nullum crimen habentes. Quæris, cur tanta exigantur in Euāgelij ministro. Dicam equidem breuiter, quod neque Deo, neque hominibus, neque verò sibi ipsi satisfacere vllō modo queat, nisi talis tantusque sit. Etenim Dei gratiam et si certum est nullis proprijs meritis præueniri, tamen æquè quoque indubium est, iustorum sanctitate & precibus, præpositorum præsertim, effici sole-
re, vt subditus populus Dei largam in se benedictionem, & gratiam experiatur. Idq; multò maximè in initijs fidei, vbi nulla possunt eorū, qui vocantur, merita inuitare, & multa possunt crimina obitare. Scio equidem Dei gratiæ proflus
fuisse,

fuisse, vt tot millia Iudæorum Petri exhortatione pœnitentiam agerent, & in Christum crederent, vt tot millia gentium Pauli prædicatione idolorum vanitate relecta Deum viuum, & verum colerent. Et hoc neque curretis esse neque volentis, sed Dei miserentis. At eandem Dei misericordiam hoc præparare, vt precibus meritisque suorum tanta donatet, qui negat aut dubitat, ipsi diuinæ gratiæ iniurius est. Vult enim quodammodo pati vim, & hoc summæ est beneficentiæ, vt a beneficiendum se pulsari sollicitarique velit. Ob id populo duro virum mitissimum, si-bique amicissimum præficit, à quo se se etiam teneri clamat, ne in impios furorem effundat. Ob id pro Abimelech, & populo Ægyptiorum Abraham, pro Rebecca Isaac, pro amicorū ignorantis sanctum Iob, pro Israelis populo, tum Samuelem, tum David, tum Ezechiam & pro ipso Ezechia, Isaiam, pro Samatitanorum plebe Petrum, & Ioannem, pro Epaphrodito ægrotante Paulum, itemque pro conuariantibus, tum pro alijs alios patres, amicōsque suos Deus orare vult, & preces, sacrificiaque offerre, vt perspicuè doceat se, vt minorum misereatur, in quibus non suppetant ea merita, maiorum studio prouocari velle. Habet enim hoc diuinæ prouidentię ordo mirabilis. Hinc Dionysius, si quis per seipsum, inquit, ad Deum accedat, sanctosque despiciat, hic diuina nunquam familiaritate potietur. Atque, hoc est, quod per Prophetam expostulat, Quæsiui virum, qui se medium interponeret, &

*Act. 2. & 4**Act. 16.**& 17.**Rom. 9.**Exod. 32.**Genes. 20.**Gen. 25.**Iob. 42.**1. Reg. 12.**4. Reg. 19.**Esa. 37.**Act. 8.**Phil. 2.**Act. 27.**D. Eccles.**Hie. 1. 7. p.**Ezech. 22.*

Esaï. 64.

non inueni. Hoc quoque alius propheta deplo-
rat, Non est, qui consurgat, & teneat te. Quin po-
tius improborum præpositorum peccatis eo vs-
que provocatur ira diuina, vt non solum benefi-
cia conferre cesset, verum etiam vindictam ac-
celeret. Quare seuerè quidem sed vere Grego-
rius deterrèt indignos præpositos, cum ait, *Qua*

*2. part.**Past. 6. 11.*

mente apud Deum intercessionis locum pro po-
pulo arripit, qui familiarem se eius gratiæ esse
per vitæ meritum nescit? aut ab eo quomodo alijs
veniam postulat, qui vtrū sit sibi placatus, igno-
rat? *Qua* in re est etiam formidandum, ne qui
placare iram posse creditur, hanc ipse ex proprio
reatu mereatur. Cuncti enim liquido nouimus,

quia cum is, qui displicet, ad intercedendum
mittitur, irati animus ad deteriora prouocatur.
Quæ cum ita sint, verendum profecto, ne In-
dorum in fide exigui progressus, in multis etiam
initia non facta nostris malis meritis coram Deo
æqua lance respondeant. Quo enim hi magis à
Deo alieni, & à cœlesti luce seiuncti, eo sacerdo-

1. Cor. 4.

tis, & patris merita illustriora esse oportet, vt
quod deest illis, apud optimum patrem Deum
ipse sufficiat. Dixi præterea hominibus sine vi-
tæ integritate prodesse vix posse, quia re vera
regnum Dei non est in sermone, sed in virtute,
plusque commouet vita pura, quam oratio
cultā. Contra, mores corrupti doctrinam sanam
facile euertunt, & inanem reddunt. Sergius qui-
dem Paulus pro-consul vir prudens tunc credidit

Act. 13.

admirans super doctrina Domini, cum verbis
vidit

vidit facta succedere. Nos verò prodigia; quibus Evangelicas voces confirmemus, nulla produci-
mus, neque verò est opus: vita vna restat ad plenam confirmationem, vt ait Chrysostomus, quæ si desit, cætera ruant, necesse est. Indorum verò *Hom. 33. 10*
ingeniū esse dixisse me memini, vt incredibili at- *1. Cor.*
tentione de factis maiorum pendeant, illa obser-
uent vigilantissimè, inde hos iudicant, & aut cō-
temnunt, aut suspiciunt, & pro Deo habent. Cu-
ius verò vita despicitur, necesse est, vt etiam præ-
dicatio contemnatur. Non ergo alijs proderit
sine vitæ puritate, & splendore sacerdos, sibi au-
tem nocebit plurimum, quod est diligenter in-
tuendum.

*Quod h, qui inter barbaros versantur, humanis ad vir-
tutem auxilijs sint destituti. CAP. XIII.*

Sunt inter gentes Indorum versantibus hu-
mana ad virtutem adiumenta perpauca, im-
pedimenta permulta. Quo minus oportet eos sa-
lutis suæ negligentes esse, sed & integritatis radi-
ces altas egisse, & ingruentium contra vento-
rum tempestati fortiter repugnare, renouantes
de die in diem interiorem hominem, Apostoli
Pauli semper memores, qui talis, tantusq; cū esset, *1. Cor. 9.*
castigabat tamen & in seruitutem redigebat cor-
pus suum, ne cum alijs prædicasset, ipse reprobis
efficeretur. Quā curam nisi quisq; sui diligētem
gerat, cū in Indorum cōmorantur oppidis paro-
chi, neminem sunt habituri adiutorem. Magnum

436 DE PROCURANDA INDORVM
virtuti præsidium societatis bonorum. Socius
exëplo excitat, sermone recreat, consilio instruit,
orationibus adiuuat, autoritate cõtinet, quæ om
nia solitudini defunt. Sapienter admonet Salo
mon, Melius est duos esse simul quàm vnum. Ha
bent enim emolumentum societatis suæ. Si vnus
cecidit, ab altero fulcietur. Vt soli, quia cecide
rit, non habet subleuantem se. Horreri peri
culoque immenso est tãta in parochijs Indorum
solitudo. Atque vt mihi quidem videtur, quantũ
fieri posset, dàda esset opera, ne minus quam duo
degerent, cum præsertim multa oppida redu
ctione iã facta frequentia sint, quibus vnus mi
nimè sufficiat. Etenim Christus Dominus disci
pulos ad prædicandum binos misit, cum possent
tamen singuli plures populos obire. Sed præcep
tor noster tum consolationi, tum cautioni suorum
ipsa societate consulendum putauit, tum etiã ad
ficationi securitatiq; externorum. Quam formi
tenuete postea Apostoli, cum Petrum & Ioãnem
mitterent, cum Barnabam & Paulum, cum Iudã
& Sylam, & rursus Barnabam & Marcũ, Paulum
& Sylam, atq; ita penè perpetuo. Apud nostros
vero Euangelij ministros mira solitudo. Ex qua
primũ desidia paulatim oritur: deinde licetia,
cum sine teste peccetur, reprehensio nulla time
tur, postremo iã lapsi seta, & difficilis resipiscetia
cũ medico careat. Hinc in malo cõsuetudo, boni
præterea omnis obliuio, deniq; vitæ melioris de
spectatio. O quot ita misere corrũere, vt meritò
vlulare debeat abies: cum viderit altissimas ac no
bilissimas

Eccles. 4.

Mat. 10.

Act. 8.

Act. 13.

Act. 15.

Zach. 11.

bilissimas Cédros Libani cecidisse. Non loquor antiqua, non repeto Herones, Tertullianos, Origenes, Nicolaos, Salomones, ceteraq; documenta veterum. Recentia & quotidiana intueor. Et quid obsecro prodest homini, si mūdum vniuersum lucretur, animæ verò suæ detrimentum patiatur? Imo verò qui sibi nequam est, cui bonus erit vnquam? Omnia ergo adiumenta & præsidia humana, quæ ex aliorū vita, moribus, doctrina, autoritate proficiuntur, desunt propemodū parocho Indorum. Quonā igitur modo nisi multum in virtute profecerit, luxque ipse disciplinæ cultos integerrimus ac vigilantissimus sit, suscepto muneri sine ingenti suo damno satisfacere queat?

Mat. 16.

Eccli. 14.

Quæ libidinis & avaritiæ incentiua occurrant.

CAP. XIIII.

AT qui solitudo etsi omnibus istis auxilijs caret, tamē olim expetebatur à multis propterea quòd etiam occasionibus laqueisq; vacaret, vbi libidinis, & cupiditatis materia omnis abesset. At barbarorum commoratio ita est omni humanitate destituta ad bonū, vt tamen in malū nihil illa magis pertrahat & irritet. Impudicitia omnis vorago ingēs, vbi hominum timor nullus, sceminarum mira lasciuia & procacitas, pudor penitus omnis ignotus; occasio frequentissima, nō tū quæ sita ad libidinem, quā libidinē ipsa querens. Timor quidem Dei potentissimus est ad resistendum peccato: At vbi pudore pariter ac metu

humano destituitur, tum verò vrgetur ipsa facilitate peccandi, facillimè, quæ nostra est miseria, abijcitur. Vbi enim & tentat procliuitas, & suadet impunitas, quid non obtineat illecebra: Quis verò castus & pudicus, nisi fugiendo materiâ libidinis? Nam ea semel admota, quid sequatur Salomon, & præcepto monet, (Quis ambulabit in igne, & plantę eius non cōburentur?) & exemplo docet, qui & dilectus à Deo insigniter, & sapiëntia

Prov. 6.

3. Reg. 11.

Ioannes

Clymacus.

tanta ditatus, & senex iam succubuit victis, omnemq; illâ celebritatem suam eius maculæ labe fœdauit. Scripsit quidam beatus Pater, pudorem diuinitus datum esse mulieri, ne, si dæisset, nō fieret salua omnis caro. Apud barbaras feminas pudor tam deest, vt nihil hac parte à pecude distet: imo verò cum pecudes pudore non superent, libidine superant. Quis igitur ex tanto incendio sospes exhibit, nisi quæ gratia diuina protexerit, & quotidiana carnis mortificatio vallauerit? Est alia quoq; tentatio grâdis, cui sine magna animi constantia resisti non potest, dominatum exercendi in Indos, quorum naturalis atque vñitata subiectio, & nulla ad resistendū audacia, animos facile tollit rectori, vt quicquid collibeat, sine cunctatione ad rem conferendum putet. Sunt enim qui dominantur fidei suorum, qui cum austeritate imperant, & fas omne ac nefas pro suo arbitrato statuunt, verè ab Apostolo descripti operarij, qui deuorant, qui accipiunt, qui extol-

2. Cor. 11.

Rom. 16.

luntur, qui in faciem cædunt, qui Deo non seruiunt, sed suo ventri. Qui ita tenere primatum

amant,

amant, vt non regipiant quosuis alios, quamuis vitæ probatæ, & doctrinæ sanæ, & in opere Dei exercitatos. Inde fastus quidam insolens: Quod si quis frater verbum exhortationis habeat ad plebem, ingratè proflus accipere, inuidiam concitare, nihil iuris alijs facere. Neque ignoro esse complures, qui coadiutores in Dei opere nō solum accipiant, sed vehementer etiam esflagitent. Inde quoque cupiditatis habenæ laxissimæ cum campus latè patens occurrat, vbi quicquid quæstus exerceci velit, nemo sit contradicturus, opera prompta Indorum ad quiduis. Si scelera maiorum dissimulare pergat, argenti quiduis corradet, si mulctare pecunia, si seruitia imperare obsequia omnium parata. Deniq; absoluti cuiusdam imperij & auaritiæ tam est effusa materia, vt nisi quis temperatissimo animo sit, virtute iam confirmata, in transuersum breui agi possit.

Contra abusum Indicorum Parachorum,

C A P. XV.

P Ræclarè verò ageretur cum rebus Indorum, si sacerdotum ea saltem modestia esset, vt vitiorum occasionibus humanè oppugnaretur, ac non quæterent etiam ipsi de industria vitæ solutionis licentiam accersentes vltro sua damna, ponentes sponsonem cum morte, & tot & tam magna mala pacem existimantes. Neq; enim laqueos diaboli effugiunt, scæminas cōsortio suo & vitæ vsibus adhibetes. Quod si à vestimēto tinea, *Sap. 1.*
Sap. 14.
Eccli. 42.

& à muliere iniquitas viri procedit, quæ potest esse castitatis tanta custodia, quæ hostem perpetuo insidiantem, domo, lare, & indinidua cõsuetudine accipiat? Aiunt sibi nec cibos coquere nec cætera seruitia parare debere, ad hos vñs fœminas necessario adhibendas esse. Quasi verò, & viri ista præstare non possint, Indi præsertim ad omnia obsequia promptissimi. Aut si fœminarũ omnino munditias cupiunt, nõ possint anus, quæ neque ignem neque fumum, vt dicitur, pariant, reperire. Nescio an alia in re maiore cura laboratum sit ab antiquis patribus, vix plures aut seueriores canones legas, quàm vbi id agitur, ne cõ fœminis habitent clerici. In Concilio magno

Dist. 32.c. Niceno quam grauitè de subintroductis mulie-
Interdixit. ribus clerico vitandis cautum sit, nemo non no-
Cõc. *Aquis* uit, Omnes prouinciales synodi plenz sunt. Pa-
gran c. 39. trum decreta vehementer clamant, vnusque Hie-
Lucius pa- ronymus satis esse potest vsque ad inuidiam hoc
pa in ep. ad loco decertans. Hospitiolum tuum, inquit, scri-
episcopos bens ad Nepotianum clericum, aut raro, aut nõ-
Gallia & quam mulierum pedes terant, quia non potest
Hisp. Conc. cum Deo habitare, qui fœminatũ accessibus
Turon. c. 7. copulatur, Fœmina conscientiam secum pariter
In 3. li. de- habitantis exurit, nunquam de mulierum formis
cret. tit. de disputes, fœminæ nomen tuum nesciant, & cæ-
cohabita- tera, Nulla profecto excusatio hinc admitti po-
tionẽ cleri- test, vbi si minus conscientix, famæ saltem suæ
corum & consulere debet parochus. Negotiationẽ vero sa-
mulierum. cerdotes

Hieron ad Nepotian. ad Rustic. ad Paulinum. & ad Oceanum,
Gratiã sub vno textu coniungit d. 32.c. Hospitiolum.

cerdotes exercere, atque vsuras in super quære-
re, omnium conciliorum, atq; Pontificum, Leo-
nis præsertim vocibus interdictum est, & Pauli
ipsius, vel potius Domini, quod scirent omnium
malorum radicem esse cupiditatem, & sæcularia
negotia militiam Dei plurimum impedire. Hic
ego quid commemorem exquisitas mammonæ
artes, emptiones, distractionesque rerum, pacta
& conuenta secretò inita, argentum ad negotiā-
dum institutoribus datum, vt cum fignore redeat,
quod plerumq; meritò nullū reddit, & sorte quo-
que exclusi, & actione qui se se eorum fidei de-
dunt, qui imposturam facere clerico indulgen-
tiam putant? Iam verò auri cum argento permu-
tationes ipsiusq; argenti probati, & puri cum im-
puro, industriam tempora obseruantem, & fide-
lium oblationes vendentem, cum Patronis mu-
tua sub certa lege, & mille alias auaritiæ fraudes
recensere longissimum est. Itaque illæ potissi-
mum Paræciæ Indorum appetuntur, & magno
sæpe ambitu, & pretio obtinentur, quæ licet pro-
uentus habeant fortasse minores, negotiandi ta-
men commoditates vberiores præbent. A sacer-
dote vsque ad Prophetam omnes auaritiæ stu-

2. 4. q. 4.

Quoniam
multi.

Leo epi. 1.

c. 3. & 4.

Conc. Eli-
bert. c. 19.

& 20. dis.

88. per to-

tam, & lib.

3. decreta.

tit. ultimo.

Hierem. 6.

In. 6. Syn.

gener. c. 50

dist. 35. c.

Episcopus.

Esai. 65.

441 DE PROCVRANDA INDORVM
 etiam accersuntur. Populare est in sacerdotis do-
 moludendum. Integri anni stipendia vno sæpe
 iacta raduntur. Fastidia pleriq; solitudinis & otij
 obtendunt, qui ægroti confessionem, aut rudis
 catechumeni instructionem, si quartam horæ per
 tē excedat, molestā, & prolixam accusant. In som-
 nes nocte, multo iam die sacra peragunt, idq; cur-
 sum, vt mirum sit eos pietas chartulas pro sacris
 paginis non referte. Non inuehor equidem, neq;
 maledicendi animo ista depromo. Sed cogor vi-
 cem nostram dolere, qui fabula, & ludibrium fa-
 cti sumus vicinis nostris. Alij verò venationes, aut
 aucupia exercere honestissimum ducunt, plus sæ-
 pe in venaticis canibus insumentes, quam paupe-
 ribus erogantes præsepia ad obequitandum ple-
 nā, accipitres magno studio alere, greges Indorū
 post se trahere, montium iuga frequentius terere
 quā Ecclesię limina. Aduersus has ineptias mul-
 ta quoque sancita in Concilijs Patrum, Gallica-
 nis præsertim. Sed collapsa est iam pridem disci-
 plina Ecclesiastica omnis, idem, & sacerdotes, &
 præsules, & monachi ætitamus. Reprehendi iam
 illa non possunt, quæ communia sunt omnibus.
 Itaque is cui pastoralis Indorum cura committi-
 tur, non solum contra Diaboli machinas, & na-
 turæ incientia pugnare debet, sed iam etiam
 confirmatæ hominum consuetudini & tempore,
 & turba præpotenti se se obijcere, & ad excipien-
 da in Indorum, ac maleuolorum telā forte pectus
 opponere, qui si quid à profano suo instituto ab-
 horrentem viderint, proditorem, hypocritam,
 hostem

*In Synodo
 Fræica, &
 Successionē,
 & Turo. c.
 8. & Foro-
 sulies. c. 6.
 De clerico
 renatare. c.
 Episcopū ex
 Cœc. Aure-
 lianenfi.*

hostem clamant. Hæc ergo, quæ breuiter attigi, & in alijs curare, cum eorum forte confessiones audierit, & in se cauere bonus Christi minister debet, quod vt pro dignitate præstet, quanta opus sit gratia Dei, quanta vitæ obsequantia, ipse perpendat. Adijciam deniq; ad calcem sancti Isidori sententiam de sacerdotij sanctitate, vt hunc totum locum amplius de Parochi vitæ integritate concludam. Sed quid plura subijciamus? inquit. Sienim is, qui in presbyterio, vel episcopatu positis mortale aliquod peccatum admisit, retrahitur: quanto magis ante ordinationem, si peccator inuentus est, cauendum est, ne ordinetur. Quapropter quia lex peccatores à sacerdotio remouet, consideret se vnusquisque, & sciens, quia potentes potenter tormenta patientur, retrahat se ab hoc nō tam honore, quam onere. Qui enim erudiendis, atque instruendis de virtute populis prærit, necesse est, vt in omnibus sanctus sit, & in nullo reprehensibilis habeatur.

Etymo. lib.

7. c. 6.

De Orationis præsidio Euangelizanti necessario.

C A P. X V I.

Qualem oporteat esse ministrum salutis Indorum, dictum est hætenus, dicendum deinceps, quibus præsidijs hanc, quam expetit, Indorum salutem consequetur. Mihi ad tantam re efficiendam quinq; omnino necessaria videri solent; vt vir Euangelicus oratione Deum sibi conciliet, Exemplo homines moueat, beneficentia alli-

444 DE PROCURANDA INDORVM
 alliciat, Catechismo instruat, sacramentis sancti-
 ficet, quæ sanè sigillatim Parochos, pastoresque
 Indorum, quoties res incidit mihi horum con-
 scientia tractanti, rogare soleo, quantum memi-
 ni, & commendare diligenter. De quibus etiam
 vberius modo differendum puto. Igitur vniver-
 sæ sacerdotalis curæ, negotijque gerendi caput
 orationem esse non dubito, modò ea feruens, as-
 siduaque sit. Etsi enim omni negotio spirituali
 inchoando, & proseguendo orationis præsidia
 prima præcipuaq; sunt autore Dionysio, vel po-
 tius Christo, qui semper orare monet, neque vn-
 quam deficere, tamen vbi de cōuersione anima-
 rum agitur multo maximè, quòd gratiæ res tota
 sit, quæ impetrari precibus potest, meritis præue-
 niri non potest. Quod si non de quavis conuer-
 sione res est, sed de prima, de maxima, de difficil-
 lima, quando vocatur infidelis ad Fidem; quan-
 do non affectum solum, sed ipsum quoque sen-
 sum iubetur expere, & sese penitus abnegare, vt
 in obsequium Christi captiuo intellectu eat, tam
 est profecto orationis singulare præsidium, vt qui
 cætera omnia adhibeat, hanc si omittat, nihil
 acturus sit. in hasta & clypeo veniens, non in
 Domino fiduciam habens. Neque enim in gla-
 dio suo possederunt terram, & brachium eorum
 non saluauit eos, sed dextera tua Domine, & il-
 luminatio vultus tui, quia complacuiisti in eis.
 Plus longè, sine vlla dubitatione, Paulus oratio-
 nibus egit, quàm concionibus, plus lachrymis, &
 gemitibus, quàm exhortationibus. Itidemque

Petrus

*De diuin.
 Nami. c. 3.
 Luc. 18.*

Psal. 43.

Petrus, & Ioannes, cæteri quæ militiæ Christianæ
 duces. Orationi Stephani Saulum donatum vult
 Martyr Cyprianus, sicut Monicæ matris lachry-
 mis regenerationem suam magis acceptam fert
 Augustinus, quam Ambrosij concionibus. Quæ-
 obrem ante omnem diuini verbi tractationem
 orandum ardentem monet idem beatus Pater,
 deo quæ dicendum ex animo, In manu tua Do-
 mine sumus & nos, & sermones nostri. Idcirco
 pro infidelibus tam diligentem sancta mater orat
 Ecclesia, ut iidem Cyprianus, Augustinusque no-
 tarunt, quod eos tenebris suis profundissime im-
 mersos lucem diuinam aspicere minimè liceat, nisi
 sol iustitiæ sedentibus in regione umbræ imbutis
 clementer illuxerit. Ego P. Franciscum Xabier,
 tot millia hominum Christo peperisse facundia
 non puto, qui etiam in materno suo sermone non
 admodum eloquens perhibetur à nostris, ne dum
 in aliena lingua barbarica verba vix frangens po-
 tius quam proferens; sed fetuentissimis certè pre-
 cibus, ardentibus lachrymis, gemitibus, suspitibusque
 eximio ductis, in quibus totus erat noctes inte-
 gras peruigil, quibus multo fortius, & continen-
 tius Deum pulsabat, quam homines vlla dicendi
 vi. Atque in hoc ipso Regno nouimus, qui sim-
 plici quidem sermone & imperito, sed spiritu Dei
 feruens plus in cōuersione Indorū effecerit, quàm
 multi præclari locutores. Immensum esset anti-
 quæ ætatis exemplum narrare. Vn° Paulus Apostolus
 pro omnibus esse potest, cuius in orando incredi-
 bile studium pro verbi victoria nullus hominum

*Scr. de be-
 no Patien.*

*Lib. Conf.
 Libro. 4. de
 Doct. Chri.
 c. 15. & 30
 Sap. 7.*

fide

fide dignum putaret, nisi Spiritu sancto teste ed-
 mentiri non posse cognosceret. Euolue ex ordine
 illius omnes epistolas: inuenies, ad Romanos
 Deum sibi testem aduocantem, quod sine inter-
 missione semper in orationibus suis memoriam
 eorum faceret: pro Corinthijs semper gratias age-
 tem Deo: pro Ephesijs genua flectentem, vt Chri-
 stus habitaret per fidem in cordibus horum: pro
 Philippensibus omnibus semper in cunctis ora-
 tionibus cum gaudio deprecantem: Colossensi-
 bus non cessantem postulare, & orare, vt agni-
 tione Dei impleantur: Thesalonicensium me-
 moriam facientem in orationibus sine intermis-
 sione: Timothei discipuli memorem, & hunc de-
 siderantem nocte & die: Philæmonis quoque,
 & domesticæ eius Ecclesiæ in orationibus sem-
 per memorem, quod de Tito quanquam tacet,
 tamen debemus accipere, qui maior digniorque
 apud Paulum erat. Nam Hebræorum, quibus de
 hac re nihil videtur significare epistolæ exordio
 paululum commutato, & propter argumēti ma-
 gnitudinem, & sublimitatem stylo pene orato-
 rio magis quam epistolari vsus, ad Romanos scri-
 bens, an memoria excidisset sibi, satis indicat, cū
 tristitiam sibi magnam doloremq; cōtinuum re-
 fert, adeo vt separari à Christo quodammodo pro
 illis cuperet, pro quibus dicit quamuis obstina-
 tis & duris obsecrationem tamen à se fieri salutis
 causā. Galatas, vt ne hos quidem prætermitta-
 mus, quanquam acriore oratione vtendū ratus
 pro necessaria obiurgatione, suauitatē illā oratio-

nū premendā existimarit, tamē quantum orationibus adiuuaret, quibus lachrymis prosequeretur non solum inde discimus, quod sollicitudinem suam alibi omnium Ecclesiarum perhibet, verū etiam quod materno quodam affectu flebiliter conuenit hos, Filioli mei, quos iterum parturi, donec formetur Christus in vobis. Omnino stuporē dignum fidemq; omnem propemodum superans, tot Ecclesiarum, tot domorum, tot hominū memoriam perpetem in vno Paulo hærere, quos semper, quos sine intermissione, quos in cunctis orationibus etiam iururandi religione interposita sibi scribit esse præsentes. Ego Pauli charitatem à Christo derivatā, qui omnes, cum oraret, nominatim recordaretur electos, eo modo intelligo, quo immensum pelagus in sinum aliquē magnum influit, atq; hac orandi diligentia, quod tāta peregerit, desino penē mirari, qui meminerrim orationi nihil esse difficile. Itaque vt ducentarum septuaginta sex animarum vita mortalis donata est Paulo precanti, ita innumerabilium vita animi æterna. Quid Petrus, cuius tātus ardor extitit, vt etiā post obitū suū frequēter suos apud se habiturum polliceatur? Ac certē verū esse mihi persuadeo, quod D. Chrysostomus scripsit pastores Ecclesiæ solere prius atq; studiosius suorū in oratione meminisse, quā sui. De Polycarpo loānis discipulo Eusebius narrat, cū à lictoribus quereretur, martyriūq; suū adesse cerneret, impetrato orandi spatio duas horas in cōmemorandis Christi fidelibus nominatim sibi cōmissis exegisse, sui fortasse

2. Cor. 11.

Gal. 4.

Act. 27.

2. Pet. 1.

Ecccl. hist.
lib. 4. c. 15.

*Epist. 97.**A. 6.**Mari. 9.*

fortasse mentione vix habita. Tanta erat in suos
charitas priscorum illorum Pattum, tantus ardor
orandi. Et est prorsus verum, quod ad Augusti-
num beatus Innocentius scripsit, plus nos profi-
cere alternis, & communibus orationibus, quam
singularibus, & priuatis. Postremo qui in voca-
tione gentium laborat, meminerit se Apostolo-
rum fungi officio, qui alia alijs omnia demandâ-
tes, duo tantum sibi sumpsertunt, vt orationi & mi-
nisterio verbi instantes essent. His duabus fun-
ctionibus oratione ad Deum & oratione ad ho-
mines Apostolica cura definita est, quas si quis
seiungat, ac distrahat, tam fieri nequit, vt opta-
tam fratrum salutem acquirat, quam si longum
pelagus enavigare contendens, vel nulla vela sus-
pendat, vel plenis velis nauim statione nō soluat.
Qui velit igitur in Indicanavinea fructuose ope-
rari, orandi studium nunquam sibi intermitten-
dum persuadeat, se ipsum verò iuge sacrificium
offerens, lachrymis, fletibus, ieiunijs, vigilijsque
crebris, atque omni corpusculi maceratione Deū
sibi propitium reddat, vt Euāgelium crescat, at-
que fructificet in vniuerso mūdo. Optior sanè in
illo genere demoniorum multa versati inter In-
dos, quæ nō nisi ieiunijs, & orationibus ejciā-
tur. Inter omnia verò venerabilis illa agni imma-
culati victima principem locum tenet, quam Pa-
tri quotidie immolet toto mentis affectu, plena-
que fiducia, fidentissime postulās, vt eos, ad quos
legatione fungitur, filijs sui cohæredes & concor-
porales esse dignetur, pro quibus ille sanguis
effusus

effusus est. Fieri non potest, ut tali oblatione tam bene munitæ preces ab eo, qui diues est in misericordia & propter nimiam charitatem suam, cum *Ephes. 2.* & ipsi essemus mortui, conuiuificauit nos Christo, repulsam ferant.

De vita exemplo. CAP. XVII.

EX frequenti cum Deo consuetudine, vitæ quoque diuinæ gustus quidam efficitur, & quamuis sobrii alijs esse pergant, qui alioqui mē- *2. Cor. 5.* te excedunt Deo, & illius cellarijs sæpe interfunt, non possunt tamen non ebrietatis illius, atq; dulcedinis abundantiam eructare, Deumq; redolere. Vt quicquid Moyses caput obuelet, ne fulgoris magnitudine plebis oculos perstringat, tamen ex consortio Dei ita eum immutatum redire necesse est, ut ne ipse quidem se agnoscat, ignoretq; faciem sibi alteram, postquam diuino colloquio potitus est. Itaque orationis præsidio non solum alijs Dei gratia impetratur, pro quibus orat, sed ipse quoque nouo igne succenditur, ut vitam cœlestem, Deoque dignam instituat. Vitæ verò conspicuam puritatem in Fidei præceptore apud Indos summopere necessariam esse ut docendo proficiat, & aliàs sæpe iam diximus, & est sapius adhuc repetendum, cum nulla alia maior, & certior spes sit salutis Indorum incorrupto boni pastoris exemplo, contra nulla validior pestis tulti pastoris pessimo exemplo, quem pulchre sermo propheticus idolum potius pastoris *Zach. 11.*

450 DE PROCURANDA INDORVM
appellat. Agat ergo sedulò minister Christi, vt
Christum vita ipsa testetur, vt cognoscant om-
nes illius discipulum, cuius doctrina gloriatur.
Disceat à Christo mansuetudinem, disceat humili-
tatem, disceat perfectam illam, & maximam chari-
tatem, vt vitam etiam pro ouibus promptè ex-
pendat. Meminerit operibus bonis ita lucere co-
ram hominibus, vt videntes glorificent Patrem
qui in cœlis est. Hoc esse omnium ad persuaden-
dum potentissimum miraculū certò sciat, quod
cum ex tot tantisq; illius primæ Ecclesiæ reli-
ctum sit, indefesso studio conseruare debemus.

1. Pet. 5. Petrus quidem à Domino pastor Ecclesiæ vni-
uersæ constitutus pastores admonet, obsecratq;
vt se formam gregis ex animo exhibeant, quod in
maiorum exempla intueri subditi soleant, atq; in-
de informare naturaliter mores. Quare fidenter

1. Cor. 11. Paulus prouocabat suos ad se intuendum, Imita-
tores mei estote, sicut & ego Christi, & alibi, Ob-
seruate eos, qui ita ambulant, sicut habetis formā
nostram. At quibus in rebus formam se præbere
vitæ ministri Christi maximè debent? Petrus sa-

1. Pet. 5. nè factum, & importunam dominandi arrogan-
tiam, tum cupiditatis omnis suspicionem vehe-
menter exagitat, Neq; dominantes, inquit, in cle-
ro, neque turpis incri gratia. Paulus verò talem se

1. Theff. 2. ipse commemorat apud Thessalonicenses, Neq;
aliquando fuimus in sermone adulationis sicut
scitis, neq; in occasione auaritiæ, Deus testis est,
neq; quærentes ab hominibus gloriam, neq; à vo-
bis, neq; ab alijs, cum possemus vobis oneri esse

vt

ut Christi Apostoli, sed facti sumus paruuli in medio vestrum, tanquam si nutrix foueat filios suos, ita desiderantes vos cupide volebamus vobis tradere non solum Euangelium, sed etiam animas nostras, quoniam charissimi nobis facti estis. Quid non isto animo Paulus efficeret? cuius vel ferreum pectus hac tanta dulcedine non molli-
 tet? Quem sæculi etiam sapientem, etiam rerum mortalium amatorem non vinceret, flecteretque tanta illa integritate, tam mirabili rerum omnium contemptu? Verum præter hunc, & sui & rerum omnium cōtemptum, & inflammata in fratres charitatem, castitatis exemplum peculiariter Timotheo præscribit, Exemplum, inquit, esto fide-
 liū in verbo, in conuersatione, in charitate, in fide, in castitate. Titum quoque eodem modo admonet, In omnibus te ipsum præbe exemplum bonorum operum, in doctrina, in integritate, in grauitate. Non solum castitatem omnibus notam esse iubet, sed integritatem quoque, & grauitatem, ut nihil leuitatis in eo notati queat, nō oculus liberior, non vultus fractior, non verbum petulantius, nihil lasciuum, nihil impudici cordis studium redolēs extet, sed aspectus ipse, incessus, colloquia omnia plena iucundæ cuiusdam grauitatis. Illud senis Hieronymi obseruet, Quicquid de te probabiliter fingi potest, ne fingatur, ante
 denita. Denique in his duobus, continentia inquam, & pecuniæ contēptu etiam opinionē hominum captet. Multa quidē alia Apostolis etimi-
 na obiecta ab aduersarijs fidei Chrysostomus

1. Tim. 2.

Tit. 2.

In epist. ad
Nepotianū.

*In. 1. ad**Tim. ho. 10.*

dicat, cæterum cupiditatis, aut impudicitia etiam ab inimicis, & mædacibus nunquã fuisse inculatos, quod in his omnes vellēt nollēt testimonium veritati dare cogerētur. Id quod in Christo Rege nostro aduertere est, cum tamen inuidiosissime, & iniquissimè oppugnetetur, ac proscinderetur ab impijs. Mihi ad hos Indos proficiscenti sapienter quidam noster suggestit frater in Orientali India diutissimè ipse versatus, non solum veritatē in hac parte, sed etiam opinionem studiosè esse quærendam, vt te (sic enim me ille alloquebatur) hypocritam agere interdum minimè pœniteat, Vt enim virginalis fama, sic sacerdotale decus sinistra suspitione facile violatur. Ita ergo se se cõparat minister Euangelij, vt omni momento spectaculum se esse Deo, & Angelis, & hominibus cogitet.

1. Cor. 4.

De Beneficentia. C A P. XVIII.

Beneficentiã tertio loco numerabamus. Quis autem ipsa verbi Dei impartitio beneficentiæ sit præclarissimæ, neq; tam stulti simus, vt panem quo venter esurientis impletur in eleemosynæ genere præferamus Dei verbo, quo mens discantis instruitur, vt Augustinus admonuit: tamen eam modo beneficentiam propriè nomino, qua fratrum saluti fortunisq; consulimus. Hanc in omni Rectore aduersus subditos magnopere necessariam eleganter Gregorius ostendit. Egentis, inquit, mentem doctrinæ sermo non penetras,

*De Cat.**rud. c. 14.**2. lib. Past.**c. 7.*

tras,

trat, si hunc apud eius animum manus misericordiarum non commendat. Tunc autem verbi semen facile germinat quando hoc in audientis pectore pietas prædicantis rigat. Nam quasi iure ut diximus, à percipienda prædicatione gregis animus frangitur, si cura exterioris subsidij à pastore negligatur. De hac externorū bonorum communicatione, & providentia Petri Apostoli vocem illam accipiendam dicit, Pascite, qui in vobis est gregem providentes non coactè, sed spontaneè secundum Deum. Huc quoque illud adiungit, si quis suorum maximè domesticorum curam non habet, fidem negavit, & est infideli deterior. Et certè hunc fuisse ab Apostolis traditum morem longa ætate retentum, ut Ecclesiæ pastores de Ecclesiæ bonis, de quæ suis ipsorum egentibus omnibus opportuna suppeditarent notius est, quam ut Conciliorum decreta innumerabilia, & Ecclesiastica gesta referte opus sit. Hanc ob causam Diaconos inter alia creatos ab Apostolis constat, ut mensis pauperum ministrarent, adeoq; Agape illa culta est tunc, quæ postea paulatim elanguit, & quasi vestigijs tantum conservata est, ut nullus inter eos egens esse sineretur. Hac providentia Ecclesiastica, paternaq; misericordia in pauperes plenæ sunt literæ sanctorum Ambrosij præsertim, atq; Chrysostomi, quæ eo processisse scimus, ut nonnulli pontifices sua omnia distraherent, quidā sudoribus suis pauperes alerēt. Paulinus Nolanus Episcopus, ut magni scriptores fideq; digni referunt, seipsum quoq; vendendū tradidit,

1. Pet. 5.

1. Tim. 5.

Act. 6.

Gregor. 3.

Dial. ca. 1.

Aug. de Ci.

454 DE PRŌCVRANDA INDORVM
didit, ſeruitutiſq; ſuæ pretio inuſitata miſericor-
dia alterius calamitati ſuccurrit. Longum eſt, &
minimè neceſſarium antiquorum patrum vel fa-
cta narrare, vel decreta relegere, qui eoſdem vo-
luerūt, & verbi Dei ad paſcendas animas eſſe mi-
niſtros, & bonorū ad ſeruāda corpora diſtributo-
res. Quare etiam Aeconomos Chriſti vocandos
cenſuerunt. Re autem vera ſi nihil in hac parte
nos adiuuaret antiquitas, tamen ipſæ res moreſq;
Indorū ſatis hoc tempore ſtudioſos Dei miniſtros
admonerent excitarentq; vt ſi fructum ſpiritualē
verbi cupiant, beneficētiā nullo modo ſibi perire
patiantur. Nā ſi lucra animarū ſitimus, nulla ma-
gis cōpendiaria via beneficētia. Beneficentia ani-
mos facile expugnat, atque deuincit, quicquid
vult copioſe perorat, atq; perſuadet. Nam vt in
ſuperioribus libris dixiſſe me opinor, ideo Chri-
ſti Apoſtolorumq; ſigna, tam ad Fidem aſtruē-
dam fuere potentia, quod omnia penè vtilitati
hominum impenderentur. Inde facile, ac libēter
conciliati animi hominū ſalutis cōſilia ab opti-
mè de ſe meritis hauriebāt. Mortuos, inquit, ſuſ-
citate, leproſos munate, infirmos curate, dæmo-
nes eiſcite, & ad cumulū omnium, gratis acce-
piſtis, gratis date. Hoc extremum ſi ſinceritate
Euangelio digna in Dei præconibus gentes cer-
nerent, quamuis barbaræ, quamuis feræ, breui
proſecto manſueſcerent, omniq; illa feritate de
poſita leniſſimo Chriſti iugo victa colla ſummit-
terent. Et canes & piſces, & ipſi immanes leones
beneficia ſentiūt, & ea gratitudinis ſuæ argumēta
hiſto-

LUC. 10.

historicis conscribenda dederunt, quæ homines
 nisi flectant, saxeos mōstrent. Falsā prorsus, & im-
 proba sententia multorū est, Indos nihil benefi-
 cia sentire, humanitate non tangi, gratitudinis ne
 vestigium quidem ostendere, quo in eos clemen-
 tior beneficentiorq; sis, eo deteriores reddi. Sed
 quamvis nonnulla ex parte de barbarorum ser-
 vili ingenio, & minimè ingenuo, ita existimare
 proclive est, tamen quod ad cōhibenda humani-
 tatis, & beneficentiæ in eos officia attinet, non sa-
 tis vigilanter ista dicuntur. Nāq; apud eos, quibus
 se non satis Indi cōmittunt, quorū fidem suspectā
 habent, tenet sanè vulgaris ista opinio locum. Li-
 benter enim beneficium accipiūt, brevi obliuif-
 cuntur acceptū, raro, aut nunquā gratiā referūt.
 Causa est naturę ipsorū imbecillitas, & timiditas.
 Vtenim canis alienus nec mensæ tuæ assuefactus
 obiectam offam, aut frustum rapit, atque ita
 abit, si plura non videt: at mensæ herili assuetus
 adest aliter, herumque iam sibi notum sequitur:
 ita profecto barbari natura alieni à consortio,
 & humanitate non se credunt tibi etiam bene-
 facienti, timentq; adhuc potius quàm amant. At
 si longo vsu didicerint te sibi beneuolum verè,
 profecto & grati sunt, & se ipsos etiam dedunt.
 Dicant sanè Hispani, qui Ianaconas experti
 sunt, an sit genus hominum obsequentius, he-
 roque suo deuotius. Dicant Patroni Indorum,
 an si sacerdotem sibi beneficum, & commo-
 dum experti sunt, non excedentem deplorent, ac
 requirāt, apud patronos præsulesq; etiā cōtestētur

1. Indos do-
 mesticos, si-
 ue familiæ
 res.

456 DE PROVVRANDA INDORVM
eo Patre nullum sibi esse chariorem. Dicant sacerdotes ipsi, qui in eos fuere liberaliores, an non sentiant ad quævis obsequia promptos, an non Dei verbum videant eos libentius suscipere, & animi ad nostra germanè accommodare. Nos certè ipsi exiguum quiddam beneficij impertiti, tamen excedentes, & lachrymas illorum videbamus, & clamores exaudiebamus, & quosdam longo itinere nos consecretantes vel inuiti retinebamus. Quod si illam nostrorum hominum urbanitatem, verborumque elegantiam, atque animi grati significationem officiosam, quia in Indis minus inveniunt, apud ingratos frustra beneficia collocari iactant, falsò sanè in barbarica consuetudine mores cultiores quærent, quos ne apud rusticos quidem suos Hispani reperiunt. Quod si constantem æstimationem benemeritorum librantem omnia iustissima lance desiderant, nimium istud est in ijs præsertim, qui nos longè sibi duriores, quam humaniores experti sunt. Sed est tamen sensus beneficiorum apud Indos, qui ne feris quidem deest, saltem vt commoditates suas cogitantes eos libenter audiant, quos de se benemeritos vident. Benemerendo igitur multum ad conciliandas aures animoque Euangelio proficitur. Quod si nihil aliud, certè Christiani nominis honor nos maximè mouere deberet, vt intelligant Indorū gentes non omnes Christianos esse auaros, quæstuarios, alienorum expilatores, quod in plerisque viderūt: sed esse etiā humanos, beneficos, liberales, qui se nō sua
quæ?

quærant. Illos à Christo esse alienissimos, hos Christi, & verba, & exempla sectari, verè enim glorificant Deum, Christumq; magni faciunt, cū tales eius ministros vident. Nam illa, quæ de regno cœlorum commemorantur à nobis de quæ præsentium rerum contemptu, vel non capiunt, vel non facilè sibi persuadent, cum sermo factis evertitur. Ingens Helisæi laus quodd externum *4. Reg. 5.* Naamanum lepra mundans argentum aurumq; respuerit: graue Giezi facinus, qui prophetæ Dominiq; sui puritatem, & splendorem, argento eius nomine falso postulato offuscauerit. Itaque perpetua lepra mulctatus etiam posteros nequitia suæ testes reliquit. Id nunc sit à plerisque, qui Christi se seruos profitentur, & quæ eorum Dñs pecuniâ repudiavit beneficio liberalissime collocato, hanc isti repetunt illius nomine, sed lepra impleti infidelitatis suæ pœnas iustissimas dant. Infidelitatem qui in alijs curant, infideles ipsi, eorumq; tota posteritas. Ergo operemur bonum ad omnes, maxime autem ad domesticos fidei, neque pigeat Euangelicum ministrum ægrotum visitare, xenio aliquo recreare, famelicum cibario saltem pane pascere, nudum operire, pauperem, cui non est adiutor, à diuitum calumnijs, & potentia eripere, pro afflictis principem magistratumue conuenire, cœlibes matrimonio honestè quæsito collocare, re familiare consilio augere, morientibus sedulè & benignè astare, sepulturâ curare, eos, qui quærentur ad mortem, eripere, lites & dissidia componere: omni denique

*Gal. 6.**Ecclesi. 7.*

458 DE PROVVRANDA INDORVM
 officij genere cumulatè prosequi, siquidem certissimè sciat Christo Christianæque religioni honorem maximum, ad spirituales fratrum salutem viam apertam, sibi præmium copiosum parari, si verum illud est, quod veritas dixit, Quod minimis istis fecistis, mihi fecistis.

Mat. 25.

De correptione & disciplina.

C A P. XIX.

1. Thes. 5.

CVM verò Christianæ dilectionis sit non modo cōsolari pusillanimes, sed etiam corrumpere inquietos, hanc quoque beneficiæ partem, quæ perperam admissis corrigendis in sistit, minimè sibi prætermittendam parochus existimare debet. Ac sicubi disciplinæ seuerioris cura adhibenda est, ea profecto opus est maximè in natione Indorum, quòd & natura seruili, & moribus plerumque puerilibus sint, qui se se ita cōparant, vt nisi timoris stimulis excitètur, facilè de via deflectant, aut pigri consistant. Rectè prorsus Salomō scripsit, Virga & disciplina tribuunt sapientiam, & alibi, stultitia colligata est in corde pueri, sed virga disciplinæ fugabit eam, & rursus, Non emendabitur verbis seruus durus. Seruus non potest verbis erudiri. Paulus quoque Apostolus non solum mansuetudinis spiritum, sed virgam quoque præfert interdum. Sed quomodo & quatenus castigatione vtendum sit sacerdoti Dei, id certè quaeritur. Plerique persuasi nisi per vim & metum nihil se apud Indos proficere, vsque ad plagas delin-

PROV. 29.

PROV. 22.

PROV. 29.

1. Cor. 4.

delin-

defcuiunt, neque verentur Deo ſacratas manus,
in colaphos ſuorum vertere . Rem prorsus inho-
neſtam , & ſacerdotali autoritate maximè indi-
gnam eum, qui patris nomen uſurpet, qui Chri-
ſti teneat locum, tam vilem carnicinam exerce-
re . Apoſtolus quidem inter cætera , quæ in eo
qui Eccleſiaſticæ familiæ præficiendus ſit, requi-
rit, hoc etiam meminit, Ne ſit percuffor, ſive ut *Tit. 1.*
legit Ambroſius, verberator . Ac ne quis inter-
pretetur in ſubditos talia exercere licere peccan-
tes correptionis gratia, id quoque Canon Apo-
ſtolorum, cuius à Tarasſio Patriarcha in ſeptima *7. ſynod.*
ſynodo mentio ſit, diſertè prohibet. Cuius ver- *act. 3.*
ba , ut à Gratiano in decretis referuntur , ſunt
hæc, Epiſcopum aut Presbyterum , aut Diaco- *Diſt. 45. c.*
num percutientem fideles delinquentes, aut in- *Epiſcopū.*
fideles iniquè agentes, & per huiusmodi volen-
tem timeri, dei ſci ab officio ſuo præcipimus, quia
nunquam nos docuit hoc Dominus, ſed econ-
trario ipſe cum percuteretur , non reperi-
ebat, cùm pateretur non comminabatur . Quod
ſi vniuerſe Apoſtoli miniſtros Dei ab eiſmodi
violentijs abſtinere voluerunt , proſecto no-
ſtrorum ſacerdotum percutiendi ac ſæuiendi
licentiam grauiſſimè accepturi fuiſſent, cum &
ſe infeſtos & prædicationem ſuam odioſam red-
dant, quod ad magnam pertinet Euangelij iactu-
ram. Ferè enim Dominos magis, quam, Patres, &
vltionem potius quærentes ſuam, quam ipſo-
rum emendationem Indi arbitrantur . Adde
quod à cæteris Hiſpanis vexati, niſi ſacerdotum
beni-

*Dist. 45.
De clerico
Percus. ca.
Si quis. ex
Conc. Aga-
thens.
Cap. 116.*

benignitate reuocentur, Christianum nomē exhorrescunt. Ipsi quoque parochi præter insigne dedecus, quo ordinem suum afficiunt, vt in Concilio Bracharensi legimus, aliorum apparitores effecti, etiam iracundiæ flammæ excitant, vt & animo perturbati, & vultu ipso indecori passim tumultuentur. Quibus ex causis omnibus prouidenter in Concilio Limensi ab omni cæde, verberibus, deconsione comæ cæterisque in Indos designari solitis abstinere parochi iussi sunt, mulctâdi, si secus faciant, suorum præsulum arbitrio. Hic iam vociferantur plurimi sibi omnem docendi, & emendandi suos facultatem eripi, Indos nisi sacerdotem timeant, pro nihilo illius monita habere, facile iussa contemnere, si impunè se abituros intelligant, nihil boni sponte facturos, quo liberalius cum ijs agitur, eo deteriores reddi. Pueros esse moribus, & ingenio, puerorum morē tractandos, qui nisi præceptoris flagellum præ oculis habeant, neque discere, neque parere sciant. Vbi primum Indus intelligat nihil sibi à parcho suo timendum, neque ad missam venire diebus festis, neque ad doctrinam conuenire, neque confessiones curare, Christianæ omnia religionis officia flocci facere, ebrietatem inuerecundè sectari, insanire in fœminas, superstitionē cultumque antiquum repetere, ariolos suos cōsulere, simulacra adorare, omnem disciplinam, fidem denique ipsam funditus perire. Hæc se & olim expertos, & quotidie experiri certissimo. Itaque sacerdotum manus qui à supplicio Indo-

rum cohibent, nihil aliud quam Indorum manus in nefas omne dissolvere. Quorum profectò nō potest contemni oratio, aut omnino conficta reputari. Quamvis enim illi pulsando cædendoq; excedant, tamen hi cum digna sæpe vindicta admittunt, tum nisi vindicetur, facile verba contemnunt. Indigent ergo seueriore interdum disciplina, indigent proflus. Horum verò crimina aut negligentiam spirituali gladio (quod est Ecclesiæ proprium) vlciisci minime expedit. Nam interdicta Ecclesiastica, excōmunicationes ac censuras si pro vindicta iubeantur excipere, facile paruipendent, quia harum vim neque vident neque agnoscunt, & ad superstitionis suæ tenebras facile sunt redituri Ecclesiæ luce interdicti. Vt ergo belluas castigare solemus plagas infligendo, quæ multum sensus ac doloris habeant, periculi minimum, essetque reprehensione dignissimus, si quis phrenetico aut insano correctionis gratia gladium iugulo admoueret, aut mucronem pectori opponeret, ac non potius verberibus tuto sæuaret in furas aut scapulas, quòd illic mentis inops necem citius, quam correctionem admitteret, hîc contra salutis causa dolor ipse fieret: ita sanè in nouos Ecclesiæ paruulos minimè oportet censuris agere, quarum discrimen sine emendatione adirent, magisque corporeæ ac sensibiles pœnæ infligendæ sunt, quibus & læduntur nihil, & multum omnino adiuuantur. Eam ob causam sanctissimi Romani Pontifices cum Hispanos interdicti aut excommunicationis

cationis causa teneret obstrictos, peculiari privilegio neophitos hos minimè comprehendi voluerūt. Consequens ergo est, vt corporalibus pœnis in officio barbari continendi sint. Eas verò à sacerdote irrogari exclusum est supra. Quid igitur? Non parvæ occurrunt angustiae, cum hinc sacerdotalis dignitas, & paterna benevolentia necessariò conseruanda, inde disciplinæ necessitas, ingeniumque seruile concertent. Primum igitur, quod superiore libro differebam, prætor ac iudice sæculari opus esse ad disciplinam Indorum, hic profectò quam verum sit, dilacide patet. Horum enim propriè interest ista vindicare & plectere. Hos igitur administratos esse sacerdotum æquisissimum est, & quicquid durius designandum erit in noxios, sæculari potius manu intentari. Deinde quoniam & prætores omnibus populis adesse non possunt, & occurrūt quotidie peccata leuiora, quæ correptione quidem indigent, sed non illa asperiori & iudicialia, vt cùm ad rem sacram non venit, aut catechismo absuit: tum etiam sunt quædam, quæ à sæcularibus vindicari nullo modo debēt, quòd illorum forum recusent, vt cum Quadragesimalem confessionem Indus neglexit, cum impedimenta matrimonij non dixit sciens, cum religionis Christianæ ritum contempsit, cum aruspices & veneficos consuluit, & multa talia, tunc sanè Ecclesiastico iudicio in tales animaduerti oportebit. Ac mea quidem sententia taxatas iā ac definitas pœnas decreto publico esse oportet.

teret

teret talibus criminibus, quæ sciret Indus se se certo subiturum, cum illud aut illud admitteret. Fieret hoc modo ut plus timoris poena iam proposita incuteret, tum minus odij contraheret parochus executioni mandans, quod esset lege decretum. Non enim tam ipse tunc vindicare quam lex videretur, atque ita & terrori esset supplicij irrogatio & minus infestus, qui impetaret. Quam ob causam in synodo Prouinciali poenas esse taxatas certis criminibus credo, tametsi parum eæ curantur, sed suum potius parochus quilibet iudicium sequitur, aut etiam iracundiæ legem. Postremò siue publico canone siue poenæ decretæ, siue priuata sententia decernantur, illud modis omnibus obseruandum est, ut nihil parochus manu propria vindicet. Id enim & odiosum est, & indignum, & valde periculosum. Iubeat vero ipse quid facto opus sit: Apparitor autem aut fiscalis aut Licetor aut Guatamarius iussa facessat.

Quid obseruandum in correptione Indorum.

C A P. X X.

QU A in re tria præcipienda sunt. Vnum ut causas vindictæ exponat, & intelligant ipsi, qui corripuntur, mitius secum agi quam pro merito. Et ne tam iracundiam, quam disciplinam interpretentur, non irascatur & fruiat in suis, sed in Dei offensis. Turpe enim est

est valde , vt, si mox atque Indum mulæ suæ
 scœnum ferre cessantem viderit, aut nō promptè
 imperatos cibos afferentem, nimis læuiat: eun-
 dem mox & adulterum, & idololatram sciens vix
 cōtingat . Hinc odia exardescunt in parochos,
 hinc omnis disciplina contemnitur. Magnopere
 ergo curandum est, vt castigatio disciplinæ causâ
 adhibita, non ultionis, aut iracundiæ impetum
 præferat. Sēcunda præceptio est, vt confessio-
 nis Sacramento, & existimationi diligentissime
 consulatur. Ea enim sunt ignorantia isti, vtfaci-
 le sibi persuadere possint, cū ad confessiones
 faciendas accedunt, Patrem, quæ ex illis audie-
 rit, acriter postea vindicaturum, ac propalaturū.
 Itaque hoc timore correpti simul cōscientiæ suæ
 vulnera non admodum curantes, facile fictas ac
 mendosas confessiones facient, rarè veritatem
 integrè aperient sacerdoti. Qui etsi multum cul-
 pandi in tanto sacrilegio forent, tamen quod ne-
 gare non possumus, ex duritia & imprudentia
 parochorum occasionem non exiguam tam ma-
 gni sui exitij haberent. Hoc ergo quod est om-
 nium grauissimum, in sacerdotali seueritate in-
 commodum modis omnibus cauendum est. Ac
 præstat omnino disciplinæ neruum tantisper de-
 bilitari, & infringi, quā tā salutaris, tamque ne-
 cessarij sacramenti existimationem prodi. Sed po-
 test utriq; rei consulere prudens charitas, si con-
 fessionis forum longè diuersum esse & verbis, &
 re sæpe persuaserit, si nihil in confessione audi-
 tum, etiam alioqui cognitum plectat, vt magis
 asylum

asylum quam prodicionem confessionem esse cognoscant, si blande illic, & paterne se gerat, si instante confessionum tempore à seueritate abstinere, si se grauissimas pœnas daturum doceat obtenuissimam auditæ culpæ reuelationem. Postremo perspicendum est, vt supplicij modus is sit, qui semper paternam & Ecclesiasticam clementiam redoleat. Argenti modica quædam multa, cœlectio diurna in compedem, plagæ aliquot interdum inflictæ, sæuissimum omnium crinium detonsio, quæ extremæ ignominie apud Indos loco est. Neq; mirandum aut ab Ecclesiastico instituto alienum existimandum, si id genus pœnæ adhibeantur, cû sacris & antiquis canonibus non rarò verberum mentio fiat. Nihil enim quod ad continendos in officio homines valere potest, Ecclesiastica cura à se alienum putat. Sed quicquid in hac tam magna quæstione præcipitur, imbecille est, & ieiunum, nisi vnctio spiritus accedat, quæ doceat de omnibus. Magnus enim est doctôr Charitas, vt sanctus Chrysostomus ait. Hæc cum syncere & germane salutem suorum affectat, docet plenius & certius, & quando indulgendum, & quando vindicandum, & quomodo, & quatenus. Huic vni rectè ea omnis cura committitur, vt lucrifacere fratrem cum minimo ipsius dispendio studeat.

*Dist. 45. c.
Cû beatus.*

*Homil. 33.
in 1. Cor.*

DEinceps de catechizandi cura dicendum est, quò cætera, quæ dicta sunt, omnia penè referuntur. Est autem ea pars, vt necessaria maxime, ita molesta & laboriosa summòpere, si quæ opus est diligentia tractetur. Multa enim sunt quæ fastidium faciant, multa quæ quamuis proprium, & alacrem catechistæ animum retardent atque debilitent. Et re quidem vera detracta illa quæstus specie, quæ plerosque ad id oneris sustinendum mouet, ac multò longius relegata dissolutè flagitiöseque viuendi licentia, quæ non paucos alligat, si modeste temperanterque viuendum est, vt Euangelij ministrum decet, magnum est & perdifficile inter Indos velle versari, & in ijs instituentis perdurare, propterea quod genus vitæ tum iniucundum, tum humile, tum verò molestis plenum apparet. Sed huic morbo ante omnia occurrendum est, & remedia querenda secundum Deum, quibus eà pestis depellatur ex animo. Solet autem tardium, & tristitia partim ex opere ipso catechizandi nasci, partim ex Indorum ingenio, & natura. Opus quidem ipsum rudes imbuendi molestum est, quò eadem sapius ac propemodum semper inculcanda sunt, tritaque illa valde, & elementa sermonum Dei, neque his omisiss ad perfectiora ferri conceditur, sed lac semper paruulis in Christo oportet dare. Huins autem ægitudinis leuandæ remedia

ex nullo alio melius petere possumus quam ex B. Augustino in eo opere, quod de hoc ipso argumēto, id est, de catechizandis rudibus scripsit, ubi inter alia sic ait. Iam verò si vñitata & parvulis congruentia sēpe repetere fastidimus, congruamus eis per fraternū, paternū, maternūq; amorem, & copulatis cordi eorum etiam nobis, noua videbuntur. Tantū enim valet animi cōpatientis affectus, vt cum illi afficiuntur nobis loquentibus, & nos illis discentibus, habitemus in inuicem, atque ita, & illi quæ audiunt, quasi loquantur in nobis, & nos in illis discamus quodammodo quod docemus. Nonne accidere hoc solet cum loca quædam ampla & pulchra vel urbium, vel agrorum, quæ iam nos sēpe videndo sine aliqua voluptate præteriebamus, ostēdimus eis, qui antea nunquā viderant, vt nostra delectatio in eorum delectationis nouitate renouetur, & tanto magis quanto sunt, amiciores? Quanto ergo magis delectari nos oportet, cum ipsum Dominum iam discere homines accedunt, propter quem discēda sunt, quęcūq; discenda sunt, & in eorum nouitate innouari? Huc accedit ad comparādam lætitiā quōd cogitamus & consideramus, de qua erroris morte in vitam fidelis transeat homo. Idem in eodem opere, Cogitemus quid nobis prærogatum sit ab illo, qui demonstrauit nobis exemplum, vt sequamur vestigia eius, qui cū in forma Dei esset, semetipsum ex inaniuit formam accipiens & cætera vsque ad mortem Crucis. Quam ob causam?

Cap. 12. de
Cat. Rud.

Cap. 16.

Phil. 2.

Nisi quia factus est infirmus infirmis, vt infirmos lucrifaceret? Audi eius imitatore[m] alibi etiam dicentem, siue enim mēte excessimus, Deo siue temperantes sumus, vobis. Charitas enim

I. Cor. 5.

Christi compellit nos iudicantes hoc, quia vnus pro omnibus mortuus est. Quomodo enim paratus esset impendi pro animabus eorum, si cum pigeret inclinari ad aures eorum? Hinc ergo fa-

1. Thes. 2.

ctus est paruulus in medio nostrum tanquam nutrix fouens filios suos. Num enim delectat, nisi amor inuitet, decurtata & mutilata verba immuturare? Et tamen optant homines habere infantes, quibus id exhibeant. Et suavis est matri minuta mansa inspuere paruulo filio, quam ipsam mandere ac deuotare grandiora. Non etiam recedat de pectore cogitatio galli-

Mat. 23.

næ illius, quæ languidulis plumis teneros fetus operit, & susurrantes pullos contracta voce aduocat, cuius blādas alas refugientes superbi præda fiunt alitibus. Si enim intellectus delectat in

*1. contempla
tin.*

penetralibus syncerissimis, hoc etiam intelligere delectet, quomodo charitas quanto officiosius descendit ad infima, tanto robustius recurrit in intima per bonam conscientiam, nihil quaerendo ab eis, ad quos descendit, præter eorum sempiternam salutem. Hæc sapientissimus, & Dei amantissimus Pater, quæ si trāquillo animi vultu non obiter inspiciantur, vel sola sufficiunt omnem maxorem, fastidiumq; depellere, & ad nutriendos paruulos Christi magna suauitate inuitare. Neque aliena ab his aureum illud Chryso-

stomi

stomi flumen: Non est, inquit, charitas fastidiosa (sic enim legit ille in Paulo, quod nos. Non est ambigua) Maiores natu videmus sapientia præcellentes viros cum liberis suis sæpe balbutire: & id cum faciunt, nec reprehendit eos quisquæ, neque ipsos rei illius pudet, sed digna laude adeo videtur, ut quanquam improbi sunt, qui instituuntur, perdurent tamen ipsi hortando, turpia castigando, horum illos nihil pudet. Non est enim fastidiosa charitas, sed alis aureis omnium quos complectitur, vitia tegit. Ita Chrysostomus charitatis ingenium exprimit. Quare neque infantilia dedignatur, neque assidua repetitione tædio afficitur. Eadem enim repetere mihi quidem non pigrum, inquit, vobis autem necessarium. Nonne videmus artifices eadem ipsa cum faciant, & modo eodem repetât, nihil tamen fastidire, sed lucro potius intentos vehementer delectari? Nam & citharædus, & cantor, & grammaticus, & ludimagister rudimenta eadem inculcare non molestè ferunt, quod ea docendo questum amphorem faciunt. Et prorsus in doctrina Christi, quæ à lassente iâ aut defesso dicuntur, quæq; ipsemet languida putat, ea sæpe vehementius Deo ita agente, auditorû animos permonet. Quoties nobis accidit, cû confessiones peccatorum audimus, & fessi iam alios atque alios excipimus, tam nobis frigide loqui videri, & fastidiose, ut ipsi nobis displiceamus, & tamen illa ipsa languens, ut nobis videtur, & toties singulis repetita exhortatio, præter spem nostram, lacrymas ac

*Homil. 33.
in 1. Cor.
1. Cor. 13.*

Phil. 3.

470 DE PROCVRANDA INDORVM
singultus intimos excitat, declaratq; re ipsa pœ-
nitēs noua illa sibi & mirabilia videri? Mihi qui-
dem sæpe ita euenit, & tamen sæpe contra, cum
mihi ardēter agere viderer, & ad flectendū quoq;
lapidem efficaciter loqui, intuens vultū audito-
ris, deprehendū oscitantē, vt satis mihi persuade-
rē, neq; qui rigat esse aliquid neq; qui plātat, sed
eum qui administrat semen seminanti, & dat fru-
ctum, cū vult. Ipsum ergo repetendi, & inculcādi
eadem tedium magnę mercedis est, & fructū ha-
bet copiosum. Quod si abiectum & indignū no-
bis puerilia ista tractandi munus recusamus, prę-
terquā quod & charitatis vacui, & superbiz ple-
ni, nobis suspecti esse debemus, & stulti proflus
qui certa lucra non amemus, incerta magis & pe-
riculis plena sectemur, hoc igitur vt omittā, quę-
so honor & dignitas, apud quē tandem ęstimato-
rem collocanda est? Deumne, an homines iudices
intuebimur? Siquidem hominū iudiciū respi-
ciamus, nihil abiectius Pauli officio, quippe cum
pro magno diceret, Non erubesco Euangelium,
& Non erubescere testimoniū Iesu Christi, neq;
me vinctum eius. Talis erat apud homines existi-
matio prædicationis Euangelij. At apud Deum?
Nihil Apostolatu maius in terris. Principes cōsti-
tues eos super omnē terrā. Paruulos igitur Chri-
sti Euangelij lacte nutrire, vile: Indos, gētem de-
spectam & sordidam erudire, vito graui indignū.
Ita sanē mundus existimat. At apud Deum nihil
sublimius, nihil gloriosius, & reuera in Ecclesia
Dei nihil Apostolicū magis. Hoc enim propriū
Apo-

Rom. 1.

2. Tim. 2.

Apo-

Apostolorum est. Neq; enim Paulus tantum suū
 esse putabat sapientiā loqui, sed parē id quidē &
 rarō nec nisi inter perfectos. Cæteris verō quid?
 Nihil, inquit, me arbitratus sum scire inter vos
 nisi Iesum Christum, & hunc crucifixum. Ne er-
 go vile habeatur officium, quod non Angelis
 modo cōmisit, sed & Christus ipse suscepit. Quā-
 toq; quis maior est, tātō eum magis decet ad ista
 descendere exemplo Christi, vt Augustinus opti-
 mē admonuit. Quod sapienter cū secum repu-
 taret parens noster Ignatius societatis Iesu insti-
 tutor firmissima ac perpetua cōstitutione sanxit,
 vt quicunq; professionem facerent, qui gradus
 est in nostra societate sublimior, ceteris votis suis
 conceptis & hoc expresse adijceret. Et promitto
 peculiarem curam circa puerorum eruditionem.
 Vt norint nostri omnes rudimenta Christianæ
 doctrinæ nō solum viros, quibus discere opus sit,
 sed etiam pueros docere tam esse suum, vt nisi fi-
 de Deo violata, huic muneri deesse non possint.
 Itaque nobis non iam de laude, & palma cogi-
 tandum est, cum ad rudes catechizandos accedi-
 mus, sed de fide potius liberanda. Euangelizandi
 enim paruulis necessitas nobis incumbit, & vā
 nobis est, si non euangelizemus.

1. Cor. 2.

Part. 5.
Const.

De fructu ex catechizandis Indis sperando.

C A P. XXII.

Nihil tamen æquē laborem catechizandi au-
 get & tedium, ac ea cogitatio, quod operæ
 pretium non succedat. Hoc etiam Augustinus

*De catech.
rud. c. 10.*

aduertit. Facit, inquit, loquenti tædium auditor immobilis, non quia humanæ laudis nos auidos esse decet, sed quia Dei sunt, quæ ministramus, & quanto magis diligimus eos, quibus loquimur, tanto magis cupimus, vt eis placeât, quæ ad eorum porriguntur salutem: quod si nō succedit, contristamur, & frangimur, quasi frustra operam conteramus. Huic molestissimæ cogitationi ita occurrit. Consoletur nos, inquit, Dominicum illud exemplum, qui offensis hominibus ex verbo suo, & tanquam durum refugientibus, etiam his, qui remanserant, ait, Nunquid & vos vultis abire? Satis enim fixū atq; immobile debet corde retineri Hierusalem captiuam ab huius sæculi Babylonia decursis tēporibus liberari, nullumq; ex ea esse perituum, quia qui perierat, nō ex illa erat. Firmum enim fundamentum Dei stat habens signaculum hoc, Nouit Dominus, qui sunt eius, & recedat ab iniquitate omnis, qui inuocat nomen Domini. Ista cogitantes & inuocantes Dominum in cor nostrum minus timebimus incertos exitus sermonis nostri propter incertos motus auditorum, delectabitque nos ipsa etiam perpersio molestiarum pro misericordi opere, si non in eo nostram gloriam requiramus. Tunc enim est vere opus bonum, cū à charitate iaculatur agentis intentio, & tanquam ad locum suum rediens rursus in charitate requiescit. Hæc Augustinus. Itaque persuadere in primis sibi Dei seruus debet laborem suum, siquidem Deo placet, nunquam esse inutilem posse: fructum
verò

verò in electis esse certum, propter quos omnia libenter sustinere debet ut Paulus: in cæteris si nō consequatur quod cupit, non esse mirandum, cum & Apostolis id crebrò contigerit, & Angelis, qui vident faciem patris in cælis, qui cum impijs etiā ad tutelam dati sunt, nihil prætermittunt, quod ad illorum salutem pertinet iuxta præscriptum Dei, cum tamē tam multos perire videant. Quin ipse quoque Angelorum Dominus idem toleravit in se, qui non solum diuina sua concione de pane vitę non flexit animos hominum, sed etiam, quę eorum prauitas est, magis alienauit à se. Cōstantem verò Dei prædicatorem docens, & non hominum gloriam quærentem, conuersus ad reliquos dixit, Nunquid & vos vultis abire? Ut intelligamus ardorem quidem proximos lucrandi maximum esse debere, sed tamen cum per te non steterit, quo minus vota succedant, summè quietū atq; tranquillum. Non enim, ut dixi, perire potest charitatis opus. Hęc igitur humiliter primum cogitanda sunt. Deinde quoniam debet qui arat, arare in spe fructus percipiendi, certò sibi persuadeat catechista fructus futuros maximos, atq; mirabiles laboris sui. Nam si opinionum vel segnitie, vel ambitione ortarum caligo pellatur, serenisque oculis res Indicę iudicentur, non est dubitandum, quin labore, & molestia longè maior appareat quæstus animarum. Hoc non solum viri religiosiores, & experiuntur, & prædicant, verum etiam prudētissimus quisq; sæcularium, qui diuturniorem vsum horum habere potuerunt.

2. Tim. 2.

Ioan. 6.

1. Cor. 9.

Et surgit quidem paulatim, sed quotidie maior copiosiorq; messis, ac pro ingenio, & natura istorū etiam gratia ipsa lenta & suspensa quodammodo videtur, re tamen vera nō cessat. Tolle avaritiam, adhibe vitę integrę exemplum, pro captu Indorū opiniones eorū vanas refelle, viā veritatis demonstra, atq; his diligenter insiste minister Euangelij, ita ego te fruar Domine Iesu Christe, vt copiosam messem, & lætā futuram intelligo. Sed nos cito operando cessamus, & properatas, ac plenas fruges statim volumus. Non est autem tale Regnum Dei, prorsus non est tale, sed quale Christus exposuit, Sic est, inquit, Regnum Dei, quemadmodum si homo iaciat sementē in terra, & dormiat, & exurgat nocte & die, & semen germinet, & increseat, dum nescit ille. Vltro enim terra fructificat primū herbam, deinde spicā, deinde plenum frumentum in spica. Aduertamus obsecro nostrum esse sementem iacere in terram, idq;

Marc. 4.

Ecc. 11.

iuxta Ecclesiasten mane, & vespere esse faciendum, quia nescimus quid magis oriatur hoc an illud, & si utrūq; simul, melius erit. Itaq; etsi dormiendum est aliquando, & vacandum Deo, sed tamen nullo modo ab opere cessandū, sed surgendum nocte, & die. Et licet semen sepultū lateat, neq; nos laboris nostri successum videamus, sustinendum tamen est, quia nobis etiam nescientibus semen germinat, & increscit. At neq; properandū est nimis, neq; statim plenę maturęq; fruges expectandę. Sed primum herbam quandam cuiusdam externę speciei, & significatę Christia-

nitatis

nitatis gratè accipiamus, mox calamentum visori robustioris fidei, postremo plenos gratiæ, & charitatis fructus demetemus. Hoc non in vno quouis homine tantum saluator noster voluit intelligi, sed multò magis in ipsa hominum multitudine, quam Evangelici seminis iactus attingit. Sensim enim vocatio Dei vires suas exerit, & euulsi tribulis, & carduis errotum præparatur terra future sementi Fidei, sensimq; cœlitus affluente diuini fauoris imbre, nouum germen in Christo oritur, crescit, maturescit in frugē. Ergo cœlestis oraculi perspicua promissione confirmatus Evangelicus operarius certissimè intelligat laborē suum non esse inanem, sed magna emolumenta salutis hominum allaturum, quia qui promisit, fidelis est, & negare se ipsum nō potest, tamen successum interdū ipse non videat quā vellet citò, interdum ne tardè quidem fortassis, quia fieri potest, quod Euāgeliū habet, vt alius sit, qui seminat, alius qui *Ioan. 4.* metit. Sed qui metit, mercedē accipit, & congregat fructum in vītam æternā. Nō tamen sibi soli metit, mercedēq; accipit, sed potius vt & qui seminat, simul gaudeat, & qui metit. Siquidē omnes in Christo vnum sunt. Addo etiā in præsentī fructum laboris sentiri, & cum magna suauitate decerpi ab ijs, qui curam suam iactant in Domino, & commissō officio non desunt, si qua decet patientia, & longanimitate, quos Deus expectat, *Luc. 8.* ipsi quoque expectare non dedignentur.

Neque enim fructus affertur nisi
in patientia.

Quid

Quid restet de Catechismo dicendum.

CAP. XXIII.

HOC animo instructus qui ad erogandam
 2. Cor. 9. diuini tritici mēsuram accedit alacer, siqui-
 dem hilarem datorem diligit Deus, quid traditu-
 rus sit, tum qua methodo, & ratione cogitare de-
 bet, vt in altero fidelis, in altero prudens sit. Quæ
 ergo nouas gentes, rudes Fidei populos doceri
 oporteat, & quibus ea rationibus, vt animo hæ-
 reant, effici queat, quoniam præcipuus est
 scopus catechizantis, noua dis-
 putatione explicandum
 est.

FINIS LIBRI QUARTI.



477

DE PROCVRANDA
INDORVM
SALVTE,

LIBER QVINTVS.

Finis Christiana doctrina Christi cognitio & dilectio.

CAP. I.

Finis legis Christus ad salutem omni
credenti, & finis præcepti charitas *Rom. 8.*
de corde puro, & conscientia bona, *1. Tim. 1.*
& fide non ficta. Hic vniuersæ do-
ctrinæ Christianæ summa est, quæ nihil aliud
commendat quam Christi fidem per dilectionē *Gal. 5.*
operantem. Præclare D. Augustinus illa duo his
verbis colligit, Omnis scriptura diuina quæ ante *Aug. De ca*
scripta est ad prænuntiandum aduentum Domi- *techi. 1. c. 1.*
ni, & quicquid postea mandatum est literis, & *1. c. 4.*
diuina autoritate firmatum, Christum narrat, &
dilectionem monet. Hæc verò duo vnum esse
quodammodo Ioannes apertè docet, Hoc est, *1. Ioa. 3.*
inquit, mandatum eius vt credamus in nomine
filij eius Iesu Christi, & diligamus alterutrum, si-
cut dedit mandatum nobis. Etenim in hoc appa- *1. Ioa. 4.*
ruit charitas Dei in nobis, quoniam Deus filium
suum vnigenitum misit in mundum, vt viuamus
per eum. Verè ergo & finem Christum, & finem
charitatem scriptura dicit: verè in illo verbo
legem

Matt. 22. legem pendere, Diliges, & plenitudinem esse di-
Rom. 13. lectionem: & verè nihilominus, in Christo eua-
2. Cor. 3. cuari legem, & impleri omnia, siquidem nullus
 est alius diuinæ institutionis scopus, quam Chri-
 stus cognitus & dilectus. Etenim vita æterna est
1. Ioa. 3. cognitio Christi vera & perfecta. Nam qui dicit
 se nosse eum, & mandata eius non custodit, men-
 dax est. Quoniam igitur duæ sunt rationalis na-
 turæ partes: cognitio, & appetitio, duæ humanæ
 vitæ rationes, contemplatio & actio, duo quoq;
 sunt doctrinæ Christianæ lumina, cognitio Chri-
 sti, & dilectio, necesse est duas etiam esse docto-
 ris Evangelici functiones, docere, & exhortari,
 atque doctrinæ omnis, & cognitionis finis est
 Christus, omnis exhortationis, & actionis finis
 est charitas. Porro cognitio Christi, quam Fidem
 dicimus, symbolo traditur, charitatis omnis actio
 Decalogo continetur. Ergo prædicatoris Chri-
 stiani est, & Fidem docere, & mores instruere.
Heb. 11. A Fide verò inchoandum est, sine qua impossi-
Heb. 12. bile est placere Deo, cuius auctor, & consumma-
 tor est Christus. Quamobrem illa prima, ac præ-
 cipua cura esse debet ministri Evangelici, ut gê-
Act. 4. tibus Christum annuntiet, cum sit nullum aliud
1. Cor. 3. nomen sub cælo datum hominibus ad salutem
Ioa. 1. 6. consequendam. Neque verò potest quisquam
 aliud fundamentum ponere, neque est aliud
Apo. 1. ostium, neque via alia ad vitam æternam. Chri-
 stus lac paruulis, cibus grandibus, Christus Al-
 pha, & O, & principium sapientiæ totius & finis.
1. Cor. 1. Desinat Christi minister quærere quid aliud
 doceat

doceat quam Christum, qui factus est nobis sapientia, & iustificatio, & redemptio. Absint procul hæreticorum calumniæ. Christum nobis esse omnia cum dicimus, & nihil præter hunc sapere oportere, non tam sumus stulti, ut iccirco manendum in peccatis sentiamus, quod Paulus execrat, *Rom. 6.* alioqui quomodo Christus vita erit, si nondum peccato mortui sumus? Itaq; & dixi, & dicam Christianæ prædicationis finem esse Fidem Christi non tamen otiosam & mortuam, & quam *Iacob. 2.* Paulus nihili facit, sed viuam illam, & efficacem, *1. Cor. 13.* & fructuosam, quæ per dilectionem operatur. *Gal. 5.* Quamobrem quid Fides Christiana habeat, deinde quos mores exigat, disserendum est.

Christi annuntiandi curam præcipuam esse debere.

C A P. I I.

MIHI verò monstri simile semper est visum, inter tot millia Indorum Christiano nomine donatorum tam esse rarum, qui Christum agnoscat, ut quod Ephesij olim Paulo de Spiritu sancto responderunt, possint hi de Christo melius vsurpare, Neque an sit Christus, audiuius. Cum verò sint hæc prima elementa sermonum Dei, cumque nihil aliud insonet omnis scriptura diuina, quid causæ putemus esse, quod vix in hoc loco consistunt aliquando catechistæ, ut Christum ostendant, atq; imprimant menti Neophytorum? Nam si
Act. 19.
paule

paulò curiosius interrogas, vix pleniorẽ de Christo notitiã in plerisque reperias quam de Petro, aut Paulo, aut Dauide, aut alio quouis homine, interdum ita noua accidit his Christi commemoratio, ac si de Ænea, aut Romulo mentio fieret. Quod tantum Euangelij dedecus tantam Christiani nominis contumeliã nescio quo fulmine satis vindicari posse existimem, vt homo Christianus, & annos iam viginti, aut triginta terens Ecclesiã, rogatus de Christo, neque quis sit, neque verò an sit, prorsus intelligat: Ac docent multi nescio quæ friuola, quidam præposterã omnino, pleriq; Christum quidem annuntiant, sed ira cursim, & obscurè, vt nihil hinc magis Indus consistat animo, quam in cæteris omnibus. Hæc ergo prima & maxima Euangelici catechistæ præceptio sit, vt Neophitus Christum teneat, & memoria, ac intelligentiã menteq; tota, quantum capax est, capiat. Et quamuis res notissima sit, quam loquor, nullisq; testibus egeat, tamen dignum est primos Euangelij prædicatores contemplari, quid docuerint, & quo omnis eorum spectarit oratio. A Christo instructi, & redempti nihil aliud quàm Christum Magistrum, & Redemptorem perpetuò loquebantur. Siue enim Apostolorum Principem Petrum cum plebe, et principibus Iudæorum, cum gentibus discentem, siue Stephanum, siue Philippum, siue Paulum, & Barnabam ad gentes, siue solum Paulum ad gentes sæpe verba facientem sæpe ad populum Hebræorum, siue cæteros omnes parentes,

Act. 2. 3.

4. 10.

Act. 7. 8.

Act. 13.

16. 17.

Act. 23. 26

& præceptores nostros spectes, ne vnam quidem concionem inuenies, in qua Iesu Christi Deinostratio annuntiatio. non vel totum argumentum orationis sit, vel certè præcipuus scopus, quò cætera tandem referantur. De Epistolis superuacaneum est dicere, cum quævis illarum pagina Christum loquatur. Cur hoc? Nos prædicamus Christum crucifixum Iudæis quidem scandalum, gentibus autem stulticiam, ipsis autem vocatis Iudæis, atq; Græcis Christum Dei virtutem, & Dei sapientiam. Hæc est, inquit, virtus Dei ad saluandum, & Dei sapientia ad docendum, siquidem, & gratia, & veritas per Iesum Christum facta est. Nihil ergo aliud oportet scire, neque aliunde vires, & salutem sperare. Merito Paulus gloriatur sibi id diuinitus datum, vt mysterium Christi excellenter ostenderet. Mihi, inquit ille, omnium sanctorum minimo data est gratia hæc in gentibus Euangelizare inuestigabiles diuitias Christi, & illuminare omnes quæ sit dispensatio sacramenti absconditi à sæculis in Deo. Itaque glorianter addit, prout legentes potestis intelligere prudentiam meam in mysterio Christi. Neque verò Evangelici tantummodo & Apostolici studij fuit Christum mundo indicare, verum etiam Prophetarum, & Legalis ætatis, quando velut par-

1. Cor. 1.

Ioan. 1.

Ephes. 3.

Gal 3.

A^ſ. 11.

2. Cor. 3.

Luc. 24.

Phil. 3.

Hier. 31.

Apostolus Petrus ostendit, Huic omnes Prophetæ testimonium perhibent. Et Paulus Apostolus velamen veteris testamenti in Christo euacuari. Et ipse Dominus prædicaturos discipulos instituens, Omnia quæ scripta sunt in lege, & Prophetis, & Psalmis de me. Quamobrem cum omni homini in Christi cognitione salus posita sit, cuius eminentem scientiam tanti facit Apostolus, vt præ illa cætera ster-
cus putet, hæc prima hæc potissima, ac pro-
pemodum singularis Christiani magistri cura sit, & infatigabilis ardor Christum annun-
tiandi, Christum docendi, vt Christum omnes agnoscant à minimo vsque ad maximum, il-
lamque propriam sui muneris existimet vocem, cognosce Dominum.

*Contra opinionem eorum, qui sine Christi notitia
posse aliquem saluum esse volunt.*

CAP. III.

QUÆ cum ita habeant, vix satis mirari possum, quid præceptoribus quibusdam scholasticis, viris certè grauib. nostri sæculi in mentem venerit, vt nunc quoque temporis post tandiu reuelatum Christum sine Christi notitia salutem cuiquam æternam contingere posse confirmet. Quorum opinio tam mihi semper visa est, ac modo quoque videtur absurda, vt nullo modo dubitem antiquos patres Augustinum præsertim in homine Christiano

tam est apertè hæretica, vt nihil magis repugnet Fidei, quam sine Fide saluum esse hominẽ quemquam. Porro alij inde pedem referentes, ne ex tam lubrico, & periculoso loco in præceps se se darent, tutius illi quidem, sed quam consentaneè ipsi viderint, asseruerunt sine Fide quidem neminem esse saluum, sed tamen Fide nihil aliud de necessitate salutis opus esse cognoscere, quam quod naturali ductu intelligi potest. Quasi verò Fides ab Apostolis necessaria definiatur ad illa percipiendã, quæ à creatura mundi per ea, quæ facta sunt visibilia, cognosci possunt, ac non potius ad ea quæ in cor hominis non ascenderunt, nobis verò reuelauit Deus per spiritum suum. Nam ad naturalia, necessariò cognoscenda natura ipsa non usque adeò deficit. Fides verò est sperandarum substantia rerum, argumentum non apparentium. Quæ ergo non apparent, idest, supra captum, & rationem hominum sunt, de quibus scribitur, Plurima supra sensum hominum ostensa sunt tibi, ea perse ad Fidẽ pertinent, cetera verò per accidens. Igitur vt rem proprius attingam, post nouum hunc eundemque vastissimum orbem inuentum nostri Theologi talia corpore & docere, & scribere, cum per mille quadringentos annos, neque in sacris, neque in scholasticis Doctoribus vestigiam eius sententiæ extet, quod equidem sciam, quin omnes consentienter assintant sine explicita Fide Christi neminem esse saluum. Hanc

autem

autem suam sententiam ex quadam Sancti Thomæ opinione confirmandi occasionem libenter arripuerunt, de primum veniente ad vsum rationis, quem ad Deum converti, & posse, & debere vult, atque è vestigio si faciat, gratiam iustificationis accipere. Ex quo colligunt nihil eiusmodi puero opus esse alia cognitione quam boni honesti, quod pro illa ætate potest agnoscere. Horum, pro Indorum salute patrocinium eo libentius amplecterer, quo me huius causæ studiosiorem profiteor, nisi valde reuocaret, quod ad Patrem nemo venit nisi per Christum, quod nulla alia est via, qua eat, nullum aliud ostium, quo intretur ad vitam. Ac te quidem vera, si potest sine Christi notitia salus esse aut iustitia, ergo gratis Christus prædicatur. Frustra Apostoli mittuntur in orbem, frustra præcipitur, Qui crediderit, & baptizatus fuerit, saluus erit. Non frustra, inquit, Christus annuntiatur. Nam & plures & facilius, & vberius salutem consequuntur. Ego vero existimabam Christi annuntiationem, hoc est Euangelium, non ut plures, & melius salui fierent, necessarium esse, sed ut omnino possent homines salutem consequi. Ita sanè existimabam, imo verò non existimo, sed tam certò, & apertè mihi persuadeo Pauli hanc esse sententiam, ut neminem putem repugnaturum, qui sincere, & attente illius verba expendat in eo loco epistolæ ad Romanos, ubi expressè hoc versat. Finis legis, inquit, Christus ad salutem omni credenti. Quam

In. 3. d. 25.

Ioa. 6.

Ioa. 14.

Ioa. 19.

Marc. 16,

Rom. 10.

sententiam postquam confirmavit, & æquè docuit Iudæis, & gentibus Christi fidem necessariam esse, omittens Hebræos, de quibus satis multa dixerat superiore capitulo, transit ad gentes, & illa propositione prolata, *Quicumque inuocauerit nomen Domini, saluus erit*, affert quæstionem & vrget vehementer, *Quomodo ergo inuocabunt, in quem non crediderunt? aut quomodo credent ei, quem non audierunt? quomodo autem audient sine prædicante? quomodo verò prædicabunt, nisi mittantur?* Et mox, *Ergo Fides ex auditu, auditus autem per verbum Christi.* Sed dico, Nunquid non audierunt? & quidem in omnem terram exiit sonus eorum, & in fines orbis terræ verba eorum. Hæc Apostolica responsio est, & difficultatæ quæstionis absolutio. *Quomodo inuocabunt, inquit, in quem non crediderunt? consentiunt hæc nobiscum Fide opus esse ad salutem. At quomodo credent ei, quem non audierunt? Profectò si istorum opinio vera est, facillime responderetur Paulo, & verissimè, neque prædicante, neque mittente opus esse, neque vero audiente, siquidem potest homo concipere fidem sine aliqua reuelatione aut prædicatione; potest sibi sufficere ad salutem sine notitia Euangelij, potest inuocare Deum, quem per ea, quæ facta sunt, conspicit. Nonne ita nobis respondent, cum Christi notitiam dicimus necessariam ad salutem? Falsò ergo Paulus docet neminem sufficienter inuocare, & credere ad salutem,*

qui

qui non audierit Evangelicam prædicationem, si vera ista sunt. Quod si Paulus falli non potest, profectò ista vera non sunt. Si pergas Paulum interrogare, Quid de ijs, qui nunquam audierunt Evangelium? respondet tibi, In omnem terram exiit sonus eorum, & in fines orbis terræ verba eorum, nimirum prædicationem eorum salutis, qui salvi futuri sunt ex gentibus, toto orbe terrarum non defuturam, qui verd ex ijs perierint, suorum scelerum, non ignota-ti Evangelij pœnas duros. Dicis durum hoc esse, & asperum, at memineris ab Apostolo eos reprehendi, qui iustitiam suam volentes sta-
Rom. 10.
 tuere, iustitiæ Dei non sunt subiecti. Non enim hic agitur, durum ne hoc, & seuerum sit, an benignum, & liberale, sed vtrum ve-rum necne. Alioqui eadem pietatis specie co-gentur etiam paruulis eorum, qui Evangelium audire non potuerunt, sine baptismo salutem dare per quâcumque Fidei protestationem pa-rentum, vt olim fiebat in lege naturæ? Cur enim paruuli sine Evangelico sacramento sal-ui esse non possunt, & tamen grandiores si-ne Evangelica lege possunt? Quod si fatentur Evangelica lege iam promulgata nusquam gen-tiam ad iustificandos paruulos antiqua sacramen-ta satis esse, & pro ijs omnibus vnum duntaxat valere baptismum (neque enim hoc sine aperto errore negari potest) quid quæso rationis habet, maioribus notitiam legis naturæ ad salutem pos-se sufficere? Etenim quicquid contra nitantur;

fateantur pariter necesse est, modo sine Euan-
 gelica lege homines posse saluari, quod qui
 non putat absurdum, cum eo ego amplius mi-
 nimè disputem. Paulum profectò apertius lo-
 quentem nemo desideret: cuius omnes sancti
 expositores sensum esse, quem dixi, probant,
 maximè Beatus Thomas, cuius commentatio-
 nem afferre non moror; cuius se hi scriptores
 in primis autoritate tuentur. Post enarratum
 ergo locum Apostoli, ita dubitat, Nunquid il-
 li, ad quos non petuenit prædicatio Euange-
 lij, ut potè si fuerunt nutriti in sylvis excu-
 sationem non habent de peccato infidelita-
 tis? Ad hoc dicendum est, quòd secundum
 sententiam Domini, quæ habetur Ioannis. 16.
 Illi qui loquentem Dominum, vel per se, vel
 per discipulos suos non audierunt, excusatio-
 nem habent de peccato infidelitatis, non ta-
 men beneficium consequentur, ut scilicet, ius-
 tificentur ab alijs peccatis, quæ vel nascen-
 do contraxerunt, vel malè viuendo addide-
 runt, & pro his damnabuntur. Si qui tamen
 eorum fecissent, quod est in se, Domi-
 nus secundum suam misericordiam prouidi-
 dit mittendo eis prædicatorem Fidei, si-
 cut Petrum Cornelio, & Paulum Macedo-
 nibus. Hætenus Thomas. Augustini au-
 tem de hac re tam est aperta sententia, ut
 nullò modo subterfugi queat. Adeò enim
 Christi notitiam ad salutem necessariam vult;
 ut ijs etiam, qui ex gentibus ante tempus

*Thom. lect.
 3. in. c. 10,
 ad Rom.*

*Act. 10.
 c. 16.*

Euan-

Euangelium seruati sunt, minimè id contigisse dicat absque reuelatione vnius mediatoris Dei & hominum Iesu Christi. Nam vt cætera missa faciam, ita scribit in libris de ciuitate Dei, Diuinitus autem prouisum fuisse nō dubito, vt ex hoc vnosciremus (loquebatur autem de sancto Iob) etiam per alias gentes esse potuisse, qui secundū Deum vixerunt, eique placuerunt, pertinentes ad spiritualem Hierusalem. Quod nemini concessum fuisse credendum est, nisi cui diuinitus reuelatus est vnus mediator Dei, & hominum homo Christus Iesus. In secundo quoque libro de gratia Christi id ipsum multis confirmat. Neque tamen displicet mihi illa quorundam temperatio, vt implicita quidē fides Iesu Christi, explicita vero vnius mediatoris satis fuerit ad salutem consequendam ante Euāgelicum tempus. Tunc enim, vt ait Paulus, tanquam paruuli custodiebamur inclusi in eam fidem quæ reuelāda erat. At post reuelatam fidem, patere alicui vitæ ianuam nisi per reuelatam, & expressam Christi cognitionem nullo modo assentior, omnibus & antiquis, & nouis scriptoribus hac parte stantibus præter paucos quosdam scholasticos, qui neque ratione aliqua firma, neque veterum auctoritate, sed sua potius suspicione, ducuntur. Neq; verò extremam salutem tantum, sed iustitiam etiam primam sine Euangelij cognitione post promulgatum orbi Euangelium cuiquam contingere existimo, in quo alij minus molestè, sed tamen falso contradicunt. Neque Augustini

*Aug. li. 13.
de Ciui.
ca. 47.*

*Aug. lib. 2.
de gratia
Christi. ca.
24. 25. &
26.
Gal. 3.*

Aug. lib. de alium fuisse sensum quicquid hi cōtenderint de
Præd. san- monstrabunt. Non enim Cornelij (quoniam hoc
Cor. c. 7. loco vrgent) eadem causa est, & infidelium huius
temporis. Etenim quemadmodum Iudæis fides
vnius mediatoris tunc temporis sufficiebat ad iu-
stificationem, antequam Iesus Christus euange-
lizaretur, ita quoque Cornelio Iudæorum, & li-
bris, & consuetudine instructo sufficere potuit,
vsque dum à Petro disceret Christum. Nunc ve-
rò postquam toto orbe terrarum Iudaica, & lex,
& sacramenta prorsus abolita sunt, vt non mor-
tua solum, sed etiā mortifera sint, omnino Evan-
gelica mensura quærenda est fidei, sine qua ne-
mo, quod satis est, credit, cum lex fidei sola iu-
stificet, id est, nullum aliud salutis initium sit
præter fidem Iesu Christi. Quod si quis pergat
quærere. Ex quo nam tempore explicita fides
Christi cœperit esse necessaria ad iustitiā, equi-
dem respondebo ex illo ipso, cum primum pro-
mulgatum est orbi Euangelium. At Indis non
erat hætenus promulgatum, inquis, ita ego sanè
arbitror, verum nihil ad rem. Neque enim de ea
promulgatione sermo est, quæ cuius ignoratio-
nis locum nullum relinquit, sed de ea potius,
quæ cum solennis sit, & pro legislatoris volun-
tate conueniens, omnes contrarias leges abro-
gat, contractusque dissoluit. Scimus igitur sa-
cramenta omnia, & legis, & naturæ abolita esse,
scimus Euangelicam legem quæ est fides Iesu
Christi, omnes mortales aliquando cœpisse ob-
ligare: quo verò primum tempore sufficienter
pro-

promulgata fuerit, alijs aliter statuentibus. nos nescimus. Cornelij certè tempore nondum plenè propalatum fuisse Euangelium Gentibus, vel ipse Petrus testis est, cui ea de re erudiendo cœlesti visione opus fuerit. Nunc ergo cum æquè vel notum, vel ignotum sit Gentium populis siue esse aliquem mediatorem diuinitus prouisum, siue hunc esse solum Iesum Christum, non est, cur sine Euangelij noticia remissio peccatorum al. cui tribuatur. Alij sentiunt Cornelium non verè iustificatum esse coram Deo ante Petri prædicationem, cum & animam immundo comparetur, & audita remissione peccatorum per Christum ceciderit Spiritus sanctus, neq; ab ea sententia valde abhorret Chrysostomus: verum quia difficile est, què scriptura religiosum, & timètem Deum, & acceptum Deo & operantem iustitiam dicit, non eundem vere iustificatum intelligere, commodius explicatur accersendi Petri necessitas, non vt absolutè gratiam consequeretur, sed vt Euangelicam gratiam ea plenitudine & firmitate qua per Iesu Christi fidem conferebatur. Modo verò post litè prædicatum Euangelium eiusdem necessitatis putamus credere, & in Christum credere, sine cuius mysterij fide iustificari neminem & olim beatus Thomas, & nuper sancta synodus Tridentina decreuit. Sed quid agemus de infinitis hominum millibus, qui neque audierunt Euangelium, neque verò audire potuerunt? An eorum neminem saluum esse posse censebimus?

Mini-

*Ita sentit
apertè D.
Greg. hom.
in Ezech. 9.*

*Beda in
acta, fidem
operam tri-
buit Cor-
nelio.*

*Tho. 1. 2 q.
113. ar. 4.
ad 2. & 3.
Conc. Tri.
sess. 6. c. 6.*

Minime vero. At sine miraculo fidem doceri nō possunt. Primum miraculum dici non debet Dei peculiaris providentia vel Angelum, vel hominem destinantis, ut euangelizet ei, qui quod potest, præstitit. Nam ut rarum hoc est, & rarissimū ut in natura jam obscurata, & gravissimè saucia ad tam præclaros quisquam conatus assurgat, idque sine præueniente Dei auxilio facere nequit, ita providentia singulari non destituendum ipsa ratio confirmat, cui tam singulare contigerit studium boni. Quod si adhuc miraculum vocādum perstant, quid de nomine digladiandū est? Certè hi tanquam eiusmodi opera Deo gravia aut angusta & inusitata forent, ita parcè & arctè cōhibenda putant. An non ad ipsum illum Cornelium, & Angelum, & Petrum missos legunt? An non ad Eunuchum Candacis Reginae Philippū Diaconum? An nō ad Macedones, & ad Lydiam Paulum? Quod si nova quærimus, præsto est Paulus ille Iapponensis, qui tanto tempore criminum suorum medelam exoptans, & Franciscum Xavierum quærens tam longo maris circuitu, eo quæ non inuento abiens Malacam tempestate reuocatus est ex ipso Sinensum aspectu, usque dum in illum rediens incideret, & Christi Evangelio audito per fidem non solum ipse servatus sit, verum amplissimæ genti suæ Christum annuntiandi Franciscō fuerit, & hortator & dux. Ad hunc sanè modum de cæteris, si qui tales extiterint, sentiendum esse non tam ego quam Thomas ipse respondet: à quo cum obiectio-

nem

nem suam dilui videant, nescio quomodo in eam sententiam vocare possint, quam refellit. Sed de puerco veniente ad usum rationis negotium nobis ex Sancto Thoma facessunt. In quo si nulla neque ab Angelo, neque ab homine doctrina expectanda est, certè neque Christi, neque Dei notitiam pro illa ætate firmam habere potest. Itaque iustificabitur is, qui Deum adhuc non nouit, & falsum erit quod Apostolus de fide necessaria, ut placeatur Deo, scripsit, Credere oportet accedentem ad Deum quia est, & quia inquitentibus se remunerator est. Quod si & hoc ipsum implicite credi satis esse dicunt, profectò nihil dixit Apostolus. Nam implicite non illa solum credere oportet accedentem ad Deum, verum & illa Adam extra paradysum formatum esse, & octo animas in arca Noe seruatas, & Tobiz filiam fuisse cognomine, & quicquid diuinæ literæ tradunt. Quod si certa aliqua fidei mensura designanda est, & firma saltem de Dei maiestate & prouidentia conceptio, profectò à quo hanc fonte puerulus haurire potest nulla doctrina imbutus, nulla experientia ductus, ab eodem facillè hauriet, & Christi mysterium, cum vtrumque vel diuinitus, vel humanitus edocendus sit. Itaque vel opinio illa D. Thomæ non vsq; adeo tenaciter est tuenda, quam etiam illius plerique discipuli non satis sibi persuadent, vel si retinenda est, ad eum modum explicanda est, quem antiquiores illius discipuli sequuntur, ut etià pueri iustificatione reuelatio Christi antecedit. Neq;

enim

*Tho. 1. 4. de
Verit. a. 10
ad 1. & in
c. 10. Rom.
lett. 3.*

Heb. 11.

494 DE PROCURANDA INDORVM
 enim propter incertas opiniones dogmata de-
 bemus certa deserere . Cum ergo fides infusa
 necessaria sit , non vt credat homo , sed vt ali-
 quid credat , id est , non tam propter actum
 quam propter obiectum , quærenti quodnam
 sit illud , nihil aliud occurrit , quam quod Pa-
 tres tradunt , vt credamus vera esse , quæ di-
 uinitus reuelata & promissa sunt , atque il-
 lud in primis à Deo iustificari impium per gra-
 tiam eius per redemptionem , quæ est in Chri-
 sto Iesu . Quamobrem mysterium Christi pri-
 mum ac potissimum docere debemus , si illius
 sapientiam sequi volumus , qui dicebat , Ni-
 hil aliud arbitratus sum me scire inter vos nisi
 Iesum Christum & hunc crucifixum .

C8c. Irid.
 seg.6. c.6.

1. Cor. 2.

*Contra errorem illius , qui Christianos rudiores sine
 Fide explicita Christi asseruit posse saluari.*

C A P. IIII.

BE N E autem habet quod nemo scripto-
 rum Christi noticiam necessariam negat
 ijs, quibus fides prædicata est , quin potius di-
 seritè admonent præceptum de Christi myste-
 rio explicitè credendo , & diuinum esse , & om-
 nibus hominibus necessariò propositum , tum
 vero eos, qui fidem audierunt sine illius myste-
 rij cognitione saluos esse non posse . Aiunt verò
 infideles barbaros , quibus Euangelium non est
 nuntiatum propter ignorantiam excusari à pec-
 cato, quod nos quoque libenter damus: sed eos-
 dem

dem, si fecerint quod in ipsis est, sine fide explicita Christi salutem consequi posse censent, quod nobis ne quicquam placet, sed interim teneamus illud, quod nemo catholicus potest abnuere, De mysterio Christi expresse sciēdo Christianis omnibus sine exceptione diuinum esse præceptum, neque verò quemquam eorum, quibus Euangelium prædicatur, ad salutem iustitiæ coram Deo peruenire posse nisi per fidem explicitam Christi. Quæ de re non ita pridem in hoc nouo orbe vir quidam diu, & insigniter doctus, & valde religiosus habitus, iam veto magnus, vel factus, vel patefactus Hæreticus nouum dogma, vt ille quidem iactabat, pium & salutare, sed reuera valde impium, & perniciosum inducere conatus est, idque multis prolixisque commentationibus egit, vt persuaderet, Nempe Indorum populis cæterisque hominibus rudioribus non esse necessarium ad salutem, vt mysterium Trinitatis, neque verò mysterium Christi explicitè crederent: sed satis esse, vt scirent vnum esse Deum, eumque bonis præmia, malis supplicia digna reddentem, in cæteris verò legem nostram, hoc est Christianā, diuinam esse & certò tenendam. Deniq; præter illa duo nihil aliud quam vt crederēt communiter & implicitè, quæ tenet Ecclesia. Quamobrem hæc ipsa Indis prædicanda esse, cætera non ita magnopere curanda. Causam huius sui dogmatis ille reddebat, quòd Deus ad impossibile neminē obliget: esse verò tam obtuso & absurdo ingenio

pleros-

plerosque, vt neque mysterium Trinitatis, neque
mysterium Christi percipere possint, quos si co-
gas isthæc explicitè credere, nihil aliud agas, quàm
vt cœli ingressû miseris occludas. Addebat porro
cùm diu de hac re secum ipse deliberasset, atque
ita sentiret, vt dixi, diuina se reuelatione penitus
confirmatum vsque adeo, vt Paulum ipsum Apo-
stolum per reuelationem dixisse affirmaret, Ru-
dioribus non esse necessarium ad salutem crede-
re Christum esse hominum saluatorem. Quis ve-
rò pseudopaulus ille, & pessimus dæmoni fuerit,
Angelus lucis haberi volens, satis iam ac plus etiã
quàm vellemus, innotuit. Sed autore misso, ipsum
dogma tractemus eo quæ accuratius, quod iugu-
lum ipsum Euangelij ferire contendat. Omnis
penè prædicationis Indicæ labor & cura tollatur
necesse est, si vera illa sint. Paucis verò nō solum
impiam, sed stultam quoque assertionem perspi-
cuae demonstrabo. Quid enim impium magis,
quàm & apertæ Domini sententiæ, & gentium salu-
tati per Christum obtinendæ contradicere? Ite,
inquit, in mundû vniuersum, & prædicate Euan-
gelium omni creaturæ, qui crediderit & bapti-
zatus fuerit, saluus erit, qui vero non crediderit
condemnabitur. Euangelium ergo suscipere &
credere omnem creaturam oportet, si salua esse
velit. Atqui Euangelium, & Christi notitia no-
mine quidem sunt duo, re ipsa penitus idè. Quo-
modo enim Euangelium nouit, qui Christum
non nouit? Ex quo planè apparet, quam stultè
illud dicatur, vt is, qui fidem Christianam habet,
Christum

Marc. 16.

Christum tamen ignorare possit. Nam si quis *Aeneida* aut *Odyssëam* tenere se se diceret, neque tamen *Aeneam* aut *Vlyssëem* vnquã audisse, quis obsecro risum tenere posset? Præterea qui nouit se fieri aut esse Christianum, & non Iudæum aut paganum, qui Christum non nouit? Quomodo eam legem profiteri potest, qui quid lex habeat, ignorat? Omnis Christianus, quatenus Christianus est, Christum profitetur. Itaque docere quæquam Christianum esse debere, si saluus esse velit, neque tamen opus esse, vt Christum agnoscat, nihil aliud est quã cum ratione insanire. Ad hæc quã ineptè & fatuè iubetur Indus credere, quæ credit Ecclesia, qui tamen Christum ignorare permittitur? Omnino repugnat vtrumque. Etenim Ecclesiam nisi congregationem fidelium Christum verè tenentium intelligat, non magis Ecclesiæ credit quam synagogæ Iudæorum, aut scholæ Atheniensium, sine Christo enim Ecclesia neque esse, neque intelligi potest. Siue ergo Ecclesiã voces, siue Christianorum legem, siue fidelium cœtum, nisi Christum Indus agnoscat, Ecclesiæ mysteriũ scire non potest. Vt illud præterea, quantæ insanix sit mysterium Ecclesiæ mysterio Christi præponere in necessitate fidei explicitæ. Ioannes certè Apostolus ita colligit, Et hoc est mandatum eius, vt credamus in nomine filij eius Iesu Christi. Et hæc est, ait, victoria quæ vincit mundum, fides nostra. Quæ autem sit fides nostra, statim adiungit, Quis est qui vincit mundum? nisi qui credit, quoniam Iesus est filius

1. Ioan. 3.

1. Ioan. 5.

498. DE PROVVRANDA INDORVM
 Dei. Igitur eiusdem præcepti, eiusdē necessitatis
 est Christiano credere, & in Christum credere,
 eadem fides Christiana, & fides Christi. Docendi
 ergo sunt Indi, & gentes omnes mysterium Chri-
 sti, & qui genus aliquod hominum inde excipit,
 grauiterrat, ne hæreticum apertè dicam, quod
 tamen nonnulli graues autores intrepidè affir-
 mant. Sed homo absurdus est, inquit, rōdis, he-
 bēs, senex est iam decrepitus, æthiops est trunco-
 similis, Vrus est vix quicquam à pecude distans,
 Hosne atque horum similes Trinitatis mysteriū
 discere coges, quod est vsque adeo difficile ma-
 gnis etiam & promptis ingenijs? Mysteriumne
 Christi, quod captum superat mentis humanæ
 ex tam stolidο sensu exiges? Ego verò mysterium
 Christi (nam de cæteris dicam postea) intellige-
 re, neminem cogo, quod est paucorum, credere
 verò omnes debere dico, quod nemo nō potest.
 Nemo enim tam est absurdus, qui nequeat ut-
 cunque cogitare Deum & hominem. Doceri
 ergo potest, Deus factus homo, hic est Christus
 Iesus, addat, cūr id sit factum, vt nos prorsus à
 peccatis eriperemur, & vitam consequeremur,
 atque ita discet esse vnicū saluatorem nostrū.
 Mox ordinem quoque doceatur, quod cōceptus
 sit Spīritus sancti opera ex virgine, & natus, &
 crucifixus, & post mortem resurgens in vitā im-
 mortalem. Hæc profectō cogitatione percipere
 non est impossibile, quin potius si Paulo Apo-
 stolo credimus, prope est valde verbum in ore
 nostro, & in corde nostro, hoc est verbum Fi-
 dei

*Dominicus
 Soto in 4.
 d. 5. a. 2.*

Rom. 10.

dei, quod prædicamus, quia si confitearis in ore tuo Dominum Iesum, & in corde tuo credideris quòd Deus illum suscitavit à mortuis, saluus eris. Cum ergo quæritur, quid in mysterio Christi gentes docendæ sint, responderetur, Dei filium factum hominem propter nos crucifixum resurrexisse, quam summam esse Euangelij rectissimè dixit Chrysostomus. Itaque tria quædam breuiter insinuantur, Primum Christum esse Deum & hominem, deinde mortuum esse propter peccata nostra, tertium, vitam immortalē, & beatam possidere, quam nobis communicare vult. Hæc qui nullo modo percipere possit, neminem esse atbitror, si congruenter doceatur. Nam & corporali imaginatione cogitari possunt, quod est hominibus facillimū, & utrumq; depingi, & verbis exprimi satis queunt. Memoriter verò tenere, & acutè intelligere, & aptè explicare scio non omnes posse, & Deum bonum nihil exigere ab homine, quod præstare non possit. Quod si quisquam tam obtusus & saxeus vel fingatur, vel reperiat, qui nullo modo cogitare & percipere possit Christum esse hominum saluatorem, & Dominum, hunc ego vel sensus humani expertem existimabo, vel propter sua crimina diuino iudicio retardari, ne vel fidem doceatur congruenter, vel benenolè capiat. Neque enim dubitamus esse non paucos, qui non habent aures audiendi, quibus licet foris insonet Euangelij tuba, intus tamen surdissimi sint. Vt iuxta verbum propheticum audien-

tes non audiant. Nam & consentire verbo fidei percepto diuinæ gratiæ est, & ipsum quoque quantum satis est, mente concipere, & cogitare non nullius est gratiæ, ita vel illud vel hoc sicuti negatur, diuini iudicii est, cuius effectus cum sepe cernamus, causas tamen planè ignoramus. Denique quicumq; diuinitus ad fidem Christianam idoneus iudicatur, sine qua salus & iusticia esse non potest, idem ad mysterij Christi agnitionem, quantum satis est, idoneus existimandus est, quam si vel neglexerit, vel assecutus non fuerit, ostium vitæ æternæ nondum inuenisse sine vlla dubitatione existimandus est.

Quod præcepto cetera mysteria, quæ continentur in symbolo, scire omnes Christiani constringantur.

C A P. V.

Mysterium verò Christi nemo potest perfecte, & ut par est, cognoscere, nisi mysteriū quoq; & Trinitatis, & Ecclesiæ doceatur. Nā Iesus Christus Dei filius de Spiritu sancto conceptus est, mortuus est autē, ut suo sanguine mūderet sibi populum acceptabilem sectatorē bonorum operum, in quo esset remissio peccatorū, & salus æterna per fidem, & sacramenta Christi. Itaque tribus hiscē mysterijs, Christi, Trinitatis, Ecclesiæ, Christianæ fidei summa definita est. Quamobrem ab Apostolis tribus veluti partibus symbolum distributum est. Et quæ quidem ad
natu-

naturam diuinitatis pertinet, in primo loco patri attributa sunt; quæ verò ad dispositionem redemptionis nostræ, secundo loco Dei filio Iesu Christo: porrò quæ ad fidelium gratiam & sanctificationem, ea tertio loco Spiritui sancto ascripta sunt. Neque verò illorum est modo error refellendus, qui plebeio & rustico homini satis esse putant, vt se tenere profiteatur, quæ tenet Ecclesia, qui ab ipsa iam pridem Ecclesia damnati sunt. Quin potius audiamus Augustinum eorum sententiam data opera refellentem, qui sentiebāt sufficere ad percipiendum baptismum confessionem Iesu Christi filij Dei. Ita enim scribit in lib. de Fide & operibus spado (inquiunt) ille, quæ Philippus baptizauit, nihil plus dixit, quam credo Dei filium esse Iesum Christū. Et in hac professione continuo baptizatus est. Num ergo placeat, vt hoc solū homines respondeant, & cōtinuo baptizentur? nihil de Spiritu sancto, nihil de sancta Ecclesia, nihil de remissione peccatorū, nihil de resurrectione mortuorum? postremo de ipso Iesu Christo nihil, nisi quia filius Dei est? non de incarnatione eius ex virgine, de passione, de morte crucis, de sepultura, de tertij diei resurrectione, de ascensione, ac sede ad dexterā patris aliquid dicendū est catechizanti, & profitendū credenti? quæ necesse habemus etiam cum ad baptismum tēporis vrget angustia, exprimere interrogando, vt baptizandus ad cuncta respondeat, etiam si ea memoriæ mandare non valuit. En quid exigit Augustinus idque ex recepta cōsuetudine totius

*Aug. lib. de
fide & ope.
cap. 9.
Acto. 8.*

Ecclesiæ. Et nos dubitabimus teneri quemvis Christianorum symboli mysteria nosse, & explicare credere, quæ à morituris quoq; exigebantur ante baptismũ? Certe Leo Papa nulla exceptione facta, Quod continetur, inquit, in symbolo, Dominus noster in Ecclesia neminem vtriusq; sexus voluit ignorare. Concilij Laodicensis decretum extat, symbolum disci oportere & reddi Episcopo, aut Presbytero ante baptismũ. In Bracharenſi catechumeni totum symbolum Apostolorũ doceri iubetur. Sed notior res est, quam vt testimonijs, quæ sunt plurima, indigeat. Igitur omnes Christiani nemine excepto fidei capita, quæ continentur in symbolo, quantum illorũ captus fert, explicatè tenere diuina autoritate coguntur, quæ de re scriptores quidam docti nõ doctè profectò dubitant, quorũ de hoc diuino præcepto refellendo aut cohibendo sententia, vix in opinionũ numero referti potest, cum nostri & multitudinæ, & autoritate multis partibus superiores sint. Quoniam verdè ea, quæ cõmuniter præcipiuntur, propter urgētes aliquas causas excusari nõnunquam possunt, non est dubitandum, quin temporis angustia, aut sensus hebetudo, aut minus idonei doctoris facultas, sæpe imbecilliores excuset, si non vsquequaq; omnia illa fidei mysteria norint. Si enim baptismi percipiendi, itemq; Eucharistiæ sumendæ, & cõfessionis peccatorum Christiano faciendæ, cum iuris diuini præcepta sint, tamen potest nõnunquam homo excusari, vel ministro absente vel ipsa materia, vel sua ipsius impotētia

*Leo epi. 13.
ad Pulcheriam Augustam.
Con. Laod.
ca. 46.
2. Concil.
Brach. c. 1.*

*Tho. 2. 2. q.
2. art. 7. &
8. Mag. in
4. di. 1. &
scholastici
ibi & in 3.
dist. 25.*

ad loquendum, vel alijs etiam ex causis, neque tamé si voto & animo præstet quod potest, cum vero corde Deum quærat, excludetur à regno, nihil profectò est, cur quamuis diuinum de fidei præcipuis mysterijs ab Apostolis traditis cognoscendis, & expresse profitendis præceptum sit, tamen excusari & absolui non possint multi, quorum sensus tam est exiguus, ut non vsquequaque sufficiat, aut ætas grauis, aut præceptoris inopia, aut aliud extrinsecus obiectum impedimentum. Neque enim contemnet hos, qui fecit illos, quoniam pusillum & magnum ipse fecit, & æqualiter est illi cura de omnibus, neque deerit Dominus fidei & bonæ voluntati hominis, qui quod potest, bona fide præstat. Itaq; sunt illa quidem omnia symboli capita docenda, discendaque diligenter, & omni studio incumbendum, ut hæteant, idque nulla negligentia detrectari potest, nulla occupatione præpadiri, nullius negotij magnitudine contemni, cum sit ipsa animæ salus fides Ecclesiæ: sed tamen ubi necessitas & impotentia obstant, non debemus putare defuturum Deum, si modo ea mensura non desit, quam necessariam diximus omnibus, neque valde difficilem, sine qua salus nemini patuit. Ea verò est, ut credat in vnum Deum per Iesum Christum vnicum saluatorem peccata hominibus remittentem, & sibi obedientibus æterna bona præbentem, sine qua fidei mensura neminem Christianorum fuisse, neminem fore saluum mihi sanè persuadeo.

Sap. 6.

CAP. VI.

*Damasc. li.
4. de fide
6. 10.*

DE Trinitatis ergo arcano an omnes etiam valde imperiti & rudes necessario docendi sint, partim rectè dubitatur partim non rectè. Nam aliqua ex parte omnes illud debere cognoscere præter patrum auctoritatem ea vna ratio apertè declarat, quod nemo Christianus fiat percipiatque baptismum (quod fidei sacramentum antiqui vocant) nisi in nomine Trinitatis: Qui ergo Christianum se esse nouit, non potest iure ignorare mysterium, in quo vnico Christianus effectus sit. Adde quod ex Apostolica & veteri traditione nemo baptizatur in Ecclesia Christi, nisi prius rogatus, an credat in Deum Patrem, & in Iesum Christum Dei Filium, & in Spiritum sanctum, responderit firmiter se se credere. Quatumuis ergo hebes sit, si iudicij aliquid habet, & ita rogatur, & ita respondet, prorsusque ita expresse credere iubetur. Namque implicite & inuoluted non isthæc solum, sed quæcunque diuinæ literæ produnt, credit, de quibus tamen non omnibus interrogatur, quod ea expresse scire omnia, illi minimè opus sit. Præterea cum nemo tam imperitus Christianæ disciplinæ sit, quin & se & res ceteras signare salutariter doctus sit in nomine Patris, & Filij, & Spiritus sancti, quonammodo ei ignorare fas erit, quod quotidie frequentat? Nihil ergo est, cur propter Æthyopum Indorum.

dorumue barbariem nouum dogma cudatur, de Trinitate non necessario docenda, quod plures *Tho. 2. 2. q. 2. schola* grauioresq; Theologi, & Ecclesia ipsa, nisi fallor, *sticiu. 3. d. 25.* in Athanahj symbolo satis redarguit. Sed subtile est, inquit, mysterium, & valde sensum humanum excellens: istorum verò sensus tam est obtusus, vt ne cogitare quidem Trinitatem queat. Primum qui ita differunt, velim an se fortassis cogitare posse respondeant. An præter certos ac definitos loquendi modos ex Ecclesiæ, & Theologiæ regulis sumptos, quicquam amplius in tam sublimi arcano Theologi norunt? Nihil opinor. Nam de me certus sum equidem. Quid enim sentiendum, & quomodo enuntiandum sit, rustico literatus præstat: quid porro id sit, & quomodo cogitandum, nihil propemodum inter vtrumque interest. Non ergo intelligentia, quæ valde paucorum est, tanti mysterij, quam non tam lectione librorum, quam diuinitus luce perfusa mens capit, vt Augustinus optimè docuit, sed simplicem *Aug. li. 14. de Trin.* sinceramque Fidem postulat sancta mater Ecclesia, à qua cur alienare quosuis homines debeamus omnino non video. Quemadmodum enim sacrificia olim offerebantur Deo pia populi religione, quorum tamen vim, & significationem pauci admodum satis perciperent, & nihilominus à suis Deus ista exigebat, quod in ijs, quæ videbant, ea, quæ non videbant, protestabantur: ita planè in nouo testamento, vbi cruentæ abolitæ sunt victimæ, & vituli acceptissimi sunt labia confitentium Domino, vult profectò Deus fideles

506 DE PROGVRANDA INDORVM
suos offerre, & cordis, & oris confessionem se-
cundum spiritum Fidei, vt Patrem, & Filium, &
Spiritus sanctum adorent, & colant, quamuis
quid ore proferant, quid mente credant, vix ple-
rique percipiant. Nam & ipsa Fides est argumen-
tum non appàrentium, quam etiam sacrificium
quodam loco vocat Apostolus. Sed premunt ad-
huc nonnulli hæc ipsa amplius. Trinitatis myste-
rium in hoc esse aiunt, vt tres diuinæ personæ in
vna eademq; essentia credantur. Atqui inuenies
quam plurimos, qui neque quid sit distinctio per-
sonarum, neque quid essentia vnitas cogitare
queant. Ego sanè tales esse nō in India & Æthio-
pia solum, sed in ipsa Hispaniæ, & Italiæ curia plu-
rimos arbitror. Hos ergo excludemus ex notitia
Trinitatis. Minimè verò. Quin potius doctissimi
Cardinalis Hosij, & de Catholica Ecclesia opti-
mè meriti sententiam valde probo. Distinctio-
nem inquit, personarum, & vnitatem substantia,
si qui sunt rudiores, quam vt cōprehendere pos-
sint, non est adeò necessarium ad salutem omni-
bus explicatè credere, vt si quis minus hæc fuerit
affecutus, de eius salute dubitandum sit. Rectè
proflus ac pie. Namq; vt rudiores mysteriū Tri-
nitatis, quātum satis est, credant, satis omnino est
illis, si verè credāt in vnum Deū Patrem, & Filiū
& Spiritum sanctum. Neq; opus est ista morosè
premere apud tales, quæ si subtilius exquirantur,
de illorum exiguo sensu elabuntur. Teneant er-
go vnum esse Deum omnipotentem, omnium re-
rum creatorem, teneant hunc esse Patrem, &
Filiū,

Phil. 2.

*Hosius lib.
de Fide. c.
2.*

Filium, & Spiritum sanctum. Quod si præterea facultas suppetat, doceri possunt has tres esse distinctas personas, & æquales per omnia, sed Deū omnino vnum, propter vnā eandemque omnino substantiam. Quicquid enim de hoc mysterio sentiendum est, Ecclesia breuiter posuit, Vt in personis proprietas, in essentia vnitas, in maiestate adoretur æqualitas, ad quæ ferè Augustinus *Aug. epist. 102.* cōfert omnia à se disputata per quindecim libros in ea epistola, quam scripsit Euodio, sed sicut religiosa diligentia ista plebi exponentium laudanda est, ita improbanda quorundam importuna morositas de distinctione personarum, de unitate essentiae à rudissimis hominibus rationem extorquentium, quæ neque comprehendere satis possunt, & cum utcumque comprehendunt, penitus explicare non possunt, nisi fortè verbis conceptis memoriæ mandarint, quod vt in puerili ætate non est inutile, ita non firmum est intimi sensus indicium. Opus ergo est, vt omnes doceantur credere in vnum Deum Patrem, & Filium, & Spiritum sanctum, quemadmodum religio Christiana veneratur, idque & rudibus satis est, & pro eorum tenuitate non impossibile.

De mysterio Ecclesie tenendo.

CAP. VII.

DE sancta verò Ecclesia articulus à vulgari-
bus catechistis fere omittitur, causam eam
opinor, quod in mysterijs Fidei explicandis
non

308 DE PROCVRANDA INDORVM
 non tam symboli Apostolici seriem sequantur,
 quam vſitatam iſtam diſtributionem articulo-
 rum Fidei in ſeptem ad diuinitatem pertinentes,
 & totidem ad humanitatem, quæ ſanè diſtribu-
 tio vt non eſt contemnenda, ita nullo modo, aut
 præferenda aut comparanda ſymbolo, quod ab
 Apoſtoliſ eſſe compoſitum Cypriani, Clemen-
 tiſ totiuſq; Eccleſiæ conſenſu accepimus (& qui-
 dem certis ab vnoquoque ſententijs collatiſ in
 medium, ſi Leoni, & Auguſtino clariffimiſ do-
 ctoribuſ credimus) & eſt omnino non minoris
 autoritatiſ apud fideleſ, quam Euangelium Ioan-
 niſ. At vulgariſ ille articulorum ordo, qui in pue-
 rorum tabella apud noſ circunfertur, in commé-
 tario quodam S. Thomæ Aquinatiſ inuenitur,
 (autorem antiquiorem certi nominis me legiſſe
 non memini.) At in hoc ipſo Eccleſiæ myſterio
 explicando valde deficit. Nihil illiſ de Eccleſia,
 nihil de communionem ſanctorum, nihil de remiſ-
 ſione peccatorum per ſacramenta, quæ tamen
 noſſe ſummopere refert. Nam quod Thomas in
 articulum ſaluatoris reiſcit Eccleſiam, commu-
 nionem ſanctorum, & peccatorum remiſſionem,
 non eſt quidem falſum, ſed ita obſcurum, vt illo
 verbo nihil tale populuſ ſuſpicari queat, niſi à Do-
 ctore commoneſiat. Hanc igitur ob cauſam opi-
 nor hunc articulum vulgo non ita notum. Eſt ve-
 rò per quam neceſſariuſ, ab Auguſtino, cum de
 catechizandiſ rudibuſ agit ac ſæpe alias, vſq; adeo
 commendatuſ, vt dicat ſæpiuſ & planiùſ in ſcri-
 pturiſ ſacriſ de ſancta Eccleſia, quam de ipſo
 Chri-

*Clement
 epiſt. 1.
 Cypria. in
 ſymb. expo.
 Leo epi. 13.
 Aug. ſerm.
 181. de
 Temp. &
 ſerm. 115.
 Tho. in Di-
 rect. Inqui.
 p. 1. in De-
 cre. de ſum-
 ma. Trin.
 Tho. 2. 2.
 q. 1. ar. 8.*

*Aug. ſæpe
 contra Do-
 natiffaſ.*

Christo prophetatum. Adde, quod ab hoc vno, si non dissentiat Christianus, quamuis in cæteris forte labatur, Christianus esse non desinet : huic vni si se subtrahat, Fidelis esse non potest. Est enim Ecclesia Domus Dei vini columna, & fir-
 1. Tim. 3.
 mamentum veritatis. Doceantur ergo Indi de Ec-
 clesia tria præcipuè. Primum, quid illa sit, congre-
 gatio certè hominum Christum, doctrinamque
 Christi profitentium, non Hispanorum, aut bar-
 barorum, aut nationis, & gentis cuiusdam nume-
 ro, & sorte definita, omnia terrarum spatia, om-
 nes temporum successiones complectens. Hoc
 nihil est aliud quam ipse populus Christianorū,
 singuli enim, vt præclare Augustinus dixit, filij
 sumus, & partes Ecclesiæ, omnes verò simul, ipsa-
 met mater Ecclesia. Huius verò caput esse Roma-
 næ vrbis Pontificem Petri successorem, Christi vi-
 carium, plenissima ipsius in terris autoritate pol-
 lentem, cui cæteri omnes Christiani etiam Re-
 ges, & Principes pareant. Hoc est Ecclesiam ca-
 tholicam credere, & vniuersalem. Secundum,
 hanc eandem Apostolicam, & sanctam esse. Ni-
 mirum huius Ecclesiæ doctrinam à Deo esse pro-
 fectam, neq; vnquam errasse, errareue posse: qui-
 cumque verò ab ea recesserint, sine vlla dubita-
 tione gravissimè errare, præterea in hac vna esse
 salutem, vt nemo, qui ab ea alienus sit, saluus esse
 possit, quocumq; ille religionis nomine glori-
 tur, itaq; soli populo Christianorum patere cœ-
 lorum aditum. In ea quoque licet plurimi repe-
 riantur, peruersis moribus, esse tamen alios puros
 &

Aug. quæst.
 Euang. lib.
 1. c. 18.

& sanctos, illosque ipsos prauos ipsius Ecclesie præceptis non obtemperare, ac proinde graues improbitatis suæ pœnas duros. Postremum sit, introitum in hanc Ecclesiam esse per Baptismi sacramentum, quo peccatorum omnium remissio donatur, ijs verd, qui in ea iam sunt abluti salutari lauacro, alia esse sacramenta diuinitus data velut pharmaca, & dona cœlestia tum ad remittenda peccata, si denuo committantur, tum ad vberiore gratiam promerendam, præsertim Pœnitentiæ, & Eucharistiæ, in qua sit Christus pro nobis oblatus, factus, & hostia pro nobis, Deo placando, & nostris animis reficiendis cibus suauissimus. Hoc enim magnum est pietatis sacramentum, id est, Ecclesia Christi, quod manifestatum est in carne, cum sit Ecclesia visibilis, iustificatum est in spiritu pro inter-
 norum donorum magnitudine, apparuit Angelis per Ecclesiam multiformis gratia Dei, prædicatum est gentibus eas esse concorporales, & comparticipes Christi, creditum est in mundo Euangelio ubique crescente, & fructificante, assumptum est in gloria, quando mortale hoc absorbeatur à vita. In tanto ergo diuinæ sapientiæ mysterio, id est, Ecclesie sanctæ articulo nouis Fidei tyronibus commendando, & exponendo nullo modo decet Parochorum diligentiam studiumque cessare.

Quid

1. Tim. 3.

Ephes. 3.
ibi.

Col. 1.

1. Cor. 15.

*Quid in extremo mortis discrimine Indi docendi sint,
ut baptizentur. CAP. VIII.*

Quod si cui repētinus morbus incidat, qui spe
vitæ exclusus Christianum se fieri velle sig
nificet, quod sæpe vidimus, is verò & rudis sit, &
tēporū impēdiatur angustijs, ne Christianæ do
ctrinæ rudimēta satis accipere possit, meritò que
ritur, quidnā satis esse existimādū sit, ut salutari la
uacro perfundi possit. August. quidē etiā in tanta *De Fid. &*
temporis coarctatione, de omnibus symboli arti
culis interrogari vult hominem, & sic baptizari, *oper. c. 9.*
quod sanē in eo catechumeno, qui aliquādiu res
nostras audiuit, nō est difficile, ut rogatus, & ore,
& corde respondeat. At si rudis sit omnīū, & ad
imbuendū mora sit brevis, quid sit agendū adhuc
queritur, ne aut homini salutis aditus præcluda
tur, aut baptismus detur indigno. De qua re in sy
nodo provinciali Limēsi decretū est, ut quā pos
sit brevissimē præcipua tantū doceatur. Quotē *Synod. Li.*
primū est, ut credat in unū Deū Patrē, & Filiū, & *men. c. 33.*
Spiritū sanctū: secūdū, hūc esse omnīū creatorē, &
eundē gloriā bonis æternā præstantē in cœlis, &
malis supplicia sempiterna: tertīū, à peccatis ne
minē liberari nisi per Iesum Christū Dei filiū ho
minē factū, passum, & mortuū propter nos, hunc
esse Dñm & redēptorē nostrū, & spē vnicā, qui re
gnat gloriosus in cœlis: quartū, Hui⁹ Iesu Christi
hominē fieri seruū per baptismū, in quo omnia
peccata remittuntur, & vita donatur æterna. Hęc
h̄ ut potest & credat, & cōfiteatur, rogādus est, an
verē

verè præteritæ vitæ criminum pœniteat, præcipuè idololatriæ, & an in posterum velit rectè vivere secundum Dei, & Christiani populi leges atque præcepta. Si se & præterita dolere responderit, & futura adimplere cupere ex animo, non est differendus, sed Christo ex aquâ & Spiritu sancto regenerandus. Illud autem sine ulla dubitatione confirmo, in talibus, si voluntas sit bona, & diuinitus præparata, qua verè velint esse Christiani, nunquam intellectui lumen deesse quo quantum oportet necessaria salutis sue percipiat, Deo plerumque illustrante mirificè tenebras mentis humanæ. Nobiscum in Prouincijs superiорibus versatemur, euenit, vt in Vrum incidere-mus extremè ægotantem, corporis tanta deformitate, vt vix hominis simulacrum retineret, mentis vero vtpote Vrus tanta hebetudine, vt truncus magis existimaretur. Hic petijt instanter, vt fieret Christianus, breuè de Fidei præcipuis mysterijs è doctus tanta alacritate cuncta percepit, vt esset admirationi. Itaque baptizatus à socio, cum magno animi gaudio Christum alloquebatur, Domine siquidem me Christianum esse voluisti, transfer in cælum, atque in his vocibus Deo gratiam efflauit animam, cumque esset abiectissimæ etiam inter suos conditionis, nescio quo impellente, præcipuo quodam honore tumulatus est, & nobis, & ipsis diuinæ bonitatis gratiam celebrantibus. Itaq; neq; Deus homini deest, neq; homo Deo, quamuis breui temporis intervallo, si quem Deus efficaciter ad salutem vocat.

De preceptis decalogi, & de idololatria barbarorum.

CAP. IX.

Altera doctrinæ Christianæ facultas in moribus formandis versatur, ut ambulemus iuxta Apostolum digne Deo, qui nos vocavit vocatione sua sancta, & de tenebris transtulit in admirabile lumen suum. Omnis autem vitæ Christianæ ratio ex charitate dependet, qua Deum amamus & proximum, illum colentes, hunc adiuuantes ut possumus. Huc ergo spectare debet omnis catechistæ nostri labor, ut Dei viuius verum cultū, hominis quoque in hominē officia opportunè persuaदेат. In primis nihil est æquè laborandum, nihil tanti faciendum, quam ut ex futuro, aut iam facto Christiano omnis idololatrię amor & sensus penitus euellatur. Nam & omnium ea pestis perniciosissima existit, cum sit, ut sapiens dixit, omnium malorum initium & finis, veræ religioni omnibus modis obstitens, & quod est in humana conditione miserabile, nullum virus ita intus visceribus hæret, cum est semel ebibitum, nullus turpiter amantis in scortum suum tam insanus amor, quam est idololatræ in idolum defixus animus. Quamobrem fornicationis meretricijque cuiusdam amoris nomine scriptura sacra idololatriam frequenter notat, cuius cæcum quemdam furorem, pertinacemque contentionem multarum rerum commemoratione demonstrat. Id quam verè sit in diuinis

Col. 1.

1. Pet. 2.

Sap. 14.

Hierem. 2.

Ezech. 16.

Os. 4.

Psal. 105.

514 DE PROGVRANDA INDORYM
literis commédatum, nostri barbari satis in se de-
clarant. Nescio equidé quibus verbis significem
non tam imbutos, quam in idololatriam penitus
transformatos istorum animos, vt neq; in otio,
neq; in negotio, neq; in publica re, neq; in priua-
ta quicquam peragant nisi idolorum suorū prius
superstitione adhibita. Non lærari in nuptijs, non
lugere funus, non epulum præbere aut accipere,
non deniq;, aut pedem efferre domo, aut operi
manum admouere sine sacrilegio gentili. Vtique
adeo Diabolus oppressos eorum sensus tenet ser-
uitute miserrima. Quanto verò artificio ista sua
omnia celent, atq; dissimulent, cum publicè age-
re haud liberum sibi esse perspiciunt, quantatur-
sus impudentia, cum licere sibi purant, insaniant,
mirari potius possum, quam satis dicere. Scrip-
sit sanè Ioannes Damascenus idololatriæ tria
esse genera. Primum Chaldæis attribuit, qui cœ-
lestes globos, & signa, atque elementa colerent:
quos diuina scriptura cum reprehensione com-
memorat. Neque operibus attendentes, inquit,
agnouerunt, quis esset artifex, sed aut ignem, aut
spiritum, aut citatum aërem, aut gyrum stellarum
aut nimiam aquam, aut Solem, & Lunam recto-
res orbis terrarum Deos putauerunt. Ho-
rum errorem præclatè confutat adiungēs, Quo-
rum si specie delectati Deos putauerunt, sciant
quanto his Dominator eorum speciosior est,
speciei enim generator hæc omnia constituit.
Aut si virtutem, & opera eorum mirati sunt,
intelligant ab illis, quoniam qui hæc fecit for-
tior

*Damasc. in
his. Barlaā
& Isa-
phat.
Sap. 13.*

rior est illis , à magnitudine enim speciei , & creaturæ cognoscibiliter poterit creator horum videri. Secundum genus idololatriæ refert ad Græcos , quo homines mortui coluntur pro dijs , in quo genere Iuppiter est , & Iuno , & Saturnus , & Ceres , & cætera poetarum scena . Huius verò exordia , & infelices progressus graphice scriptura describit . Acerbo luctu , inquit , dolens pater citò sibi rapti filij fecit imaginem . (Belum tamen patrem à Nino filio inter Deos relatum , à quo simulacra primum orta sint , graues auctores volunt , ex eoque omne penè idolum apud Hebræos Bel dici solitum .) Itaque adiungit , Et illum , qui tunc quasi homo mortuus fuerat , nunc tanquam Deum colere cœpit , & constituit inter seruos suos sacra , & sacrificia . Deinde interueniente tempore conualescente iniqua consuetudine hic error tanquam lex custoditus est , & tyrannorum imperio colebantur fragmenta . Et post pauca , multitudo autem hominum abducta per speciem operis , eum , qui ante tempus tanquam homo honoratus fuerat , nunc Deum æstimauerūt . Et hæc fuit vitæ humanæ deceptio , quoniam , aut affectui aut Regibus deferuientes homines incommunicabile nomen lapidibus , & lignis imposuerūt . Tertium genus addit Damascenus Egyptiæ idololatriæ , qua non solum sidera , aut homines habentur pro Dijs , sed animantia quoque sordida , & vilia & saxa ipsa , & ligna sensus expertia diuino honore afficiuntur .

Sap. 14.

Hiero. in. c.
2. Osea.Aug. li. 22.
contra Faustum c. 17.
Nazianz. orat. 2. de Theologia.

Nam & bouem, & caprum, & canem ipsum, atq;
mustellam, & truncos, & lapides inter Deos re-
tulerūt, Otyrim, & Typhonem, & Orum, & mil-
le alia commenta fabulantes. Hoc totum idolo-

Sap. 13.

latriæ genus grauissimè insectatur Sapiens, Nam
vbī mentionem illorum fecit, qui solem, & ūde-
ra coluerunt, sed adhuc, inquit, in his minor est
querela. Infelices verò sunt, & inter mortuos ipse
illorum est, qui appellauerunt Deos operama-
num hominum aurum, & argentum, artis in-
uentionem, & similitudinem animalium, aut la-
pidem inutilem opus manus antiquæ. Hos ve-
rò ita refellit, Non erubescit loqui cum illo, qui

Ibidem.

sine anima est, & pro sanitate infirmum deprecatur,
& pro vita rogat mortuum, in adiutorium
inutilem innocat, & pro itinere petit ab eo, qui
ambulare non potest, & de acquirendo, & de
operando, & de omniterum euentus petit ab eo,
qui in omnibus inutilis est. Equidem cum hæc
ipsa lego, & vniuersum pene terrarum orbē an-
te oculos pono tam copiose insanientem, non

Rom. 1.

satis constituo, vtrum dolere magis an indignari
oporteat quod qui putantur sapientes stulti fa-
cti sunt, mutantes gloriam incorruptibilis Dei in
imaginem corruptibilis hominis, aut quadrupe-
dis, aut serpentis, aut cæterorum, quæ Aposto-
lus dicit. Neque vulgarem fuisse hunc errorem,
sed excellentissimos quosque non Poëtarum mo-
do & Rhetorum, sed Philosophorum eiusmodi

*Plato in Ti-
mæo.*

nugas, & facti, & oratione esse admiratos. Annō
diuinus Plato de Dijs maioribus, & minoribus
multa

multa differit, vel delirat potius? Quid ter maximus ille Mercurius, qui tanta de Trinitatis, tanta de incarnati verbi mysterio scribit, idem tamen simulacrorum potentiam, & maiestatem prædicat, & quod ridiculè dictum videri poterat, nisi tam serio commendaret, miratur artem Deos faciendi mirabiliter hominibus esse collatā? Planè ut noster dixit Apostolus, obscuratū est insipiens coreorum, & dicentes se esse sapientes stulti facti sunt. Redeo ad causam Indorum, si tot superstitionum genera à Græcis, & sapientibus inuenta retentaq; sunt longo tempore, immeritò sanè & indoctè prorsus quidam barbarorū nostrorū ritus indignantur, quos oporteret potius miserari, pro eo quod vani sunt sensus hominis, quibus nō subest scientia Dei. Illud magis cogitandū est hereditarium esse impietatis morbū, qui ab ipsis matrum visceribus ingenuus, ipso vberum lacte nutritus, paterno & domestico exemplo confirmatus, tum diuturna cōsuetudine & legū publica auctoritate munitus, nullo modo nisi copioso Christianæ gratiæ munere & magna doctōris Euāgelici, atq; indefessa cura sanari queat. Quid igitur accusamus barbarorum in idololatria deferenda tarditatem, & cunctationem, cum debeamus potius nostræ delicti irasci, qui pauca quædam, & friuola, contra Guacarum, & Homorum superstitionem susurrantes, victoriam statim canimus, re prorsus infecta. Hic hinc ergo oportet catechistā prudentem pedem figere, & ad idololatriæ intimas fibras euellendas ex Indorum animis omnem

*Trimegisti⁹
in Asclepio.
De quo August. lib. 8.
de Ciuit.*

6. 25.

Rom. 1.

Sap. 13.

518 DE PROCVRANDA INDORVM
 cogitationem, industriam, operamq; conferte.
 Nam omnia à nobis eius genera commemorata
 apud barbaros vigent maxime. Solem quidē no-
 stri Peruenſes in honore primo habent, ſecundū
 eum Tonitru, illum Punctum, hunc Illapā vo-
 citantes. Quillam quoq; ideſt, lunam, Cuillor, id
 eſt, ſidera, terram quoq; Pachamamam, & mare
 Mamacocham Chaldaeorum more venerantur.
 Porro Reges ſuos homines præcipui nominis di-
 uinitate donatos colunt, quorum etiam corpora
 admiranda arte integra, ac viuida adhuc uſq; cō-
 ſeruant, ita primum Mangocapam, & Viracochā,
 & Inga yupangum, & Guaynacapam, & cæte-
 ros ſuos progenitores religioſiſſimè ſtatis feſtis,
 & ſacrificijs proſequiebantur, cum eis iſta licerēt,
 vt cum omni Gracia ingenio certare poſſent in
 conſeruanda maiorū ſuorum memoria. Iam vero
 quod ad Ægyptiorū ſuperſtitionem attinet, tam
 latè patet apud noſtros barbaros, vt proſus enu-
 merari nequeant ſacrilegiorum genera, atq; Gua-
 carū, ſiue montes, ſiue clini, ſiue ſaxa prominētia,
 ſiue aquæ commodè ſcaturientes, ſiue fluuij cele-
 riter fluentes, ſiue edita culmina rupiū, ſiue are-
 næ immenſa cōgeries, ſiue foraminis obſcura vo-
 rago, ſiue arboris proceritas, & annofitas, ſiue me-
 talli index vena, ſiue lapilli cuiuſuis minus viſita-
 ta, aut paulo elegantior ſpecies, quicquid deniq;
 vt ſemel omnia dicamus, cæteris ſui generis inſig-
 niter præſtare deprehendūt, illic protinus numen
 agnoſcunt, & ſine vlla cunctatione barbari ado-
 rant. Hac idololatriæ infeſtiſſima lue pleni ſunt
 montes

montes, plenæ valles, oppida, domus, itinera, nullaque est Peruësis agri portio, quæ sit ab eo sacrilegio libera. Quot autè victimarū, quot libaminum, quanto cæremoniarum ordine istorum omnium cultum persequeretur Ingarum proceres, infinitū est dicere, legat qui volet accuratā ea de re historiam à Polo viro prudenti & graui conscriptam. Inueniet intra vnius Cuzquensis vrbis terminos plus trecentis & sexaginta Guacas numeratas, quibus omnibus diuinus honor haberetur, quibusdam quidem fruges, quibusdam etiā pretiosa vellera & argentū aurumq; offerebatur, nonnullis non sine multo innocentium infantium cruore litabatur. Ac re ipsa, certoq; vsu obseruatum est eas Indorum nationes plures ac grauiores superstitionis diabolicæ species tenuisse, in quibus Regum ac Reip. maxime potentia & peritia excelluit. Contra qui tenuiorem fortunam, minusq; Reip. accomodatam sortiti sunt, in his multo idololatria parcior est, vsq; adeo vt nōnullas Indorum gentes omni idolorum religione vacare quidam pro certo confirment, easq; à se se esse inuentas atq; exploratas, testentur.

Contra idololatriam remedia.

C A P. X.

Huius verò curandi morbi illa plerisque nostrorum expedita ratio visa est, vt simulacra, & Guacæ, cæteraque superstitionis Indicæ monumēta inuenta quidem extorquerētur

inuitis, atq; ferro & igne abolerentur, vt inuenirentur verò, si fateri verbis Indi recusarent, verberibus certè, vt proderent, esse agendum. Neq; hoc militaris modò turbæ institutum, sed doctissimi, atq; optimi cuiusq; sacerdotis religiosum consilium fuit. Quod planè, si in nostros, id est, iam baptismo donatos tantum designatum esset, poterat certè ferri, tametsi ita ea in re peccetur quotidie, vt qui religionem Christianam cõmendatam & confirmatam volunt, nihil aliud maximè agât, quam vt eam odiosam reddant, propterea quòd quæ de manibus Indorum idola eripiuntur inuitis, ea in animis illorum amplius insiguntur, verù id in Christianis nō est alienum à ratione vt fiat. In ijs verò qui Fidem Iesu Christi, neq; professi sunt, neq; satis perceperūt, neq; verò edocti sunt, conari per vim ante idololatriam auferre, quàm sponte Euangelium suscipiant, mihi certè cū grauisimis ac prudētissimis viris nihil aliud videtur, quam aditum Fidei Christianæ præcludere, quæ maximè aperire contendunt. Sæpe enim est dictū & est etiā sæpe dicendum Fidem esse volentium, neq; quemquam Christianum fieri debere per vim. Quamobrem præclare Augustinus eiusmodi factum reprehendit, & grauisimè docet prius esse idola de cordibus paganorum auferenda, quam de altaribus, quod etiam in hoc Peruen- si Regno vir quidam grauis, & prudens multum, ac sæpe accusabat, cum facillimè fieri posse affirmaret, vt idololatria omnis funditus euerteretur, si sapienter, & placidè Indorum

Proce-

*Aug. serm.
6. de verbis
Domini, to
mo. 10.*

Proceres deorum suorum vanitatem edoceren-
tur, atque eos vt contemnerent, atque abolendos
cutarent cum ratione & autoritate, tum mode-
stia & beneuolentia, atque omni officio adduce-
rentur. Hosce nullo negotio reliquo vulgo quic-
quid sentiant persuadere, quicquid velint, effice-
re. Nam quod mirari quispiam iure possit, tanta
regum in subditos populos autoritas extitit, vt
eostantum Deos vrbes, prouinciæq; susciperent,
quos rex Inga tribuisset, neque liceret cuiquam
aliud numen colere, quam quod ille statuisset.
Itaque deos ipsi, & Guaca toto hoc orbe distri-
buerunt, & in hac quidem prouincia Illapæ nu-
mini, in illa Punchedó, in alia Guanacauro alijs
atque alijs modis litari imperatum, vsque adeo
imperita plebs de maiorum suorum autoritate
pendebat. Adhibebat Polus huius suæ sententiæ
illustre sanè documentum, quòd postquam ipse
primoribus Ingarum Cuzqui de idolis tollendis
legem persuasisset, horum ipsorum opera breui
plusquam trecenta idola ex vicinis oppidis ne-
mine cogente ad se se essent delata. Quo institu-
to, si cetera processissent, hodie in hoc regno vix
idololatriæ vestigiũ superesset, quam constat pas-
sim perinde atq; ante annos centum vigere. Hoc
igitur idololatriæ tollendæ primum præceptum
fuit, vt prius de animis auferatur præcipuè regum,
Præfectorum, Curacarum, quorum autoritati
ceteri facillimè, & libētissimè cedunt. Vt autem
id noster Catechista perficiat, & simulacrorum
non solum contemnendam vanitatem, sed etiam

522 DE FRÖCVRANDA INDORVM
execrandam pestem persuadeat, nō erit illiopus
apud hosce barbaros exquisitis admodum philo-
sophicisque rationibus, neque Clementis Ale-
xandrini stromata, neque Theodoriti Cyrensis
morborum Græcanicorum curationes plurimi
faciet. Sed breues, faciles, & ante oculos omnium
positas obiectiones proferet, easque repetendo,
exaggerando, auditorum ipsorum experientiam
interrogando, in animis Indorum insculpet. Ar-
gumenta huic rei idonea nusquam melius & ple-
nius quam in diuinis literis, in sapientia præser-
tim Salomonis toto capite decimo tertio, & de-
cimo quarto, & in Isaia propheta capit. 44. &
46. & in Hieremia capit. decimo. Pulcherrime
autem, & ad vulgarem sensum accommodatissi-
mæ in propheta Baruch idolorum vanitas con-
futatur. Notum, inquit, sit vobis quia non
sunt dij, ne ergo veneremini eos, sicut enim vas
hominis contractum inutile efficitur, tales sunt
dij eorum. Constitutis illis in domo, oculi eorum
pleni sunt puluere à pedibus introeuntium. Lu-
cernas autem accendunt illis, ex quibus nullam
videre possunt, sunt autem sicut trabes in domo,
nigræ sunt facies eorum à fumo, qui in domo
sunt. Supra corpus eorum, & super caput eorum
volant noctuæ, & hirundines, & aues etiam simi-
liter & cattæ. Vnde sciatis quia non sunt dij. Si
cecidissent in terrâ à semetipsis non consurgunt,
sicut mortuis munera illorum apponuntur illis.
Hostias eorum vendunt sacerdotes & abutuntur.
Vnde ergo vocantur dij. In domibus eorum sa-
cerdo-

*Baruch.
cap. 6.*

cerdotes sedent. Neq; si quid mali patiantur ab aliquo, neque si quid boni poterunt retribuere. Neq; regē constituere possunt, neq; auferre, simili-ter neq; dare diuitias possunt, neq; retribuere. Si quis illis votum vouerit, & nō reddiderit, neq; hoc requirunt. Hominem à mortē nō liberant, neq; infirmum à potentiori eripiunt. Lapidibus de mōte similes sunt. Quomodo ergo æstimandū este eos esse deos. A fabris & aurificibus facta sunt, nihil aliud erunt nisi id, quod volūt esse sacerdo-tes. Nunquid ergo possunt ea, quæ ab ipsis fabri cata sunt, esse dij? Quomodo ergo sentiri debeat quod sunt dij, qui nec de bello se eripiunt, nequē de malis se liberant? Si inciderit ignis in domum deorum, sacerdotes quidem ipsorum fugient, & liberabuntur, ipsi verò sicut trabes in medio cō-urentur. Quomodo ergo æstimandum, aut re-icipiendum quod sunt dij? Non à furibus se li-berabūt, quibus iniqui fortiores sunt, & reliqua. Tria ergo hinc argumenta ad idololatriam con-futandam capere potest minister Christi. Pri-mum ex natura & substantia Deorū. Siquidem ligna, aut lapides, aut metalla sunt, quibus artis humanæ accessit industria sacerdotum auara præ-dicatione munita, aut regum violento imperio. Deos autem facere homines nē queant, cum sint ipsis meliores rebus à se fabricatis. Si idololatria circa cœlestia, aut naturalia corpora versetur, sub-stantia illorum facta, & motibus varijs subiecta ostendi facile potest, quod à Dei natura alienum est. Quod si reges p̄seos adorant homines
barba-

barbari, eorum corpora nihil sentire, & tunc iam consumpta doceri possunt, neque à cæteris quicquam differre. Alterum argumentum est ex impotentia & ignorantia. Simulacra quippe se ipsa defendere nequeunt ab ignis, aut latronis, aut ruinæ iniuria, neq; verò aut vident, aut sentiunt aut mouere se omnino possunt. Naturalia autem corpora nullo suo arbitratu mouentur, sed leges sibi ab autore præfixas semper tenent. Tertium est ab humanarum rerum prouidentia, quod præcipuum est. Vbi ipsa barbarorum experientia compungenda, & in medium producenda est. Vtrumne in morbo, aut bello, aut fame deorum suorum vtilitatem aliquam senserint? Vtrum religiose illos colentes, an pro nihilo facientes melius habuerint? Quot & quanta mala perpessi neque tamen à dijs adiuti, releuatiq; sint. Ad hæc autem omnia plenius confirmanda, quoniam sæpe aliqua signa sensus aut vocis in simulacris apparent, interdum etiam minæ, & præcepta exaudita, docendi sunt barbari, cum res ita tulerit, diaboli ea omnia esse commeta, tum verò quis diabolus sit, qui illius satellites demones, quid agant, quæ illorum in homines inimitiæ, & fraudes, & nequitia, vt timorem in horum potius ocium conuertant. Hoc enim commune apud omnes pene barbaros est, vt Deum quidem omnium rerum supremum, ac summe bonum fateantur, spiritum verò quorundam peruersorum non obscura opinio sit, qui à nostris barbaris Zupay vocari solent. Igitur & quis ille
summus

summus idemque sempiternus rerum omnium
opifex, quem ipsi etiam ignorantes colunt; &
quem nos annuntiamus, per omnia doceri de-
bent, mox quantum ab illo illiusque fidelibus mini-
stris Angelis absint ges pessima cacodæmonum,
hominum generi infestissima, accuratè & dilu-
cide oportet exponere, ut idola omnia sua Indi
vel contemnant, ut vana & inutilia, vel etiam
execrètur, & oderint, quæ dæmonum astu etiam
perniciosa didicerint. Neque satis esse debet stu-
dioſo catechistæ, ut communiter idolorum va-
nitatè refellat, addat etiam oportet peculiarem
deorum Guacarum, & superstitionum suæ plebi
familiarium confutationem, in quibus investi-
gandis & perdiscendis vtilissimum quin potius
summo opere necessarium studium existit. Quare
plerique grauitèr peccant incuria & socordia, cū
morbos, quos non didicerint, rectè curare non
possint. Neque verò idolorum tantum formas
varias, sed infinitas etiam superstitionum species
inde manantes persequi debeat. Exempli causa,
cum Indus solem Orientem aspicit, & salutat, cū
tranandum fluiuium verbis conceptis conciliat,
cum garritus aut gemitus animum nocturnarum,
aut cæterorum animantium obseruat, cum sor-
tes de rebus agendis init, cum sementis aut fru-
gam liba quædam offert telluri, cum suscepto
liberos fideri consecrat, cum nuptias certis can-
tibus dedicat, cum comotationibus cantillan-
do identidem studet, cum mortuos lugubri car-
mine effert, & sepulcrum comiteatu instruit, cū
agro.

526 DE PROVVRANDA INDORVM
 ægrotus vates suos accerſit & conſulit, cum de-
 nique cætera facit ſuperſtitionis antiquæ, cuius
 tam eſt omnis iſtorum vita plena, vt nulla ab ea
 peſte actio libera ſit. Sed vt nuſquã grauius Indi
 laborant, ita neq; facilius curari poſſunt, ſi non
 deſit induſtria, & ſtudio ſalutis iſporum. Einſ-
 modi enim omnes nugæ ſimulatq; detectæ ſunt
 per ſe ſe facili negotio euaneſcunt, ac veluti de-
 prehenſæ erubeſcunt, ſi modo barbarorum præ-
 feſtorum, maiorumq; ſuorum autoritas com-
 peſcatur. In confeſſionibus verdè audiēdis omni
 cura incumbendum eſt, vt hæc omnia minutè ac
 ſigillatim, vbi opus eſt, ſacerdos interroget pœni-
 tentem, & confeſſum doceat atque deterreat.
 Ferè quia negliguntur, occidunt: eadem adhibi-
 tæ curationi non difficilè cedunt.

De euertendis idolorum ſignis & templis.

C A P. XI.

Q Vamvis autem prima eſſe cura debeat ſa-
 cerdotis, vt idola de auditorum cordibus
 auferantur, idq; docendo & exhortando maxi-
 mè fiat, tamè vt de oculis quoq; atque uſu remo-
 ueantur, nullo modo negligendum eſt. Quia re
 diuinæ hiftoriæ illuſtria & documenta, & facta
 proponunt. Aras, inquit, eorum deſtruite lucol-
 que ſuccidite. In quo genere mirificè Aſa & Io-
 ſiam celebrat ſacra hiftoria, quin etiam ab Eze-
 chia rege Moyſis ſerpentem illum æneum cõfra-
 ctum cum non parua laude commemorat. Illud
 ergo

Deuter. 7.

& 12.

3. Reg. 15.

4. Reg. 23.

2. Par. 14.

& 34.

4. Reg. 18.

ergo, & sacerdotes, & principes studiose curare debent, vt idololatriæ omnis etiam suspicio aboleatur. Quod duobus modis rectè & ordine fit, & secundum Christianæ legis disciplinam. Primum in ipsam Christianis, qui baptismo perfusi sunt in quibus gentilitiæ superstitionis monumētum aliquod ferri minimè debet, sed idololatriæ species omnistum acriter insectādā si deprehēdatur admissa, tum præcauenda diligenter omnibus illius signis sublati. Hoc Augustinus, & à se factū commemorat, & fieri debere demonstrat. Hoc cuiusdā Concilij Canon differtè præcipit illis verbis, summo decertare debent studio Episcopi & eorum ministri, vt arbores dæmonibus consecratæ, quas vulgus colit, & in tanta veneratione habet, vt nec ramū, nec fusticulum inde audeat amputare, radicitus excindantur atque comburantur. Lapidēs quoque, quos in ruinosi locis atque syluestribus dæmonum ludificationibus decepti venerantur, vbi & vota vouent, & deferūt, funditus effodiantur, atque in tali loco proiciantur, vbi nunquam à cultoribus suis venerati possint. Et omnibus adnuntietur, quantum scelus sit idololatria, & qui hæc veneratur, & colit, quasi Deum suum negat, & Christianitati abrenuntiat, & talem pœnitentiam debet suscipere, quasi idola adorasset, omnibusque interdicitur, vt nullus votum faciat, aut candelam, vel aliquod munus pro salute sua rogaturus alibi deferat, nisi ad Ecclesiam Domino Deo suo, & cætera. Quem canonem libenter recitavi, quòd videam

*Serm. 6. de
verb. Domi
ni Aug.
Cōcil. Nan
netense ca.
20.*

528 DE PROCURANDA INDORVM
videam in eius generis ritibus, & multum Indos
iam baptizatos labi, & parum à sacerdotibus ani-
maduerti. Non solùm ergo simulacra ipsa, & insi-
gnes idololatriæ notę verum etiā vestigia quęuis
superstitionis veteris eradenda sunt. Atque eam
ad rem imperio, & autoritate, si opus sit, vtēdum
erit. Et hæc ad Christianos Ecclesię filios. Ad in-
fideles verò quid? Profectus distinguenda causæ est.
Si enim ita suos ritus, & cętemonias agunt, vt fi-
delibus scandalo non sint, sed vnusquisque lege
sua viuere facile sinatur, permittendi sunt cęci-
tati suę vsq; dum ab altissimo illuminentur. Hæc
enim pertinet illud, Eos qui foris sunt, Deus iu-
dicabit. Quod si Ecclesię principibus subint, &
Christianis hominibus scandalo sunt, profectò
tolerandi non sunt. Quo in genere B. Augusti-
nus laudat Constantini magni leges, quibus Pa-
ganorum templa clausit, & idola detraxit, item-
que Ambrosius aduersus Symmachũ vrbis præ-
fectum, Fortunæ aram à Curia Romana eiectam
magnis viribus eloquentiæ defendit. Concilium
quoque Eliberinum, vt domini seruorum idola
comminuant, edicit. Atque hoc modo in subdi-
tis infidelibus, cum præsertim nouis fidelibus no-
cent paganici ritus, atque idololatria per pote-
statem auferri & potest, & debet, nisi maiora in-
de incommoda, & tumultus consequi sapiens ad-
ministrato iudicabit. Sed illud summopere cu-
randum est, vt pro noxijs ritibus salutare intro-
ducantur, & cętemonijs cętemonię obliteren-
tur. Itaque & aquę benedictę vsum, & imaginũ,
& rosa-

1. Cor. 5.

Aug. epist.
48. ad Vin-
cent.

Amb. li. 5.
epist. 31. ad
Valentinianũ
August.
Conc. Elib.
cap. 41.

& rosa-

& rosariorum, & granorum, & cereorum, & palmarum, & cæterorū, quæ Ecclesia sancta probat ac frequentat, neophytis perquam opportunum esse sibi persuadeant sacerdotes, atque ea omnia in cōcionibus popularibus multis laudibus prosequantur, ut pro veteri superstitione novis religiosisque signis imbutos assuefaciant. Ita fiet, ut melioribus atque elegantioribus occupati ob soletam sectæ suæ superstitionem de manibus ac de mente deponant.

De recta dilectione sui.

C A P. XII.

POST Dei veri cultum traditum, superest, ut proximi dilectio explicetur. Est verò vnicuique proximus diligendus, sicut ipse sibi. Se autē ipsum nemo, ut oportet, diligit, qui animi corporisque salutem atq; constantiam abijcit. Id ergo magnopere Indi præsertim barbari docēdi sunt, ut primum vitam valētudinēq; suam tueantur, neque vel desperationē, vel obstinationē prodigant, quod sæpe faciunt. Et si enim naturale est, non homini solum, sed cuius animanti vitā amare, sui perniciem, quoad potest, auertere, tamen irrationali quodam impetu & lege apud plerisque barbaros necis sibi afferendæ cōsiliū iamdiu obtinuit, ut vel impendentia mala deuitarēt, vel fortiter rem gessisse viderentur, vel dijs suis aut regibus alioqui gratificarentur. Quatiquam in hoc Perueni regno præ alijs minus id vīta-

L l

tum

530 DE PROCVRANDA INDORVM
tum fuit, quod legibus, & moribus esset excul-
tus. Neque miranda est ea barbaries in cæteris
cūm Græcæ, Romanæque historię Themistocles
illos, & Mitridates, tum Mutios, & Catones, &
Brutos, aliosque innumeros, vt vitos fortes non
parum ambitiose celebrent, atque ipsi etiam, qui
Christiani haberi volebant, Circumcelliones in
Africa creberrime ita interierint. Etenim vel
laudis amor quidam insanus, vel cæcum vitandi
mali consilium complures ingenio etiam atque
doctrina præstātes viros vsque ad sãuam sui ne-
cem sæpe compulit. Quod cum exemplis maio-
rum apud barbaros pro magno ducitur, naturali
sensu propemodum extincto etiam iucundum
mærtis genus habetur. Pertinet etiam ad rectam
sui dilectionem, vt mentis vsus per temulentiam
ne intercipiatur, atque ex homine pecus fiat, vel
potius maximè noxia, & ferox bellua. Sed de
ebrietate vitanda, quod est præ cæteris vitij ma-
xime familiare barbaris, satis in tertio libro dictũ
est. Huc etiam pertinet, humanarum carnum
esus, in quo non tam defuncto homini, qui nihil
aut sensus aut doloris capit, quam ipsi humanæ
naturæ iniuria sit. Id enim naturah legi ita re-
pugnat, vt nulla, quantum ego sentio, famis
aropixue causa licere possit. Assentior enim do-
ctissimo Theologo ita sentienti, quanquam ali-
aliter sapiant. Genus autem hoc vitij apud In-
dos Carybes dictos, quales sunt Brasilienses, &
Chunchi, & Chiriguanenses, & alij plerique
in vsu & pretio habitum sacrosanctæ literæ
gravi-

*Victoria re-
lect, de tem-
perantia. n
5. & 6. sed
Caiet. &
Abulen. ali-
ter sentiūt*

graviter auersantur, quæ veteres illos idolorum adoratores inter cætera multum accusant, tanquam humanorum viscerum comestores. *Sap. 12.* Philosophia quoque ferinum id esse docet apud Aristotelem, qui eiusmodi facinus inter extrema opprobria actionum humanarum numerandum putat. Quare ut seminis humani fundendi honesta causa esse non potest leuatio corporis, nisi alioqui matrimonio legitimo, etiam si ex eiusmodi humore coacto interitus consequatur, ita profectò neque ex humano cadauere epulas quantacunque famis depellendæ necessitas iustas esse permittet. Ad communis quoque naturæ dilectionem spectat, ut defunctorum corpora non violentur, atque adeo ne sepulchra quidem effodiantur, in quod auaritiæ, & inhumanitatis genus leges imperatoris, & Pontificis acerbè animaduertunt, & *Conc. Tol. 4. c. 45.* in hoc regno Concilio Limensi seuerè admodum nostrorum hominum licentia coercetur. *Con. Mel. den. c. 72.* Verum in quo rectam sui dilectionem barbari offendunt maximè, minimeque id putant, illud est, quod ab Apostolo Paulo vno verbo luculenter est dictum, quòd contumelijs afficiunt corpora sua. Ita enim omnes impuditiæ & libidinis præposteræ sordes exposuit. Atq; est illud quoque ab eodem verissimè ostensum idolatriæ scelus omnia flagitia statim consequi, tanquam riuulos primum fontem, quod est à Sapiente sapienter etiam animaduersum. *Sap. 14.* In hoc genere sunt concubitus cum maribus, cū bestijs,

331 DE PROCVRANDA INDORVM
 cum ipsis lignis, incestuosi amplexus cum sorori-
 bus, cum matribus, cum filiis apud quosdam bar-
 baros non concessi solum, sed interdum lege san-
 citi. Nostros Ingas nō nisi sororem legitimo sibi
 coniugio copulare solitos constat, ex quibus duo
 ad fidem conuersi & baptizati in antiquo matri-
 monio permanere à præsule quodam petmisi se-
 runtur, factumque Paulum quartum Pont. max.
 grauisimè tulisse, verbisq; seuerissimis obiurgas-
 se fama est. Verè à Sapiente scriptum est, Initium
 fornicationis est exquisitio idolorum, & adinuen-
 tio illorum corruptio vitæ est. Et post nonnulla,
 Neque vitam, neque nuptias mundas iam custo-
 diunt, sed alius alium per inuidiam occidit, aut
 adulterans contristat: & omnia commixta sunt,
 sanguis, homicidium, furtum & fictio, corruptio
 & infidelitas, & cætera, inter quæ natiuitatis im-
 mutatio, nuptiarum inconstantia, inordinatio
 mœchiæ, & impudicitia. Infandorum enim ido-
 lorum cultura omnis mali causæ est, & initium,
 & finis. Hæc Sapiens, Quæ omnia carnis flagitia
 à catechista assidue & grauius insectanda sunt,
 & seuerius cum violatoribus legis naturalis agen-
 dum. Interea verò fornicationem, quam ferè
 gentes licere putant, multis modis legi Dei &
 naturæ ipsi contrariam docere debent, atque vt
 persuadeant, non solum sacræ auctoritates pro-
 ferendæ, verum etiã humana argumenta, quæ
 poterunt: illudque præcipue ab opinione isto-
 rum remouendum, vt fornicatō non ante matri-
 monio sibi iungendas arbitrentur, quam in so-
 lutis

Sæp. 1. 4.

lutiſ periculum ſe cerint, qua ex cauſa concubinas prius penes ſe retinent, quam eaſdem ducant vxores. Quin etiam adeo virginitas vilis eſt feminis, vt opprobrio propemodum detur, ſi qua ad nuptias nondum corrupta perueniat, tanquam ſui amatorem antea inuenire nequiderit. Hæc atque id genus alia barbaricæ ſtultitiæ monſtra diligenter ab hominum ſenſu, & vitæ uſu quoad liceat releganda ſunt, & docendi omnino barbari, vt ſe ipſos, ſenſum, corpusque ſuum diligere & conſeruare congruenter naturæ diſcant.

De dilectione proximi.

CAP. XIII.

Proximum eſt, vt qui ſe rectè diligit, fratrem quoque, vt ſe ipſum diligit. Quod ſanè ſit duobus modis. Vno, vt ne cui omnino noceat, ſiue vitæ corpusque lædendo, ſiue vxorem violando, ſiue fortunas contrectando, ſiue exiſtimationem opinionemque imminuendo, quibus proximus aut re aut verbo lædatur. Et vt ſit perfectæ iuſtitia, à quibus perpetrandis abſtinet, ab iſſdem etiã per libidinem affectã diſſe ſe cohibeat. Horum quippe omnium lex naturaliter hominum inſeſta atque impreſſa animis eſt. Vt quod tibi ab alio fieri nolis, id in alterum ipſe ne facias. Altero quoque modo diligimus proximum, cū non modo non lædimus, verum etiã opportunè adiuuamus atque adſumus. Atque hinc planè omnia Chriſtianæ charitatis

*Mat. 7.
Tob. 4.*

534 DE PROCURANDA INDORVM
officia versantur; & quedam quidē salua charita-
te prætermittinō possunt, vt si debitus honor pa-
rentibus, si extremē aut grauiter indigenti res fa-
miliaris, si periclitanti necessaria vitæ subsidia
subtrahantur. Quædā verō etsi non omnia ocha-
ritatem vitiant, grauiter tamē debilitant, vt si
non doceas, quos commodē potes, si hospitis nō
excipias, si non pascas, cum ipse abundes, & reli-
qua id genus. Quæ cum dicta vniuersæ sint, &
omnium mortalium gentibus cōmunia habeantur,
tamē illud est proprium Indorum moribus,
quantum ego notare potui, accommodādum, vt
mutuis inter se officijs honeste certent, idque &
humanitatis & Christianæ disciplinæ maximum
ac propemodū singulare decus sibi persuadeant.
Etenim cum plerisque in rebus Europæos ho-
mines naturales Indorum mores longe ante-
cellant, quod is facile concedet, qui horum mo-
destiam, lenitatem, avaritiæ fastusque contem-
ptum, laborum tolerantiam contemplatur, ta-
men hac vna valde horū ingenio offendor, quod
parum omnino benignitatem atque humanita-
tem inter se se obseruent. Nam in nostros homi-
nes siue seruitute quadam oppressi, siue admi-
ratione commoti, siue ne in se læuientes experiā-
tur, timore correpti, liberales certē sunt, & pro
sua tenuitate copiosi. At inter ipsos vix est, qui
stipem vilem, aut pugillum frumenti vltro alteri
præbeat. In ægrotos parum misericordes, in
senes & egentes illiberales, in labore, & ærum-
na oppressos inhumani. Vix filij parentibus de-
ferunt

ferunt honorem. Senectus ipsa vt alijs est venerabilis pro rerum vfu, & cōfiliij autoritate, ita his barbaris vulgo fastidio, & opprobrio habetur. Itaque plerique senes atque annus, quoniam sustentandæ vitæ rationem inueniunt nullam, viribus destituti, & ab alijs contempti, eam potissimum ineunt, vt sortibus, augurijs, diuinationibus, veneficijs stipem colligant, & famam apud ceteros opinionem tueantur. Obseruatum est à viris valde prudentibus nullos esse in natione Indorum istarum superstitionum artifices, & architectos, nisi homines abiectos, inopes, decrepitos, qui omnibus alijs rebus exclusi ad eas se artes vulgò conuertunt. Obseruatum etiam parentes filijs in nullo esse pretio si indigeant, ægrotis nihil ferè opis adferri: defunctis multa prodigi, quæ si viuis concederentur, diutius essent in vita retinendi. In nostris verò nihil perinde barbari suspiciunt, & admirantur, nihil æquè apud se commemorant, & laudibus tollunt, atque mutuam beneficentiam, & liberalitatem, cum præsertim eam ad se se redundare perspexerint. Verum est enim Saluatoris elogium: In hoc cognoscent homines, quòd discipuli mei estis, si dilectionem habueritis adinuicem. Hanc ergo Christianæ charitatis partem, quæ in beneficentia sita est, excolendam atque illustrandam, & verbis, & factis sibi præcipuè reputare debet minister Christi, Et certè discunt barbari humanitatem, discunt mores

IOAN. 14.

536 DE PROVVRANDA INDORVM
suaviōres, discunt effusam etiam in suos libe-
ralitatem, si diligenter & crebro ea de re com-
monefiant, & exhortationibus sacerdotum paria
exempla non desint.

De Catechismo vulgo Indorum necessario,
CAP. XIII.

Multa quidem sunt in Christianæ doctrinæ
explicatione fufius & vberius Indis re-
petenda. Verum ea à me commemorata sunt,
quæ peculiarem videntur habere difficultatem.
Nos verò ex vastissimis orbis innumeris gētibus,
quantum est hoc, quod experti sumus? Itaque
alij alia notare, & commendare potius curabūt,
quæ nouis Euangelij stirpibus magis opportuna
animaduernerint. Ego quod Perusibus maximè
conferre existimo, vt potui, exposui hætenus, &
deinceps exponam. Hæc autem omnia vt com-
modius, & catechistæ doceant, & Indi percipiāt,
opus in primis est duplici quodā catechismo: vno
compendiario & breui, quem memoriter etiam
si fieri potest, addiscāt, vbi summa sit eorum om-
nium, quæ ad fidem, & mores homini Christia-
no necessaria sunt, altero vberiore, vbi eadem
amplius dilucidiusq; dicantur, & copiosius con-
firmantur. Vt ille prior discipulis potius, hic po-
sterior ipsis præceptoribus vsui sit. Opus est etiā
breui, & absoluto aliquo confessionali, vt sacer-
dotes rudiores conscientias Indorum examinare,
& purgare sciant, vbi ea maximè peccatorum ge-
nera

nera explicentur, quæ istis familiaria sunt. Atq;
ad eundem modum quæ in matrimonijs Indorū,
cæterisque sacramentis conferendis interrogare
opus sit. Hoc vtrumque opus si quis vtraque lin-
gua, & Indica, & Hispanica simul scriberet, ac
Theologorum illustrium atque egregiè linguæ
Indicę peritorum auctoritate munitum diuulgand-
um curaret, salutis profectò vniuersæ Reip. In-
dicæ immortale beneficium conferret.

In instructione Indorum diu esse perseuerandum,

CAP. XV.

IAM verò de residentia Parochorum, de quę
missionum auxilio, vt hanc de catechizandis
Indis partem absoluamus, dicendum deinceps
est. Neque magnopere modo incumbendum est,
vt pastoris præsentiam omni quidē gregi in pri- *Prou. 27.*
mis necessariam, etiam Indorum populis deesse *Ezech. 34.*
nullo modo debere monstremus. Nam vt pastox *Ioan. 10.*
attendat vulnum pecoris sui, suosque greges con-
sideret, vt requirat abiectum, & infirmum con-
fractumque alliget, & forte custodiat, vt proprias
oues nominatim vocet, & vadat ante eas, & lu-
pos arceat, & se ipsum, si opus sit, pro ouibus
Christi exemplo offerat discrimini, cæteraq; si-
milia, quorum nos diuinæ literæ admonent, hîc
præcipuè desiderari res per se ipsa quouis etiam
tacente loquitur. Quæ verò ex absentia pastoxū
damna fiant, non minus experimur nos, quam sa-
cri Canones prædicant, atq; ille præsertim Con-

Cœc. Paris. ciliij Parisiensis, inter cætera, inquit, quæ religio-
lib. 1. c. 29. ni Christianæ aduersa sunt, hoc nihilominus con-
 trarium, & periculosum extat, quod quorundam
 prælatorum temerario ausu Ecclesiæ suis ad tem-
 pus viduantur sacerdotibus, & post pauca, Non
 attendentes quod eorum absentia, & loca Deo
 dicata sibi cultu debito priuentur, & homines si-
 ne confessione & infantes sine baptismatis rege-
 natione plerumque moriantur. Quamobrem
 in Parochos sedes subinde commutantes, & præ-
 sules eos alio euocantes his statim verbis decer-
 nunt. *Quanti* autē sit discriminis & personę mit-
 tentis, & eius, qui mittitur, animarū pericula, quæ
 subinde in huius rei causa fiant, liquido produnt.
 Proinde omnibus prælatis cauendum est, ne illi-
 cita sibi Presbyterorum transmissione animarum
 suarum habeant damnationem. Presbyteri porro
 qui nō sui Prælati imperio coacti, sed potius vo-
 luptatum suarū delectatione imo auaritiæ æstua-
 tione succensi id facere præsumunt, perpendant
 necesse est quam luctuosam, & quæ sequuntur.
 Quæ ad verbum repetenda duxi, vt tam pern-
 ciosa licentia commutandi subinde Parochias
 Indorum, & de ijs velut negotiandi, & licitandi
 aliqua ex parte reprimatur. Sed missa vt faciam
 hæc de residentiæ Parochorum communia do-
 cumenta: sunt valde peculiare, & propriæ causæ
 quæ prorsus persuadent, nihil de salute neophy-
 torum sperandum esse, nisi firma, ac diuturna
 fuerit doctoris in catechizando diligentia. Vt
 enim tenera arbuta nisi assidue inuisantur,
 Curentur,

ententur, foueanturque, facillimè vitiantur, difficile iam vitata emendantur: ita teneræ neophytorum mentes cum infirmas adhuc in Christi Fide radices egerint, vel errore corrumpuntur, vel flectuntur libidine, omnesque Diaboli atq; hominum peruersorum impressiones excipiunt. Ita enim natura comparatum est in omni noua disciplina vsque dum consuetudine confirmata sit, vt parua negligentia industria omnis, & labor cito euanescat. Huc accedit harum gentium minus perspicax ingenium, quod neque multa de rebus diuinis breui percipere, neque percepta satis retinere potest. Nā mihi quidem Indi sæpe videri solent ijs persimiles, qui vel ætate, vel morbo stomachum habent debilitatō, ægrè coquentem cibos ingestos: quorū si aut crassitudine, aut copia obruantur, illico acēscit, & vicio cruditatis vires potius frangit, quam confirmat. Opus ergo est, quod medicorum ars habet infirmo stomacho parum, & sæpe alimentum instillare. Ita enim & vincit & ad edendum excitatur. Haud ergo promittat sibi quisquam exigui cuiusdam temporis labore magnos ex Indorum populis fructus, neque existimemus bis aut ter de tota Fidei causa edoctos non amplius indigere doctore. Quin potius & assiduè disserendum est & modicè, vt quæ audierint, percipiant atq; conseruent. Sic enim Christus ipsos suos discipulos instruebat, præceptores orbis terrarum, multa habeo vobis dicere, quæ non potestis portare modo. Præter has autem

Idem. 16.
com-

540 DE PROGVRANDA INDORVM
communes fere infirmitatis humanæ rationes,
est illa maxima, & certissima natiuæ cuiusdam
istorum leuitatis, qui cum primum sibi relinquū-
tur, mirè lubrici omnia accepta deponunt, & aut
veteres sequuntur errores, aut in obuium quod-
que, prout fors tulerit, feruntur sicut paruuli flu-
ctuantes, & circumferuntur omni vento doctri-
næ. Quamobrem, ne in his frustra laboremus, &
ne excidant in simplicitate Fidei corruptis serpē-
tis astu sensibus, neue ab ijs, qui contradicunt ve-
ritati, consentiunt vero iniquitati transuersi agā-
tur, infinitis modis necessarium est, vt in ijs do-
cendis, arguendis, exhortandis, confirmādis, tuē-
dis, & gremio deniq; ipso gestandis, nutricis dili-
gentia ne momento quidem absit, hoc est spiri-
tuales magistri, & patres apud eos immobiles
perseuerent. Ita fiet vt ex paruis initijs incremen-
ta magna succedant, ac non contra, quod sæpe &
videmus, & gemimus, lætissimæ spes & fœlicia
primordia inepta quadam socordia corrumpantur.

Ephes. 4.

2. Cor. 11.

2. Thes. 2.

An expediat Parochias Indorum regularibus committi.

C A P. XVI.

Parochias verò Indorum vtrum tenere regu-
lares deceat, & vtri accommodatiores sint neo-
phytorum administrationi Ecclesiasticę suscipiē-
dæ, hiue, an presbyteri sæculares, inuidiosè, ac mo-
lestè quidam solent contendere. Sed quamuis
inter antiquos Canones legamus, Ne religiosi
in

in Ecclesijs Parochialibus ponantur, vituperari
tamen non debet, neque verò potest, quod Apo- *In appèdi-
ce ad syno-
dum Latera-
ran. s. u. i.
Alex. 3.*
stolicæ sedis auctoritate & Regis decreto fit. Cõ-
stat verò summos Pontifices hanc mendicantiũ
in Indis administrandis operam non solum pro-
bare, verum etiam multis magnisq; privilegijs, &
concessionibus insigniter prouocare. Neq; alie-
num ab instituto religioso censendũ esse, si Chri-
sti amor, fratrumq; salutĩ cedat interdum accu-
rata illa communis vitæ, & regulæ disciplina,
Christi præsettim Vicatio ita & publicas, & pri-
uatas leges interpretante. Nemo verò sit aded
absurdus, & à studio Regularium auersus, quin
apertè fateatur religiosorum operæ & labori de-
beri potissimum huius Indicanæ Ecclesiæ pri-
mordia. Regios autem sumptus & diligentiam in
transmittendis nouo orbi religiosorum gregibus
vt nulla ab Hispania classis his fœlicibus merci-
bus vacua soluat, quis tamerit ineptus, qui alior-
sum interpretetur, quã vt curam Indorum hi po-
tissimum suscipiant, regiamq; conscientia, quoad
licet, exonerent. Præterea ne illud quidem negari
potest à religiosi, religiosius accuratiusque neo-
phytos institui, ferèq; vitæ exemplo magis, quam
à secularibus adiuuari. Nam vt nihil aliud, ipsa
habitus professio cohibet, vt castius vitam insti-
tuant. Quæ cum ita sint, nõ est cur ab officio ces-
sare monachos, & solum secularibus parochias
omnes Indorum quisquam concedere velit. At
inter has omnes tot & tantas cõmoditates duo
mihi videntur incõmoda. Vnum est illud ipsum
quod

quod regularibus, cum priuilegijs suis exempti
 sint, non satis bene cum Episcopis conuenit in ad-
 ministrandis parochijs Indorum. Hinc quanta
 mala profecta sint, dici nō potest. Primum enim
 si in officio sunt negligentes, Episcopi, quorum
 hoc munus est proprium, suis occurrere non pos-
 sunt parcho, aut castigato, aut commutato, si-
 quidem neq; visitare, neq; plectere, neq; amo-
 uere male meritos possunt. Præfecti vero Pro-
 nunciales subiectos sibi Regulares corrigere qui-
 dem possunt, sed cum oues alienæ sint, vix ad il-
 los serō tandem querela peruenit. Et omnino ha-
 bet nescio quid perturbationis Parochum Epif-
 copo suo non subesse, ac duplici veluti capite re-
 gi. Hinc porro dissidia acerbæque contentiones
 inter Episcopos, & Regulares cum Indorum cer-
 tē magno malo. Hinc querela Episcoporū, quod
 ones sibi commissas satis pascere nequeant. De-
 niq; vestem ex lana linoq; contextam, & aream
 eandem vario semine aspersam, videre est simpli-
 citati Euangelicæ, & sumministrationi Spiritus,
 quam Paulus tantifacit, sæpenumero non parum
 incommodasse. Hoc igitur detrimentum ex In-
 dorum ratione considero. Alterum verō meo iu-
 dicio non isto inferius in ipsosmet regulares re-
 currere sentio ego, imò verò sentiunt & gemant
 ipsi, quorum prudētissimus, atq; optimus quisq;
 copiose deploret propter susceptas Parochias In-
 dorum religiosorum ordines esse collapsos, atq;
 inde & disciplinam extenuaram, quod cerre dolē-
 dum est. Si quidē hi auxiliares à Christo Domino
 dati

Deut. 22.

Leuit. 19.

Ephes. 4.

dati sunt, vt fidem iuxta Sapientem, pro amico spondentes, ex officio habent, quod sequitur, festinare; discurrere, amicum suscitare, vt debito satisfaciatur. Ac nescio quonam modo in hoc orbe commutata est ratio instituti regularium. Neq; enim, vt in Europa, cum prædicant verbum Dei, confessiones populi audiunt, cæteraq; faciunt, Parochis adiumento sunt, & professione sua retenta, greges Christi, quoad licet, curant. Quin potius singularia hinc omnia diuisaq; sunt, unusquisq; Parochiam suam tenet, & neq; suos ab alijs iuuari patitur, neq; ipse adducitur, vt alios iauet. Ita finibus quisq; suis septus est, ac si de agro partiendo esset, alienam ditionem nisi suam faciat, neq; adire ipse, neq; adiri suam æquo animo fert. Scripsit ad me ex noua Hispania quidam de nostris mirari se tam absurdam, & ab Indorum salute alienam consuetudinem inuectam esse Indiarum Occidentali. Quamobrem si sacerdotes sæculares, & merito & numero pares Indorum Parochijs inuenirentur, fortassis esset magis e re Indorum, vt religio, si nostro muneri non deessemus, sed Parochis ipsis, atq; Episcopis auxiliares manus præberemus, & cum summa eorum beneuolentia verbum Dei inter Indos disseminaremus, atq; eos audiendis confessionibus cæteroq; omni officio prosequeremur. Quod si hoc vniuersa fieri nequit, vt certè nequit, profecto qui ex religiosiis hoc instituti genere militare possunt, omnino plurimum causæ Indorum conferre putandi sunt.

Salutem

Societatis autem Iesu eò potissimum institutæ,
 ut in missionibus obeundis per varios orbis
 terrarum tractus Ecclesiæ Dei seruiat, hoc tam
 est proprium munus, ut nihil magis. Atq; id qui-
 dem quanquam ubiq; gentium præstare debet
 pro sua virili, tamen nusquam æquè atq; inter
 nationes Indorum, ad quas Deo conciliandas præ-
 cipuo, ut ego sanè opinor, studio diuinitus insti-
 tuta est. Ac dabunt mihi æqui omnes libenter ve-
 niām, si quādiu sum Indorum seruus, honorifi-
 cem ministeriū meum. Itaq; si in hac parte vel
 cesset difficultatibus victa, vel desidia torpeat so-
 cietas, nō mihi dubitū est, quin grauem præ cæ-
 teris & Dei, & hominum incurtat offensam. Et-
 enim quo alio pertinet familiare illud in profes-
 sionibus solennibus votum, quod nos quartum
 solemus vocare, de parendo Pontifici circa mis-
 siones? Quorsum toties facta mentio in sacris
 Bullis instituti professionis ad Indos? Quid
 in beati Patris nostri Ignatij constitutionibus,
 tantopere repetitum, & commendatum, quam
 ut prompto alacrique animo præsto vnusquis-
 que sit, siue ad fideles siue ad infideles ire iubea-
 tur, etiam si remotissima orbis regio lustranda
 sit? Videte sanè est ex ipsis primordijs suis huius
 societatis autores Indicanas professiones potis-
 simum spirantes, easque literis factisq; suis, & to-
 to vitæ genere velut exculpentes. Pauci numero

& vix dum professione sua confirmata cū essent, tamen duos ex ipsis ad Orientalem Indiam destinandos putarunt. Quorum vnus Franciscus Xabier, quanta Deo magnificè adiuuante petegerit, & quāle suis exemplum reliquerit, inter abruptissimas difficillimasq; Barbarorum rupes iter ostēdens Dei verbo planissimum, alij melius loqui poterunt, & tacētibus nobis res ipsæ Dei benignitate non tacent. Hūc cæteri socij secuti, quantam Christi Iesu in se propensionē experti sint, quantam in promerenda salute hominū vim, nimis durus ingratusq; est in nobis, qui non & agnoscit, & cœlesti beneficio gratias immortales agit. Neq; ego sanè dubito, quin dulciori quadā ac familiari cura Dñs Iesus eos prosequatur, qui se totos studiaq; sua huic operi cōsecrāt, quod eo charius iucundiusq; Deo nostro est, quo & per se insuauius, & ab hominibus magis neglectū. De veris operarijs loquor, nam mercenariorum, & sua querentium plena sunt omnia. Etsi verò ad hanc Occidentālē Indiam serius aliquantò, & parcius societas Iesu euocata est, tamen de benignissima Domini prouidentia certò mihi persuasum habeo, non inferius futurum operepretium, neque vllò vnquam tempore societatis huc missæ operam cessaturam. Nam cum tot tantisq; rationibus rei Indorum procurandæ constricti teneamur, militie desertores pene etiam proditores habeamus necesse est, si non omnes neruos in hoc opus

Domini, vel prætermisissis cæteris
contendamus.

Cur multis videatur societas Parochias Indorum debere suscipere. CAP. XVIII.

QVoniam verò in hoc orbe nulla alia Evangelizandi ratio hæctenus suscepta est præter eam, quam Parochi suis adhibere solent, videntur multis huius societatis homines nisi Parochias Indorum ipsi v sitato more suscipiant, nihil ad salutem neophytorum confectre posse, vniuersumq; eorum aduentum ex Europa esse propemodum superuacaneum putant. Itaq; ceniunt huic omnino oneri ceruices subiiciendas, curamque Indorum propriè subeundam. Cumque in hac parte cunctationem nostram vident, indulgentiam nobis deliciasque obijciunt, quod detrectato labore & vita agrestiori, vrbanam frequentiam amemus. Quidam timori trepidationiq; nostræ subistomachantur, amico illi quidem animo, sed voce libera obiurgantes, si Patres societatis Iesu parochias Indorum sibi vitandas dicant, de Indorum desperanda salute ferre sententiam. Quis enim, inquiunt, discrimini huic obijciat se se pro salute fratrum, si vos Patres detrectatis, & tergiuersamini, quorum alioqui animarum studium, & inflammata in Deum pietas perspecta est? Quorsum verò missionem tantam suscipitis, tantum terræ pelagique emensi ad ignotas terras traicitis, si Indorum causam deseritis? Aut qua ratione professioni, nominiq; vestro consulitis, si quod alij omnes religiosi viri ample-

implexati sunt, vos perhorrescitis, non inferiore
 alias animarum zelum præ vobis ferentes: Quod
 si Hispanorum nostrorumq; hominum salutem
 appetitis, nõne satius erat in media Hispania Eu-
 ropaque consistere, vbi & numero, & gradu su-
 periores sunt infinitis partibus istæ merces? Alij
 quidem aurum argentumq; apud Indos quæ-
 runt, quod apud suos, si æquè occurreret, haud
 quaquam patria deserta tam longam, tam mole-
 stam, tam periculis omnibus plenam peregrina-
 tionem susciperent. Vos verò Patres quid auri
 quid argenti huc quæsitura aduentastis? si qui-
 dem Hispanorum animas, certè apud vos aurū
 istud abundabat copiose. Quod si Indos Chri-
 sto Iesu lucrificacere in votis erat, & quæstum ma-
 ximum, vt est planè, existimantibus pietatem,
 Euangelij gloria, & propagatio cordi erat, quo
 tandem consilio vix aggressi rem, terga verti-
 tis? Illi ipsi profani, auarique homines, qui in
 hunc orbem rei augendæ causa penetrarunt,
 tamen nihil laboris, nihil periculi recusarunt,
 modo copia exoptata potirentur: vos verò om-
 nia prius tuta, omnia vndiq; quadrata circumspi-
 citis, ac velut in vmbra res gerenda sit, nihil peri-
 culorum adeundum putatis. Atqui vestri socij
 ij, qui in India Orientali in Malabarica, in Ma-
 laca, in Ormucio, in Malucis, in Æthiopia, in
 Iapponia, in Sina, cæterisque Orientis regioni-
 bus tanta præstiterunt, & tanta cum gloria
 rebus ab ijs gestis per ipsorum epistolas cog-
 nitis in omnium ore versantur, non sine magnis

1. Tim. 6.

548 DE PROCVRANDA INDORVM
sudoribus sine ingenti periculo eam sunt laudem
consecuti . Quod si vrbes tantum Hispanorum
incolendas vobis existimatis , si Mexicum , Li-
mam , Cuzcum , ac non in medijs Indorum po-
pulis sedem figitis , si Carangas , Collas , Sacacas ,
Yauyos , cæterasque prouincias barbarorum vi-
tatis , vmbratilistantum ac ludicra vëstra omnis
de Indis procuratio sit necesse est . Quomodo
enim eam gentem Christo expugnare poteritis ,
apud quam sedem figitis nullam , nulla cëta præ-
sidia constituitis , nullas moras ducitis , cum nul-
la alia re perinde opus sit ad salutem Indorum
procurandam , atque perseuerantia & improbo
quodam labore . Sic enim habetote Patres , quan-
tum nos veteranos , & mores horum barbaro-
rum diuturno vsu edoctos causa admonet , nisi
perpetuò , ac constanter verbum vitæ , & curam
salutis harum gentium meditemini , vanos omnes
vestros conatus & telæ Penelopes similes pro-
fus futuros .

*Quæ rationes à suscipiendis Parochijs Indorum socie-
tatem deterreant .* CAP. XIX.

HÆc atque horum similia expostulare nobil-
cum solent , qui causæ Indorum studiosi , se-
gniores nos in suscipiendis Parochijs accusant ,
quorum me oratione ita sæpenumero perculsum
fateor , vt propemodum victus cederem , omnia-
que alia salutis neophytorum posthabenda exi-
stimarem , atque equidem pene contemnerem .

Sed

Sed contemni profecto non possunt, cum occurrant nobis tot viri religiosi & pii, qui non minus amico, & sincero animo trepidationem nostram in suscipiendis Parochijs vehementer probent, confirmantq; se longa experientia didicisse religioni suæ plurimum eiusmodi Parochias incommodasse, Itaq; permulti graues, & pii viri in suis Capitularibus conuentibus agitarunt de Indorū parochijs deferendis, ne & regularibus suis nocere pergerēt, & maximas ab Episcopis, à Patronis, à Præfectis Regijs molestias sustinerent. Quod & si effectū nō est, Rege regijsq; ministris contrahentibus, tum verò sententia aliorum, vel charitate, vel quavis alia causa obtinente, tamen illud omnes, aut penè omnes experti nobis gratulantur, quod eos scopulos nos præteruecti simus. Neq; enim in nouo orbe antiquam Domini sententiam obliuisci debemus. Quid prodest homini si mundum vniuersum lucretur, animæ verò suæ detrimentum patiatur? aut quam dabit homo commutationem pro anima sua? Et illud Sapientis: Secundum virtutem tuam recupera proximum tuum, & attende in illis, ne fortè incidas. Præterea illud ante oculos ponere oportet, Qui sibi nequam est, cui bonus erit vnquam? & illud Pauli, Attende tibi quibus ita salutem fratrum iubemur quærere, vt ne negligamus nostram, imo verò nullam esse ab alijs sperandam, si in nobis prima defecerit. Atque vt omittam reliqua, quæ non leuia sunt, duo manifestè habent Parochiæ Indorū gratissima incommoda. Vnum

Matt. 16,

Ecc. 29,

Ecc. 14.

1. Tim. 4,

est continentiae periculum, propter Parochorum miram solitudinem, ac libertatem quidvis perpetrandi, cum perpetua quadam esca libidinis ex foeminarum aspectu, colloquijs, rei familiaris usu. Ad quæ accedit, ut cumulum faciat mira ipsarum foeminarum facilitas, rarus pudor, resistendi vis propemodum nulla, sæpe etiam sponte oblata copia. Hoc igitur vnum est: alterum verò non leuius iudicio meo, quod ex lucri specie nascitur, & cupiditatis opinione siue vera illa siue falsa sit, omnia Parochi studia respergit, propemodumque corrumpit. Nam & victus suppeditari solet ab Indis, quod illi Camaricum dicunt, & à Patronis Dominisque Indorum salarium penditur. Hic cum Indis imperando, exigendo, commodissimum quodque eligendo, minus copiosum Camaricum recusando, quanta turbatio inter ipsorum fraudes, & Parochi cupiditatem. Itaque omnem ad Parochi quæstum vel fallendum si possunt, vel si non possunt, explendum, salutis suæ curam, cogitationemque conuertunt. Cum Patronis rursus Indorum, cum prætoribus, quæ tragædiæ quotidie quot iurgia, & lites, quibus Regia subsellia assidue crepant. Hinc simulates, hinc odia acerba, hinc calumniæ graues. Coniurat cum Curaca Patronus aduersus Parochum, & quidvis ut obijciat, testes habet ad votum. Hæc qui non vidit, ad exaggerationem fortassis cumulata putabit: qui interfuit, & rem totam oculis perlustravit, rerum fide inferiora testabitur. Igitur vel continentiae

nausfragium, vel sæua certè tempestas subeunda est, tum verò auaritiæ gurgres ipse si euitetur, species profecto auaritiæ, & exiltimationis iactura euadi nullo modo posse videtur.

Quæ in suscipiendis Parochijs moderatio adhibenda sit.

CAP. XX.

INTER has verò tantas difficultates, illa hæcenus sententia mihi magis probata est, vsque dum melius, & certius aliquid eluceat, Parochias Indorum, neque esse societati nostræ temerè complectendas, neque vsquequaque tamen repudiandas. Sed siquidem duobus illis incommodis incontinentiæ, & auaritiæ satis occurrì queat, tum verò Episcoporum pace, & amicitia retenta, cætera omnia officio aduersus Indos esse posthabenda. Sin verò vitati nulla ratione queant, pro certo esse intelligendum aliam esse adiuuandi has gentes querendam viam, neque dubitandum hanc vulgarem diuinitus nostris esse præclusam. Nam præter communes Euangelizandi leges est illa societati nostræ, vel prima, vel maxima, vt ministerij sui impensi in proximos nullam omnino patiatur mercedem, mercedisue speciem ad se redundare. Itaque quod alijs valde, & licet, & sanctum est, eleemosynas pro missa dicenda, pro funere, pro concione,

552 DE PROVVRANDA INDORVM
& accipere & petere, nostris etiam vltro oblatis
admittere nullo modo fas est, idque & constitu-
tionum & literarum Apostolicarum præceptis
dissertè, & sæpe cautum est. Quare nihil est quòd
tantopere quidam mirentur, si Parochias Indo-
rum Camarico, & salario instructas minus cum
nostra professione congruere existimemus.
Verum ea, quæ dixi, incommoda vitari satis
posse videntur mihi in ijs præcipuè Parochijs,
quæ vel in vrbibus Hispanorum sitæ sunt, vel ab
ijs non admodum remotæ, qualis hæc Limensis
est S. Iacobi, quam nostri tenent. Nam & subesse
possent Rectori collegij, qui Indorum doctrinæ
dant operam, atq; illorum religioni & modestiæ
satis consuli potest, cum vita omnis illorum, supe-
riorum oculis subiecta sit, qui vt, & sibi & officio
satisfaciant suo, facile curant, Vitæ ergo liberioris
licentia superiorum cura prope innigilantium
in hominibus alioqui probatæ integritatis, satis
sublata videri potest. Etenim & magnum In-
dorum fructum ita experimur, & incòmoda om-
nia facile anteuertimus. Sed quoniam sacerdotes
doctrinæ, & administrationi Indorum necessarij
sine sumptu & quidem copioso vbi frequentes
illi sunt, alij non possunt, non est recusandus mo-
deratus, & cògruens victus, dummodo illud in-
uiolabile sit, vt ab Indis ipsis nihil exigatur, neq;
cum præfectis ipsorum sordidæ contentiones de
quæstu aut mercede concitentur. Id vt fiat, cen-
sent pleriq; magno adiumento fore eam consti-
tutionem, quam noua lege iam videmus editam,

et de publico arario sacerdotibus annui prouentus tribuantur, quod si sincere, & candide obseruetur, non dubium est, quin honestis, & religiosis hominibus per commodum, & iucundum sit ipsi vero ædificationi, & saluti neophytorum magnopere conducat. Hoc genus ergo Parochiarum collegijs Societatis vicinarum mihi ijs, quas dixi, conditionibus suscipi minimè displicet. Sed quoniam maius aliquid homines in societate requirunt, neque eo modo satis vel expectationi de se conceptæ, vel harum gentium extremæ necessitati nostri faciunt, ne illud quidem omittendum est, quod nos admonuerunt opportunè viri primarij. Esse quasdam prouincias Indorum frequentes, vbi collegia societatis erigi possent, atque inde sacerdotes prodire ad parochias procurandas, qui tamen superioris, & curæ, & oculis penè subessent, & religiose inuari, & inuisi, & commutari cum esset opus, facile possent: Ita enim fieret, vt Indorum rationibus confuleretur ordinaria nostrorum præsentia, & ipsis religiosi instituti nihil deperiret. Atque hoc genus doctrinarum, vt vocant, plerique regulares maximè probant, quod est in Noua Hispania vsitatum, vbi monasteria, vt audio, in oppidis Indorum passim ædificata sunt. Et in hoc ipso regno Peru sunt non pauca huius exempli. Quanquam & diaboli inueteratæ inuidiæ, & hominum fragilitati nihil est vnquam satis tutum. Verum in te ardua atque vndique difficultatibus plena, quæ à periculo longius absunt, ea pro tutis consilia reputari debent.

Missionum vsus in Ecclesia antiquus & frequens.

CAP. XXI.

SI quid in parochijs tenendis minus Indorum salutari præstamus, certè Missionū commoditate copiose repēdi potest. Missiones verò intelligo eas excursions, & peregrinationes, quæ oppidatim verbi diuini causā suscipiuntur, quarū & vsus & autoritas longè maior est, & latius patet, quam homines opinantur. Etenim in prima illa florentissima Ecclesia videre est hoc duplex genus Euāgelizantium. Alij certas plebes moderandas instituendasq; cura propria ac perpetua suscipiebant, de quibus Paulus Apostolus loquitur. Huius rei causā reliquit Cretæ, vt constituas per ciuitates presbyteros, quos etiam Hierosolymā adiens ex Epheso euocauit Miletum. Attendite, inquit, vobis, & vniuerso gregi, in quo vos posuit Spiritus sanctus regere Ecclesiam suam, quam acquisiuit sanguine suo. Hos quoq; Petr⁹ alloquitur: Seniores respascite, qui in vobis est, gregem Dei, nō turpis lucri gratia, neq; dominantes in clero. Hos Ioannes in sua Apocalypsi Angelos salutatur, Smyrnæ, Ephesi, Philadelphix, & ceterarū vrbiū. De quorum perpetua relidētia apud plebes sibi cōmissas tam multa sancti Canones edicunt, vt sacra & antiqua concilia relegentibus tædio penè sit eadem causā toties ac tantopere repetita. Hunc ergo locum in Ecclesia Dei parochi tenent Indorū certè nouis fortibus pernecessarium & salutarem. At fuit alterum genus in Ecclesia sancta Dei ministrorum,

strorum, qui non firmas sedes tenerent, sed prout
temporis opportunitas, & fratrum necessitas po-
stularet, varias Ecclesias obirent, in ijs pro re-
moras traherent, proprios pastores iuarent, in-
firmos confirmarent, fortes perficerent, omni ra-
tione Christi rem promouerent. Nam vt in ex-
ercitu sapienter instructo præter militares copias
certa sede dispositas, quibus nihil magis curæ sit,
quam vt locum suum ne deserant, cum in eo vi-
ctoria sit, vt caput potius ponant, quam semel fi-
xum pedem referant, sunt etiam auxiliares copiæ
leuisque armaturæ equites, quorum sit cōtra mu-
nus huc illuc discurrere, vbi discrimen sit, prom-
ptè adesse, labantem iam militem confirmare, ho-
stem irrumpentē excipere, omni negotio adesse,
quorum fidei & diligentia plerunque victoria
accepta referenda sit: ita profectò in hac militiæ
Christianæ velut castrorum terribili & ordina-
tissima acie, duo sunt ordines, vnus eorū, qui cer-
to loco decertant, alter eorum, qui per omnia dis-
currunt, vt omnibus opem ferant. Quod militiæ
genus tanti in Ecclesia factum est, vt duces no-
stros summos, id est, Apostolos sibi sumpsisse vi-
deamus. Quid enim aliud agebant Paulus & Bar-
nabas cum inter se dicerent, Reuertentes visite-
mus omnes Ecclesias, in quibus prædicauimus?
Quid Petrus dum transiret vniuersos, & deueni-
ret ad sanctos, qui habitabant Lyddæ? Hoc pror-
sus Timotheus. quem mittebat Paulus, vt con-
firmaret Thessalonicenses. Hoc Titus apud Co-
rinthios egit. Hoc Iudas & Silas Antiochiam ab

*Act. 15.**Act. 9.**1. Thef. 3.**2. Cor. 7.**8. 12.**Act. 15.*

Aposto-

*Ibidem.**IOAN. 21.*

Apostolis miſi. Hoc Paulus ipſe cum Sila perambulans Syriam, & Ciliciam confirmans Eccleſias & præcipiens cuſtodire præcepta Apoſtolorum. Et quamvis hoc Episcoporũ, qui hac parte Apoſtolos ſucceſſerunt, munus ſit, tamen neque Episcopopi omnia præſtare poſſunt, & ipſi ſuarũ Diocæſeon limitibus concludi ſunt. Quamobrem ad eum cui vniuerſalis eſt Eccleſia commiſſa à Chriſto, Romanum inquam Põtificem in Petro oues omnes Chriſti paſcendas ſuſcipientem ſingulari quadam ratione pertinet, quia per ſe ipſe non poſteſt, vt à ſe deſtinet, qui ipſius autoritate hoc tantum munus obeant. Itaque cernimus in Eccleſia multorum Patrum religioſos ordines ſucceſſiſſe, qui Apoſtolica autoritate freti totũ terrarũ orbẽ doctrinæ luce illuſtrarint, vitæ pietate & ardore inflammarent. Quo in genere ſocietas hæc minima nihil ſibi aut nouũ, aut nimium ſumit, ſi vocationem ſuam agnoſcit, vt in Chriſto omnibus ſeruiat, & cum nulli ſæpe, aut loco, aut perſonæ addiſcta ſit, omneſtamen officio proſequatur ſuo. Neque vllõ modo dubitandum eſt, quin vocationi ſi ſuæ ipſa non deſit, eius, qui ad rem tantam vocare dignatus eſt, gratiam & largitatem vberriimè expertura ſit.

Miſſionum vtilitates inter Indos.

C A P. XXII.

Miſſionum autem vtilitates inter Indos multæ magnæque ſunt. Prima quòd omni cupiditatĩ

piditatis occasione procul remota, cum neque ministerij sui mercedem exigant, neque fructum alium expectent, quam salutem Indorum, neque in postulando Camarico molesti sint, deinde continentia, & integritatis lumen præ se ferant, admirabile dictu est, quam in sui doctrinae quæ suæ admirationem & studium Indos rapiant. Neque enim, quod sæpe dicere soleo, illustriora miracula ad Evangelij commendationem Indis adhiberi possunt, quam ut neque avaritiæ occasione neque libidinis sinistro rumore, doctrina ministerii euangelici decoloretur. Secunda, quod cum seuerius obiurgare & male facta vindicare ad parochos propriè pertineat, missionum verò ratio ea sit, ut potius consolandi, intercedendi, ac bene de omnibus merendi partes sibi sumat, valde in nostros studia Indorum excitantur, & sit animorum magna coniunctio: ex qua & fidem dictis facile commodant, & se suaque omnia libentissime impertiunt atque communicant. Tertia hinc quoque manat, & est copiose vlti comperta, quod ad confessiones nostris faciendas, etiam generales, etiam ingentium scelerum, ac diutissime contentorum, vltro ipsi non inuitati veniunt, qui tamen parochorum omnium vna sententia, raro verum in confessione sacramentali ipsis aperiunt, quippe qui parochos pertimescunt. Eo omni metu odioque sublato ad nostros, quos sibi experiuntur beneuolos, nihilque læsuros certò sciunt, cæcitate accurrunt, crimina omnia aperiunt, vitæ cõsilia libenter accipiunt, summa deuotione impe-

558 DE PROCVRANDA INDORVM
rata exequuntur. Hæc vna commoditas missio-
num, quam in prouincijs superioribus cum ver-
saremur, abundè sumus experti, tãti est apud me,
vt si nullus alius missionum fructus expectare-
tur, sola sufficeret. Ac quemadmodum in sacro
Con. Trid. Tridentino Concilio propter fragilem muliebrẽ
sess. 25. cap. sexum sanctimonialium pudori & metui patres
10. ita consulendum putarunt, vt præter ordinarium
voluerint aliquoties extraordinarium illis con-
sacrum dari: ita equidem Indis etiam consulendũ
arbitror, quorum est fides infirmior, & duriores
in se patochos experiuntur. Itaque eo missionum
auxilio mirifice eorũ infirmitas recreatur. Quar-
tam demum vtilitatem ex ipsa diuini verbi tra-
ctatione numero: quæ triplex est in missionibus.
Vna, qua pueri & rudiores simpliciter, & memo-
riter catechismo imbuuntur, idq; statis diebus &
horis, partim canendo, partim recitãdo fructuo-
se admodum fit. Altera, qua docetur, & instru-
tur familiariter pro suo quisq; captu tam in my-
sterijs fidei percipiendis, quam in moribus hone-
stè instituendis. Postrema est ea, quæ ad exhor-
tationem spectat, qua pro concione excitantur
ad salutaria omnia, ac vi ipsa dicendi dicentisque
autoritate flectuntur. Hic mirificè & capiuntur,
& cedunt, si concionatorem linguæ bene peri-
tum, & appositè dicentem nacti sunt. Quod cum
rarum in parochijs sit, vnus eiusmodi Indice be-
ne doctus, missionum excursionẽ multis paro-
chijs prodesse potest. Atque ad has quatuor ex-
empli, Beneficentiæ, Sacramenta administrandi

pœni-

pœnitentiam præsertim, & verbi denique diuini disseminandi redigi ceteræ possunt vtilitates, quæ ad Indos pertinent.

Quod Parochi Missiones vtiliter & libenter accipiant.

CAP. XXIII.

EST alia quoq; his non inferior vtilitas missionum, cum ad parochos ipsos beneficium deriuatur. Paulus quidem dicebat, Deo autem gratias, qui semper triumphat nos in Christo Iesu, & odorem notitiæ suæ manifestat per nos in omni loco, quia Christi bonus odor sumus, quod suo quoq; modo usurpare possunt, si qui sunt discipulus Apostolici sectatores. Nostri certè experti sunt sæpenumero parochos ipsos vitæ consuetudine colloqui;sq; captos ad Christum aspirasse, neque parum ad virtutis officia commotos esse. Nihil enim vitæ exemplo potentius præsertim in morum quadam suauitate, tum ipsa familiaris colloquio studia similia parit. Cumq; se se adiuuari à nostris sedulo nulla interim mercede expectata vident, atque onere ipso non parum leuari horum opera, beneficio allecti de se bene meritos amant. Iam verò cum ad conscientiam suam fructum hunc deriuant, ad suos longè diffundunt exemplo instructi, æmulatione excitati, fructu prouocati. Ad hæc omnia illud accedit, quod cum sæpe binæ ac ternæ aut eo plures parochiæ valde inter se etiam disiunctæ vnius parochi curæ commissæ sint, atque adeo neque baptizare, neque cōfessiones

2. Cor. 2.

audire,

audire, neque in doctrina instruere omnes suos commodè potest, fit, vt maximam anni partem oues pastore prorsus careant, qua ex re quot milia periclitentur imò verò manifestè intereant, dici non potest. Possunt ergo qui Missionibus vacant, bonam temporis partem in ea parochia consumere, à qua parochus abest, & omni boni pastoris officio perfungi, quæ res non solum est ipsis Indis salutaris, Verum etiam Episcopis, parochis, patronisque gratissima, quibus omnibus eiusmodi supplementa magnâ conscientiæ quietem afferunt. Quamobrem à multis iam agitatū est, vt collegia Societatis, aut residentię in frequentia maxima Indorum collocarentur, vnde tanquam ex munita arce subsidiarij milites regionem omnem opportunè excurrentent. Ad hæc, vt filios nobilitum Indorum à pueritia instruendos educandosque susciperent, in qua vna re totius gentis salus vniuersa posita est. Neque ego sane diffido futurum breui, vt his omnibus modis atque rationibus societas nostra salutē Indorum procurandæ, quod tantopere cupit, feliciter operam nauet.

Quid cauere oporteat in Missionibus.

C A P. XXIII.

AC missionum commoditates eæ ferè sunt, quas exposui. Vt verò in omni præclaro negotio euenire solet, non carent suis quoque non leuibus difficultatibus. Primum enim inuidia pasto-

pastorum, & plebis contemptus eorū prae nostris diligentissime cauendus est ea vna ratione, vt omni, & verborum, & rerū significatione testentur se nullo modo esse parochos superiores, sed hunc verum legitimūq; pastore, se verò tantum illius adiutores, & administratos. Itaq; omnē honoris in illum significationē ne prætermittant, vt & ipse intelligat nihil ab ijs ambitiose agi, & populus factionem nullo modo meditetur, sed subditus sit per omnia parochō suo. Vix dici potest, quāto opere inter Indos obseruetur is, qui cæteris imperat, & præest, vt statim oculos in ipsum Apo, vt illi vocant, animumq; conuertant. Quæ ex re nisi humilitatem nostri insinuent, & circūspectē parochorum autoritatē tueatur, atq; commendēt, certum est inuidia, & calumnia omnia statim bona studia corrumpi. Præterea & illud omnibus modis curandum, ne odiosi parochis simus, dum vel nimiam integritatem ostentamus, vel reformatorum ac censorū partes importune assumimus. Meminisse potius illud oportet à Spiritu sancto dictū, Noli esse iustus multum, neq; plus sapias quam necesse est, ne obitupescas. Itemq; illud Apostoli, Omnibus omnia factus sum, vt omnes facerem saluos. Et illud Domini dicite, Pax huic domui, & ibi manete comedentes, & bibentes, quæ apud illos sunt. Deniq; vnusquisq; proximo suo placeat in bono ad ædificationem. Etenim Christus nō sibi placuit. His alijsque diuinę Scripturę sententijs docemur, ita religionis disciplinam conseruare, vt charitati fratrum multum demus. Multa tole-

Eccles. 7.

1. Cor. 9.

Mat. 10.

Rom. 15.

562 DE PROCVRANDA INDORVM
randa sunt in homine præsertim sæculari, sæpe
etiam profano : nonnulla interdum concedenda
salua conscientia, & ita agendum, vt cõsuetudinis
suauitate alliciatur potius, quam asperitate offen-
sus resiliat statim . Itaque neque vitatores, ne-
que censores, aut Momos aliquos vel Sycophan-
tas existimare nos debet, sed sibi amicissimos, &
humanissime affectos. Nouimus ex prudenti dis-
simulatione non paucos egregie captos tandem
Dei verbo manus dedisse : quos si nimia seueri-
tate offenderis, mille concioni bus renocare non
poteris . Verum ita humanitatis leges seruandæ
sunt, vt neque religionis existimatio lædatur, ne-
que conscientia coram Deo puritas offuscetur.
Nam & virum religiosum & Apostolicum mu-
nus obeuntem nihil, aut leuitatem, aut fastum,
aut lasciuiam redolens decet. Quomam verò cū
ad aperiendas conscientias suas in confessione
parochi accurrunt, imploranda impense est diui-
na gratia, vt & officio non desis tuo, & fratris
animam grauissimè interdum sauciam à morte
reuoces . Ego sane in confessionibus audiendis
nihil æquè formidare soleo, quod à sacerdotum
quotidiè cœlestia sacramenta tractantium vix
medicina vlla morbi curari possant, cum semel
cœperint peruenire ad cor durum, atque illud
Gregorij plerunque, cum eiusmodi duriciem con-
templor, venit in mentem . Plerique eorum à

Greg. li. 2. Domino in impœnitentis cordis caliginem pro-
exposi. in 1. iijciuntur, & nulla hominis adhortatione resipi-
Reg. 6. 3. scunt. Ergo in primis illud tenendum est, vt pla-
cendi

cendi voluntas, & humanus affectus nullo modo dominetur, ne puluillòs sub omni cubito, & *Ezech. 13.*
 ceruicalia sub omni capite statuamus, iuxta propheticam comminationem, quin potius veritas in omnibus dominetur, & præsit, propter quam si homines aliquando scandalizantur, non magnopere curandum est. Dei enim iudicium est, ait scriptura. Itaque si is, qui parochus nominatur, concubiniarius sit, si aleator, si fœnerator, si simoniacus, si litigator, si turpis lucri sectator, si officij sui negligens, si sermonis Indici imperitus, & contemptor, veritatis falce resecanda sunt vitia, ac nisi tibi ipsi in Domino satisfeceris peruidendum, ne alienis peccatis ipse communices manus pœnitentiæ cito imponens. Cæterum *1. Tim. 5.*
 hæc ipsa etiam letalia, & vetusta vlcera oleo simul foueri. possunt, atque ita vino perfundi, vt pariter, & mordeantur, & ferant. Attingit, inquit, à fine vsque ad finem fortiter, & disponit omnia suauiter diuina Sapiencia. Opus forte, modum suauem esse oportet. Multum interest, qua manu, qua dexteritate vulnus chirurges infligat. Non imperiose non duriter, magis monèdo, quam minando, magis iuuando, quam iubendo, vt ait Augustinus, ista tolluntur. Vidimus sæpe sacerdotum conscientias deploratas, de quibus ego plane diffideram eo quod ad cor durum peruenisse mihi viderentur, & iuxta *Hiere. 30.*
 Hieremiam propter multitudinem iniquitatis dura facta esse peccata, ministerijs tamen nostris, vel potius diuinæ gratiæ ita cessisse,

564 DE PROCURANDA INDORVM
itateſipuiſſe , ita ad cor rediſſe , vt magnificas
Dei bonitati gratias ageremus, & ſpem non vul-
garem conciperemus, ſocietatis noſtræ homines,
quorum ſunt parochi penè omnes, valde ſtudio-
ſi , præclariffimos fructus in Iucrifaciendis Do-
mino eiufmodi hominibus allaturos. Hęc in pa-
rochos obſeruanda. Porro Indi, ipſi quoque cu-
ram quandam mediocritatis efflagitant. Vt enim
eos oderunt, quinimij in exigendo ſunt, ita etiam
à ſe auerſoſputant, qui ab ipſis oblata repudiant.
Accipienda ergo ſunt humanè munuſcula eo-
rum, & benigne vel eadem, vel plura ſi liceat, pau-
peribus communicanda. Quod ſi ipſorum opera
interdum opus ſit, dum ea moderatione, qua de-
cet, vtariſ, nihil offenduntur, imo verò ſi te aho-
qui ſibi beneuolum experiuntur , amplius dili-
gunt. Illud quoque obſeruatum autoritatē quan-
dam retinendam eſſe aduerſus eos, paternæ graui-
tati coniunctam: neque tam ſummiſſionis, quam
liberalis cuiuſdam imperij ſpeciē præferendam.
Amant enim hoc modo, quæ iſtorum eſt natura,
tractari. Sed neque neceſſario noſtrorum appa-
ratu offenduntur, neq; paupertatem magni opere
admirantur, magiſque præclariora noſtros non
poſſe afferre , quam non velle interpretantur.
Quamobrem quæ ad vitæ neceſſitatē aut etiam
commoditatem pertinent, prætermittenda non
ſunt, nam & locorum, & rerum magnæ difficul-
tatis id exigunt in hac prouinciæ Indicarum
tantâ aſperitate & inopia , & Indorum ingenia
diuinitus ita comparata ſunt , vt ædificationis
iſto

isto necessario usu nihil amittant. Illud enim nō extremo loco cogitandum est, & penitus prouidendum, ne dum Apostolicæ abdicationi quidam inhaerent, vitæ commoditatibus destituantur, atque ita vel labore victi, vel viribus destituti bene institutum cursum reuocent. Nam qui aliquando suis dixerat, Nolite portare sacculum neque peram, idem alio tempore iisdem dixit, sed nunc qui habet sacculum tollat, similiter & peram. Quo in loco Bedam venerabilem audire licet, Nobis quoque, inquit, datur exemplū, iusta nonnunquam causa instante quædam de nostri propositi rigore posse sine culpa intermitteri, verbi gratia cum per inhospitales potius regiones iter agimus, plura viatici causa, quam domi habeamus, licere portare. Indicas sane peregrinationes notasse videri potest. Atque hæc ad difficultates Indicarum missionum considerandas hætenus dixisse sit satis. Illud postremo adijciendum puto, Indicas & commoditates, & difficultates non ex aliarum nationum lege aut consuetudine, sed ex sua ipsarum esse metiendas, & Dei zelo præeunte tum verò experientia duce, illud

*LUC. 10.**LUC. 22.**Beda lib. 6**in Euang.**LUC. 6. 22.**1. Cor. 10.*

in omnibus intuendum, ut non quæramus quod nobis vtile est, sed
quod multis, ut salui
fiant.

FINIS LIBRI QVINTI.

DE PROCVRANDA INDORVM

SALVTE,

LIBER SEXTVS.

Quatenus modo de Sacramentis agendum sit.

CAP. I.

DE diuinis Sacramentis administrandis, quod vnum ex ijs, quæ proposuimus, restat, si pro argumenti dignitate differendum esset, magnum opus existeret, & quod in alterius parte numerari, cùm ipsum per se tantum sit, meritò quodammodo indignaretur. At nos rem tantam nullo modo aggredimur, qui de Sacramentis contra impudentes Nouatorum calumnias, & ab ipsa Ecclesia in magno & œcumenico Concilio Tridentino copiose grauiterque definitum, & illustres nostræ ætatis scriptores nusquam aut vberius, aut felicius quam in illis asserendis, explicandis, commendandisque elaborasse, non ignoremus. Igitur cum Hæreticis res nobis modo non est, sed ne catholicos quidem antiquos, & in religione constantes admonendos, cohortandosue existimamus, quorum illud insignem eruditionem, hoc dicendi facultatem non vulgarem requirit. Tantum

tum breuiter, ac pene cursim ea de Sacramentis attingemus, quæ rudibus Indorum populis necessaria videbuntur, atque in ijs maximè insistemus, quæ per imperitiam, aut incuriam quorundam contra veterem & Ecclesiasticam disciplinam inter hosce neophytos obrepisse & percrebuisse notauimus.

Multa in his regionibus contra Ecclesie consuetudinem geri. CAP. II.

NAM ex quo tempore obedientia duce ad has regiones Indicas venimus, non pauca in Sacramentorum functione minus conuenienter Ecclesiasticis institutis, nonnulla perturbatè prorsus atque ineptè geri, & diu mirati sumus, & dolenter sæpe commemorauimus. Causa mihi cogitanti nulla certior occurrit, quam quòd Euangelium non tam prædicatorum, quàm militum manu in has nouas orbis nationes inuectum sit: quorum socordia cum imperitia coniuncta multa absurdè peperit, quæ accedente consuetudine confirmata tanquam legitima habentur. Ita priores posterioribus errandi viam munierunt, vt vix liceat doctis & pijs hominibus veterem totius Ecclesie consuetudinem restituere, habeantur: quæ rerum Indicarum imperiti, qui religionem & sacramenta Ecclesie integrè, ac prò dignitate Indis tradere cupiant. Quid plura? Cum in Prouinciali Concilio Limensi ab

omnibus Peruenſibus Epiſcopis, cęterisq; graui-
 bus viris ad ea vitia emendanda multum opę-
 & ſtudij collatum ſit, atque edita extent egregia
 decreta de reformatione permulta, nihil tamen
 amplius perfectum eſt, quàm ſi ab otioſis nautis
 de republ. moderanda conſultatum eſſet. Quis
 verò non doleat Baptiſmo pleroſque adultos
 initio paſſim, & noſtro tempore non raro
 ante perfundi, quàm Chriſtianam catecheſin
 vel mediocriter teneant, neque an vitę flagitio-
 ſę, & ſuperſtitioſę pęnitentia tangantur, neque
 verò id ipſum, quod accipiunt, an velint acci-
 pere, ſatis conſtet? Quid illud, quod confeſſio-
 nes ſępe ita ſiunt, vt neque Indus intelligat ſa-
 cerdotem, neque intelligatur ipſe, quid di-
 cat, tam ſupinè parochis nonnunquam dor-
 mientibus, vt neque peccatorum rationem exi-
 gant, neque doloris ſenſum requirant, nihilque
 magis curent, quam vt à ſe quam citiſſimè con-
 fitentes ablegent. Porro Eucharistiā qua le-
 ge contra omne & diuinum, & Eccleſiaſticum
 ius non ſolum quętannis adulti Indi, verum
 etiam morientes ritè confeſſi prohibentur ac-
 cipere? quam ſi quiſpiam noſtrum potrigere
 velit, & viatico munire migrantem, non itatis
 accuſatur, & ſacrilegij propemodum reus agi-
 tur. Quod ſi hoc venerationi Eucharistię prę-
 teritur, cur ſaltem quæſo extrema vnctio ſub-
 trahitur? Neque in ſyluis tantum aut remotis
 oppidis, ſed in ipſa noſtra vrbe, in ipſo ſacro
 Xenodochio morituri tanto bono priuantur.

Horum

Horum similia sunt plurima. Etenim matrimoniorum errata vel socordia, vel imperitia minorum admissa longum esset enumerare. Quales sint infidelium nuptiæ, quibus gradibus apud Indos contractæ valeant, quæ impedimenta Apostolicis literis his neophytis sublata sint, quæ etiâ dum integra restent, pauci scire laborant. Hanc igitur tam vastam syluam ingressi illos tantum errores refellere cupimus, qui & perniciosiores, & magis vulgares sunt.

De voluntate Baptismo necessaria.

CAP. III.

IGitur in Baptismo, barbaris præsertim, conferendo, tria spectare debet fidelis, & prudens dispensator mysteriorum Dei, Voluntatem, Fidem, Pœnitentiam. Voluntas sanè omnino cognoscenda est eorum, qui ad Fidei sacramentum aspirant, nec nisi petant, & insistent, Christianæ vitæ professione donandi sunt. Ecclesiæ consuetudo tenet, ut priusquam catechumenus baptizetur, ter interrogetur, & tertio respondeat, baptizari se velle, quod intelligerent sancti patres magnum esse Christianæ Religionis pondus, magnas Evangelicæ turris expensas, nec nisi re admodum deliberata, & perspecta hominum imbecillitati temerè rem tãtam debere committi. Quod profectò non nuda cæremonia observandum est, sed multo magis spiritu & veritate. Ut non solum infideles Indi diligenter explorentur, verum

cognita iam, & perspecta voluntate diu in catechumenorum ordineteneantur, quò & instructiores veniant & pluris faciant mysterium salutis suæ. Quam Ecclesiæ veterem disciplinam ita in hoc nouo orbe neglectam intuemur, vt nusquam contra Euangelij dignitatem magis irreligiose, & contra hominum salutem magis perniciosè peccatum esse intelligamus. Dum enim quoquomodo per fas, & nefas, per dolum, & vim gentes barbaras Christianas efficere properant homines imperiti, aut improbi, nihil aliud agunt, quam vt Euangelium ludibrio exponant, & Fidei temere susceptæ desertores certissimo exitio afficiant. Non enim tales, vt est in Decretis Patrum, inuiti saluandi sunt, sed

Conc. Tol. volentes, vt integra sit forma iustitiæ. Equi-
4. ca. 55. d. dem censerem Prouinciali Concilio nihil gra-
45. Delu- uius decernendum fuisse, ac fore deinceps, ni-
lais. hil etiam seuerius vindicandum, quam vt Indi-
adulti ante baptismum per annum, aut etiam
amplius, nisi discrimen mortis vrgeret, in Fi-
dei mysterijs perdiscendis, & voluntate bona
confirmanda distinerentur. Ita fieret vt serius
impetratam baptismi gratiam pro magno ha-
berent, & diligenter conseruarent, quemad-
modum in concedenda Eucharistia usu venis-
se cernimus. Sed quid agimus de ijs, qui con-
tra salutem hoc Ecclesiæ institutum baptizati
sunt? Certè si nullam habuisse voluntatem per-
spiceretur, atq; omnino inuiti & repugnantes, &
contradicentes baptizati sunt, nullo modo
Chri-

Christianum characterem accepisse existimandi sunt, quemadmodum est ab Innocétio tertio de-
 finitum, neq; enim sine suscipientis voluntate sa-
 cramentum constare potest, quod accipere non
 potest, qui non præbet vtrumq; consensum. Ve-
 rum si voluntas nonnulla non defuit, tamen si vel
 vi, vel minis extorta, quia re vera characterem Chri-
 sti insignitus est, cogendus est Fidem semel sus-
 ceptam conservare, ne Christi sacramento mag-
 na fiat iniuria, si profanum per licentiam redda-
 tur, quod est etiam ab eodem Pontifice secūdam
 Toletani Concilij decreta declaratum. Illud au-
 tem habet quæstionem non facilem, vtrum cum
 barbarus baptismum prorsus ignorat, & tamen
 non contradicens baptizatur, verè Christianum
 characterem accipiat necne. Nam rei ignoratæ
 voluntas esse non potest, cū nihil ametur nisi
 cognitum a quo modo. Itaq; qui interrogatus,
 an velit in se fieri, quod fit in alijs, aut etiam nihil
 interrogatus baptismum perfunditur, nihil inter
 baptismum, & profanam aquam discernens, nihil
 ibi religionis agnoscens, is profectò quomodo
 velit, quod nunquam cogitavit, non facile potest
 dici. Cū verò sacri Canones nihil aliud tradant
 obviare baptismum, quàm voluntatem baptismum
 renitentem, & contradicentem, cumq; hoc loco
 hominem nihil dissentire, nihil reclamare ponamus,
 iterare postea baptismum, si ille saluus esse
 velit, difficilis exempli apparet. Quam quæstio-
 nem ne quisquā otiosam putet, sciat apud nos esse
 frequentem in ijs præsertim Æthiopibus servis,
 qui

*De baptis-
mo & eius
effect. c. Ma-
iores. §. itē
qua.*

Ibidem.

qui ex Cabouerde asportantur. Hos enim si conuenias, an Christiani iam sint, audies non raro, se se cum essent impuberes simul cum alijs plurimis in naui, aut litore deprehensos baptizatos esse, cum certè quid secum ageretur, ignorarent nisi quod multi simul à clerico, aut milite quopiam aqua aspergebantur, & exinde Christianos se fieri audiebant, cum neque hoc etiam ipsum quid esset edocerentur, neque rem ipsam penitus intelligerent, & homines barbari iumentis

Caiet. 3. p. similes, minimè quid illud esset scire curarent. Di
q. 68. ar. 7. gladiantur quidam, vtrum si neutra voluntas de-
Sot. in. 4. d. tur, baptismus sit ratus. Diuus quoque Augusti-
5. ar. 7. nus non parum hæret in fine librorum de baptis-
D. Aug. lib. mo, vtrum baptismus per iocum & non serio col-
7. de Bap- latus habendus sit certus ac constans. Vbi ita scri-
tismo cōtra bit, Solet quæri, vtrum nihil intersit quo animo
Donatistas accipiat ille cui datur, cum simulatione, an sine
cap. 53. simulatione; si cum simulatione vtrum fallens an
De conf. d. iocans sicut in mimo, Et quibusdam interpositis
4. c. solet. quibus se Ecclesiæ iudiciū expectare ea de re
 profitetur, adiungit, Nequaquam dubitare habere eos baptismum, qui vbi cumq; & à quibuscumque illud verbis Euangelicis consecratum sine sua simulatione & cū aliqua fide acceperint, quanquā eis ad salutē spirituale non prodesset, si charitate catuissent, qua Catholicæ insererentur Ecclesiæ. Et mox, vbi autē, neq; societas esset vlla ita credentiū; neq; ille, qui ibi acciperet, ita crederet, sed totū ladicre & mimicè, & ioculariter ageretur, vtrum approbandus esset baptismus, qui
 sic

hic daretur, diuinum iudicium per alicuius reuelationis oraculum, concordi oratione, & impensis supplici deuotione gemitibus implorandum esse censerem. In hac ergo dubitatione cum de voluntate Indi, aut Æthiopis temerè baptizati quaeritur, illud mihi certum est, si satis meminit se sine simulatione, & cum aliqua fidè, vt Augustinus dicit, suscepisse baptismum, hoc est, intellexisse illud esse ritum aliquem Christianorum, atq; ita in se fieri permisisse, quàmuis cætera Christianæ religionis non sit doctus, approbandum esse baptismum, minimeque repetendū. Re enim vera consensisse putandus est, qui cum videret in se fieri quod ad Christianam religionem pertinere utcumque sciebat, non contradixit. Quod si nullo modo quid esset baptismus, agnouit, neq; illum à profana & quacumq; alia aspersione distinxit, penitus Christi, & Ecclesiæ Fidem ignorans, non magis voluisse intelligendus est, quam si dormiens, aut amens baptizaretur, cum nulla antea eius significatio extitisset. Quem sanè nullo modo baptizatum esse ego non dubito quemadmodum ne illum quidem, de quo Augustinus valde dubitat, qui per iocum prorsus, ac nō serio baptizaretur. Nam & dissentire, atq; abnuere putandus est, qui contra vetus institutum suum aliquid noui prorsus ignarus accipit; & satis est eū nullam baptismi voluntatem habere, neque expressam, neque interpretatiuam, quam in adultis ad substantiam sacramenti requiri sanior, & certior Doctorū sententia habet. Ac satis id docuisse

De baptismo. c. Maior. §. item quaeritur.

Ibidem.

Inno-

Innocentius I I I. videtur, cum de baptismo dormientis aut infanti improbando, si antecédētis voluntatis signa non extēt, sententiam tulit. At verò cū neq; barbarus ipse satis exploratā habet præteritam voluntatem suam, neque notitiam illius temporis, neq; verò indicij manifestis percipi res potest, quòd frequens est in hac superiorū temporum perturbatione, & barbarie, salutare consiliū Alexandri I I I. sequendum est, & conditione adhibita baptismus iterum conferendus. Potrò voluntatem parentum in baptismo parvulorum suorum ad substantiam sacramenti necessariam esse, quamvis asserant quidā, rectè tamē asseri nō potest. Sed tamen parentibus inuitis, si infideles sint, eorū paruulos non esse baptizandos, quam non sine patrociniū nobilium autorum vtrinq; in scholis res agitur, tamen Thomæ sententia & Ecclesiæ consuetudine & Concilij provincialis autoritate longè præferenda est, dummodo in mortis periculo constitutum parvulum nulla expectata parentum voluntate baptizare licere & decere quoq; concedamus, quod autores quidam pij & docti pro illorū salute defendunt, & à nostris aliquando cū laude factum meminimus. Cū verò ex duobus parentibus alter filium parvulum Christianum fieri vult altero repugnāte & contranitante, iuxta Concilij Toletani, & Limensis decreta, baptismo fauēdum est, & illius ius præferendum, qui de filij salute melius cogitat. Atq; hæc de voluntate baptismum suscipientium obiter attigisse sit satis.

De baptismo. cap. De quibus.

Dur. in. 4. dist. 4. q. 6.

Pal. c. 4. Contra sen

tiūt Cai. 3. p. q. 68. ar.

10. & Sor⁹ in. 4. d. 5.

ar. 10. D. Tb. 2. 2.

q. 10 ar. 12 Con. Lim.

Const. 27. Sor. in. 4. d.

5. ar. 10. in fine idē cō-

firmat Cōc. Lim. Cōst.

27. Cōc. Tol. 4.

c. 61. 28. q. 1. Iudei qui.

FIdem verò in Dominum Iesum Christum, & *Act. 20.*
 Pœnitentiam in Deum, quam Paulus prædi- *& 2.*
 cabat in gentibus, Petrus ab Hebræis exigebat,
 necessariam esse, vt baptismus non solum Christi
 militem faciat, sed gratiæ etiam & salutis donati-
 uo afficiat, nemo est tam ineptus, qui dubitet. Ve-
 rum quæ Fidei mensurâ exigenda sit in catechu-
 meno, & quibus modis agendum, vt satis instru-
 ctus, & firmus veniat ad lauacrum Christi, satis
 est in libro superiore explicatum. Pœnitentiam
 autem hoc est anteaactæ vitæ veram detestationē,
 atque in posterum firmum corrigendæ consiliū,
 rarus est certè in Parochis, qui pro dignitate re-
 quirat. Nam & pristinæ superstitioni vulgo hæ-
 rent, & concubitus nefarios retinent, & ebriosi-
 tatem suam non deponunt: plerique honoris cau-
 sa baptismum ambiunt, ne ab Ecclesia arceantur,
 nonnulli vt Hispanis Dominis ea in re gratificen-
 tur, atq; eiusmodi fictionibus apud barbaros ple-
 na sunt omnia, nostra certè maxima ignauia, qui
 supini, atque oscitantes ea de re cogitamus, dig-
 ni certe, qui tanti sacrilegij pœnas luamus. De
 hac vitæ emendatione curanda & exploranda in
 competentibus multa antiqui Canones, mul-
 ta noua synodalia decreta præclarè præci-
 piunt: sed facilè omnia contemnuntur ab ijs,
 qui quæstum amant, salutem hominum, &
 Christi dignitatem non amant. Itaque ex
 anti-

576 DE PROCVRANDA INBORVM
antiqua Ecclesiæ consuetudine per quam com-
modum mihi videretur, vt catechumeni aliquot
dies, si menses longum esset, ieiunijs & precibus
alijsq; pijs operibus prout facultate sua exercerentur
ante baptismum, cum verò vt testimonium
ferrent temperasse se à flagitioso concubitu, ab
omni superstitione gentilibus, præcipueq; ab ebrie-
tate, Ecclesiam quoq; frequentasse, & omni offi-
cio vitæ superioris emendationem declarasse. Ita
fieret, vt paratiores venirent, & quam tandiu
probatam gratiam adipiscerentur, non ita facile re-
uersi ad vomitum corrupturi essent. De qua re
legi Gratianus potest in quarta distinctione de
consecratione, & cæteri, qui de catechesi, & præ-
paratione baptismi necessaria copiosè scripsere.

De ijs, qui se baptizatos vel negant vel mentiuntur.

C A P. V.

DE ijs verò, qui baptismum vel datum sibi es-
se mentiuntur, vel acceptum iam à se negant,
cum sit vtrumque paris sacrilegij & periculi, me-
rito synodalia decreta cautos esse Parochos iu-
bent. Sunt enim qui reuera baptizati non sunt,
cum tamen Christianis nominibus appellentur,
& Ecclesiastica mysteria conuentusque frequen-
tent. Hoc extemporum superiorum perturba-
tione accidisse constat. Atque in horum aliquot
nos incidimus, qui cum diu Christiani haberen-
tur, & Ioannes, aut Francisci, aut Petri vocaren-
tur, tandem concionibus nostrorum permoti
simu-

simulatione deposita baptizari se postularunt, & re diligenter discussa, inuentum est eos non fuisse re vera Christianos, sed à parentibus Indis subtractos per Hispanicos Dominos eiusmodi nominibus fuisse donatos: Nonnulli quoque Æthiopes cum sæpe confessiones annuas peregissent, rogati aliquando ea de re se nunquam esse baptizatos aperte confessi sunt. Erit igitur adhibenda non exigua diligentia præsertim erga aduenas & ignotæ regionis homines. Contra alijs ea occasione se baptizatos sæpe dissimulant, baptismumque supplices petunt, quem re verà iam acceperunt, eo sanè consilio, ut uxores novas ducere liceat, cum veteres displicent. Eum fucum prudentiores Parochi deprehendere solent. Ne igitur, vel grandi sacrilegio iterato sacramento contaminentur, vel à necessario excludantur, vigilare sacerdotes oportet. Et cum res liquido constare non potest, atque is qui baptismum petit, aliquot testimonium habet integritatis suæ, probabiliq; utrinque ratione dubia prudenti viro causa sit, Beati Leonis decretum salutare seruandum est de ijs, qui in cæ-
Leo ep 31.
c.1. De Cõf.
d. 4. cum
itaque.
Idem epi.
90. ca. 16.
De Cõf. d.
4. c. Si nul-
la.

ptiuitate positis parentibus nati sunt, & baptizatine sint, certum esse non potest, quorum potius saluti consulendum docet lauacro regenerationis adhibito. Quia quod non ostenditur gestum, ratio non sin-
tum.

HÆc pauca de baptismo Indorum: neq; verò
plura de facti Chrismatis sacramento dicen-
da sunt. Ac bene habet sanè, quod Confirmatio-
nis sacramento neophyti nostri priuati non
sunt: tamen si partim penuria Episcoporum par-
tīm fortassis negligentia, raro eam gratiam Indi
consequantur. Illud hoc loco, pro instituto no-
stro dicendum est, materiam huius sacramenti à
Doctoribus, & Florentino Concilio tradi, Chris-
ma ex oleo, & balsamo ab Episcopo consecra-
tum. Dubitant verò multi, an balsamum re vera
ad essentiam sacramenti pertineat: & plerisque
assentientibus, Sotus, & Caietanus graues au-
tores negant, qui si de vero balsamo loquun-
tur, omnino tenendi sunt, cum eorum senten-
tiam satis Apostolica sedes confirmasse videa-
tur. Extat enim inductum à Pio Quinto Pon-
tifice maximo Episcopo Tucumanensi datum,
quod nos ipsi in autographo vidimus, vt in
hac Occidentali India, liceat in consecratione
Chrismatis pro vero balsamo succum quendam
aliū adhibere, natiuum his regionibus, qui
balsami odorem, & suauitatem maximè refert.
Non igitur verum balsamum de essentia est sa-
cramenti, nisi malis materiam sacramento-
rum Ecclesie subdi, quod om-
nes viri docti repu-
diant.

De Eucharistia percipienda diuinum esse præceptum.

CAP. VII.

SEquitur vt de Eucharistiæ perceptione dicamus, à quagenus ludorū latissimè exclusum, adhuc homines docti, & pij frustra conqueruntur. Quem totum locum vt commodius explicemus, dicendum erit de ipso iure diuino, & Ecclesiastico percipiendi Eucharistiam: tum quid de consuetudine huc vsque seruata sentiendum sit, & de salute eorum, qui sine viatico cœlesti de vita decedunt: postremo quid deinceps fieri expediat, admittendine sint an excludendi à sacris mysterijs Indi. Ac primum non parua quæstio est inter Theologos, Vtrum re ipsa sumere Eucharistiam iuris diuini præceptum sit. Quidam enim non aliam, quam Ecclesiasticæ constitutionis vim agnoscunt, quorum potest videri non improbabilis sententia, quod videamus Ecclesiam quibusdam dare, quibusdam negare Eucharistiam, etiam cùm supremus agitur ipiritus: de qua re & antiqui Canones complures sunt, & quarundam hodie quoque prouinciarum mos est, vt ij, qui per publicos magistratus ad supplicia ducuntur, non communicentur. Atqui ius diuinum Ecclesiæ tollere, aut immutare non potest. Non ergo iuris diuini est, vt homines etiam in vitæ fine Eucharistiam accipiant. Adde quòd verba Christi, quibus maximè apud Ioannem necessaria ad vitam æternam carnis & sanguinis Christi perceptio perhibetur, æquè

*Bona. in. 4.
d. 12. art.
vlt. q. 1. Ale
xan. Hales
4 p. q. 51.
mib. 4. Ca
iota. 3. p. q.
8. ar. 11.
& 12.*

de omnibus loquuntur, adultis, inquam, & par-
Aug. lib. 1. de Peccat. merit. c. 20. ünlis, vt Augustinus sapissimè aduersus Pelagia-
Inno. 1. ep. 26. in Rescripto ad Conc. Mil. rum contendit, præcipuè libro primo de peccato-
 rum meritis, & remissione, quod etiam Innocen-
 tius primus in epistola ad Concilium Mileuita-
 num appetissimè docet. At verò paruulos sacra-
 mento altaris imbui, quicquid Græci, & Boëmi
 Hæretici contradicant, vsque adeo non est neces-
 se, vt contraria potius consuetudo teneatur in
 Ecclesia Dei, & olim si qui Patres paruulos com-
 municandos putarunt, nulla id salutis necessita-
 te fecisse, sine controversia credendum est, vt Sy-
 nodus Tridentina commonuit. Hæc igitur cogi-
 tanti mihi, tum verò ad huius occidenti orbis Ec-
 clesias oculos cōuertenti, nihil iuri diuino repuga-
 nare, si iam baptizati adulti Eucharistiam tran-
 quam percipiant, pene persuasum esset, nisi me
 inde tenecaret non modo D. Thomæ illiusque
D. Tho. 3. p. q. 80. ar. 11. sectatorum autoritas, quæ apud me valet pluri-
 mum, sed etiam perspicua atque efficax, quantum
 Domin. So- ego sentio, ratio. Si enim sacramenti cuiusq; ne-
 cessitas ex ipsius significatione intelligenda est,
toin. 4. d. 12. q. 1. ar. 11. vt Ecclesiæ consensus docet, & baptismum idcir-
Petrus 1. ar. 11. co ad vitam necessarium omnino fatemur, quod
Sot. De Eu- spiritalis generatio sit, nemo autè vivere queat,
char. lect. 9. Pal. in. 4. d. 9. q. 1. nisi nascatur: Pœnitentiæ quoque sacramentum
 necessarium agnoscimus lapsis post baptismum,
 quòd in eo per clauēs Ecclesiæ ianua aperitur
 regni cœlestis, qua occlusa nemo introire pos-
 sit in regnum: cum Eucharistia eibus sit ani-
 mæ, idque ex ipsa materia, & institutione Do-
 mini

mini apertissimè constet, qua obsecro ratione existimare possumus, nisi insanimus, tam pretiosam, tam salutarem cibum à Salvatore nostro institutum, & commendatum fidelibus, quibus tamen liberum sit vel nunquam illum ore contingeret? An est minus necessarius vitæ tuendæ cibus, quam medicina letali languori curandæ? Nam qui ut hinc evadant, Christum manducari spiritualiter à fidelibus posse ajunt, etiamsi sacramentaliter non manducent, atque eo cibo vitam animæ ali, vera illi quidem afferunt, sed nihil de argumentationis robore imminuunt. Etenim spiritualis Christi manducatio etiam veteribus Patribus communis fuit, ut Apostolus sanè confirmat, Omnes, inquit, in mari & in nube

1. Cor. 10.

baptizati sunt, & omnes eandem escam spiritua-
lem manducauerunt, Attamen populus Chri-
stianus in nouo testamento sicut ad vitæ gene-
rationem accepit baptismum, ita etiam ad vitæ
iam acceptæ alimentum accepit Eucharistiam.
Ipsam ergo Christum sacramentaliter sumere de-
bet ad vitam spiritualem conservandam, sicut in
ipso Christo per baptismum necessariò nascitur,
Neque mihi placet, ut re ipsa atque actu ac-
cipere hunc panem ad vitam animæ sustentan-
dam opus sit; satis esse non dubito, ut vo-
to accipiat ab eo, qui non est idoneus actu
accipere, dummodo re ipsa, atque actu ali-
quando suscipiat, quemadmodum de baptis-
mo, & Confessione sacramentali Fides Catho-
lica sentit. Etenim sicut de baptismo dictum

Ioan. 3. est à Domino , Nisi quis renatus fuerit ex aqua & Spiritu sancto non potest introire in Regnum cœlorum, ita etiam ab eodem de Eucharistia dictum est, Nisi manducaueritis carnem filij hominis, non habebitis vitam in vobis. Et sicut illic legimus, Ite docete omnes gentes, baptizantes eos in nomine Patris, & Filij, & Spiritus sancti: sic etiā hîc, Hoc facite in meam cômémorationem. Nā quodd illa Domini verba, de Fidei manducatione tantummodo intelligenda quidam volunt , grauitè & periculose labuntur. De vtraq; enim māducatione & Fidei, & sacramenti Christum loquitur ipse contextus aperte docet , tum Ecclesiæ Catholicæ consensus constantissimè confirmat, quæ testimonijs illis ex sancto Capite Ioannis ad doctrinam Eucharistiæ confirmandam perpetuo in Cœcilijs & decretis vsa est. Verè ergo loquitur Christus de sacramentali manducatione, quæ tātum Fidelibus baptizatis in hac vita positis conuenire potest: beatis & antiquæ legis partibus conuenire non potest, qui tamen Christum spiritualiter manducauerunt. Quod si hæc tam illustria scripturæ verba nulla essent, si nulla etiam cibi significati ratio haberetur, illud tamen abundè esse deberet, quod Ecclesiæ præceptum de cômunicando ex Concilij Lateranensis tempore legimus, vsum verò & perpetuum & vniuersalem ex ipso Spiritus sancti aduentu cernimus, sentire verò fidelibus liberum fuisse tunc penitus à cômunionē abstinere , vel ad id humano non diuino Instituto vocatos esse, magnæ profectò imperitiæ est:

est. Neq; enim Ecclesia de sacramētis percipien-
dis solet ferre leges, sed quibus tēporibus necessa-
riò sumantur, & qua ratione definire, id ad se per-
tinere propriè agnoscit. Est ergo est iuris diuini
præceptū, vt omnes adulti iam baptizati aliquan-
do communicent. Tempora autem percipiendæ
Eucharistix duo præcipuè sancta mater Ecclesia
definiuit: vnum cum quis mortis angustijs, aut
periculo premitur, tunc viatico necessario iuuā-
dum sacri Canones statuunt: alterum quotannis
in Dominico Paschate, de quo præceptum extat
Lateranensis Concilij, & Tridentinus Canon in
hæc verba, Si quis negauerit omnes, & singulos
Christi Fideles vtriusq; sexus, cum ad annos dis-
cretionis peruenerint, teneri singulis annis saltē
in Paschate ad communicandum iuxta præceptū
sanctæ Mariæ Ecclesiæ, anathema sit.

Cōcil. Nic.
cā. 13. 26.
q. 6. De his
ver. & in
Conc. Car-
tha. q. 6. 77
Cōc. Late.
c. 21.

Conc. Tri.
ses. 13. c. 9.

*Quod quamuis diuinum præceptum sit de com-
municando, possit tamen Ecclesia pro iudicio
suo communionem negare.*

CAP. VIII.

CUm igitur & diuinum ius secundum sanio-
rem & certiorē doctrinam, & Ecclesiasti-
cum præceptum secundum Fidem Catholicam,
habeat, vt omnes adulti iudicij compotes sa-
cramentum altaris accipiant, magna mihi
quæstio, & antehac, & modò maximè visa est,
quid de seruatō huc vsq; more in hac noua Occi-

384 DE PROCURANDA INEORVM
dentali Ecclesia sentiendum sit, vbi Indi adultj
iam baptizati, iidemque legitimè peccata con-
fessi, neque semel singulis annis, neque vetò
mortis urgente discrimine communicantur,
adeoque id vsu receptum est, vt si contra fieri
contingat, non leue scandalum homines putent.
An debet consuetudo hæc inter eas numerari,
quas Augustinus sapienter pro varietate loco-
rum varias esse in Ecclesijs seruandas docet.
At ille in ijs tantum eam facultatem tribuit,
quæ non sunt contra Fidem Catholicam, &
Conciliorum Generalium decreta, quale de
communicandis adultis omnibus esse, dubita-
re non possumus. An verò harum regionum ho-
mines tandiu absurde contra Ecclesiasticam
disciplinam, & Euangelicam legem etrasse
arbitrabimur? At multi Præsules, & docto-
res sapientia, & religione præstantes eiusmodi
motem, vel probarunt, vel certè dissi-
mularunt. An potius quod hætenus factita-
tum est, ita non penitus imptobare debemus,
vt corrigi tamen & in meliorem vsum trans-
ferri oporteat. Mihi sanè ita videtur: vt & mode-
stè de hac Ecclesia noua sentiamus, & tamen ve-
ritatem Euangelij, salutem præsertim Indotum tan-
topere necessariam asseramus. Quod vt facilius
intelligatur, oportet illud diligenter aduertere,
quod quamuis diuini & Euangelici iuris sit, vt
Christianus aliquando communicet, potest ni-
hilominus illum Ecclesia à communione sus-
pendere non solum ad definitum tempus, sed etiam
per

*Aug. ad La-
pnuatium epi.
118. &
119.*

per totam vitam, & quod mirabile est, ipso mortis urgente periculo potest priuare viatico, neq; tamen vlla ex parte ius diuinum violatur. Id ita esse complures antiquorum Conciliorum Canones apertissimè monstrant, quibus propter varias causas etiam verè pœnitentibus cū de vita exeunt, non esse concedendam Eucharistiam legimus. In vno Elyberino Concilio omnium pro pœmodum Prouincialium antiquissimo, plurquam septem aut octo canones ob varia commissa, neque in fine communionem accipiendā esse decernunt. Ac nequis vel Prouincialis Concilij auctoritatem, non magni faciat, vel peculiarem alicuius regionis & Ecclesiæ eam seueritatem putet, legat beati Innocentij Papæ epistolam ad sanctum Exuperium Episcopum Tolossanum, cuius verba recitare placet, Quæsitum est, inquit, quid de his obseruari oporteat, qui post baptismum omni tempore incontinentiæ & voluptatibus dediti, in extremo fine vitæ suæ, pœnitentiam simul, & reconciliationem communionis exposcunt. De his obseruatio prior, durior: posterior interueniēte misericordia inclinatio est. Nam consuetudo prior tenuit, vt concederetur eis pœnitentia, sed communio negaretur, Nam cum illis tēporibus crebræ persecutiones essent, ne communionis concessa facilitas homines de reconciliatione securus non reuocaret à lapsu, negata meritò communio est, concessa pœnitentia, ne totum penitus negaretur, & duriorē remissionem fecit temporis ratio. Sed postquam

*Conc. Elyberinum .
in 1. tom.*

*Innocen. 1 .
epi. 3. ca. 2.*

Dominus noster pacem Ecclesijs suis reddidit, iam depulso terrore, communionem dari abeuntibus placuit, & propter Domini misericordiam quasi viaticum profecturis. Quem morem pontifex ipse Innocentius deinceps retinendum decernit, magnæ Nicenæ synodi auctoritatem secutus, cuius decimus tertius canon habet. De

26. q. 6. c.
de his verò

quoque seruabitur, vt si quis vita excedit, vltimo & maximè necessario viatico ne priuetur. Quamuis ergo hoc decretum Nicenum toto orbe terrarum perpetuo obtinuerit, tamen negare non possumus antiquiores patres etiam in extremo vitæ sine quibusdam penitentibus viaticum detraxisse: neque ea in re sanctissimos viros, atq; doctissimos diuino præcepto restitisse sentire sine impudentia possumus, cum præsertim Innocentius primus merito id factum apertè fateatur. At, tu ipse, dicet aliquis, diuinum & Evangelicam de Eucharistia sumenda præceptum statuis, statuo sanè, sed ita tamen vt Christus Dominus Ecclesiæ suæ commiserit, quando, & quomodo, & à quibus Eucharistia sumeretur. Itaq; potest illa legitima ex causa, & tēpus prorogare, & omnino suspendere aliquem à communione: sicut potuit eadem aliquādo infantes communicare probabili ex causa, & mox id prohibere ex causa: potuit plebem vtrāq; specie cōmunicare, & mox id ipsum lege vetare. Nam vbiq; quidem illa in dispensatione sacramentorum potestatem maximam habet diuinitus datā, sed nusquam ita

illu-

illustrem atq; perspicuam, atque in hoc omnium diuinissimo sacramento, quod profectò præclare docent Tridētini patres, illis verbis, præterea declarat hanc potestatem, perpetuo in Ecclesia fuisse, vt in sacramentorum dispensatione salua illorum substantia ea statueret, vel mutaret, quæ suscipiētium vtilitati seu ipsorum sacramentorum venerationi pro rerum, tēporum, & locorum varietate magis expedire indicaret. Si quis ergo ex me presse, & scholastice quærat, quale nam sit de Eucharistia percipienda diuinum præceptum, illud sine dubio respōsurus sum, vt omnes Christi corpus ab Ecclesia datum accipiant. Neque enim iubentur arripere ipsi, sed de manu ministrorum sumere: à quibus & petere debent, & cum illi tribuant, non possunt perpetuò renuere, nisi diuino iure violato. Neque verò, in quo quæstionis est nōdus, propterea ministri Ecclesiæ, & dispensatores sacramentorum Dei coguntur, aut omnibus, aut omni tempore porrigere Eucharistiam, sed suo iudicio Ecclesia vtī diuinitus sinitur, vt det vel subtrahat in tempore tritici cœlestis mensuram, prout in Spiritu sancto expedire iudicauerit. Nam ad hunc ferè modum scholastici scriptores quidam diuinum de satisfactione præceptum interpretantur, vt satisfacere quiuis debeat pro modo sibi ab eo qui habet Ecclesiæ clauis imposito. Itaque potuit Ecclesia hæc Indicana neophytis suis Eucharistiam subducere, nullo violato neque diuino, neque Ecclesiastico præcepto. Diuinum sanè, vt dixi, non

cogit

*Sess. 21. c. 2**Sot. in. 4. d.**20. qu. 2.**art. 2.*

cogit ministros Ecclesiæ indicio suo non uti. Ecclesiasticum verò licet magis expressum definitumque sit, tamen cum sacerdoti audita pœnitentis confessione facultas tribuatur in magna

*Conc. Lett.
62.21.*

Lateſanenſi ſynodo, vt ſi ita expedire cenſuerit, differat à cõmunione etiam in Paſchate pœnitentem, quod olim frequentiffimum erat, facile interpretari poſſumus, non eſſe ſublatam Episcopis, & maioribus Eccleſiæ poteſtatem differendi per vitam totam hominem, aut hominũ aliquod genus, cum ita expedire magnis rationibus iudicauerint. Atq; hæc eo à me dicta pertinent, quod huius Eccleſiæ præſulibus, & doctõribus eam notam inuti minimè velim, vt contra diuinum, & Eccleſiaſticum præceptum tamdiu, & egiſſe, & agere exiſtimentur. De qua tota re Concilij

*Concil. Limen. conſt.
18.*

Limeniſis ſententiam ſubijciam: Quamvis omnes Chriſtiani adulti vtriuſque ſexus præcepto teneantur ſanctiſſimum Euchariſtiæ ſacramentum accipere ſingulis annis ſaltem in Paſchate, tamen huius prouinciæ Antiſtites, cum aduerterent gentem hanc Indorum, & recentem eſſe, & infantilem in fide, atque ita ipſorum ſaluti expedire iudicaret, ſtatuērunt, vt uſque dum fidem perfectè tenerent, hoc diuino ſacramen-

to, qui eſt perfectorum cibis, non communicarentur, excepto ſi quis ei percipiendo ſatis idoneus videretur.

Quod

*Quod omnino expediat priori consuetudine emendata,
Indor fideles communicare.*

CAP. IX.

V Erum hæc hæctenus disputata sunt, ut lice-
re aliqua ratione neophytos à communio-
ne differte non improbemus: at hoc ita vniuersè
& perpetuo fieri, ut in his regionibus ferè sit, nul-
lo modo probare possumus. Itaque corrigenda
est prorsus consuetudo ista, & tam antistitum au-
toritate, quam virorum literatorum doctrina ab
hoc nouo orbe exterminanda. Quamobrem in
illo eodém Concilij Prouincialis decreto, post-
quam prior consuetudo aliqua ex parte excusa-
tur, in posterum tamen ita mutatur atque cor-
rigitur: Quoniam verò complures iam Indorū
fidei Christianæ doctrinam melius percipiunt,
atque hoc diuinum sacramentum non solum de-
uotè cupiunt suscipere, verum etiā petunt, & vè
fiat sibi copia, importunè efflagitāt, placuit huic
sanctæ Synodo mōnere, prout iterū monet, om-
nes Indorum parochos, ut quos audita iam cō-
fessione perspexerint hunc cœlestem cibum à re-
liquo corporali discernere, atque eundem deuotè
cupere & poscere, quoniam sine causa nemi-
nem diuino alimento priuare possumus, quo tē-
pore cæteris Christianis solent, Indis etiā om-
nibus administrent. Quæ pia sanè, & satis con-
sulta constitutio nihilo magis, ex quo edita est
annos iam nouem obseruatur, quā reliquo retro
tem-

*Eadem con-
stit. § 8.*

590 DE PROCVRANDA INDORVM
tempore: vt hinc satis appareat, non venerationi
sacramenti cœlestis aut neophytorum saluti ple-
rosque sacerdotes consulere, sed otio & ignauia
indulgere, cum religionem, & prudentiam in ne-
ganda Eucharistia perquam ambitiose prætexât.
Quam ergo magnopere expediat novos Christi
milites communicare illo pane, qui cor hominis
verè confirmat, etiam si rudes illi sint, & tyrones,
ostendit in primis totius Ecclesiæ Catholicæ ab
ipsis primis exordijs consuetudo, qua Spiritu san-
cto duce omnes Christiani ex ipso fonte Baptis-
mi ad sacrosancta mysteria percipiendâ perduce-
bantur. Adeo in Ecclesia Dei certum fuit, qui-
bus esset lauacrum regenerationis legitime da-
tum, eis cœleste alimentum concedi debere. Te-
stes multi produci possent, sed vnus nobis Dio-
nysius Apostolici, & temporis, & Spiritus satis
erit, is sacros ritus baptismi enarrans, ita terioit,
sacerdotes illum vestem baptizati munditiæ cō-
gruam induunt, sicque indutum rursus ad Pon-
tificem ducunt, ille diuino ac deifico prorsus vn-
guento virum signans sacratissimæ communio-
nis participem facit. Et mox tractata intelligen-
tia baptismi mystica, ita rem absoluit, In fine au-
tem omnium Pontifex ita perfectum ad sacratis-
simam Eucharistiam vocat, atque consumman-
tium illi sacramentorum communionem deifi-
cam tradit. Hæc Dionysius. Quod vsque adeo in
Ecclesia seruatum est, vt eos etiam quos minus
consideratè baptismo ablutos esse constaret, ta-
men à communione non prohiberent tanquam
suo

*Dionys. de
Ecc. Hier.
ca. 2. p. 1.*

ca. 2. p. 3.

fuo iure id exigentes . Constat hoc ex Concilio Toletano, vt alia omittamus , Qui autem iam pridem ad Christianitatem venire coacti sunt (sicut factum est temporibus religiosissimi principis Sisibuti) quia iam constat eos sacramentis diuinis associatos , & baptismi gratiam suscepisse , & Christinate vnctos esse , & corporis Domini , & sanguinis extitisse participes , & cetera . Hæc sanè Ecclesie consuetudo inuiolata fuit , quòd nimirum sancti Patres censerent sine Eucharistia neminem esse perfectum Christianum atque constantem . Adeoque id verum est sententia illorum , vt beatus Augustinus eos , qui non communicant non plenos Christianos, sed semichristianos, aut nõdum Christianos definire videatur: Ita enim scribit in Ioannem , Si dixerimus Catechumeno, *Credis in Christum* , respondet , *Credo* , & signat se cruce Christi , portat in fronte & non erubescit de cruce Domini sui . Ecce credit in nomine eius interrogemus eum , manducas carnem filij hominis , & bibis sanguinem filij hominis ? nescit , quid dicimus , quia Iesus non se credidit ei . Et post pauca , Accessit ad illos Iesus, facit in illis salutem, quia ipse dixit, Nisi quis manducauerit carnem meam , & biberit sanguinem meum , non habebit in se vitam , & mox , Quo traiecit per baptismum Iesus, cuius figuram gerebat Moyse, qui per mare traieciebat ? quo traieciebat ? ad Manna, quid est Manna ? Ego sum , inquit , panis viuus,

*Conc. Tol.
4.6.55.*

*Aug. tract.
11. in. ioh.*

Ioh. 6.

viuus, qui de cœlo descendi. Manna accipiunt fideles iam traiectione per mare rubrum. Significabat mare illud rubrum baptismum Christi, quò ergo perducit credentes & baptizatos? Ad manna. Et nesciunt Catechumeni, quid accipiant Christiani, et rubescant ergo, quia nesciunt, transeant mare rubrum, manducant manna, ut quomodo crediderunt in nomine Iesu, sic se ipsis credat Iesus. Hactenus Augustinus. In eorum ergo numero reponendi sunt, qui non accipiunt cœleste manna, quibus Iesus se ipsum non credit, hoc est inter semichristianos, & qui Catechumenorum ordinem non excessere. Quantopere autem referat ad fidem confirmandam, ad spem augendam, ad charitatem dilatandam, ad omnem denique Christianæ vitæ rationem promouendam, cœlestis illius panis frequentatio, nemo est propterea qui dicendo satis consequi possit. Vnde obsecro tantus fidei ardor initio nascentis Ecclesiæ, Erant, inquit, perseverantes in doctrina Apostolorum, & orationibus, & fractione panis. Vnde ad calcandum mundi fastum, vnde ad sustineunda martyria inuicta virtus? vnde ad glorificandum Christum inter gladios & ignem tanta illa alacritas animorum? Ex illa, ait Chrysostomus, mensa tanquam Leones ignem spirantes ipsi diabolo formidabiles discedamus. Quid Cyprianus? Idoneus esse non potest, inquit, ad martyrium, qui ab Ecclesia non armatur ad prælium: & mens deficit, quam non recepta Eucharistia erigit, & accedit. Multum planè, & supra quàm dici potest baptismus hominẽ

con-

Añter. 2.

Chry. homi.

1. ad pop.

Ant.

Cyp. lib. 1

epist. 2.

conferunt, multum cetera sacramenta: sed sine hoc
 omnium sacramentorum summo, imperfecta cē-
 tera sunt, neq; vitam Christianam, quam inchoāt
 aut promouent, perficere possunt. An non Dio-
 nysius idoneus autor est, cui fidem habeamus? At
 ille sic scribit, Dicimus ergo cetera sacramen- *Dionys. de*
 rum signa, quorum nobis societas indulgetur, hu- *Ecel. Hier.*
 ius diuinis profectō cōsummātibusq; muneribus *c. 3. p. 1.*
 perfici. Neq; enim fermē fas est sacerdotalis mu-
 neris mysterium aliquod peragi, nisi diuinum
 istud Eucharistiæ augustissimumq; sacramen-
 tum compleat. Usque adeo sancti Patres nolunt
 Christianos sacramentis ceteris esse contentos.
 Quid ergo nos tam stolide, vel querimus, vel
 miramur Indorum gentē nondum firmas in fi-
 de, & religione Christiana egisse radices? Bacu- *Ex ec. 4.*
 lum panis auferimus, vt propheta loquitur, &
~~idcirco~~ *idcirco* miramur? Famelicis alimenta di-
 uina subtrahimus, & maciem gressusque tituban-
 tes accensamus? Propheta se percussū, vt fœnum *Psal. 101.*
 & aruisse cor suū dolet, quod oblitus sit come-
 dere panem suū: quid agent, qui nūquam illū
 etiam degustarunt? Nos tamen nihil tot in Chri-
 sto paruulorum seruientem interitumq; dolem-
 us. Cum deficiat paruulus, & lactens in pla- *Thren. 2.*
 teis opoidi, hoc est, cum recens in Christo nati
 nobis spectantibus, & tacentibus in media Ec-
 clesia intereant pte fame, & quidem cum instant
 ipsi, atque audē diuina sacramenta poscant, non
 eū qui porrigat, omnes dedignātur, omnes auer-
 santur miseros, vt verē videamus impleri, quod

sermo diuinus statim adiungit, Matribus suis dixerunt, Vbi est triticum & vinum? cum deficerent quasi vulnerati in plateis ciuitatis, cum exhalarent animas suas in sinu matrum suarum.

Psal. 103.

Quod si panis hic cœlestis propriè cor hominis confirmat, si sensum mentis illustrat, si aduersus pericula & hostiles impetus munit, si denique vnus vitam spiritualem conseruat & perficit, quid aliud quærimus, cur deficiente pane corruant isti vnusquisq; ad proximum suum, & contabescant in iniquitatibus suis? Re vera

Ezec. 4.

Marc. 7.

Psal. 4.

deficiunt in via Domini, quia contra Domini præceptum sinuntur abire ieiuni. Contra quicumque hoc cibo reficiuntur, à facie frumenti multiplicantur, & vires quotidie nouas sumunt. Docuit hoc vsus ipse copiose. Nam quotquot ex Indorum genere à nostris (qui contradicentibus cæteris id ausi aggreſſi sunt) communicantur hæcenus ea puritate, eo animi robore, eo fidei sensu, ijs denique vitæ vniuersæ studijs, cæteris præstant, vt meritò sacerdotes ipsi mircntur, atque ingenuè confiteantur ampliores, & illustriores huius supercœlestis panis fructus in neophytis cerni, quam in cæteris, neque immerito. Nam & fide & deuotione nos vincût: quod nos ipsi abunde sumus experti. Ferè commune prouerbiū Indis est eum, qui semel Eucharistiam acceperit, nullum amplius crimen debere committere: quod si quando humana fragilitate admissum sit, tanto animi dolore tanta in seipsum indignatione commotum

ad pœ-

ad pœnitentiam venire Indum conspeximus, & tam duras de suo scelere pœnas exigere, vt ardorem fidei admirati simus. Neq; enim tantam inuenimus in Israel Scimus aliquot per simulationem diuino obrepfisse conuiuio non indutos veste nuptiali, sed abeant simulatores: nos de verè Abrahamæ filijs loquimur, quos non dubitamus ab extremo hoc Occidente in mensa Domini cum *Mat. 3.* Abraham, & Isaac, & Iacob præclate recumbere. Certè Eucharistia ipsa pro sua benignitate, & magnificentia nouos mensæ suæ conuiuas largius locupletiusque videtur excipere. Quare cum perpetua totius populi Christiani consuetudine, cum maiorum nostrorum ac sanctorum Patrum autoritate, cum ratione ipsa perspicua, cum testatissima experientia doceamur nouis Indorum gentibus supersubstantialem panem communicare, quis deinceps tam erit cœlesti beneficio ingratus, tam negligēs salutis fratrum, tam ipsius Christi Iesu gloriæ inuidas, qui non inepto hoc more longissimè relegato, sacram Eucharistiam auidè præsertim petentibus fratribus arbitretur esse tribuendam?

Confutatio opinionis contrariæ.

C A P. X.

AT perfectorum, inquiunt, panis est ille cœlestis, cibus grandium, vt Augustinus *Aug. lib. 7.* audiuit, crescant, & manducabunt. Imò verò *Confes.*

Pp 2 manda-

manducant , vt crescant . Neque enim ego Angelorum panem , & superflubstantialem vi-
 rorum atque perfectorum cibum esse nego: ve-
 rum idem cibus est paruulorum, idem infirmo-
 rum alimentum . An non diuina sapientia post-
 quam ædificauit sibi domum, & excidit colum-
 nas septem, & immolauit victimas, & miscuit
 vinum, & proposuit denique mensam suam,
 ita alloquitur conuiuas suos . Si quis est paru-
 lus ueniat ad me, & insipientibus locuta est,
 Venite comedite panem meum, & bibite vi-
 num; quod miscui vobis, relinquitte infantiam,
 & uiuite & ambulate per vias prudentiæ? Par-
 uulos ergo alloquitur, paruulos inuitat ad cœ-
 lestis mensæ conuiuium . Nam cum diuites
 illi ac præpotentes varijs ex causis venire vo-
 cati recusassent, Rex qui lautas & splendoras
 epulas appararat, seruos suos, vt dicitur, &
 claudos, & pauperes accerserent, misit, vs-
 que dum conuiuijs domus regia impletetur:
 atque illud solum in conuiuijs exposculauit,
 quod quidam vestem nuptijs dignam non at-
 tulisset . An verò quos Dominus libenter vo-
 cat, & gratos habet, hos ministri iure fasti-
 diant? Certe sancti Patres, qui panem hunc per-
 fectorum, & virosum in Christo cibum esse vo-
 lunt, idem debiliu, & paruulorum viribus au-
 gendis, & confirmandis, & medicinam, & ali-
 mentum esse aptissimum copiose testantur. Non
 ergo quoniam minus perfecti in fide, & charita-
 te neophyti sunt, repellendi sunt, sed multo ma-
 gis

Proh. 9.

2. 2.

Luc. 14.

Mat. 22.

2. 2.

gis inuitandi, & alliaciendi, ut vſu ipſo panis hu-
 ſus, qui cor hominis confirmat, perfecti fiant.
 Alij ſtoliditatem & imperitiam barbarorum no-
 bis obijciunt, indignum eſſe dicentes, ſi ca-
 nibus & porcis margaritas projiciamus. Sed
 qui Chriſti lauacro purificati legitimè ſunt,
 canes certè, & ſues illi non ſunt. Quod ſi ſen-
 ſus horum exiguus eſt, ne tales quidem à ſe
 repellit benigniſſimus Dominus. Diuus ſanè
 Thomas tantæ autoritatis vir ijs, qui debilem *Thom. 3. p.*
 habent vſum rationis, non eſſe denegandum *q. 80. a. 9.*
 hoc ſacramentum, apertè ſcribit. Ut enim
 ſenſu & ratione parum valeant, multum ta-
 men præſtabunt amentibus, & phreneticis,
 quorum ſi anterior deuotio teſtata ſit, inſtil-
 landam illis atque infundendam Euchariftiam
 ſacerdotum Patrum Canones iubent. Viſque *Conc. Car*
 adeo pluris fuit fructus, quem ex hoc ſacramen- *tag. 4. c. 76*
 to homines percipiunt, quam ſpecies quædam *26. q. 6. Is*
 religionis, quam multi hoc tempore præ ſe fe- *qui in in-*
 runt. Ac ſe vera non eſt tam Indorum ſenſus *firmitate.*
 exiguus ad percipiendam Euchariftiam, quam
 Parochorum magna deſidia ad porrigendam.
 Nam ut curam laboremque docendi, & præpa-
 randi plebem à ſe reiſciant, ruditatem & impe-
 ritiam iſtorum obtendunt. Non ſatis diſcernit
 Indus inter cibum ſacrum & profanum, inquis.
 At quî poteſt ille diſcernere, ſi tu nunquam hoc
 docuiſti? Non eam deuotionem affert, quam
 oportet. Quomodo verò afferet, ſi tu ad cœle-
 ſte ſacramentum nunquam inuitas? ſi neque

dignitatem commendas, neque immensam vtilitatem doces? Omnino experti sumus ipsi, quam vehementer excitentur Indi, cum hæc illis commemorantur, quam omnia & polliceantur, & præstent, vt liceat eis de illo pane edere. Quanta verò inuidia, quo dolore pulsantur cum intuentur Hispanos communicantes: quod si quem suorum hac mensa dignatum conspiciunt, omnium studia ardent, atq; ad se se diffundi eam liberalitatem vehementer efflagitant. Itaq; ad docendam fidei catechesin, & ad turpia quædam vitia profliganda ebrietatem præsertim, nullum remedium præsentius experti sumus, quam vt sacra communio præmium proponeretur ijs, qui & fidei dogmata optimè tenerent atq; exponerent, & mores Christianos atque honestissimos præ se ferrent. Certant inter se, cum ista audiunt, & gratissimum habent, cum admittuntur, refectiq; semel cibo cœlesti puritatem mentis, & corporis multò studiosius quàm Hispani conseruant, vt redire liceat ad mensam illam, ardent exoptât. Hoc parochi complures minus credunt. At nos non longè posita loquimur, faciant ipsi periculum, si zelum Dei habent, ac non negligentiae prætextum quærant. Sed qui grauius & probabilius videntur morem istum suum defendere, illud obijciunt, quòd non tutò præbeatnr Eucharistia neophytis, quippe qui veterem superstitionem non satis exuerint, fierique possit, vt indignum aliquid in Christi corpus designent, cū non constet latis animo an sint fideles. Istorum flagi-

flagitia vilitata commemorant, sordes præsertim
 carnis, & temulentia. Talibus porrigere sacra-
 mentum nihil esse aliud quàm in cloacam aut sen-
 tinam proijcere. Quibus equidem respondebo
 non absq; probatione, & examine panem illum
 præbendum esse neq; nouis, neq; veteribus Chri-
 stianis. Quod si quis est fornicator, aut ebriosus, *1. Cor. 5.*
 aut idolis seruiens, cum eiusmodi etiam commu-
 nem cibum capere Apostolus vetat, nedùm celesti
 mensa communicare. Verum hoc neq; omnium
 neophytorum est, neq; si illorũ tales sunt aliquã-
 do morbi aliter in illis curandi sunt, quam in cæte-
 ris fidelibus, quorum nouimus corruptos mores,
 & vitam admodũ flagitiosam legitima pœnitentia
 & confessione detergi, atque ita salubri satisfac-
 tione purgatos, vt ait Leo Papa, ad communio-
 nem admitti. Cur igitur nõ idem apud Indos in-
 dulgentiã erit, quibus eo magis cum labuntur ve-
 nia danda est, quod ignorantia potius, & imbecil-
 litate quadam, quam animi peruersitate laborant.
 Itaq; vel ad ipsa istorum vicia amputanda & tol-
 lenda singularis remedij est, diuinã communionẽ
 ijs, qui ab ebrietate & cæteris sordibus diligenter
 cauent, præmium ponere. Neque enim vbi per-
 spectã est superstitionis antiquæ aut ebriositatis,
 aut scdæ consuetudinis macula, ad altare Indus
 debet admitti, nisi contraria opera illam mani-
 festẽ & diligenter eluerit. Nam etsi veniam
 Absaloni filio, Ioabo interpellante sapientif-
 simus David negare non potuit, ingressum ta-
 men Hierusalem à suo conspectu per biennium

*Leo 1. De
 pœnit. d. 1.
 c. multip.*

2. Reg. 14.

abstinere iussit. Intelligant Indi quod communione priuantur non esse nationis, sed criminis; & vniuersum Christianis concedatur, sed non Christiano dignis moribus subtrahatur. Neque ego nimiam modo frequentiam Eucharistiae in Indis probo, fortassis enim facilitas contemptum pariet. Sed illud contendo, vt quotannis nisi ex certa causa communicentur, vt Ecclesia praecipit, tum praecipue, vt cum de vita exeunt, & rite sacerdoti confessi sunt, viatico necessatione priuentur, quemadmodum habet Nicenus Canon. Quinam autem indigni, ineptiae sint, quibus Angelorum panis praebeatur, sacerdotum ipsorum audita confessione caeterisque perspectis, iudicium esto. Sacrilegiorum vero, quæ quidam aut metuunt, aut intusant, profecto periculum nullum est, aut perperam fatentur. Neque enim Indi Iudæorum more auerti iunt à mysterio Christi, neque est timendum, ne contumelia afficiant sumptam Eucharistiam, quam reuera venesantur, neque eius generis exempla hactenus certa vidimus, quin potius quod ad externum cultum attinet multo quam veteres Christiani ad religionem propensiores sunt. Quod si pueris olim, & phreneticis Eucharistia dabatur, vt Ecclesiasticæ historiae copiose testantur, neque id contra religionem censebant sancti Patres, cur illi sacramento fiat iniuria, si pauperes & egentes iuxta Psalmum edant, & saturentur, qui si iudicio aut doctrina minus interdum vigent, id satis

sed satis animi pietate, & fidei necessitate compen-
sant? Parvuli sanè panem petunt, & ad sacramen-
tum desiderio, & Fide anhelant; sed qui frangat
docendo, & comminuendo eorum captui con-
venienter, ratus omnino est. Præparare ergo de-
bemus Indorum mentem & Fidem, atq; ita pro-
batis, & præparatis panem cœlestem dare: sed
(quod pleriq; facimus) quia præparare piget, ad
accipiendum indignos acculare magis placet.

De necessitate Confessionis,
CAP. XI,

AD Pœnitentiæ sacramentum venio, quod à
patribus quartum numeratur, quamvis vul-
gò Eucharistiam præire soleat. Est autem Confes-
sio peccatorum post baptismum lapsis non mi-
nus necessaria, ut est à Spiritu sancto in Concilio
Tridentino definitum, quam nondum regenera-
tis ipse baptismus. Quod si ubiq; gentium singu-
laris hæc medicina imbecillitatis humanæ cog-
noscenda prædicandaque est, nonis certe Indo-
rum populis post fidem Christi, nihil est & cre-
brius & accuratius repetendum, quod vna hæc
salutis illorum spes superfit, Paulus prædicabat Fi-
dem in Iesum Christum, & pœnitentiam in Deū.
Christi ille quidem tantam volebat apud homi-
nes auctoritatem existere, ut non tam crebrò in
Deum credere eos admoneret, quod facile sen-
sus humanus admittit, quam in Iesum Christum,
ut eius divinitas esset testata, eoq; fides perfectior

Ses. 14. c. 2.

Act. 20.

quo sensu humano superior. Contra, Pœnitentiâ in Deum maluit dicere quam in Christum, vt cum criminum quisq; suorum meminisset, Deum ipsum non hominem solum, sibi offensum, & iratum cogitans, vehementius doleret. Quoniam vero pœnitentiam etiam ante baptismum ita necessariam esse constat, vt tamen sine baptismo vel re vel voto suscepto nō sufficiat, consequens est prorsus, vt qui primam regenerationis stolam maculauit, & pœnitentia indigeat, & per clauēs Ecclesiæ gratiæ restitui debeat, sine quibus salutis aditus nemini post baptismum lapsō patere potest. Barbaris autem, quorum est sensus natura imbecillior, Fides verō non admodum excitata, rarum est valde, vt perfectus ille dolor, quem contritionem dicimus, de criminibus cōmissis hæreat, quo magis diuinæ medicinæ auxilio excipiendi adiungetur; sunt, vt quod hominis operi deest, cœlestis sacramenti vis suppleat. Nam quōd Absolutionis beneficio dolor ille non vsquequaq; perfectus, qui à plerisq; attritio, à nonnullis imperfecta contritio vocatur, valeat ad salutem & primam iustificationis gratiam consequendam, tam mihi certum est, vt inter catholica dogmata propemodū numerandum putem. Neq; obscurè Tridentini Patres id docuisse videntur, cum eam attritionē, quæ per se non iustificat, ad iustificationis gratiam in sacramento Pœnitentiæ impetrandam valere declarant. Mihi verō & ratio aperta persuadet, cum per clauēs Ecclesiæ detur vera absolutio culpæ, idque per se & ex propria institutione,

*Conc. Tri.
Sess. 14. c. 4.*

tutione, cum sit etiam morbi letalis medicina præsens, sit lepræ ostensæ purificatio operatoria, sit denique mortuæ animæ à morte peccati excitatio, quemadmodum sanctorum Patrum literæ produnt: tum maximè me confirmat quotidiana diuinæ operationis experientia, si tamen occultæ operationis experientia dici debet, fiducia quædam de multorum hominum salute certissima. Cernimus planè innumerabiles animas minus perfecto dolore pro scelerum magnitudine commotas ad hoc sacramentum accedere, quibus postquâ quod in nobis situm est, præstamus, & de Dei immensitate confisi sacramentum absolutionis impendimus, adeo celestium donorum, quantum homini conijcere datur, testimonia non obscura succedunt, ut nihil aliud cogitare possimus, quam quod verissima bonitas dicit, *Quæ solueritis in terris, in cælis soluta erunt.* Quamobrem non est cur quisquam de Indorum salute desperet, neque eorum tennes conatus, & examinationes conscientiæ, & minus accuratas peccatorum enumerationes, & doloris non usque adeo expressa signa, & cætera pro eorum captu non magna contemnati: sed quantum potest, ipse adiuuet fratrem, & infirmum, ut ait Paulus, in fide assumat, agat deniq; quod potest, id verò omne, quod restat, diuinæ clementiæ committat securus, qui exiguo faciliè concedit misericordiam, & laborantem ac lassum reficit, & hoc habet ipse refrigerium, si reficiamus ægrotum, & sciamus animam lassam sustentare

*Matt. 18.**Ioan. 20.**Rom. 1. 4.**Sap. 6.**Esai. 28.**Esai. 50.**ser.*

604 DE PROCURANDA INDORVM
sermone, & de tenui offerentem Domino, quod
habet, non asperneimur. Equidem horum mise-
rorum confessiones imperitas secutius audio,
quam hominum præpotentum expolitas, & ma-
gna doloris significatione profusas. Cum ergo in
hoc sacramento vnica sit spes salutis Indorum,
p̄t̄e omnibus & diligentius & crebrius meditan-
dum prædicandumque erit,

*Confessionis peccatorum vsum Indis in sua superstitione
fuisse. CAP. XII,*

Illud autem merito mirari quispiam possit, Cō-
fessionem peccatorum etiam occulorum, &
grauium celebri vsu apud hosce barbaros longè
ante Christi Euangelium auditum, frequentatā.
Erant sacerdotes non pauci huic ipsi munera as-
signati, qui plebis audiendis confessionibus va-
carent. Atque ad singula deprompta peccata ex
manipulo quodam scæniculum frangens sacer-
dos, ab eo videlicet crimine liberum pronuntia-
bat. Vnde apud superiores Prouincias Ychnusyres
eiusmodi sacerdotes vocabantur. Ac vt mihi qui-
dem narrabant Chucuiti Patochiarum præpositi,
non omnes omnium criminum absoluendorum
parem potestatem habebant: sed grauiora quæ-
dam facinora apud primarios veluti Pontifices
deponere vsus erat. Hanc ergo consuetudinem
inter idololatrias barbaros religiosè obseruatam
mirari, vt dixi, merito, possis. At illud non admi-
rationem sed stuporem mihi propemodū affect,
valuisse

valuisse tantum Diaboli hominumque mendacium apud homines, ut non solum occulta crimina prodessent, sed sævas etiam pœnas sibi pro ijs iniungi æquo animo paterentur. Iubebantur sæpe expiandi adulterij aut alterius sceleris causa, durissimo saxo ad scapulas tundi fortiter, interdum à iuuenibus diu virgis cædi, non rarò si scelera magnitudo acerbius aliquid postulare videretur, in excelsam atq; omni solatij genere destitutam rupem secedere, & longum ibi ætuum, ferarum more traducere. Complura iam eius generis narrant, quæ fabulis similia videri possent, nisi nobis superstitibus adhuc senes, quosdam decrepitos eo munere olim apud suos sanctos viri fide digni ostendissent. Causam ego huius consuetudinis barbarorum illam potissimum probo, quod Diabolus per omnia in Dei similitudinem etiam hæc faciens, sicut se Deum adorari & salutari mortalibus illis persuasit, ita Dei veri sacramenta religiosaq; instituta transferre ad se falsa quadam imitatione contendit. Nam quo alio spectat, quod in Cuzquensi vrbe Ingarum imperio celebri, Eucharistiæ nostræ vmbra[m] quandam & simulachrum adhibendum curavit? eum ex massa sacrificij nescio cuius sanguine aspersa buccellas quasdam solennes singuli acciperent, atq; comederent, quibus Principis Ingæ fidem, & societatem sibi cordi esse usque ad fundendum pro ipso sanguinem testarentur. Atq; ad eum modum festo quodam die peregrini præsertim atq; advenæ communicabant. Prætereo Trinitatis ianaginem

in Tangatanga apud Sacacas veteri more cultam
omitto alia compluta, quæ curiose huc accerlere
possem: quibus cum fidem olim barbari haberēt,
minus difficiles ad credendum, cum nostra narra-
mus, se se præbent. Sed dissimulari profectò non
potest, quàm nobis erubescendum sit, quòd à Sa-
tanæ ministris superemur, cùm ad salutares & di-
uinitus institutas confessiones persuadendas pi-
griores simus quam illi ad sævas illas suas carni-
ficinas. Gratulandum verò est in tanta mentis
humanæ cæcitate, esse aliquem scelerum sensum,
nonnullum conscientia aculeum, quo tranquil-
litatem suam occulto veneno exposito quærere
quodammodo cogitur. Et quia vera remedia mi-
nus occurrunt, falsis se saltem, vt potest, recreat,
atque sustentat. Tanta est culpæ intus latētis vis.
Quo magis fidere debet Christi setpus, & veræ
peccatorum omnium medicinam per salutem confessionem ostendere. Facile si-
bi persuadent Indi Confessionis Sacramentalis
vsum & vim, neq; recusant certè medicum (et si
pleriq; contra calumniatur) modo eum esse per-
spiciant, qui verè medicus sit, non infestus carni-
fex, aut auarus prædo animarum.

*De peritia Indica lingua confessionibus audiendis ne-
cessaria. C A P. XIII.*

QVALEM vero esse oporteat medi-
cum, quo salutis animarum zelo feruere,
qua peritia aperiendis curandisque vulneribus
prædi-

præditum, satis ut arbitror, supradixi. Attamen sermonis Indici peritia quantopere desideretur, hoc maximè loco apparet. Cum neque pœnitentium crimina agnoscere neq; salutariter providere nisi linguæ ministerio possit. Cuius qui expertus sit, turrim Babelicam non Euangelicam is ædificet, necesse est. Et quamuis inter viros Theologos satis conueniat, confessionem etiam per interpretem reddi, atque accipi posse, ijdem tamen æque consentiunt, nulla aut diuina, aut Ecclesiastica lege homines ad eum confessionis modum compelli, quippe cum lex Dei suavis & æquitatis plena nolit cum tanta sua molestia ad confitendum peccatorem cogere, cum præsertim pudore metuque humano, qui vbi tertius adest testis aut arbiter, maximè vrget, ne confessiones integræ synceræq; fierent, merito verendum est, ne obrem consultè satis in Limensi synodo Patres ne Indorum confessiones per interpretem Parochi exciperent, graui proposita multa vetuerunt. Quod tamen decretum non eo pertinet, ut non liceat sponte sua volentes Indos per interpretem confiteri morbo præsertim periculoso oppressos audire, vbi sacerdotis Indicè docti copia deest, atque eo saltem modo horum saluti consulere, quod à quibusdam religiose factum nouimus, & ratio ipsa monet, vbi pœnitens ipse iacturam eam omnem præ salutis suæ desiderio contemnit, non oportere spirituales medicum labori, vel suo, vel illius parcere. Neque verò hoc Sancti Leonis

S. Tb. & re
liqui in. 4.
d. 27.

Conc. Lim.
Con. 49.

Leo ep. 78. Leonis antiquo Canoni contrarium est, qui solum reprehendit, & vetat. Ne populi auribus professio publicè recitetur, cum reatus conscientiarum sufficiat solis sacerdotibus indicari confessione secreta. Nam & nonnullas confessiones cum alij plures interessent ab antiquis Christianis factas esse historix produnt, & hi ipsi barbari scelerum suorum notitiam falsis sacerdotibus reddere frequente corona non verebantur. Verum quia hoc & rarum est, ut poenitens libenter accipiat, & quæ necessitate fiunt, præter legem sunt, nullo modo potest salva conscientia Parochi munus usurpare, qui per se ipsum Confessiones populi sibi commissi hoc est sine interprete audire non possit. Quod si bona fide præfecturæ non tam à se quæ sitam quam ab Antistite suo sibi impositam agat, & quamvis non omnia optimè intelligat quæ poenitens loquitur, tamen & communiora & graviora non ignoret, atque ipse vicissim opportuna consilia adhibere mediocriter possit, non erit deterrendus ab eo officio sacerdos, cum peritiores præfectim desunt, & zelo ipse spiritus sermonis inopiam abunde compensat. Tutissima res obedientia est, & sola, ut Damascenus ait, citra periculum.

*Damas. in
Histor.*

De prudentia Sacerdotum & tolerantia.

CAP. XIIII.

Sermonis ergo Indici peritum oportet esse sacerdotem: verum non multis moram & ingenij

nij Indici peritum. Idololatriæ genera & flagitiorum & cæterorū, in quibus frequentiores sunt, vel experientia ipsa discet, vel aliorum commemoratione cognoscet. Sunt etiam nonnulla commodè literis commendata. Ex quibus omnibus ipse sibi Indicem conficiet, ad quem confessiones examinet, quatenus opus esse prudentia persuaserit. Neq; enim omnes eodem modo examinandi erūt. In eum vsum tum ab alijs, tum à nostris nuper Confessionalia quædam perscripta sunt, vtraque lingua his regionibus communi Quichua, & Aymara, quæ rudibus, & tyronibus magno adiumento esse possunt. Quamvis autem & peritia sermonis, & industria opus sit, tamen ad confessiones audiendas neophytorum sacerdos longè sibi ampliorem patientiam, & animi tranquillitatem comparare debet. Hæc enim præcipua ~~inopia~~, cuius maximè inopia fit, vt nihil propemodum in curandis conscientijs Indorum plerique proficiant, plerimi etiam deteriores reddant. Atque in nostris sanè sacerdotibus illud miraculi loco inter sese Indi vulgò & suspiciunt & celebrant, quòd Patres ij sint, qui contentem audiant libenter, quantumcunq; ille in suis explicandis criminibus immoretur; & postquam quæ in mentem venerint, finem dicendi fecerit, tum præclatis quibusdam interrogationibus, quæcumq; memoriam effugerunt, meminisse cogant, atque ipsas viscera fibras veluti aperiant. Cuius rei novæ scilicet, atq; inusitatæ adeo celebris fama plerosq; commouit, vt longissimis

610 DE PROCURANDA INDORVM
 itineribus ad nostros venientes viderimus, nihil
 aliud præferentes, quam vt contingeret pecca-
 ta apud hosce Dei ministros (ita enim illi loquun-
 tur) deponere, qui libenter audiant, quæ quisque
 confiteri cupiat, & se se accusantem peccatorem
 benigno sermone recteent, atq; erigant, & quod
 omnium maximum prodigium putant, audita cõ-
 fessione nihil sibi neque pretij, neque eleemosy-
 næ loco dari patiantur, quin potius si quare In-
 dus indigeat, opem ipsi libenter ferant. Qua opi-
 nione incredibile est quantum Indi profecerint,
 vt nullo modo dubitare possimus pœnitentiam
 his gentibus à Domino Deo datam, ministrorum
 culpa fuisse minus hætenus fructuosam, eandem
 futuram fructuosissimam, si vel mediocrè animi
 alacritatem in excipiendis infirmis medici spiri-
 tuales præferant. Sunt ergo Indi audiendi tol-
 ranter, sunt inuitandi benigne, erigendi, præse-
 ter, sunt deniq; in omnibus æquo animo ferendi.
 Charitas enim omnia sustinet, omnia suffert, & in
 spiritu lenitatis præoccupatum aliquo delicto
 instruere docet.

1. Cor. 13.
 Gal. 6..

*Quod Confessiones non syncera fiant, potius sacerdo-
 rum, quam Indorum fieri culpa.*

C A P. X V.

Quibus ex rebus facile intelligere possumus,
 quodd plurimi Indorum malignè sacramen-
 to pœnitentiæ abutantur, non synceras, neq; in-
 tegras peccatorum confessiones facientes, sed
 fuca-

fucatas ad speciem, & mutilas, non tam ad ipsorum referendam esse malitiam, quam ad Parochorum se uos mores, & imperiosam quādam austeritatē, qua infirmum & scabiosum pecus fastidiunt, & calce abijciunt, qui errantes oues funda potius & baculo terrent, quam sibilo leni colligunt, immemores prorsus illius magni pastoris, qui dixit, Sibylabo eis, & congregabo illos, quia redemi eos. Profectò si fideles Hispani confessarium nacti essent talem, saluentem, & magis finire properantem, quam audire omnia curantē, rarus esset omnino, qui integras confessiones faceret. Metus ergo Parochorum, & quod ex metu oritur odium, cogit Indos nihil veri & sinceri apud illos dicere. Cuius rei nullo alio testimonio opus est, quàm quod sacerdotem nacti benignum patientem, & commiserantem potius, quam superiorem malignantem certatim ad Confessiones faciendas nullo urgente accurrunt illi ipsi Indi, qui Parochis suis vix vi post annum, ut confiteantur, adduci possunt. Incredibile est quot millia confessiones generales fecerint apud eos religiosos, quos sibi vere patres arbitrantur, quam sponte, quam apertē, quo animi dolore, qua sui detestatione infandissima etiam scelera rotius antea actæ vitæ detegant, quibus lachrymis, quo gemitu, & singultu corpus suum acerbè tundentes ac vellicantes, & sese totos intimo mœrore conficientes, quod iam tandem Parochi non pauci, & agnoscere, & admirari cœperunt. Quid oro est, Cur Indus

*Ezech. 34.**Zach. 10.*

612 DE PROCURANDA INDORVM
 cum ita ægrotat, vt mortem sibi impendere existi-
 met, vltro accersit Parochum, & intimas con-
 scientiæ plagas exponat? Profectò Fidem suam
 satis Indus, cum fingere nihil est opus, ostendit.
 Itaq; moriturus libenter crimina omnia etiam
 immania prodit, quod tamen sospes sæpe facere
 recusat. Hic quis non videat metum hominis me-
 tu mortis superari? quod si sanus, & saluus homi-
 nis asperitatem & minus sibi æquum animum mi-
 nimè offenderet, facilius ac libentius res ipsas vt
 sunt, proditurus esset.

*Contra errorem illius, qui scripsit Confessiones ab In-
 dis esse tollendas. C A P. XVI.*

QVO magis ridenda est (si modo risu ac non po-
 tius acri dolore tam absurda blasphemæ
 excipi debet) Theologi illius sententia, qui opti-
 mè consultum in Indis & dixit, & scripsit, si con-
 fessionum obligatio tolleretur, Ne tot, inquit, &
 tam graua sacrilegia perpetrare cogantur, o stul-
 tam hominis vocem, qui cum sibi sapienter In-
 dorum saluti consulere videatur, nihil aliud agat,
 quam vt illos interire vnico sublato remedio co-
 gat. Si peruersis remedio quouis abutentibus ista
 est ratio medendi, tolle matrimonia, ne adulteria
 fiant, aufer Ecclesias & sacra omnia, ne sacrilegi
 sint, denique nullum sit humanæ imbecillitatis
 remedium, ne malitia conuertat in virus. Quin
 potius apud rectè ac sapienter æstimantem om-
 nia, pluris est quod pauci electi per medicinam
 sanan-

sanantur, quam quòd plurimi reprobi per illius
 abusum deteriores fiunt. Atque hæc quidem ita
 dicuntur, quasi consultationis humanæ esset de
 Pœnitentiæ Sacramento censere; cum verò, vt sa-
 cro sancta Concilia tradunt, totiusque consensus *Cong. Tri.*
 Ecclesiæ, diuinjuris illud sit, diuinæ autoritatis, *ses. 14 can. 6.*
 neque aliud post baptismum lapsis remedium
 superesse Christus Dominus sanxerit, quam insa-
 nē, imo verò quam hæretice profus dicitur, vt
 cōfessionis faciendæ obligatio abrogetur ijs, qui-
 bus nulla est alia salutis relictæ spes? Quin nos ip-
 sos potius accusamus, atque emendamus, & ani-
 marum medici efficiamur, & patres nos non satel-
 lites esse meminimus? Hęc enim expedita, & cer-
 ta ratio est ad euitandā sacrilegia, quæ in confes-
 sionibus Indorum perpetrantur.

Quas satisfactiones Indis iniungere oporteat.

CAP. XVII.

QVas autem satisfactiones iniungere conue-
 niat, prudentia docebit. Cum intimo ipsi
 scelerum suorum dolore pulsantur, vltro pergra-
 ues sibi imponi flagitant: & si sacerdos indulgen-
 tius forte se gesserit, ipsi eas arripiunt. Adeò fer-
 uor spiritus, vbi semel accensus est, magnos cona-
 tus excitat. At plerique imbecilliores sunt, neq;
 ea animi firmitudine, vt tam graues pœnas de se
 exigant. Quid ergò? abijciendine erunt? an ex-
 pectandum vsque dum spiritus ita incalescat, vt

Qq 3 pares

pares delictis pœnas exoluere velint? id quidem est, & Dei potius dono, quam hominis indultia sperandem. Ergo quod Christus oui erranti prœstitit, vt vix dum ab errore conuersam, vt Dionysius dixit, in humeros sacros attolleret, id ipsum Christi imitatori faciendum est, si salutem hominum amat, vt non plus imponat oneris, quam ferre illum posse viderit, atque in se, quod fratri deest, suppleat & peragat, adimplens ea, quæ desunt passionum Christi pro membro ipsius. Nam sicut alienorum peccatorum participes efficiuntur, qui leuissimas satisfactiones pro grauissimis delictis iniungunt, vt sancti Patres tradiderunt: ita Pharisæorum est, alligare onera graua, & importabilia. Christi sanguinem non infideliter dispensare is credendus est, qui se seque-
~~ntium~~ ^{rentium} accommodat, cum præsertim non tam animi prauitate quam infirmitate quadam maiora non audeat, mitiora libenter subeunt. Salutares igitur satisfactiones Indis iniungere oportebit ex ijs præsertim, quæ aut consuetudine, aut commoditate freti non mendaciter se se peracturos polliceri videantur: ita prorsus vt excitentur potius quam terreantur,

ne odio in sacramentum concepto, cum
 opus deinceps fuerit, redire
 ad medicum perhorrescant.

INfirmatur quis in vobis, inducat presbyteros *1cc. 5.*
 Ecclesiæ, & orent super eum vngentes eum in *Ex Concil.*
 nomine Domini, & oratio fidei saluabit infirmū, *Tri. ses. 14.*
 & alleuiabit eum Dominus, & si in peccatis fue- *c. 1. & c. 2.*
 rit, dimittentur ei. Hoc sacramentum Extremæ *de Extre.*
 vnctionis à Patribus sacramentum exeuntium *vnct.*
 vocatum est, & totius vitæ Christianæ consum-
 matium existimatum, quo Dominus clementis-
 simus finem vitæ tanquam firmissimo præsidio
 muniuit. Nam etsi aduersarius noster occasiones
 per omnem vitam quærat & capiet, vt deuorare
 animas nostras, quoquomodo possit, nullam ta-
 men tempus est, quo vehementius ille omnes ver-
 itates, & quos intendat, ad perdendos nos pe-
 nitus, & a fiducia etiam, si possit, diuinę misERICOR-
 diæ deturbandos, quàm cum impedere nobis exi-
 tum vitæ perspicit. Vnctio ergo hæc sacra deli-
 cta, si qua sunt adhuc expianda, ac peccati re-
 liquias abstergit, & ægroti animam alleuiat &
 confirmat, magnam in eo diuinæ misERICORDIÆ
 fiduciam excitando, qua infirmus subleuatus,
 & mali incommoda, ac labores leuius fert, &
 tētationibus Dæmonis calcaneo insidiantis faci-
 lius resistit, & sanitatem corporis interdum, vbi
 salutis animæ expedierit, consequitur. Hæc sunt
 quæ Fidelibus omnibus ex tam salutari sacra-
 mento pie suscepto bona confetti sancta Syno-
 dus Tridentina docet: à quorū cōsortio & fructu

616 DE PROCVRANDA INDORVM
 cur obsecro excludantur nouæ stirpes Indorum,
 cum baptizati sint sicut & nos, & Fidem eandem
 profiteantur, & in mortis discrimine sibi ab Ec-
 clesia auxilium præberi vehementer cupiant?
 Magnæ hoc inhumanitatis in fratres genus est,
 cum præsertim si qui omnium mortalium, hi ma-
 ximè cum extremi temporis tenentur angustijs,
 præsidio Ecclesiastico indigeant. Etenim idolorum
 pontifices & venefici, quorum hodie quoq; ma-
 gna copia superest, qui summopere Christianæ
 religioni obsistant, cæterosq; decipiunt, ij omni
 opera & ratione ægrotis periclitantibus persua-
 dent, vt iuxta priscam suam superstitionem apud
 ipsosmet confiteantur, atque idolis sibi placandis
 & conciliandis sacrificia offerant: multaque alia
 impiè & sacrilegè præcipiunt miseris, qui vt sunt
 natura timidi, minusq; ad Diabolici ~~indoc-~~
 noscendas instructi, tum antiqua conuetudine
 alliciente, & mortis periculo territi facile eius-
 modi fallacibus promissis animum adhibent.
 Quamobrem aduersus hos filios Belial, veritatis
 inimicos, qui vias Domini rectas non cessant per-
 uertere, & alliciunt animas instabiles in æter-
 nam damnationem, opus est Christi tyronibus
 firmissimo aliquo præsidio: nullum verò exco-
 gitari potest diuino Extremæ vnctionis Sacra-
 mento præstantius. Quibus rebus adducta
 Synodus Prouincialis decernit, & præcipit, vt
 sacerdotes nullo modo Indos fideles iam
 rite confessos, aut si minus id licuit, contritio-
 nis signa præ se ferentes sine hoc tam salutari
 reme-

*Ex Concil.
 Lim. const.
 75.*

*Act. 13.
 2. Pet. 2.*

Const. 75.

remedio de vita exire patiantur. Et decretum quidem totius Ecclesiæ ad omnes fideles in generali Concilio legimus, peculiare verò ad Indos fideles in Prouinciali synodo repetitum, & magnopere commendatum cernimus: vtrumq; vero re ipsa vsque adeo neglectum vt pene sacrilegij loco sit, si quis de Indo infirmo vngendo cogitet. Neque ego sanè intelligo quousque tam stolidi nostrorum consuetudo ferenda sit.

De Sacerdotio. CAP. XIX.

DE Sacerdotio inter Indos pauca sanè præci-
pienda sunt. Nam quod ad ipsos attinet, sciunt ordinem esse ministrorum à Domino institutum, vt & Deo seruiant, & populo præsent, ¹¹¹ & sacrosancta mysteria, huic ad remittenda peccata, & verbum Dei proponendum, autoritate diuinitus data. Atque vtinam vt hi sacerdotium venerantur, & tanquam munus cæleste suspiciunt, ita nos vitæ sanctitate tanto muneri pares essemus. Illud autè prudenter est à maioribus constitutum, vt nemo ex Indorum genere, sacerdotio aut gradu aliquo Ecclesiastico donetur, neque sacras vestes in ministerio induat: tantum vt liceat Indis fidelibus inservire altaribus acolythorum more, in chyro psallere, ædituorum officio fungi, superpelliceis inter hæc tantummodo indui. Nam inferiora hæc ad eos cohortandos, & in religione Christiana confirmandos plurimum valent. Mirifice his delectantur, &

Conc. Lim.
const. 74.

¶ primo.

primores ipsi libentissimè filios suos Ecclesiasticis ministerijs, & literis imbuendos tradunt, idque pro gloria non parua ducunt. Quòd verò ad superiores gradus sacros præsertim Indos euehere minimè oporteat hac ætate Ecclesiæ antiquissima instituta satis docent. Paulus Apostolus vetat neophytum Ecclesiæ præfici, ne in superbiam elatus, instar diaboli corruat ex alto. Sacra Concilia vehementer de-
 testantur ordinationes eorum, qui in fide tyrones sunt. Nam cum ipsis tum populo damnatum sit, tum verò ministerio ipsi non levis iniuria. Quocirca admirabile est, quam severe sacræ literæ reprehendant sacerdotes factos de fræce populi, idque cum agatur non de sacerdotibus veri & summi Dei, sed falsorum potius: quia tamen Deorum ~~gæmen~~ ^{et} non numen habebant, ijs attributos esse ministros plebeios, & viles, pro magno scelere ponunt, quemadmodum iurisiurandi religionem etiam dijs mendacibus non seruata eadem diuinæ literæ damnant. Sic enim scriptum in libro Regum legimus: Non est reuersus Hieroboam de via sua pessima, sed è contrario fecit de nouissimis populi sacerdotes excellorum, quicunque volebat, implebat manum suam, & fiebat sacerdos excellorum. In quarto quoque libro de Samaritanis loquens Scriptura, Fecerunt autem sibi de nouissimis sacerdotes excellorum, & ponebant eos in fanis sublimibus, & cum Dominum colerent. Dijs quoque seruebant

1. Tim. 3.

Adrian. 2.
 in epist. ad
 Tarass. in
 2. Nicena
 Syn.

Sap. 14.

3. Reg. 13.

4. Reg. 17.

bant iuxta consuetudinem Gentium, de quibus translati erant Samariam. Quod planè documentum non ad hoc solum valet, ut Indi non initiarentur, cū sint & in fide noui, & genere obscuro, verum etiam qui ex harum foeminis & Hispanis viris cōcubitu præsertim flagitioso gignuntur, quoad fieri potest à sacris mysterijs contrahendis abstineant, ne sacerdotium vile habeatur, nisi cum vitæ diu probatæ gravitate, & morum splendore natalium obscuritatem superant. Tales esse nonnullos negare non possumus, qui & vitæ honestate, nostris pares sunt, & sermonis Indici commoditate superiores. Verum rari hoc exēpli est. Quamobrem antiqui Canones & Prouincialia decreta seruanda sunt, ut sacerdos omni ex parte populo spectabilis & honore dignus existat.

Matrimoniorum apud Indos. CAP. XX.

IN matrimonio tractando latior campus occurrit, in quo patocho multa necessaciò cognoscenda erunt, non solum quòd sit Ecclesiæ sacramentum excipiendæ, & sanandæ multorum infirmitati necessarium, sed quòd infideles quoque sua coniugia habeant, quorum usum & ritum, abusum quoque & errores cognoscere oporteat, ne quod non raro contingit, aut vera matrimonia dicimantur, aut pro matrimonijs flagitia teneantur. In omnibus do- Heb. 13.
cepdi sunt, ut custodiât immaculatum torū & honorabiles nuptias. Vsum autē & vim connubiorū apud infideles, si omnia dicenda sunt, oratione

com-

complecti, molestissimi negotij est, cū in tanta barbarorum illuue non possint non infiniti esse & ritus, & leges matrimoniorum valde inter se discrepantes. Sed tamen illa ego præcipuè attingam pauca de multis, quæ huic Peruenſi regno ex Ingarum disciplina communiora sunt. Alij de suis regionibus & barbaris, aut etiam de alijs latius pro eruditione sua dicere poterunt. Igitur vera coniugia apud barbaros nostros erant, tamenſi quod sæpe miratus sum, nomen non esset adeo, ut Hispanico, & nostri, & ipsi vtantur. Erant tamen sua cuique vxor, & Socraticam rempublicam barbari naturali ductu oderant, & damabant. Sicut vxori fas non erat alteri nubere, ita neque viro vxorem semel ductam repudiare. Adulteria si qua deprehenderentur, acerbissimo supplicio vindicabantur. Nam quando ~~cum~~ ⁱⁿ colubum apud istos maior licentia est, fornicationisque labes impune habetur, tamen cōiugatorum adulteria seuerius quam apud nos vindicantur. Stuprum quoque virginibus vel Soli, vel Pachayachachi, vel Ingæ ipsi consecratis, quas Mamaconas vulgò vocant, Vestalibus professione persimiles, si quando constaret illatum, tam immane sacrilegium habebatur, ut viui uterque defoderentur in terram. Et vulgò sanè vnam vni tantum habere licebat vxorem, cum qua vitam omnem degeret. Atque hæc quidem naturali legi conuenienter barbari hi tenebant. Sed his paucis plurima iam miscebantur absurda, & à naturali lege valde abhorrentia. In primis summus ipse

princeps Ingarum, plurimis stipabatur vxoribus, quamvis vna esset præcipua, quam ipsi Co-
yam vocant, reginam nos dicere possumus. At
hæc ipsa Coya iisdem erat parentibus genita, vt
instar Louis Lunonij, regis eadem esset, & soror,
& coniux. Adeo sanctum erat, vt præcipua vxor,
eadem esset sanguine coniunctissima. Cæteri ve-
rò proceres, & ipsi plures sibi coniugio copula-
bant, præcipuamque eandem si non sororem at
consanguinitate maxime propinquam habebant.
Erat enim id regium. Vulgus reliquum vnam, vt
dixi, nisi priuilegio Ingæ ob aliquid fortiter, aut
strenuè gestum, plures liceret accipere, vxorem
habebat. At illam non pro suo quisque arbitrato
eligebat: sed aut principis, aut Ducum illius, aut
populi ipsius voluntate capiebat sibi assignatam.
Adque intra suam semper tribum & familiam, quod
Ayno vrgo dicitur. Ex qua pristina consuetudi-
ne infidelium, duo apud fideles absurda mana-
runt: vñum vt Curacæ siue primores Indorum,
pro arbitrato suo suis vxores dent, neque liberam
illis eligendi facultatem permittant: alterum vt
vix de alia tribu aut gente vxorem audeant Indi
accipere, eamque ob causam sæpe consanguineas
aut etiam sorores, & nouerças violent pro vxoribus.
Quæ sanè incommoda diligentium paro-
chorum studio magna ex parte abolita sunt: &
Concilij animaduersione plerique vigilare co-
eperunt. Fuit miserissima seruitus Peruenisium sub
Ingarum tyrannide, vt neque vxorem ducere,
neque siceram bibere, neque cocam mandere,
neque

Conc. Lim.

Const. 64.

neque carnibus vesci sine illius volūtate fas esset. Nunc verò qui in libertatem Euangelij vocati sunt, gratias agunt, & durissimo iugo excusso, leuem Christi sarcinam alacriter portant. Est etiam pessimus quidam error, & ex errore maximus abusus coniugiorum, (monstrum dicere possis) tam robustè in animis barbarorum inhaerens, vt inter Christianos etiam rarus sit, quem non teneat. Virginitas, quæ apud omnes mortales in pretio & honore est, apud hos barbaros vilis, & indecora habetur. Exceptis enim ijs, quas vel Soli, vel Ingæ consecratas septa sacra custodiunt, cæteræ quædiu virgines sunt, contemptas se arbitrantur, atque ita cum primum vacat, obuium quemque corruppendæ virginitati suæ ultro accersunt. Mariti quoque cum violatas offendunt, adeo non moleste ferunt, vt virginibus si quæ tales ad coniugia peruenerint, probro vertant, quod à nemine adamatæ sint, quale in Baruch

Baruch. 6.

fœminatum opprobrium legimus. Itaque quo vbique gentium maximo ac diuino propemodum honore afficitur, inter has belluas hominum, virginitas dedecori, & ignominia est. Quo ex errore abusus quoque ille fœdissimus exortus est, vt nemo prorsus vxorem sibi ducendam putet, cuius per complures dies aut menses non ante periculum fecerit. Ita, quod dicere quoque pudet, nulla est idonea vxor, quæ non prius fuerit concubina. Hæc tanta matrimoniorum labes adeo obtinuit, vt à nostris patribus pro magno referatur, quòd Indi iam vxores virgines

nes

nes ducunt. Et re vera diuini verbi falce vitiosa hæc omnia amputanda quotidie sunt. Et matrimoniorum iura dicenda, & virginitatis decus ornandum atque illustrandum, quod iam tum concionibus tum exemplo Christiani populi admonitæ barbaræ quoque sceminae colere & seruare cœperunt. Illud postremo dicendum est, priuilegia ac facultates à sede Apostolica concessas in neophytorum gratiam peculiari studio debere cognosci, ne cum alias sæpe, tum in matrimonijs iungendis Indorum labi contingat. Neue per imperitiam præpositorum imbecilles Indi ea cogantur seruare, quæ fortes & antiqui Christiani vix seruant. Nam cum multa ijs similia quæ diximus, barbari in sua superstitione seruarent, ne religionis nostræ moribus contrarijs prorsus deterrerentur à fide Romani Pontificis nonnihil de Ecclesiasticarum legum rigore imminuendum existimarunt, imitati profecto Gregorium illum magnum, cuius erga recens conuersos Anglos paterna indulgentia literis ad Augustinum datis expressa tenetur.

Greg. li. 12
Regist. epi.
31.

Quid agendum sit de coniugijs infidelium cum ad fidem catholicam conuertuntur.

CAP. XXI.

SED habet frequentem apud nos, & dignam scitu quæstionem, cum infidelis coniugatus fide nostra suscepta baptizatur, quid de illius matrimonio sentiendum sit. Ac primum, eum qui
Chri-

Christianus effectus est, non posse vxorem de-
 nuo ducere infidelem, neque fidelem infideli nu-
 bere, sine vlla dubitatione ex Ecclesiæ vfu, & cõ-
 sensu certissimum est. Nam & scelus ingens com-
 mittitur, & matrimonium nullum est iuxta no-
 strorum doctõrum concordem sententiam, ta-
 met si, quæ illi recitant, Ambrosij & Augustini
 ceteraque decreta, non id satis efficiant. Sed cõ-
 sensus, vt dixi, Ecclesiæ satis est. De eo verò qui
 ante baptismum vxorem habuit (sunt enim inter
 infideles verà coniugia; si secundum leges suas
 naturali legi non repugnantès peragantur, ta-
 met si sacramenti vim nullam habeant nisi in Ec-
 clesia Catholica rata fiant) quid acturus sit, in-
 telligendum est Pauli Apostoli præceptum. Pri-
 mum enim per baptismum non soluitur matri-
 monium cum infideli, quin potius, & potest, &
 debet cohabitare cum illo; si coniux in retro
 consentiat, & spes sit lucrandi illum Christo.
 Ita enim docet Apostolus, Si quis frater vxorem
 habet infidelem, & hæc consentit habitare cum
 illo, non dimittat illam, & si qua mulier habet vi-
 rum infidelem, & hic cõsentit habitare cum illa,

1. Cor 7.

non dimittat virum, & mox. Vnde enim scis mu-
 lier, si virum saluum facies? aut vnde scis vir, si
 mulierem saluam facies? Hoc modo Monica Pa-
 tricius Augustini patrem salutem fecit. Quam-
 obrem synodus Limensis iuxta eiusdem Augu-
 stini contra Pollentium sententiam, præcipit fi-
 delem coniugatum cum infideli legitima con-
 iugè cohabitare, neque alias nuptias inire per-
 mittere,

Ambr. 28.
 q. 1. c. Cai.
 Aug. eadẽ
 qu. c. Sic
 enim Con-
 Chalc. c. 14

Aug. 9. lib.
 Conf. Con-
 Lim. const.
 61. Augu.
 contra Pol-
 lētium, &
 de ser. Dñi
 in monte.

mitti, quousque illa Christianam religionem penitus repudiare intelligatur. Secundum documentum sit. Si coniux infidelis fidelem deserat, aut ita cohabitare velit, ut illi vel fidem, vel charitatem rebus, aut verbis deserere suadeat, tunc temporis non cogitur fidelis cum infideli vitam ducere, quin potius licebit, si ita placuerit, fidelem aliam coniugem sibi copulare ditempto iam priori coniugio. Ita statuit Innocentius tertius, & ad hunc modum intelligendum dicit, & Pauli Apostoli verbum, & Gregorij decretum. Quod si infidelis discedit, discedat, ait Paulus: non enim seruituti subiectus est frater aut soror in eiusmodi: in pace autem vocauit nos Dominus. Tertium quoque sit. Cum dubium est, an coniux infidelis fideli impedimento futurus sit, an potius illum peruersurus à vera religione sit, ~~quantum~~ ab ipso lucrificandus, quid nam agendum est? Nam neque contumelia creatoris manifestè apparet, neque spes etiam satis elucet illum saluum faciendi. Huic dubitationi occurrendum existimarunt Patres hoc modo: ut coniux infidelis admoneatur, quantum satis est, ut religionem Christi suscipiat, quod si conuenienter admonitus, omnino renuerit, intelligatur obstinata esse voluntate, & fidelem consortio suo potius ledere quam ab illo adiuuari. Itaque separandum esse. Ad hunc modum Tole-

*Innocen. c.
Quanto, de
Diuortijs.
Gre. 28. q.
1. c. si infi-
delis.*

*Conc. Tol.
4. c. 61. 28
q. 1. ca. Iu-
dai qui*

nere cupiant, Christiani efficiantur. Quod si admoniti noluerint, separentur. Huius Concilij autoritatem secuti Patres in synodo Limensi, ita præcipiunt, si alter coniugum baptizari renuerit, Sacerdos adhibito notario, & testibus illum admoneat, ut intra sex menses Christianus fiat, & baptizetur, atque eandem admonitionem repetat sæpe intra illud temporis spatium saltem semel singulis mensibus. Quod si transacto iam semestri tempore, adhuc baptizari renuerit, exinde iam in sua secta obstinatus reputandus est. Quamobrem Antistitem suum Parochus certiore faciet, ut ipse statuatur, quid facto opus sit. Separationem autem illam Concilij Toletani ego non solum quoad torum intelligo sed etiã quoad vinculum. Itaque licebit, ut graues quoque autores confirmant, fidei iam tunc alias nuptiæ conciliate sibi. Contumelia enim ~~est~~ & periculum fidei intelligitur, cum animus coniugis infidelis adeo est in sua superstitione obstinatus. Præterea illud ex eodem Innocentio animaduertendum est, nuptias infidelium non teneri Canonicis legibus, quare illa solum matrimonia irrita etunt, quæ cum lege naturali pugnant, quemadmodum aperte repugnat pluralitas vxorum, atque etiam repudium primæ, ut Euangelium, & Prophetæ docent. Quamuis ineptus quidam Theologus, ut multa alia, etiam hoc hæretice & stultè asseruerit, Indis pluralitatem vxorum esse concedendam in Ecclesia. Repugnat etiam naturaliter matrimonio primus gradus

*Conc. Lim.
const. 36.*

*Sotus in 4.
d. 39. q. 2.
2. & 4.
Aug. 28. q.
1. c. vxor.
Inno. c. gau-
denus de
divortijs.*

*Mat. 19.
Luc 16.
Mal. 2.*

gradus originis, ut cum sorore, cum nouerca, ac multo magis cum matre, aut filia, nepte aut auia. Quamobrem in Concilio Prouinciali ex sententia Pauli quarti Pontificis omnia isthæc matrimonia infidelium, cum Christiani sunt, irrita fieri decretum est. At verò quæ lege solum Ecclesiastica prohibita sunt, ut secundo aut tertio gradu contracta, ea rata fieri, cum vterque baptizatur, Canones sacri iubent. Cum verò plures habuit vxores, si verè ut vxores habuit adhibitis cæremonijs, & ritu patrio nuptijs adhiberi solito, illam tantummodo retinebit, quam primam esse meminerit, aut si ignorat, quamnam fuerit prima, accipiet ex Indulto Pauli tertij, quam ex omnibus ipse delegerit. Quod si etiam prima illa abest, & baptizari differt, licebit ex illis, quæ velit, sumere, ita cõcedente Pio quinto Pontifice Maximo, qui nullo modo Innocentio tertio contrarius est. Quandocunq; autem vxor infidelis ad fidem conuertitur, si nondum aliam Christianam accepit, tenetur illam fidelis accipere. Hæc pro regionum harum difficultatibus ex sanctorum Patrum decretis perstrinxisse sufficiat: plura & clariora autores tradent.

*Conc. Lim.
const. 38.*

C. Gaudemus de diuortijs.

*Const. 37.
Conc. Lim.*

*Eodem ca.
Gaudemus*

*De impedimentis Matrimonij explicandis
& iuuenibus collocandis.*

C A P. XXII.

I AM verò in matrimonijs celebrandis summo opere Parochi curare debent, ut impedimenta

R r 2

Eccle-

Ecclesiastica sæpe & proponantur, & explicetur, ne quod crebro fit, per ignorantiam illegitimas Indinuptias iungant. Quod si quando de industria & malitiosè impedimentum dissimulatum, aut tectum esse deprehenderint, vt Prouincialia decreta habent, grauiter in reos animaduertant, præsertim Curacas cæterosque primores, quorum nequitia solent incestuosæ nuptiæ frequenter conciliari: vt reliqui exemplo asperiore docti discant in solennibus monitionibus aut Banis explorata impediméta manifesta facere. Sunt autem monitiones in sacro Concilio Tridentino præceptæ, inter Indos potissimum obseruandæ, vt nuptiæ publicentur eorū qui coniugari volūt, inter eos, quibus maximè noti sunt. Impediméta verò apud hos sigillatim exponenda sunt, quibus & ignotum est ius, & pro vetusta consuetudine frequens est prohibita cōiugia appetere. Itaque explicabit Parochus, quod faciūt peritiores, quibus gradibus consanguinitatis, quibus etiam affinitatis, quibus spiritalis cognationis nefas sit cōiugia inire. Maximè verò insistet in declarando, impedimento ex fornicatione primo, aut secūdo gradu admissa. Vulgare quippe est Indis earum sorores, aut neptes, aut materteras, aut cōsobrinas ducere, quas flagitiosè polluerunt. Atq; equidem perquam optarè, vt in ijs gradibus, sicut duo reliqui à Tridentino Concilio sublatis sunt, esset penes Episcopos Indicanos dispensandi facultas cū neophytis, præsertim cum essent iam matrimonia contracta, & aut vterq; coniux impedimentum nesciuit,

*Conc. Lim.
const. 66.*

*Seff. 24.
cap. 4.*

630 DE PROCVRANDA INDORVM
 grauitèrque monere, quæ sint Christiani matri-
 monij leges, quæ disciplina domestica, quomo-
 do Ecclesia frequentanda, mane & vesperi quo-
 tidie orandum, filij educandi in fide, & timore
 Domini, vt quamuis pauperem vitam degant, mul-
 ta bona habeant, si timuerint Deum, & illius man-
 data serauerint. Hoc est enim omnis homo, re-
 liqua omnia vanitas vanitatum. Haftenus de sa-
 cramentis Indis administrandis, pro instituto no-
 stro pauca de multis: quæ certè pro explorata
 harum regionum conditione magis opportuna
 existimauimus.

Tob. 4.

Eccli. 12.

*Quibus ex rebus Indorum salus maximè pendeat
 peroratio. C A P. XXIII.*

CV M de procuranda Indorū salute satis mul-
 ta, vt potui, dixerim, tamen illa ~~etiam~~
 magni ponderis futura scio, nisi tria quædā veluti
 capita vniuersi huius instituti, pro rei dignitate
 seruentur. Primò, vt Christiani Principes & Præ-
 fectioni, & Magistratus Christi iugū suauē, & onus
 leue Indis ad fidem se recipientibus, vt est, esse
 permittant, id est, vt tributorum, exactionum la-
 borumq; onera valde moderentur, sciantq; Bar-
 bari se ipsos potius quam sua quæri, & quod ha-
 bent Caroli Cæsaris regia edicta, rebus ipsis in-
 telligant, Christiano dominatu se potius leuari,
 quam premi. Leges quoque non proflus duras,
 & insuetas barbaris ferant: sed quoad per Chri-
 stianam, & naturalem legem liceat, sinantur in-
 stitutis suis viuere, atque in ijs ipsis, & dirigan-
 tur.

tur, & perficiantur. Etenim perdifficile est omnes leges, & cōsuetudines patrias, & gētilicias mutare: & satis profecto est, vt illa abrogare cogantur, quæ sunt Euangelio & Ecclesiæ Christianæ contraria, quæ in tam corruptis moribus in tantis ignorantiae tenebris satis multa sunt. Cætera si protinus auferre contendas, ac non tempori ipsi optimo magistro vt emendet committas, reddes Christianissimum, odiosum & grauem. Omitto quod prudentissimus quisq; & rerum Indicarum peritissimus eiusmodi nouas leges, & mutationes censet ipsi reip. temporali, & Indorum, & Hispanorum admodū perniciosas, quod barbari neque nostra tenēt, neq; sua sinuntur agere: ex quo rerū omniū perturbatio cōsequatur necesse est. Sed vt hoc omittam, certè fides, & amor Christi cū dura

1. Cor. 13. & operarum, & legū seruitute Christianitatis prætextu non bene constat. Migravit Iudas, id est, fidei confessio, vt sancti patres interpretantur, propter afflictionem, & multitudinem seruitutis. Selaci Ægyptio regi traditi sunt diuinitus Iudæi, vt sciant, ait Deus, distantia seruitutis meæ, & seruitutis regni terrarum. Nisi ergo Christianis principibus & magistratib⁹ prima cura sit salutis Indorum, ac non prouentuum censuq; regalis (nā honestè ista quoq; quæri possunt sed secūdo loco) parū admodū apud Indos religio Christiana proficiet. Hoc igitur primum est. Deinde illud, vt præfules Ecclesiæ Indicæ ij præficiantur, qui zelum Dei habeant, & filijs potius thesaurizent, ac nō solum sua libenter impendāt, sed

*Tören. 1.**2. Par. 12.**1. Cor. 12.*

se ipsos etiam superimpédant pro animabus suorum, licet plus diligentes minus diligátur à suis. Denique quorum esset insigne verbis rebusque expressum, Non vestra sed vos: Quod si Deus, vt apud Prophetam loquitur, daret pastores iuxta cor suum Episcopos inquam & Parochos, quales describit Apostolus, plurimos ac lætissimos greges ex hoc agro Indicano pascua cœlestia quotidie exciperent. Vt essent autem pastores eiusmodi, (nusquam enim tãtopere oportet esse lectissimos) examinanda esset doctrina, explorãdi mores sine avaritia, perspicendus animarum zelus, & laborum pro Christo tolerantia. Verè enim in his nouis Ecclesiæ populis antiqui temporis & Apostolici pastores esse deberent. Postremo, religiosi qui ad has regiones præ regia liberalitate & fide, copiose transmittimus, non fortuite, aut neque inuidine, aut etiã avaritia cuiusq; sed cœlesti vocatione ducti veniam⁹, quantũ referat, vix dici potest: Nihil perinde nocet huic Ecclesiæ atq; mercenariorũ, & sua quarètium turba. Quid vero in causa Dei agant homines animales, spiritum vix habentes? Pauci numero, virtute præstantes opus Domini potius promouent. Quamdiu ergo religiosi, auxiliares his regionibus dati, non mittentur diuinitus, neq; prædicare, neq; audiri fructuo se satis pofert, si Paulo Apostolo credimus. Qui verò in primis humiles, animarum amantes, Christum sibi imitandum existimantes, illius crucis & mortificationem in corpore suo circumferentes huc venerint, cœlestes thesauros deliciasq; omni

ppini9

Hierem. 3.

1. Tim. 3.

Tit. 1.

Ind. 1.

Rom. 19.

opinione maiores certissimè inuenturi sunt. Sed quando hoc fiet? Quando homines esse homines desinent, & humana sapere, humana quærere, humanis inhiare? Apud homines planè hoc impossibile est, apud Deum autem omnia possibilia. Nunquid quia hoc difficile est in oculis populi huius ideo difficile erit in oculis meis? dicit Dominus. Indorum certè copiosissimam & paratissimam segetem cernimus, neq̃ aliud quam falcem Evangelicaz expectatẽ, & si hætenus fortasse quibusdam minus Dominico horreo idoneam existimatam, sed iam rebus ipsis, fide, constantia, ardore animi, alacritate admirabili se se cœlorum Regno aptissimam proclamantem, inuidorũ & segnium calumnias facile propulsantem, operarios ipsos latissime allicientẽ, & multitudine & vberere oculos omnium ad se se atq; animos conuertentem. Quid ergo superest? nisi vt impensissimè oremus Dominũ meis, vt mittat ipse diuinitus operarios in messem suã. Plus preces lachrymasq; nostrorum, vbicumq; illi sunt, apud Deum efficere, quam nostros omnes conatus & operas, certũ est. Ferant igitur opem quicumq; Dei amantes, & salutis hominum studiosi apud benignum Redemptorem haberi volunt, & quibus possint modis sacrificijs, precibus lachrymis, tum consilio opera, sudoribus, & sanguine ipso si opus sit, charissimam Christo Iesu, tot gentium salutem prosequantur.

*Matt. 19.**Zach. 10.**Matt. 9.*

I N D E X.

LIBRI PRIMII

C A P I T A.

- 1 **Q**uod non sit desperanda salus Indorum.
- 2 **C**ur videatur multis difficilis & parum utilis predicatio apud Indos.
- 3 **Q**uod difficultas predicationis non debeat terrere Christi seruos, & qua ratione sunt animandi.
- 4 De eadem re.
- 5 **Q**uod gentes Indorum quantumuis Barbaræ auxilio tamen gratiæ ad salutem destituta non sint.
- 6 **Q**uod Indos Deus iam vocet ad Euangelium.
- 7 **Q**uomodo Indorum ingenia tractanda sunt, vt Christo lucrifiant.
- 8 Barbarorum ineptitudinem non tam à natura, quam ab educatione & consuetudine proficisci.
- 9 **Q**uod linguae difficultas non deterrere debeat ab Euangelij propagatione.
- 10 De habitatione inter Indos.
- 11 **Q**uod Euangelij Ministri curare debeant, ne impedimentum Euangelio ponant.
- 12 De castitate & abnegatione necessaria ad Euangelizandum.
- 13 **Q**uantum officiat Fidei violentia.
- 14 **Q**ualis in religione Christiana magna ex parte sit natio Indorum.
- 15 Nihilominus vera fidei ac salutis apud Indos spes esse magnam, alienamq; esse à Dei spiritu contra

senz

sentire.

- 16 *Quod etiam in presentia labore ministrorum fructus animarum sit longè maior.*
- 17 *Patientia & labore effici vt copiosi fructus ex hoc agro Dochnico colligantur.*
- 18 *Quod non solum futuri fructus spes sit, sed presentis etiam satis magni certa documenta teneantur.*

Libri secundi Capita.

- 1 *Difficile esse rationem tradere predicandis barbaris Euangelium.*
- 2 *Propter infidelitatem etiam pertinacem non licere barbaros debellare.*
- 3 *Quod quibusdam visum sit propter crimina naturæ contraria licere nostris barbaros debellare.*
- 4 *Confutatio superioris sententia.*
- Responsio ad obiectiones pro expugnatione barbarorum.*
- 6 *De bello propter defensionem innocentium qui à barbaris trucidantur.*
- 7 *Quod omnia iam dicta de bello aduersus Indos non solum diuina, sed etiam regia lege firmentur.*
- 8 *Veterem & apostolicam Euangelizandi rationem nō posse exacte seruari inter barbaros.*
- 9 *Cur miracula in conuersione gentium non sunt nūc vt olim à Christi predicatoribus.*
- 10 *Quod etiam exiguo merito predicatorum, signorum parcitas aliqua ex parte attribucnda sit.*
- 11 *De predicatione inter eos qui fidem iam receperunt.*
- 12 *De expeditionibus necessarijs ad predicandum barbaris Euangelium.*

- 13 Quo iure Christiani expeditiones facere possint in regna barbarorum.
- 14 Quid in terris barbarorum Christianis liceat.
- 15 Quando liceat barbaris infidelibus bellum inferre.
- 16 De officio predicatoris Euangelici erga socios itineris.
- 17 Qualem se prestare debeat Christo seruus in conuersione infidelium.
- 18 De tribus impedimentis que conuersioni gentium maxime obstant.
- 19 Epilogus dictorum.

Libri tertij Capita.

- 1 Non esse questiones omnes tractandas ac deinceps de ciuili administratione differendum.
- 2 Barbaros fidem suscipientes ad curam ditionemque Principum Christianorum pertinere.
- 3 Non oportere falsos titulos comminisci dominatuum Indorum.
- 4 Quales administratores res Indica postulent.
- 5 Quam ob causam difficile inueniantur idonei rebus Indicis praefecti.
- 6 Non esse iniquum tributa Indos pendere administratoribus suis.
- 7 Improbantur tria genera tributa taxandi.
- 8 Vulgaris ratio tributa imperandi expenditur.
- 9 An propter reuocandos ab otio barbaros tributa grauiora imperanda sint.
- 10 Quis modus in tributis taxandis tenendus.
- 11 Causa ob quas Hispanis Indi commendati sunt.
- 12 Quod doctrinam fidei & moribus sufficientem patroni Indis susceptis praebereteneantur.

13 Quid

- 13 *Quid erga nondū baptizatos Indos patronis liceat.*
- 14 *De temporali prouidentia patronorum in suos.*
- 15 *Quam circumspecta onerosa leges fortunis Indorum indicenda.*
- 16 *Quid in confessionibus patronorum audiendis facer̃ doti prouidendum.*
- 17 *De seruitio personali Indorum.*
- 18 *De metallorum operatione.*
- 19 *Quibus modis salus Indorum per saculares ministros procurari possit.*
- 20 *De ebrietatis malo barbaris familiari.*
- 21 *Qua mala ex ebrietate oriuntur.*
- 22 *Quibus modis ab ebrietate Indi compesci queant.*
- 23 *De pratoribus Indorum.*
- 24 *Mores Indorū Christo nō repugnantes permittēdos esse & de concordia pratoris cum sacerdote.*

Libri quarti Capita.

- 1 *De excellentia sacerdotalis officij.*
- 2 *Inter Indos maximè sacerdotes prestare oportere.*
- 3 *Contra eos qui Indorum tarditatem accusant.*
- 4 *Contra eos qui peruersitatem morum Indorum fidei non recepta causam asserunt.*
- 5 *Messsem esse copiosam modo operarij idonei nō desint.*
- 6 *De peritiā Indicæ linguæ necessaria.*
- 7 *De Parochis Indici sermonis ignaris.*
- 8 *Quod quidā nō recte inscitie sermonis Indici cōsulāt.*
- 9 *Quod oporteat ad Indos venientes predicatores Indicum idtoma diligenter discere.*
- 10 *De scientia sacerdoti necessaria.*
- 11 *Oportere in nouo orbe aliquos esse præstātes Theologos*

- 12 Vita probitas in ministro Euangelij, quod & à Deo,
& ab hominibus requiratur.
- 13 Quod ij, qui inter barbaros versantur humanis ad
virtutem auxilijs sint destituti.
- 14 Quæ libidinis & auaritiæ incentiua occurrant.
- 15 Contra abusus Indicorum Parochorum.
- 16 De orationis præsidio Euangelizanti necessario.
- 17 De vita exemplo.
- 18 De beneficentia.
- 19 De correptione & disciplina.
- 20 Quid obseruandum in correptione Indorum.
- 21 De catechismo & catechista radio leuando.
- 22 De fructu ex catechizandis Indis sperando.
- 23 Quid restet de catechismo dicendum.

Libri quinti Capita.

- 1 Finis doctrinæ, Christi cognitio & dilectio.
- 2 Christi annuntiandi curam præcipuam esse debere.
- 3 Contra opinionem eorum, qui sine Christi notitia
posse aliquem saluum esse volunt.
- 4 Contra errorem illius, qui Christianos rudiores sine
fide explicita Christi aseruit posse saluari.
- 5 Quod præcepto cætera mysteria, quæ cōtinētur in sym
bolo, scire omnes Christiani constringantur.
- 6 De mysterio Trinitatis omnibus tradendo.
- 7 De mysterio Ecclesiæ tenendo.
- 8 Quid in extremo mortis discrimine Indi docendi sint
ut baptizentur.
- 9 De præceptis decalogi, & de idololatria barbarorum.
- 10 Contra idololatriam remedia.
- 11 De euertendis idolorum signis & templis.

- 12 De recta dilectione sui.
- 13 De dilectione proximi.
- 14 De catechismo vulgo Indorum necessario.
- 15 In instructione Indorum diu esse perseverandum.
- 16 An expediat parochias Indorū regularibus cōmitti.
- 17 Salutem Indorum societati Iesu pro viribus esse procurandam.
- 18 Cur multis videatur societas parochias Indorum debere suscipere.
- 19 Quae rationes à suscipiendis parochijs Indorum societatem deterreant.
- 20 Quae in suscipiendis parochijs moderatio adhibenda sit.
- 21 Missionum vsus in Ecclesia antiquus & frequens.
- 22 Missionum utilitates inter Indos.
- 23 Quod parochi missiones vtiliter & libēter accipiant.
- 24 Quid cauere oporteat in missionibus.

Libri sexti Capita.

- 1 Quatenus modo de sacramentis agendum.
- 2 Multa in his regionibus contra Ecclesiae consuetudinem geri.
- 3 De voluntate baptismo necessaria.
- 4 De fide & penitētia ad baptismi gratiam necessaria.
- 5 De ijs, qui se baptizatos vel negant, vel mentiuntur.
- 6 De sacramento cōfirmationis & illius materia.
- 7 De Eucharistia percipienda diuinū esse praeceptum.
- 8 Quod quāuis diuinū praeceptū sit de cōmunicādo, pos sit tamē Ecclesia pro iudicio suo cōmunionē negare.
- 9 Quod omnino expediat priore consuetudine emendata Indos fideles communicare.
- 10 Confutatio opinionis contraria.

- 11 De necessitate confessionis.
- 12 Confessionis usum Indis in sua superstitione fuisse.
- 13 De peritia Indica lingua confessionibus audiendis necessaria.
- 14 De prudentia sacerdotum & tolerantia.
- 15 Quod confessiones non sincere sunt, potius sacerdotum quam Indorum fieri culpa.
- 16 Contra errorem illius qui scripsit confessiones ab Indis esse tollendas.
- 17 Quas satisfactiones Indis iniungere oporteat.
- 18 De extrema unctione.
- 19 De sacerdotio.
- 20 De ritibus matrimoniorum apud Indos.
- 21 Quid agendum sit de coniugijs infidelium cum ad fidem Catholicam conuertantur.
- 22 De matrimonijs explicandis, & iuuenibus collocandis.
- 23 Quibus ex rebus Indorum salus maxime pendeat.


SALMANTICÆ.


Apud Guillelmum Foquel.

M. D. LXXXVIII.









Don't let your car sit idle.


19354435

19483168

tion et la

...the ...
...the ...
...the ...

Sept 1886



96

567